


六朝餘韻元

國立中央圖書館藏



王忠亮先生六朝餘韻序
余不佞仰淋先生久矣為其
多道也余又集在瀾不獲親矣
及旋石先生將行也則友人李全
之為余云展子禽介不見其賢
石無位先生著得困區石介之賢



耳。至穆及劉陶之治，行范甯之
興文，則莫不人樂有先生也。其
神以親民，故其誅足以移天，其精
以治己，故其化足以波土。邑人既
弘咏之，畫繪之，梓行之矣。其畫繪
者，余不及從，子牙後歌咏也。其心

梓行曰：六朝餘韻，余亟取而讀
之。似然，如有求而不得也。曰：大藝
情乎？紀而不紊，洋洋而有章。此
豈直為士子之格言，亦入友之
表，格陸公之說，累也。真可謂千
古而不羅，千古以上之胸者乎？

然則韻致淵快慧神秀絕何
筭乎而繫之以餘也毋以取法於
夜餘耶冬餘耶閏餘耶不佞乃
今而知有宵晷不可無餘夜有時
序不可無餘冬有歲功不可無餘
閏茲餘韻心由君手爰綴俚言石

六朝餘韻序

國家憲令大比三試寓內士首以經
義次論及表及判又次五策也試以
經義觀士之知解試以論表觀士之
問學試以判以策觀士之經濟夫士
有知解未必有問學有問學未必有
經濟故士三而試之舉士就公車無

逸才矣竝重典也

先生自琴川入吳興紹宋文通之文雅以一代憲令任屬踰越于朱絃徽乎清廟則既出所選勝曰明文鏡頌之學宮若者正始若者正宗若者大家若者羽翼若者為逸響渠蘖法律森然備具而徑義之狐白括于此矣

又慮士不練古嫻今無以問學經濟屬知解而就公車則於公餘之暇燃藜啟匱纂五經蒐諸子採百家之林述國朝訓典會而今以問類以聚既網舉目張復珠聯璧合命曰六朝餘韻先生自謂庶其昭明之餘佐我多士

亦輟公車韻學一班云爾夫是集曰
稽自天子儲貳公孤百官而下及庶
民天文地理禮樂兵農莫不博而致
之修而萃之舉而施之於問學經濟
何所不可已夫經義辟車之陸行論
表判策辟車之澤行陸之用眸澤之
用杼不相奪焉而無不有夫文鏡其

眸之輟手餘韻其杼之輟手車有輟
則活文有輟則遠先生以之而範我
馳驅先生其並命矣是惡得董又謂
韻學之一班乎余小子炯則謂夏生
之說苑新序王充之論衡茂先之博
物劉義慶之新語何以過此為一代
之需則為寓內重耳今寓內始幸郊

之季士爭刻意初場習與為內不習
為外以知解則優以問學以經濟戶
無傳為童多習為甚者矜相貴虛貴
清貴柔為鬼為怪厖廊臺閣無有焉
士有學古聚而嗤曰是不為入官者
耳自是而士之學公車者五董處一
而幾已其餘則絕響夫惟幾亡惟絕

響是故為今時之所需莫若先生之
餘韻重之于寓內也先生餘韻重于
寓內先生其以餘韻扶一代之憲令
乎抑不獨扶憲令於士亦先生餘以
自命先生絃歌足以愛民其精誠足
以格天歲大浸先生瘵乃身祈晴則
晴歲自六月至七月不雨苗乃槁矣

民薦饑矣先生曰是惡用余吏茲土
為不雨我將去雨則隨車歲大熟民
悅之夫先生以其餘韻造士則時雨
之化愛民則雲霓之望先生始將頡
頽手文通而與之為經國大業章憲
令典傳不朽此先生自謂餘韻炯亦
與先生為餘韻昔

萬曆甲寅之歲秋九日
建安通家晚學柯仲炯頓首拜撰



六朝餘韻分目

頌聖

四 洪武

永樂

洪熙

宣德

正統
天順

成化

弘治

正德

嘉靖

隆慶

萬曆

聖壽

古帝

九齡

銅狄

嵩呼

帝節四頌語

聖慶

立后

六宮

鳴玉

金環

褙衣

金根

椒房

璇宮

四妃

釐降

豕牢

脫簪

長門

NATIONAL CENTRAL LIBRARY, TAIWAN, R.O.C.

青鳥 圖形 政君 慶虫 捫天 當熊

辭輦 滔滔四頌語

建儲

黃離 齒學 太牢 吹銅 孟侯 前星

幼海 少微 重潤 青宮 鶴禁 瑤山

白魚 問寢 鮑魚 鳳笙 四皓 夢日

甲觀 博望 懇田 日近 抱毗 帝範

知農四頌語

公主

敷手 公主 弄玉 魯元 閔支 緇君

平陽 陽石 館陶 鄂邑 湖陽 求郎

沁水 新蔡 山陰 吳興 壽陽 太平

安樂四頌語

分封有考

桐葉 梓材 茅土 擁篲 設醴 鬼園

好書 璧經 八公 好內 空城 畱侍

為善 沛易 草書 蒼舒 格獸 七步

續貂 西錄 才語 巾箱 汚貂 籤帥

錢愚 芳林 看屋 清音 瀝血 華萼

四頌語 謝帶 謝布 謝馬 謝米 謝袴

謝燈 謝曆 謝晷 謝魴 謝詩 謝序

元旦 端午 中秋 重陽

國家圖書館, NATIONAL CENTRAL LIBRARY, TAIWAN, R.O.C



六朝餘韻卷之一

海虞王良臣患虎父編纂
同邑姚宗儀鳳來父增定
男 王運昌道符父叅訂
門人李之才全之父校梓

頌聖

太祖高皇帝

躬膺曆數。手闢乾坤。高飛淮甸之龍。遠逐胡元之鹿。復
帝王已淪之土宇。運撫重華。還天地自有之經常。祚延
奕葉。



一元開值。三才首君。黃河爲聖人清。開上祥於天壤。金陵有天子氣。應符命於周秦。火流王屋。天威親犯白旄。冰合滹沱。事後無忘麥飯。倚中原之鹿。捷足爭先。闔于野之龍。神謀盡瘁。赤羽日白。羽月。屢清江表之氛。謀臣雨。武臣雲。一洗胡天之穢。

天祚之運。日毓其精。收中原蒼庶於一檄。十行之中。劃上世洪濛於卑騎三尺之上。自北自南。自西自東。固已無思不服。欲高欲下。欲左欲右。蓋亦取順不違。

成祖文皇帝

道通三極。功冠百王。煥乎文章。聖之作而明之迹。不哉

承顯。武爲緯而文爲經。

道合聖神。功成文武。龍飛冀北。百戰明幹。蠱之心。馬放淮南。九服戴威。乾之主。配天祀。夏爲肖子。於人間。定難持。傾答高皇於天上。紫宸端拱。炎海來王。

天授雄資。守成兼乎創業。心通大始。偃武繼以崇文。編性理大全。而衆技之支離盡斥。緝文華寶鑑。而諸王之模範攸存。

運鍾下武。德懋重華。內難削平。冀北演大橫之兆。漢文初封

代王諸呂迎立卜之龜兆得大橫古曰大橫庚庚余爲天王夏啟以光乃即天子位外攘脩舉。慕南空老上之庭。老上音稽育卑于號作君作師。駿業奠幽燕之隅。

饗親饗帝。鴻猷脩禮樂之宗。

仁宗昭皇帝

監國留都。先沾惠澤。養蒙榮闈。快覩光儀。咨詢五佐。鳳凰叶應於梧桐。惇睦二王。鴻鴈依輝於花萼。

宣宗章皇帝

綏猷清穆。受命溥將。憂民情見乎豳詩。勤勞稼穡。招隱思深於蘭操。繾綣繫維。不享修文。威足鞭笞四夷。而交南是棄。止戈爲武。恩以銷弭七國。而趙邸永存。纂御書首重五倫。制兼明聖。頌臣鑒折衷歷代。學貫古今。仁武當天。英明御宇。橫戈探虎穴。玉關并沙漠。銷塵拔

劍舞龍泉。鐵騎向喜峰。奏凱芟哈夷。平漢庶誦干戈載戢之章。餞太液。賦文淵。作君臣相悅之樂。遐陬來玉帛。列宿環拱於中樞。秘省集夔龍。八座輝躔於北斗。量並乾坤。明同日月。罷銀礦以疏衛士。法大舜之藏金。勒酒諭以警官常。紹神禹之惡旨。寬被誣於林碩。而遠刑人。近正人。却竒獸於李隆。而賤異物。貴用物。禾鋤當午。耕耘夙屢於聞詩。雪賦有秋水。旱益軫於艱食。獻德乃文。嘉言必史。詠猗蘭而搜隱逸。宛如俊乂旁招。開太液而燕元僚。藹若嘉賓是貺。春和下蠲除之詔。軫念閭閻。日食却請賀之封。祗肅象緯。

正統
大順

英宗睿皇帝

孝承大母晨趨聽長樂之鍾禮接老臣晝訪命延英之席

駕遊汾水崆峒駐采仗之遙卦在明夷海隅仰義輪之出殄姦雄於輦下徵遺逸於山中

成化
憲宗純皇帝

靈鍾元始會際亨嘉重農事而耕籍田光生秉耒振儒風而臨大學懽動園橋用天子之禮祀素王載加樂舞以進士之科羅髦俊八舉臨軒輯文華大訓之書父德隆而子德益茂成緡日續編之史君道立而師道兼存

嘉靖

六奇對敵電掃龍堆八陣御師霜清象郡

孝宗敬皇帝

聖修謙抑天縱端凝運乾緡首屏梨園之技廓聖德旋寬豸史之囚召對文華舉裕陵累朝之曠典特臨煖閣修英廟希覲之盛儀威行徼外土魯頰首以扣玉關仁及俘餘陝巴戢容而擁金印

堯湯神武舜禹儉恭驅虜平夷鏘鋒烟於四塞簡賢察吏頓緡紀於八紘日勤旃屢橫經聽儒碩之規時御燕朝召對納家鄉之請

正德
武帝毅皇帝

六日餘員卷之一

敬承七廟。孝協兩宮。燭幽隱之邪謀。同明離照。靖宗藩之大變。獨斷乾綱。

世宗肅皇帝

龍飛漢廣。無殊代來。八帝之年。符應河清。詎止日中有王之瑞。春秋鼎富。熟知中外之情。雲漢毫橫。不假左右近習。首定禮樂。大闡政刑。常武命師。萬里威騰。塞上爰立任相。九重春滿。禁中革四瀆之封章。天地正位。表仲尼之廟號。今古推尊。方澤園丘。郊社一秉乎周禮。明堂大享。宗祀特秩乎獻皇。

心涵造化。德協神明。當聖作物觀之期。鍾海晏河清之瑞。惠鮮以保赤子。艱難常軫於歲時。齋戒以答玄穹。對越不忘於夙夜。

五馬符祥。六龍馭吉。起銀潢於沔漢。四海為家。攬玉牒於幽燕。八荒在闡。撤籓籬以恢帝度。洞啟重門。蒐奧竅以佐皇猷。寵孚先室。掃門庭之寇。義廬絕幕。夜生寒。總官府之權。部屋窮簷。春藉煖。

穆宗莊皇帝

天之覆大。日不遺微。青震久儲。脩悉彫民之疾苦。紫宸載御。深知大業之艱難。錄先朝諫議。遷謫之臣。梧掖松廳。生色。清內府錢穀。收支之數。稷狐社鼠。銷魂。撤高玄

之額而祠祀清。罷玉英之供。而典禮肅。修明六府。安養九邊。

今上皇帝

道登聖域。化擾王馳。隆孝養於兩宮。晨鍾長樂。勤咨詢於三事。晝漏金華。拓地軸以登皇。樹威稜於警異。掩天紘而踐帝。開昌錄以玄同。

聖神天縱。德業日新。赫赫明威。狐鼠魂銷。城社糾糾。雄斷海山。風靜鱗柯。平三大難。以亨屯。持一小心。而當泰。穹慈徧覆。曦照窮微。賜劍靖三垂。禊掃涿州之霧。頒金賚中土。薰披瀉水之風。恭已垂衣。能以深宮。而見節屋。

虛衷求瘼。不因逆耳。而廢轉圜。

望治切馭朽之懷。風行禪海。臨民軫推溝之視。露覆窮簷。偶因兩宮三殿之游。災計必四海九州所共。惻謂採砂。係生成之利。或者無病於民。謂權稅卽平準之遺。亦將有利於國。豈意奉行太過。况兼科派多端。異寶千箱。祇潤噉肝之橐。新絲萬縷。誰憐剝肉之悲。怨讎叢生。災祲狎至。雷火交轟。於陵寢。朱鳥朝。騫騰。螭並集。於松楸。紫蜺夜落。

聖壽

庖犧氏母華胥。履大人跡。生庖犧於成紀。神農母女登。

感神龍於常羊。生炎帝。黃帝母附寶見大電繞北斗。樞星照郊野。孕二十月。生黃帝於壽丘。少昊母女節。大星如虹。下流華渚。感而生昊。是謂玄囂。顓頊母景僕。又謂女樞。瑤光星貫月如虹。生顓頊於若水。首戴干戈。堯母慶都出觀三河。奄然陰風。赤龍與慶都合。生堯。舜母握登。感大虹。生舜於堯墟。禹母有莘氏曰志。一曰女狄。是爲修己。山行見流星昴。又吞神珠。慧苾胸坼而生禹。契母有絨氏。閭狄吞燕卵而生契。稷母姜嫄。履大人跡。生稷。湯母扶都。見白氣貫月。以乙日生湯。故名履。字天乙。劉季母含始。遊浴池。有玉鷄銜赤珠。刻曰玉英。吞此者

王舍始吞之。生高祖。

夏后生塗山。文王生岐山。武王生元氏。神農生石穴。堯生丹陵。一曰生石乳。禹生石紐。啟生碓石。

周武王夢帝與我九齡。文王曰。我百。爾九十。吾與爾三焉。

薊子訓與一老翁。共摩挲銅狄。曰。遼見鑄此。今已五百年矣。

漢武登高山。聞呼萬歲者三。

唐明皇開元十七年。帝誕。右相張說率百官。願以八月五日爲千秋節。誕日建節。始此。張九齡上千秋金鑑錄。

以伸諷諭。天寶後改天長節。肅宗地平天成節。九月代

宗。天興節。十月十三日文宗。慶成節。十月十日武宗。慶陽節。六月十二日懿

宗。延慶節。二月二日順宗。聖壽節。僖宗。應天節。八月五日昭宗。嘉

會節。二月二十二日哀帝。延和節。十月十三日梁太祖。大明節。十月十一日末帝。

明聖節。九月十二日後唐明宗。應聖節。九月九日清泰帝。千春節。晉

高祖。天和節。二月廿八日出帝。啟聖節。六月廿七日後漢高祖。聖壽節。

二月四日隱帝。嘉慶節。三月七日周太祖。永壽節。七月廿八日世宗。天清

節。九月十四日恭帝。天壽節。八月四日宋太祖。長春節。二月十六日太宗。乾

明節。十月七日後改壽寧節。真宗。承天節。十二月二日仁宗。乾元

節。四月十四日英宗。壽聖節。正月三日神宗。同天節。四月十日哲宗。興龍

節。十二月七日生避僖。徽宗。天寧節。十月十日欽宗。乾龍節。

四月十三日高宗。天申節。五月廿一日孝宗。會慶節。十月廿三日宗。天基節。

宗。重明節。

四六
頌語

玄極疑符。旭日動龍樓之曉。紫宸介壽。昌辰應鳳曆之

禎。開閭闔於九天。香飄華蓋。拜冕旒於萬國。彩煥金莖。

聖主當乾。感瑶蜺而毓秀。皇天啟泰。飛青鳥以來賓。雖

蓬萊方丈。未航弱水三千。而長樂未央。共讚皇圖億萬。

報鷄人於西國。海籌添碧。落班中儼鵠立於東郊。芝蓋

駕紅雲。影裏御爐瑞靄生春。寶錄衍北樞之緒。清禁祥

烟啟曙。袞衣映南極之光。鏘珂珮於帝居。簇珠纓於仙

仗鈞天九奏。律和儀鳳之庭。高嶽三呼。聲動流虹之渚。接黃帝推策迎日之統。以莫不增。過周王定鼎卜年之期。自今伊始。我百爾九十。何啻夢齡之期。心一。臣三千。共效齊天之祝。

李君下空而入夢。神人捧日以寘懷。陋鸞佩之後宮。空陳興慶。卑玉卮之前殿。曷數未央。

臣漢殿稱觴。竊慶瑤池之宴。石渠珥筆。殊慙金鏡之詞。幸假熊馮。嘗陪獸舞。河千里一曲。雖遠京師。亥二首六身。但欣歲紀。曉望五雲之彩。阻班賀於西清。夜占列宿之文。喜輝騰於南極。

聖慶

立后

昔帝嚳四妃。以象后妃四星。一明者正妃。二小者次妃。堯因焉。舜不立正妃。但三妃而已。夏增三三而九。合十二人。殷又增三九二十七。合三十九人。周又三九二十七。為八十一人。合百二十一人。故禮曰古者天子后立六宮。三夫人。九嬪。二十七世婦。八十一御妻。以聽天下之治內。當夕之數十五日一周焉。后一夕三夫人。一夕九嬪。一夕二十七世婦。三夕八十一御妻。九夕

漢自后夫人外。又有美人。視二千石比少上造良人。視八百石比左庶長八子。視千石比中更七子。視八百石比右庶長長使。視六百石比五大夫少使。視四百石

比公武帝加置視婕妤上卿比列侯媵娥武帝加置視中二容華武帝

加置視真二千石比大上造充依武帝加置視昭儀元帝加置位視

五官視三順常視二儻洎共和視有秩娛靈保林良使夜者皆

百石上家人子中家人子視有秩其太子妃有良娣有孺

子妻妾凡三等皇孫妻妾無位號皆稱家人魏武因西

漢置夫人昭儀婕妤容華美人文帝增貴嬪淑媛修容

順成良人明帝增淑妃昭華修儀又有女尚書典省外

奏事劉宋孝武置貴妃貴嬪貴人以爲三夫人陳後主

有女學士典詩賦唐內官有惠妃麗妃華妃三人正一

淑儀德儀賢儀順儀婉儀芳儀六人正二美人四人正三

品才人七人正四

古者后夫人將侍君側息燭至於房中釋朝服襲燕服

然後入御於君鷄鳴太史奏鷄鳴於陛夫人鳴佩玉於

房中告去也然後應門擊柝告闕也

后妃群妾以禮御於君所女史書其環以進退之生子

月辰則以金環退之當御者著於左手左手陽也以當

就男既御著於右手右手陰也御而復故○戚夫人以

百鍊金爲彙照見指上骨上惡之以賜伴兒鳴玉耀光

等各四枚

周禮內司服掌禕衣褕狄闕狄鞠衣展衣緣衣皇后禕

衣夫人綸狄。

金根漢制。皇后法駕。金根車。玉輅輦。

椒房皇后稱椒房。取其實蔓延盈升。以椒塗室。取溫暖。祛惡

氣。猶天子朱泥殿上曰丹墀。

掖庭班固西都賦。後宮則掖庭椒房。后妃之室。合歡增城。班婕妤

倚居增城宮安處常寧。漉若椒風。披香發棧。林蘭蕙草。鴛鴦

飛翔之列。張衡西京賦。後宮則金肥玉塔。彤庭輝輝。

璇宮少昊母女節曰星娥。處璇宮。

四妃帝嚳卜其四妃之子。皆有天下。元妃有卽氏女姜嫄。生

稷。次妃有娥氏女簡狄。生契。次妃陳鄴氏慶都。生堯。次

妃訾陬氏女常儀。生帝摯。

黃帝妃方雷氏。生玄囂。為青陽。少昊妃嫫祖。生昌意。妃彤

魚氏。生夷鼓。妃嫫母。生蒼林。嫫母貌醜而賢

尚書。釐降二女于滄汭。嬪于虞。娥皇無子。女英生商均。

又納益比。生二女。宵明。燭光。一云舜納三妃。生九子。

太任。洩于豕牢。而生文王。

象年周宣王夜卧。晏起。姜后脫簪珥。待罪永巷。

長門漢武陳皇后失幸。居長門宮。愁悶悲思。聞蜀司馬相如

天下工為文。奉黃金百斤。為相如文君取酒。因乞解悲

愁之詞。而相如為長門賦。以悟上。後復得幸。

青島
鈞弋夫人。又名拳夫人。卒殯。香聞十里。葬雲陵。起通靈臺。嘗有青鳥集其上。發冢開視。空棺。惟衣履存。拳夫人。卽昭帝母。

李延年。侍漢武。起舞。歌曰。北方有佳人。絕世而獨立。一顧傾人城。再顧傾人國。豈不知傾城與傾國。佳人難再得。帝太息曰。世豈有此人乎。平陽主因言延年有女弟。上召見。嬖之。生昌邑王李夫人。卒。上憐愍。圖其形于甘泉宮。

漢元皇后傳。昔春秋沙麓崩。晉史卜之。後六百四十五年。宜有聖女興。今王翁孺生。禁爲廷尉史。本始二年。生女政君。卽元后也。元后在家。嘗有白燕嚙白石。墜績筐中。后剖爲二。其文曰。毋天地。

後漢明德馬后。伏波女。先是數日。夢有小飛虫無數。附身入膚中。旣正位宮中。愈自謙肅。帝每幸之。輒曰。陛下雲雨之澤。潤及後宮。使陰陽和順。示不偏也。

後漢鄧皇后。嘗夢捫天。若有鍾乳狀。乃仰漱飲之。以訊諸占夢。言堯舜攀天而上。湯夢及天而喅之。吉不可言。后志在典籍。家人號曰諸生。母嘗非之曰。汝更務學。寧當舉博士耶。

漢元帝幸虎圈。觀鬪獸。熊逸。攀檻欲上。馮婕妤直前當

熊而立。

漢成卽位。班婕妤居。增城宮。上嘗欲與婕妤同輦。辭曰。觀古圖書。賢聖之君。皆有名臣在側。三代末主。乃有嬖妾。今欲同輦。得無似乎。上善其言而止。

宋英宗於仁宗為侄。宣仁於光獻為甥。幼同養禁中。一

日。仁宗謂光獻曰。吾夫婦老矣。無子。舊養十二英宗行第滔。

滔宣仁小字各已長。朕為十三。后為滔滔。主嫁娶。時宮中謂

天子娶婦。皇后嫁女云。後宣仁垂簾。登用者。舊復祖宗

法。稱女中堯舜。

易十八變。上乾坤而下咸恒。詩三百篇。肇關雎而應麟。

四六頌詩

趾合由天作。治自家齊。爰及姜女。思幽七月之艱難。娶于塗山。纘禹百年之勤儉。燕嚙石字漢元后。戶入玄雲堯母。化行金匱。固欲揚王者之風。養脩璇宮。又將教天下之孝。臣傾心葵日。屬耳椒風。乏曹植之材。安能獻毋儀之頌。考張華之作。但知頌帝則之歌。

建儲

易黃離元吉。象曰。明兩作離。大人以繼明。照于四方。又

游雷震。震驚百里。不喪七鬯。出可以守宗廟社稷。以為

祭主。王器莫若長子。故受之以震。

記行一物而三善皆得者。惟世子而已。其齒於學之謂

也。其一。知父子之禮。其二。知君臣之義。其三。知長幼之節。一人元良。萬國以貞。世子之謂也。

太宰

國君世子生。告於君。接以太宰。宰掌具。左傳。九月丁卯。子同生。以太子之禮舉之。接以太宰。士負之。士妻食之。公與文姜宗婦命之。

吹銅

大戴禮。古者胎教。王后腹之七月。而就宴室。太師持銅而御戶左。太宰持升而御戶右。及其生。太師吹銅而御戶。注。銅律也。吹之以和氣。尚書太傅。太子年十八。曰孟侯。孟侯者。於四方諸侯來朝迎於郊。問其所不知也。

孟侯

前星

幼海

少微

重潤

青宮

鶴禁

瑤山

心之大星。天皇也。其前星。太子也。後星。庶子也。

山海經。無臯之山。南望幼海。注。幼海。少海也。

少微星。一名處士星。儲君副王之宮。

漢明帝為太子。樂人作詩四章。以贊太子盛德。曰。日重光。月重輪。星重輝。海重潤。

神異經。東方東明山。有宮。青石為牆。向一門。門有銀榜。以青石碧鏤。題云。天地長男之宮。

漢宮闕。白鶴太子所居之地。凡人不得輒入。故云鶴禁。

山海經。西海之外。有瑤山。太子長琴居之。

頤頤生老童。老童生祝融。

祝融生

長琴

白魚

尚書太子發。升於舟中流。白魚入於舟。

問禮

文王為世子。朝於王季。日三鷄初鳴而衣。至於寢門外。問內豎之御者曰。今日安否。何如。內豎曰安。文王乃喜。日中又至。亦如之。及暮又至。亦如之。

鮑魚

賈誼書。文王使呂望傳太子發。嗜鮑魚。望不與。曰鮑魚不登俎。豈有非禮而可養太子哉。

鳳笙

周靈王太子晉。好吹笙。作鳳鳴。伊洛之間有道士浮丘伯。接以上嵩山。晉一作喬

四時

漢高欲廢太子。立趙王如意。張良畫計。曰願上不能致

者四人。厚禮迎至。則一助也。於是四人至。與太子遊。上

指視戚夫人曰。羽翼已成。難可動矣。

漢景為太子。王夫人夢日入懷。太子曰。此貴徵也。未幾

生武帝於猗蘭殿。

甲觀

漢成帝生甲觀畫堂。

顏師古曰甲者甲乙之次。猶元后傳見於丙殿是也。而應氏以為在

宮之甲地。謬矣。畫堂但畫飾耳。

居桂宮。元帝嘗急召太子。出龍樓門。

樓門上。有龍不敢絕。馳道西至直城門。得絕。乃度還入作室門。

上遲之。問其故。以狀對。上大悅。乃著令太子得絕。馳道

漢武衛皇后生戾太子。據上立博望苑。使通賓客。

東漢建武時。天下墾田不實。詔下州郡檢其事。帝見陳

留史牘。上有書曰。潁川弘農可問。河南南陽不可問。帝詰吏。抵言於長壽街得之。帝怒。時明帝年十二。在幄後。曰。吏受郡敕。當欲以墾田相妨耳。帝曰。卽如此。何故言河南南陽不可問。對曰。河南帝城多近臣。南陽帝鄉多近親。田宅踰制。不可爲准。帝詰問。首服如明帝言。立爲皇太子。師事博士桓榮。學尚書。

晉明帝數歲。在元帝坐時。有人在長安來。帝謂曰。爾言長安遠。日遠。明帝曰。只聞人從長安來。不聞日邊來。日固宜遠。明日群僚並集。帝更問。乃云日近。帝失色。謂何與。昨語。昱答曰。舉頭見日。不見長安。

抱毗

魏文帝與陳思王爭爲太子。旣而文帝得立。抱辛毗頸而喜曰。辛君。知我喜否。毗以告女憲英。憲英嘆曰。太子代君王宗廟社稷者也。代君不可不戚。王國不可不懼。宜戚而喜。何以能久。

帝範

唐太宗賜帝範十二篇於太子。曰。修身治國。備在其中。梁劉孝標詩。延賢博望苑。視膳長安城。園綺隨金輅。浮丘侍玉笙。知囊前斂笏。端士後垂纓。

知囊

西六願語

斗揭柄於子躔。式對履長之慶星。重輝於甲觀。肇開震索之祥。莞簟之寢旣安。弓韉之詞屢應。厥配天所以久長。乃有子至於千億。弓韉嗣燕媒之報。

旒。旟。仍。噩。夢。之。祥。方。觀。椒。實。之。繁。永。保。桑。苞。之。固。宜。君
宜。王。願。嗣。穆。穆。皇。皇。之。詠。丕。承。丕。顯。且。賡。繩。繩。蟄。蟄。之
詩。回。馳。道。之。車。能。止。班。輪。之。驚。辨。南。陽。之。牘。允。符。東。海
之。休。岐。嶷。表。於。天。姿。符。彩。彰。於。神。授。顯。膺。寶。冊。升。位。春
宮。臨。軒。行。曠。古。之。儀。見。廟。示。承。祧。之。重。當。周。室。本。支。之
盛。獨。冠。百。男。宜。漢。家。羽。翼。之。成。無。煩。四。皓。河。潤。九。里。方
率。族。以。依。仁。月。有。重。輪。願。登。歌。而。薦。祉。

明月西流。幼有文章之敏。羽籥東序。長備元良之德。非

假二踈。踈廣。踈受。寧勞四皓。虎賁辱其經學。桓榮弟子何湯。擢虎賁中郎將。

將授明帝尚書。知囊晁慚其調護。豈止博望延賓。壽春能賦。問

疑棗據書戒馬陵

太簇宣和。驗飛灰之應律。少陽拱極。燦若木以交輝。乾
九四之潛德。震一索之長男。問寢鷄鳴。紫禁耐烟花之
晚。賓賢鴻翼。皓眉峙雪栢之堅。

三善昭德。載祀之祚克昌。一人元良。邦貞之圖永固。道
高上嗣。業冠孟侯。將使東極。長男之宮。不獨銘於銀榜。
南皮太子之序。豈徒擅於金牌。

入侍四公。西京見美。長壽一察。漢明帝察長壽街吏牘。東漢流名。

魏擊之悟篋衣。事關戰國。孫登之愛田苗。義屬偏霸。孫

子登出獵不恐踐田苗。

巽命承華。紹萬年而王。豐隆雲絢采。呈五色以當陽。繼離出震。率土咸瞻。就日望雲。普天胥慶。國以長君為福。大本定而儲位素明。天惟有德是親。和氣交而純禧立至。符徵軒錄。疑葩蓋之亭亭。黃帝與蚩尤戰常有五色雲止於上如葩因作著號紀金山。覩官師之濟濟。黃帝受命金山有雲瑞故以雲紀官龍成五彩。鳳應九韶。識帝王之有真。見穹窿之垂象。慨西京擁篲。僅逃鼎俎之紅。東海嗣藩。枉嘆頭鬢之白。六月四日之傳。奚關顧命。太白經天之紀。祇數彝倫。唐中宗神龍四年六月四日宮中傳制立溫王重茂為太子乃安樂公主與上官昭容所私草者又高祖武德九年六月丁巳太白經天已未復經天太史令傅奕奏太白見秦分秦王世民宜有天下帝以狀授王王遂伏兵殺太子建成

茲者臨軒冊立。六飛躬御。天安。詹府圖呈。五色雲生日上。紅紫排空。恍映袞龍袍上彩。玄黃麗漢。疑分棲鳳閣中烟。

乾德方亨。主麗耀前星之彩。坤靈允順。流虹徵少海之祥。昌鶴禁以呈華。紹龍軒而協德。六符保泰。慶帝緒之無疆。四海謳歌。戴吾君之有子。竊惟殷后。兆休襟燕。長發斯徵。周王叶夢。維熊胤祚。是錫故胎。教每端絃誦。而始生先射。桑蓬育德。胄宗禮樂。謹中和之節。建儲繼體。春秋嚴冢。嫡之傳。豈徒視膳問安。長奉天顏之喜。抑且撫軍監國。左傳行則撫軍守則監國古之制也茂隆邦本之貞。慨羽翼之

成乃遺憂於赤鼎。矧翬翟之踐。竟抱蔓於黃臺。

唐建寧王倓為

張良娣諳死時廣平王倓有大功亦為后所諳李泌與肅宗語倓事曰陛下嘗聞黃臺瓜辭乎高宗人子長曰弘后鶴殺之立次子賢賢懼作黃臺辭曰種瓜黃臺下瓜熟子離離一摘使瓜好再摘使瓜稀三摘猶自可四摘抱蔓歸而賢終為高后斥死資善堂請吉人雖極

一時之選。

宋祥符九年築室元符觀南曰資善堂為太子講學之所

萬歲巷翩翩公

主詎堪三代之長。茲惟金純玉粹。爰養正於蒙泉。謨顯

烈承式。培仁於豐水。椒塗襲慶。蘭殿發祥。神聖本無意。

震一索而得男。帝王自有真。離兩作而明繼。青宮肇啟。

千秋玉宇生輝。紫署弘開。萬載金輪永奠。臣等下質。僅

能懸悅。微才終媿。佩鱗業忝伊姜。素負疑丞之託。心同

丙魏莫酬阿保之功。既沾寵於鸞班。復觀光於虎幄。幸聞樂府。奉重暉。重潤之音。請合輿情。上俾熾俾昌之壽。伏願芑謀不震。瓜瓞孔綿。本支百世。衍螽斯麟趾之祥。君子萬年。具既醉鳧鷖之福。

公主

娥皇女英。

堯女

敷手。

舜妹

霄明。燭光。

舜女

周武王女。嫁陳。未有封號。至周中葉。天子嫁女於諸侯。使諸侯同姓者。王之。故謂公主。漢制。帝女為公主。帝姊妹為長公主。帝姑為大長公主。後漢制。皇女封縣公主。諸王女。封鄉亭公主。

秦女
魯元

秦女弄玉嫁簫史。教玉吹簫。作鳳臺。皆隨鳳飛去。
漢張敖尚惠帝姊魯元公主。有女。惠帝既立。呂后欲為重親。以公主女配帝。又列仙傳。朱仲會稽販珠人。高后時。獻三寸珠。魯元公主私以七白金從仲求珠。仲獻四寸珠。

漢

漢婁敬和親計。曰。陛下誠能以嫡公主妻單于。單于必慕。以為朋支。生子必為太子。豈曾聞外孫敢與大父抗哉。○漢元封中。遣江都王建女細君為公主。妻烏孫。烏孫昆莫以為右夫人。公主至其國。自治宮室。昆莫年老。言語不通。公主悲愁。自為作歌。天子聞而憐之。

細君

平陽

孝武衛后。字子夫。為平陽王謳者。帝過平陽。王既飲。謳者進。帝獨悅子夫。帝起更衣。子夫侍尚衣軒中。得幸。還坐。甚忻。賜平陽王金千斤。子夫上車。王拊背曰。行矣。強飯。勉之。即貴。願無相忌也。

陽石
館陶

漢公孫賀。字敬聲。與陽石公主私通。○董偃與母賣珠於館陶公主家。為公主羅遇。武帝呼為主人。公而不名。昭帝始立。年八歲。帝長姊鄂邑。蓋長公主。居禁中。共養帝。蓋公主私通客河間。丁外人。上與大將軍聞之。不絕。有詔。侍長公主。

湖陽

東漢董宣為洛陽令。湖陽公主蒼頭。白日殺人。匿王家。

及主出。奴驂乘。宣於夏門亭候之。叱奴下車格殺之。主因還宮。訴光武。光武大怒。召宣欲箠殺。宣叩頭曰。陛下聖德中興。而縱奴殺良民。何以治天下。臣不須箠。請得自殺。即以頭擊楹。流血被面。帝令小黃門扶之。使叩頭謝。主宣不肯俯。帝強使項之。主曰。文叔爲白衣時。藏亡匿死。吏不敢至門。今爲天子。威不能行。一令乎。帝大笑曰。天子不與白衣同。又主新寡。帝與共論朝臣。微觀其意。主曰。宋公威容德器。群臣莫及。後宋弘被引見。帝令主坐屏風後。因謂弘曰。諺言貴易交。富易妻。人情乎。弘曰。貧賤之交不可忘。糟糠之妻不下堂。帝顧主曰。事不

諧矣。

湖陽公主
光武姊

後漢。館陶公主。爲子求郎。明帝不許。而賤錢千萬。謂群臣曰。郎官上應列宿。苟非其人。民受其殃。

沁水

後漢。竇憲女弟。爲皇后。憲恃宮掖聲勢。遂以賤直請奪沁水公主園。唐。崔湜。長寧公主東莊侍宴詩。沁園東郭外。宸駕一遊盤。席臨天女貴。林接近臣歡。又李適詩。歌舞平陽第。園亭沁水林。山花添聖酒。澗竹繞薰琴。又李乂詩。平陽館外有仙家。沁水園中好物華。地出東郊迴日馭。城臨南斗度雲車。

新蔡

宋廢帝劉子業。以文宗第十女新蔡公主爲貴嬪。改姓

謝氏以武賁鉞戟鸞輅龍旂。出警入蹕。矯言公主薨。空設喪事焉。

宋山陰公主

子業妹

淫恣。謂帝曰。妾與陛下俱託體先帝。

陛下後宮數百。妾惟駙馬一人。帝乃為立面首左右三十人。窺見褚彥回。悅之。以白帝。帝召彥回。西上閣宿十日。公主夜就之。備見逼迫。謂曰。君鬚髯如戟。何無丈夫意。彥回曰。回雖不敏。何敢首為亂階。

宋王偃尚吳興長公主

武帝第二女

常裸偃縛庭樹。時天夜

雪。噤凍久之。偃男王藻尚臨川長公主

文帝第六女

主性妬

而藻別愛左右人吳崇祖。主譖之廢帝。藻下獄死。明帝

每疾之。使盧通之撰妬婦記。左光祿江湛孫敷當尚武。帝女。明帝乃使人為敷作表讓婚。曰。伏承詔旨。當以臨海公主降嬪。榮出望表。顧審鞫蔽。伏用憂懼。自晉氏以來。配尚王姬者。如王敦懾氣襄城公主。桓溫斂威南康公主。真長佯愚以求免。子敬多足以違禍。王偃無仲都之質。而保雪於壯階。何瑀闕龍陽之姿。而投軀於深井。謝莊殆自害於矇叟。殷冲幾不免於強鉏。彼數人者。非無才意。而吞悲茹氣。無所逃訴。制勒甚於僕隸。防閑過於婢妾。聲影裁聞。則少婢奔迸。裾袂向席。則醜老叢來。左右整刷。以疑寵見嫌。賓客未冠。以少容致斥。又竊聞諸王聚集。

惟論夫族。或云野敗去。或云人笑我。傷理害義。難以具聞。以臣凡弱。何以克堪。若恩詔難降。披請不申。卽當刊膚剪髮。投山竄海。帝以此表。遍示諸主。以諷切之。并爲戲笑。

壽陽宋武帝女壽陽公主。人日。卧於含章簷下。梅花落公主額上。自後有梅花粧。

太平唐太平公主。則天后女。儀鳳中。吐蕃請主下嫁。后不欲棄之。夷乃築宮如方士薰戒。以拒和親事。久之。主紫袍玉帶。歌舞帝前。帝及后大笑曰。汝不爲武官。故爾。主曰。以與駙馬可乎。帝擇駙馬。尚之。

案安樂公主嫁武崇訓。光艷動天下。侯王柄臣。皆出其門。嘗作詔。請帝署可。帝笑從之。與太平公主俱開府納貨。售官。降勅。墨斜封。授之號。斜封官。

四六
韻語唐女嬪瀉。書叙降。登之美。周姬適齊。詩詠蕭雝之歌。昆山西峙。爰有夜光。漢水東流。是生明月。公主稟靈。宸極資和。天地自然。秘遠若上元之隔絳河。直置清高。艷姮娥之依桂樹。令淑之至比。光明於霄燭。幽閒之盛。匹穠華於桃李。致蕭雝於車乘。成好合於瑟琴。立行潔於清冰。抗志高於黃鸝。

分封

人皇業分九區。軒后復分州畫野。並建萬國。唐虞以來。執玉帛者萬國。周封國數百。而同姓五十餘。總之公侯伯子男。凡五等。其後互相吞併。見於春秋經傳者。僅百七十國。而五伯總其盟。戰國併而為七。秦姍三代。盪滅古法。而子弟為匹夫。故周過其歷。而秦不及期焉。漢封功臣百餘邑。王子弟。大啟九國。驕恣僭逼。遂至七國連兵。於是詔諸侯王分王子弟。齊分為七。趙分為六。梁分為五。淮南分為三。犬牙相制。土力大屈。光武去王為公。後復稱王。既不侈縱。而復尊經受學。且東平以將軍居巢。

以大尉。子以司空。並列三公。親賢並建。亦猶行古之道也。魏踈骨肉。爵惟空名。晉八王樹兵。自相魚肉。五胡乘之。而晉祚斬矣。宋齊梁陳。惟逞伎害。子孫復自相屠。至乞為奴。緩須臾無死。不可得。唐廣封宗室。凡九等。親王郡王國公郡公縣公縣侯縣伯縣子縣男宋本漢非劉不王之制。又踵唐制。聚京師。設睦親宅。敦宗院。靖康之難。太宗子姓畢北遷。惟太祖子孫。以散處得全。完顏亮南侵。宗室在北者。畢殲焉。而不出閭之禍。極於此。終宋無分封。至航海。始議分二王於閩廣。晚矣。我太祖定制。皇子封親王。歲祿多者。

至五萬石。

親王子封郡王歲祿二千石俱嫡長襲郡王諸子鎮國將軍祿千石孫輔國將軍祿八百石魯孫奉國將軍祿六百石代而降鎮國中尉輔國中尉奉國中尉祿二百石無不封者

當是時天子都金陵去塞垣遠虜出沒難制於是封成祖於北平為燕王歷漁陽出喜峰包大寧為寧王跨遼並海為遼王接古北口更上谷居庸鴈門為谷王代王雁門而南大原其都會也為晉王歷延慶倚賀蘭為慶王兼殺隴理周秦故地為秦王領張掖酒泉護西域為肅王是九王者實亘三垂而周王開封齊王青州譚王長沙楚王武昌魯王兗州蜀王成都相王荊州岷王寶慶韓王開

原。潘王潞州。安王平涼。唐王南陽。郢王安陸。伊王河南。谷王宣德。並列內郡。譚王方之國。趙王未之國。皇子楠未得封。俱無子。早卒。而齊谷俱為庶人。肅以甘州徙蘭州。遼以廣寧徙荊州。慶以慶陽徙甯州。又徙寧夏寧以大寧徙南昌。後除庶人。岷以岷州徙雲南。又徙武岡。谷以宣德徙長沙。韓以開原改平涼。太祖所封除懿文。成祖共二十四國。而從孫靖江王。封桂林者與焉。懿文子虞王。吳王。衡王。徐王。俱未之國。建文太子。少子。俱未封。卒。惟少子號建庶人者。幽中都廣安宮。英廟始出。

於鳳陽。成祖封漢王雲南。徙樂安。趙王彰德。又四皇子未封。而漢除庶人。仁宗封鄭王鳳翔。改懷慶。襄王長沙。改襄陽。荆王建昌。改蘄州。淮王韶州。徙饒州。蘄越。滕梁衛五王無子。蚤卒。英宗封德濟南。崇王汝寧。吉王長沙。徽王禹州。榮許秀忻。四王無子。蚤卒。憲宗封興王安陸。益王建昌。衡王青州。榮王常德。世廟以興入承大統。而岐雍涇申壽汝無子。國除。孝宗封蔚王蚤夭。世宗封景王德安。無子。國除。穆宗封潞王衛輝。今上封福王。我明封親王五十餘國。今存三十餘國。

而寧遼徽伊。虛無王也。郡王四百有奇。而將軍而中尉。又不啻數萬矣。

桐葉

周成王與弟叔虞戲。削桐葉為圭。以封虞。史佚請擇日。

王曰戲耳。佚曰天子無戲言。於是封虞於唐。後為晉

舜

周武王封弟康叔。名封於衛。周公懼叔齒少。乃作梓材篇。

以訓之。言為政之道。如梓人理材。

聖

漢制。天子太社。以五色土為壇。皇子封為王者。受天子太社之土。以所封之方色。東方受青。南方受赤。西方受白。北方受黑。中央受黃。藉以白茅歸國。以立社。故謂之茅土。

鄒衍如燕。燕昭王擁尊先驅。請列弟子之坐而受業。碣石宮。

楚元王交漢高祖弟。敬禮申公等。穆生不嗜酒。元王每

為穆生設醴。後王戊元王忘設。穆王退曰。醴酒不設。王

意怠矣。不去。楚人將鉗我於市。元王好讀詩。號元王詩。

梁孝王武文帝竇皇后少子。絕愛。出警入蹕。擬於天子。

築東苑方三百里。作曜華之宮。營兔園。園中有百室山。

山上有落猿巖。雁池。池間有鶴洲。鳧渚。

河間獻王德。字文載。景帝子。從民得善書。必為好寫與

之。留其本。真加金帛。賜以招之。故得書與漢朝等。

魯恭王餘。景帝子。好治宮室。初壞孔子舊宅。以廣其居。

聞鍾磬琴瑟之聲。遂不敢壞。於其壁中得古文經傳。

淮南厲王長。高帝少子。被廢。謂侍者曰。誰謂乃公勇者。

吾以驕。不聞過。故至此。子安招致賓客。方術之士。數千

人。為作內書三十一篇。名鴻烈解。篇中以修易。長避父諱也。有八公詣門。

皆自皓素。門吏難之。八公皆化成十五童子。色如桃花。

門吏驚白王。王不及履。迎之以登思仙之臺。○王逸序

曰。招隱士者。淮南王之所作也。王博雅好古。招懷天下

士。八公之徒。慕德來歸。分造詞賦。或稱小山。或稱大山。

其義猶詩有小雅大雅。詞曰。桂樹叢生兮山之幽。偃蹇

連拳兮枝相樛。

中王靖王勝景帝子。好內有子百二十餘人。

齊懷王閔燕刺王日廣陵王胥俱武帝子同日封左將軍上官傑等專為燕王謀反皆伏誅旦聞之歌曰歸空城兮狗不吠鷄不鳴橫術何廣廣兮固知國中之無人華容夫人起舞曰髮紛紛兮宜渠骨籍籍兮亡居毋求死子兮妻求死夫裴回兩渠開兮君子獨安居成帝無嗣體常不安定陶恭王來朝上謂王曰我未有子人命不諱一朝有他且不復相見爾長留侍我矣後漢東平王蒼嘗上光武中興頌帝甚美之明帝節位

詔以為驃騎將軍又詔問王虔家何等最樂對曰為善最樂帝曰其言甚大副其腰腹蒼體長美鬚眉腰帶八尺二寸。

後漢沛獻王輔善京氏易永平五年旱上御靈臺自布卦以易林占之繇曰蟻封穴戶大雨將至上問輔輔曰寒艮下坎上為山出水蟻穴居其知雨將至。

後漢北海敬王睦善大書當時以為楷則寢疾帝於馬上令作草書尺牘十首。

魏鄧哀王冲字蒼舒少聰穎孫權曾致巨象太祖欲知其斤重冲曰置象大船而刻其所至稱物斤以載之則

斤可知矣。太祖馬鞍在庫，爲鼠所齧，庫吏懼必死，冲謂曰：「待三日中，然後自歸。」冲於是刀穿單衣，如鼠齧，謬爲慘容。太祖問之，對曰：「俗以爲鼠齧衣者，其生不吉。今單衣見齧，是以憂。」太祖曰：「此言妄耳，無所苦也。」俄而庫吏以齧鞍聞，太祖大笑曰：「兒衣在側，尚齧，况鞍懸柱乎？一無所問。」

魏任城王彰，字子文，少善射御，力過人，手格猛獸。太祖嘗折之曰：「汝不讀書慕聖道，而好乘馬擊劍乎？」此一夫用耳，何足貴也。彰謂左右曰：「大丈夫一爲衛霍，將十萬騎，馳沙漠，驅戎狄，立功建號，爾奈何作博士邪？」

陳思王植字子建，十歲能屬文。太祖謂曰：「汝倩人爾。」植跪曰：「言出爲論，下筆成章。」顧當面試，奈何倩人。文帝時改封東阿王，帝忌之，令七步成詩，不成置之法。遂作詩：「煮豆燃豆其，豆在釜中泣。本是同根生，相煎何太急。」帝大慙，人稱植是繡虎才。謝靈運云：「天下才共一石，子建獨得八斗，我得一斗，自古及今共用一斗。」

晉趙王倫幽惠帝金墉，僭帝位，諸黨並列大封。至廝役亦濫爵位，每朝會，貂蟬盈坐。時諺曰：「貂不足，狗尾續。」

晉會稽王道子，簡文帝子，既爲揚州總錄，勢傾天下。子元顯謀奪父權，諷孝武解道子揚州司徒，而道子方昏醉不

覺元顯自為揚州刺史。既而道子酒醒，方知去職，而遂無如之何。時謂道子為東錄，元顯為西錄。錄尚書事西府車騎填奏東第門下，可設雀羅矣。

南宋袁淑嘗詣彭城王義康，康問其年，答曰：鄧仲華拜衮之歲。義康曰：身不識也。淑又曰：陸機入洛之年。義康曰：身不讀書，無為作才語相向，其淺陋若此。

南齊衡陽王蕭鈞，手自細書五經部，置巾箱中，以備遺忘。巾箱五經，自此始。會稽孔珪家有花園，鈞往遊之。珪曰：殿下處朱門，遊紫闥，詎與山人交邪？答曰：身處朱門，而情遊江海，形入禁闥，而意在青雲。

許都

籤帥

籤帥

南齊武陵王蕭暉，高帝第五子。武帝即位，或言暉有非常之相，故無寵。未嘗處方岳，於御坐曲宴，醉伏地，貂抄肉拌。帝笑曰：汗貂對曰：陛下愛其羽毛，而疎其骨肉。南齊巴東王子響，殺行事劉寅等。武帝聞之，謂群臣曰：子響遂反，戴僧靜大言曰：諸王都自應反。帝問故，答曰：天王無罪而一時被囚，取一挺藕，一杯漿，皆詔籤帥不在，則竟日忍渴。諸州惟聞有籤帥，不聞有刺史。高帝武帝王置典籤帥一方之事悉以委之于是威行州部權重藩君梁臨川王蕭宏，武帝介弟，恣意聚斂，庫屋闔闔甚嚴，有疑是鏡伏者，密以聞。帝乃送盛饌於宏所，愛姬江無畏。

曰。當來就汝。懽宴與宏及江。大飲半醉。輿徑往屋所。宏恐上見其賄貨。顏色怖懼。上意彌信。是仗屋。屋檢視宏性愛錢。百萬一聚。黃榜標之。千萬一庫。懸一紫標。如此三千餘間。帝屈指計見錢三億餘萬。始知非仗。大悅。謂曰。阿六汝生活大可。豫章王綜以宏貪吝。遂為錢愚論。其文甚切。

梁建安王蕭偉。移封南平好學。趨躋齊世。青谿宮改為芳林苑。賜偉為第。與賓客遊其中。梁藩邸之盛。無過焉。性左。愍窮乏。平原王曼穎卒。家貧無以殯。友人江革往哭之。其妻兒對革號訴。革曰。建安王當知。必為營理。言未訖。

而偉使至。給其喪事。得周濟焉。

梁元帝居藩日。頗事聲譽。勤心著述。衡山縣侯蕭恭。子偉謂曰。下官歷觀時人。多有不好歡興。乃仰眠牀上。看屋梁而著書。千秋萬歲。誰傳此者。勞神苦思。竟不成名。豈知臨清風對朗月。登山泛水。肆意酣歌也。

昭明太子統三歲受孝經論語。五歲編讀五經。立為太子。引納才學之士。賞愛無倦。嘗泛舟後池。番禺侯軌盛稱此中宜奏女樂。統不答詠左思招隱詩。何必絲與竹。山水有清音。三月復遊後池。乘彫文舸。摘芙蓉。姬人蕩舟。溺而得出。因動股竟殂。年二十一。所著文集二十卷。

文選三十卷

梁。豫章王綜。武帝仲子。母吳淑媛。在齊東昏宮。寤在潘
余之亞。及侍武帝。七月而生綜。綜年十四五。恒夢一年
少。肥壯自挈其首對綜。淑媛問夢中形色。頗顛東昏。因
密報之曰。汝七月日生兒。安得比諸皇子。然猶無以自
信。乃私發東昏墓。出其骨。瀝血試之。既有徵矣。一旦投
魏。改名纘。追服齊東昏斬衰。

唐明皇素友愛。初即位。為長枕大被。與兄弟宋王。成申
王岐王薛王幽王同寢殿中。設五幄。謂之五王帳。宋王
等請獻興慶坊宅為離宮。詔許之。始作興慶宮。仍各賜

宋王等字。環於宮。宮西南置樓。西曰花萼。相輝。南曰勤
政務本。

四六
頌語

漢興中天二百載。業既繇長。周封同姓五十餘。族方敦
叙。恭惟殿下。繭雲龍種。冲斗麟英。丹起綠羅。儼追西園
飛蓋。月輝紫苑。望疑東館。懸珠草聖。草賢。帛想書而後
練。飲玄飲醴。室擬入而遽仙。

夙慶裁梧常武。割方分社色。新芳觀梓。莊懷祚胤。啟宗
英鬱。為磐石之觀。峩成社稷之鎮。瞻衡疑之駭起。彷彿
道風。溯沅澧之鴻波。依稀德潤。行觀振藻。梁孝媿兔園
之遊。坐隱飛觴。陳思慙雀臺之讌。樂善彌高。載籍。飲玄

盡擬登仙。

胤繞虹樞。桂印濯銀潢之秀。絲承麟璽。桐珪分玉座之華。洪緒氤氳。貞期盼嚮。恭惟殿下。英徽蚤覽。茂德潛亨。陶台六虛。碧月映冰壺之潤。甄維八柱。曜靈標鐵樹之輝。命太乙於詞壇。星分藜火。召天吳於筆海。雲寫芝英。與會霞飛。滄水動朱華之色。名流煙涌。睢園窺玄扈之圖。士飾膠庠。歌楚詩。漢楚元王而傳沛易。後漢沛獻王輔俗均絃誦。擬河上而顛淹中。

魏君寶帶。特賜劉楨。趙王國租。偏資裴楷。貫藏文馬。如恍安息之銀帶。挿通犀似獵雲南之獸。北郭騷之長貧。

是所甘愜。南宮敬之載寶。殊非念望。花開四照。惟見其榮。鰲戴三山。深知其重。昔沈義將盡。逢司命而還生。士燮行終。值仙人而更活。今日慈矜斯之謂矣。馬前驅而導路。或以識恩。鷄未曉而開關。容能報主。

張超之壁。未足障風。袁安之門。無人開雪。遠降聖慈。曲垂矜賑。遂令新市數錢。息疑敗綵。平陵月夜。驚聞擣衣。妾遇新縑。自然心伏。妻聞裂帛。方當含笑。

迴茲翠蓋。事重劉基之恩。降此青驪。榮深李忠之賜。比部舟帷。便須高捲。西河竹馬。即已郊迎。在命之輕。鴻毛浮於弱水。知恩之重。龜背負於靈山。

謝

丹鳥御毳。既集西周。黃雀隨車。還飛東市。漬而擇種。不無霜雪之精。取以論兵。卽有山川之勢。某剝榆皮於秋。塞掘蟄燕於寒山。仰費國租。遂開塵甑。非丹竈而流珠。異荆臺而吹玉。東方朔之奉米。既息長饑。西門豹之墾田。方慚此賚。

謝

程據上表空論雉頭。王恭入雪。虛稱鶴擎。未有懸機巧綜。變躡竒文。鳳不去而恒飛。花雖寒而不落。披千金之暫煖。棄百結之長寒。永無黃葛之嗟。方見青綾之重。對天山之積雪。尚得開衿。肩廣廈之長風。猶當揮汗。月殿星橋。峴山起。高明之界。銀花玉葉。襄州關韶麗之

謝

天。三爵行棲。九龍不暝。恭惟殿下。金枝翊蓮。麟趾開祥。孤月西園。秀心鏡而齊朗。小山叢桂。偃情田以並春。惠徧寒門。嘗普燭龍之照。樂逢佳夕。盛張火樹之輝。控紫騮以駮驪。人人穠李。度清管以鸞鳳。處處落梅。某曳裾有緣。開襟自喜。宮墻天遠。誰能瓜畫新聲。庭燎雲連。何日壁分餘照。方欲借虹橋於殿角。不意來雁使於卽中。燦爛雙燈。侈分金羊之耀。旨甘百果。多移瓊苑之珍。耐新釀而色奪襄流。壑初成而味過。脯謹將尺素。用謝深恩。伏願福如七采之蓮。重重爛熳。壽似九微之火。歲歲連綿。

凌渠所奏。弦望既符。鄧平之言。錙銖皆合。登臺視朝。觀雲物之必書。拂管驗灰。識權衡之有度。初開卷始。誓謂春留。未覽篇終。便傷冬及。徘徊厚渥。比日爲年。

旅日如年。客厨似水。揣范叔之貧窶。動鄭子之問遺。遠使貽珠。庖人動色。綠頭公子。行行試割。鷄之刀。青州從事。術術充飲。鼠之腹。藜口爲榮。竟賜知感。

睽彼玉鮓之翅。翻來春浪千層。探茲銀鹿之囊。鼎列海珍一品。金鰲爲政。歌魚麗。且獻鱸鮓。羽翼有資。跨龍門。頓開頭角。

文異水而湧泉。筆非秋而垂露。藏之山巖。可使雲霧鬱

起。濟之江浦。必當蛟龍繞船。

紫微懸映。如傳闕里之書。青鳥遙飛。似送層城之壁。若夫甘泉宮裏。玉樹一叢。玄武關前。明珠六寸。不得譬此光芒。方斯照燭。有節有度。卽是能平八風。愈昌愈高。殆欲去天三尺。殿下。雄才蓋世。逸氣橫雲。濟北顏淵。關西孔子。譬其毫翰。則風雨爭飛。論其文采。則魚龍百變。蒲桃繞館。新開碣石之宮。修竹夾池。始作睢陽之苑。琉璃汎酒。鸚武承杯。鳳穴歌聲。鸞林舞曲。况復行雲逐雨。迴雪隨風。湖陽之尉。旣成爲喜之因。春陵之侯。便是銷慶之地。其桑榆已迫。蒲柳方衰。不無秋氣之悲。實有途窮

之恨。是以精采奮亂。頗同宋玉。言辭寒吃。更甚揚雄。非有班超之志。遂已棄筆。未見陸機之文。久同燒硯。至於周零之後。殘缺所餘。又已雜用補袍。隨時覆醬。聖慈憐愍。遂垂存錄。荆瑛抵鵲。正恐輕用重寶。龍淵削玉。豈不徒勞聖攄。匠石迴顧。朽材變於彫梁。孫陽一言。奔蹄成於駿馬。故知假人延譽。重於連城。借人羽毛。榮於尺璧。溟池九萬里。無踰此澤之深。華山五千仞。終愧斯恩之重。

小言窺豹。一斑戰蝸。兩角三。褒華袞於一字。是享敝帚。以千金似此。羔其裘而豹其袖。令人買其櫝而還其珠。

披緘則觸目琳瑯。掩卷則案頭蚪斗。敬韜二酉。以避六

丁。

李知遠作易天令六丁神取而焚之

雪浦兔園。請賦梁王之壽。斗攜龍角。又頌羲仲之春。豈來空翠於管絃。實滿菁華於鉛槧。恭惟殿下。瑤牒奇英。仙宗領袖。夙藉剪桐之緒。允承訓梓之規。丙夜藜燃。秘學益深于醞藉。元正椒頌。蕃釐載錫以駢臻。仙李蟠根。襲芳華於高桂。冰壺澈露。滄煖氣於遙潢。文章攄太白之瑰奇。氣節凜朱虛之耿介。詎見聞洽鴻寶之訣。抑仁厚得麟趾之祥。

五木香浮。喜逢元會之日。七松藥薦。欣瞻正始之朝。堯

年之日舒以長。優游雅樂。魯侯之福昌而熾。泮渙名園。神水黃柑酒。似洞庭春色。葭灰金管。氣如峴麓晴霞。朱戶蕭清。不煩鑄金之鳥。鴻圖鞏固。奚取膠牙之錫。方且賞七子之賦。而逸暇無期。自此服八公之方。而胥樂有穀。其荒城株守。未能化鵠來朝。一水魚傳。竊爾貽椒成頌。伏願歲歲鏤五色之土。畢萬成書。年年飛三素之雲。則百應兆。

五葉賞開。映徽圖而並爛。九畦蘭浴。流翠幄而爭芳。瑞繞非烟。驪騰披霧。殿下學隆。三善氣備四時。神遊姑射。清心不夢巫山。問道具茨。詞源直傾漢水。維城維翰。辟

兵不假靈符。為龍為光。禳災無藉桃印。其望東平之鬢髯。不啻驚寒之希沃若。慕臨淄之詞翰。真若潢汗之願朝宗。日長十宅。釐祝與渡歌俱喧。天近五龍。寵命齊沉。碑不朽。千里風雲之俗。盡暢南薰。二楚水陸之塗。咸瞻北斗。

漢江之草未衰。洞庭之葉初下。月滿桂輪。萬里披開雲障。星聯珠絡。九霄架出瓊宮。露滴蟾蜍。墨潤水文之齋。涼生翡翠。香消蠹字之魚。若乃西園蓋飛。一時傾公子之雅興。南皮席設。四座寫騷客之長篇。其心切梁臺。身羈漢節。巫山六六。魂隨玉鏡。同飛蓬島。三三。心與紫簫

六朝餘韻卷之一
三十一
俱遠望望長堤神女之珠誰覓依依中峴楚王之對初成。

神女弄珠於漢上素娥懸鏡於天中遙望東府君侯身在青烟幕裏緬懷南皮佳客跡寄紫蓋山頭懽逢擊鼓之辰慶值飲柘之節銀開天上明河萬斛炯炯玉作人間素秋千頃汪汪高山似水敢借明月爲將小山如人願呼雄風作伴。

重陽
天成九數日月並應嘉名王享千秋乾坤造逢茂節丹楓如錦綠醪成醇朱印之樂事無涯清江之秀色在望殿下靜觀契道佳興同人忻逢無射之時不問未央之

夜臺雄戲馬樂設六羽三金館駕凌翼侍有十眉雙帶氤氳瑞腦和爽氣以浮杯悽惻鯤絃隨金飈而布響佩囊誰客落帽何人其葉飛楚水思隨高鴈齊翻草折梁園身與黃花俱瘦何當奉清遊而陪後乘聊且具薄獻以勞前驂伏願齊鶴笑以重重協龍鱗而九九黃英酒進不愁地老天荒白苧歌懽誰知雲悠風厲。



六朝餘韻一卷終。

六朝餘韻分目

聖製

渙汗 絲綸 尺一 紫泥 五條四頌語

詔 文 詩 翰 頌洪武寶訓

政記 正韻 存心永樂大典 歲紀 會典

大訓宣德述先 招隱 玉牒

聖典

郊祀

郊嘗 陶匏 藁秸 燔柴 祓禴 圓丘

五帝 五祀 八蜡 八神 雍時 五時

國家圖書館, NATIONAL CENTRAL LIBRARY, TAIWAN, R.O.C.

三一 六宗 四望 靈星 五齊 彤日

黝牲 社稷 枌榆 薄社 人祭 金人

陳寶 九祭 祭丁 一元 宗祏 跛倚

富樂 犯齋四頌語 自叙 廟祭 禱雨

謝雨 祈晴

明堂

總章 茅屋 左个 蒿宮 五更 崑崙

四頌語

辟廱

頰宮 米廩 四教 春誦 大成 六經

易連山書 九丘 濟南 孔壁 漆書詩 毛萇

四始 分四春秋左氏禮戴聖 延儒 臨雍

鄉學 弘文 槐市 稷下 文翁 范甯

釋奠四頌語 經筵

藉田

藉畝 三椎 一爨 鈎盾 賜食四頌語

親蚕

三盆 蚕神 一條 宿瘤 濯龍四頌語

營建

宮貳宮 建章 明光 甘泉門 韓門 臯門

國家圖書館 NATIONAL CENTRAL LIBRARY, TAIWAN, R.O.C.

| | | | | | | | | |
|----|-----|----|----|----|----|----|----|----|
| 孔廟 | 六頌語 | 當蹊 | 灌園 | 漸臺 | 百尺 | 輪奐 | 飛廉 | 金馬 |
| | 四 | | | | | | 觀 | |
| | 六 | | | | | | 閣 | |
| | 頌 | 雲移 | 國游 | 章華 | 玉樓 | 肯堂 | 魏闕 | 濯龍 |
| | 語 | 桐花 | 詩唐 | 懷清 | 閣 | 蕭齋 | 堂 | 殿 |
| | | 鶉居 | 雲標 | 園 | 天祿 | 樓 | 九雉 | 納陛 |
| | | 昆明 | 輦路 | 梁園 | 麒麟 | 麗樵 | 玉堂 | 白虎 |
| | | 翠微 | 戲馬 | 華林 | 阿閣 | 南樓 | 鱣堂 | 靈光 |
| | | 太學 | 䟽龍 | 辟疆 | 臨春 | 登樓 | 室 | 帳 |
| | | | | | | | 宣室 | 甲帳 |

六朝餘韻卷之二

海虞王良臣忠亮父纂輯
 同邑 姚宗儀鳳來父增補
 鄔 驚善吉父 校
 門人梅繼祖欽之父訂梓

聖製

易。渙汗其大號。王肅注。王者出令。不可復返。如身中汗。出不可返也。

禮。王言如絲。其出如綸。鄭注。言出彌大也。綸。今有秩膏。夫所佩。

天

魏夏侯玄初為中領軍。與高陽許允善。先是有詐作尺一詔書。以玄為大將軍。允為大尉。共錄尚書事。又漢司隸校尉楊球為大尉。勅尚書令召拜。不得稽留尺一詔書。

紫泥

漢制。詔書以紫芝為泥以封。蘭英為檢以函。丹木為鳳以嘶。

浮條

晉武泰始四年。班五條詔書于郡國。

頌語

龍文灑玉芝。函披赤練之光。鳳藻摘珠。桂帙賁青衫之寵。竊惟庖羲畫卦。肇開文字之源。虞瀉登歌。大發詩書之蘊。泣鬼神于蒼頡。鳥跡效靈。正雅頌于素王。麟蹄獻

瑞。啟盤周詰。綴蝌蚪以為章。石鼎宗爨。炫縹緗而呈秀。八法闡六書之秘。筆陣生雲。三閭倡九辨之風。詞鋒捲霧。衡石濫觴于鄒魯。尚存古畫之遺。栢梁創體于茂陵。盡失先聲之舊。金花侈詠。徒聞研滴之海濤。貝葉翻經。謾說文垣之星斗。翠帷夜永。兔頰疑寒。綺閣春深。蠅頭吐氣。恭惟陛下。化格重玄。布流風于鳥道。心通三極。契至理于龜書。典學懋伐山之功。游藝濳臨池之興。淋漓御墨。香浮搗玉玄霜。燦熳天葩。聲振泥金紫電。布赤文于十行札上。飛綠字于五色雲中。日麗青城。瓊魄閃銅章之采。霞清碧壘。琅函映玉軫之奇。臣向堯鏡以傾葵。

對軒圖而縮芷。敢不珎崇琬琰。廣布絲綸。

風起雲飛。侈雄心于過沛。菊芳蘭秀。增佚志于橫汾。擬石經者。綴論以續貂。撰金海者。馳精而測蠡。編珠貫玉。大猷何藉于珪璋。縹彩雕華。曲技徒工于鑿枘。

降自九天。燦然五色。初喜麗天之象。遠燭輝光。旋驚垂露之蹤。曲覃霈澤。鸞鶴迴翔而變態。煙霞舒卷以呈姿。騰彩飛空。聳神蕩日。

筆海波清。月瑩明珠之浦。學山烟秀。天開群玉之峯。滙河洛于心源。文酒龜馬。驅風雷于筆陣。勢起龍蛇。玉闕霄看。北斗燭蛟龍之氣。崑丘夜望。層城懸日月之輝。

集靈七字。燦星締以騰華。沛邑三侯。曼成韶而儷曲。輦

遊後苑。酒杯歡入于飄香。駕幸山中。澗泉笑含于宿凍。玩櫻桃之景。悅翠色于長津。步芙蓉之池。悵驚風于輪轂。群燕辭歸。難比儀鳳佳句。啼豹夾路。竟步朱雁浮詞。恭惟陛下。紫庭黃竹。重見人間。晨露卿雲。載飛帝唱。風生閭闔。九衢傳清籟之音。月滿洞庭。萬里聽鈞天之奏。雙龍之匣乍開。氣衝牛斗。五鳳之音忽聽。響徹雲霄。

禹碑不作。羲畫無傳。溢美臣僚。何取商霖之賜。謹詳御座。空登劉垺之床。石湖成于聖筆。白壁一雙。寶奎藏于御書。商雲五色。九霄六翮。勅臣職于唐庭。一札十行。課

頌

吏治于漢陛。寶恩發于天文。長河韶映。金壺傾于玉札。流采成霞。畫似奎星。出層霄而絢采。文如綠字。浮德水以凝華。舞鳳迴翔于懷袖。飛龍顧盼于縑緗。商之猗那。周之清廟。固以跨越千古而巍乎。漢之燕然。唐之磨崖。抑欲追倣三代之作者。閎儀已七于六經。懿鑠可三于二典。何人筆老。載廢慶曆之詩。有士管窺。僭擬泰階之頌。

洪武實訓

聖政記

前後逾二十年。詔諭凡四十類。由渡江至御盃。絲綸藹仁義之言。自敬天而制夷。緇紀總帝王之範。始嚴祀事。次正儲官。敦宗見于藩封。報德彰于序爵。官

正韻

闡申預政之戒。將帥重專權之防。爰定官常。辨等威以示盞。幸稽制度。剗積弊以布新。楚語播于離騷。吳音盛于音室。非分平分。及韻列四聲。乃有南有北。世非一統。聲有飛沉。每隔字而成舛。響多雙疊。恒雜句而必睽。茲者字畫依毛。晃之訂証。方言釐沈。約之輕浮。隱軫虞魚。獨用而當併。麻奢馬寫。舊合而今分。翻切歸于韻母。偏旁著于說文。存心醒后。省躬訓臣。應天以實。同周王之側身。感帝惟誠。希殷后之自責。諸路水旱。衆謂無徵。而李沆輒奏。四方災異。郡未及上。而魏相以聞。

存心省躬錄

統宗四韻。標列六書。自經史至道釋。大蒐千古之言。由禮樂迄兵農。悉纂一代之盛。卷幾三萬。歲乃四更。文盡百家。事總六藝。

石室清嚴。應天上文昌之府。金滕秘密。異人間武庫之儲。彼東觀之書林富矣。靡切監觀。卽西崑之冊府奇哉。猶懸絕遠。茲者揆叙乎郊禋廟饗之儀。志明復祖。丕釐乎秩祀尊師之禮。義應表經。念王業之艱難。風動以先。蚤先籍。達尊親之孝理。日承乎慈慶。慈寧。

自宮壺以及藩國。法紀凜乎森嚴。由六卿而迨百司。綱目昭然。明倫禮樂刑政。燿景緯以資臨。緝紀文章。麗山

川而錯峙。附歷年之條例。折衆言之淆。而歸諸衷。黜好事之紛更。創新說之偏。而還之舊。

剗荆是導。愚其民。并愚其子。應知鹿走秦關。卽羽翼已成。雜乎伯。復雜乎王。奚怪豕驚漢苑。篇垂帝範。而內德多慚。略著承華。而異端滋惑。茲者採大聖名儒之格言。據帝王祖宗之法戒。曰進學。曰養德。俾之澄湛化源。曰明治。曰厚倫。庸以登閱理道。地表文華。示本支之開萬葉。名標大訓。喻溟渤之會百川。剖微言于脉絡。十行馬負龜呈。捐輿旨于縹緗。五色奎文。壁彩。譬彼伊訓。一德咸以育元良。而正四方。比之無逸。幽風。要在養聖功。而

守成業。

宣德
述先
詩

試看三尺劔芒。竟壞于竹絲宴衍。卽若九功籥舞。旋移于花騎縱橫。貞觀不自保其終。釁囹天寶。熙寧欲盡更其舊。禍釀靖康。洪惟仁祖。誕育高皇。剖乾坤再兆之鴻濛。復帝王自立之區宇。肆我文廟之代興。昭哉皇考之嗣服。祖孫父子。亘四世而治統彌光。道德功勳。歷三朝而不基增奠。斯已目擊而道存。猶恐言湮于世遠。龍章特灑。鳳藻親裁。八句九章。驚河圖洛書之重揭。冠詩以序。笑毛萇言偃之未工。

招隱
詩

三物四科之規。徒具駿豈。盡于按圖。圓方柄鑿之遇轉。

垂犧胡便于衣。繡魂銷空谷。竟難羈如玉之人。歌祭大風。誰暇念茹芝之叟。蓋許爾公侯。周人逸豫之期尚陋。從吾尊顯。漢皇嫚罵之氣未降。祇供蟻暮之糴。豈是鴻冥之網。詎如敦崇薪樵。鄭重諷規。五色亂落乎玄珠。太和橫生于彤管。林蘭澗藻。姓名悵落于人間。草望澤春。神采思歸于天上。

玉牒

天發慶源。日昌皇緒。分暉若木。布玉葉以疑。派浪咸池。衍銀潢而麗澤。麟趾壯維城之勢。義邈周年。犬牙開磐石之宗。禮高漢日。闡揚十一葉之慶源。發祥二百年之令緒。左昭右穆。聯雲漢以重輝。大宗小宗。揭日星而

並麓。某才愧柳芳。擬新圖之日錄。筆非班固。與世譜之歲修。

聖典

郊祀

郊學

記有虞氏禘黃帝而郊嚳。祖顓頊而宗堯。夏后氏禘黃帝而郊鯀。祖顓頊而宗禹。殷人禘嚳而郊冥。祖契而宗湯。周人禘嚳而郊稷。祖文王而宗武王。

陶匏

記郊之祭。掃地而祭。于其質也。器用陶匏。以象天地之性也。於郊故謂之郊。又祭天地之牛。角繭栗。

藁秸

周制以藁秸及蒲。但剪頭不納為籍神席。璧用蒼璧。四

圭有邸。以祀天。旅上帝。

鄭注于中央為圭。璧者著其四。面一玉俱成圭。本著于璧。故四

圭有邸圭末四出故也

大司樂奏黃鍾歌大呂舞雲門。

燔柴

爾雅祭天曰燔柴。

既祭積薪焚之

祭地曰瘞埋。

既祭埋藏之

祭山曰

版

音懸。或版或懸。置之于山。

祭水曰沈浮。

或沈或浮。置之于水。

祭星曰布。布散

于祭風曰磔。

今俗當大道中磔狗。雲以止風。是其遺象。

是類是禡。師祭也。于類

上帝禡于所征之地

既伯既禱。馬祭也。

伯馬祖天駟。房星之神。

春祭曰祠。祠

言食也

夏祭曰禘。

新菜可洵

秋祭曰嘗。

嘗新穀

冬祭曰蒸。進品物

說文除惡之祭曰祓。會福之祭曰禴。音會道上之祭曰禘。

音陽

一日輶。

取鞞以輶

亦曰祖。

祖帳東門

絜意以享曰禋。祭司命曰

祗祭。承先曰禴。

音祗

圓丘

冬至祭天于圓丘。壇曰泰壇。夏至祭地于澤中之方丘。壇曰太折。昭晰昭明之名。

五帝

王者于四立日及季夏土德王日各迎其王氣之神于

其郊。春青帝靈威仰夏赤帝赤熛怒李夏黃帝其配祭。合樞紐秋白帝白招拒冬黑帝協光紀。

以五人帝春以太皞。左勾芒執規司春。夏以炎帝。左祝融執衡司夏。李

夏以黃帝。佐后。秋以少昊。左蓐收執矩司秋。冬以顓頊。左玄冥執權司

五祀

記。孟春之月其祀戶。祭先脾。孟夏之月其祀竈。祭先肺。

中央土其祀中霤。祭先心。孟秋之月其祀門。祭先肝。孟

冬之月其祀行。祭先腎。又王立七祀。曰司命。曰中霤。曰

國門。曰國行。曰泰厲。曰戶。曰竈。諸侯五祀。曰司命。曰中

霤。曰國門。曰國行。曰公厲。大夫三祀。曰族厲。曰門。曰行。

士二祀。曰門。曰行。庶人一祀。或戶。或竈。

天子大蜡八。一先嗇。二司嗇。三農。四郵表。五猫虎。六

防。七水庸。八昆虫。伊耆氏始為蜡。蜡也者。索也。歲十二

月。合聚萬物而索饗之也。又風俗通。夏曰清祀。殷曰嘉

平。周曰大蜡。漢曰臘。臘。獵也。獵獸以祭。

漢郊祀志。一曰天主。祠天齊。二曰地主。祠泰山梁父。三

曰兵主。祠蚩尤。四曰陰主。祠三山。五曰陽主。祠之罘。六

曰月主。祠之萊山。七曰日主。祠盛山。八曰四時主。祠瑯

六。月餘。續卷之二

八蜡

六神

瑯

初秦襄公作西時。名其祭處曰時。又在山四望不見四方日時。文公獵汧澗

之間。夢黃蛇自天下。屬地其口止于酈。音行。山阪。作酈。

時。宣公作蜜時。靈公作吳陽。上時祭黃帝。下時祭炎帝。

後櫟陽雨金。獻公自為得金瑞。故作畦時。櫟陽祠白帝。

畦時如種韭畦之形而木寓龍一駟木寓車馬一駟木刻于畦中各為一土封也。

漢高人關問故泰時上帝祠何帝也。對曰四帝。有白青

黃赤。高帝曰待我而具五色。遂立黑帝祠。名北時。文帝

詔雍增五時。武帝至雍郊見五時。

雍時

五時

三

武帝時。亳人謬忌曰。天神貴者太一。佐曰五帝。于是立

太一壇。三垓。重三。五帝壇。居其下。後人上書。又言古天子

三年一用太牢。祠三一。天一一人許之。

祭法。埋少牢于太昭。祭時也。相近于坎壇。祭寒暑也。王

宮。祭日也。夜明。祭月也。日壇曰王宮。月壇曰夜明。幽祭。祭星也。雩祭。

祭水旱也。

周禮。國有大故。則旅上及四望。謂日月星海。或謂五嶽四鎮四賁。

靈星祭農祥。

五齊之名。一曰泛齊。成而滓浮最重濁。二曰醴齊。成而

相將猶濁故也。三曰盎齊。成而芬盎。四曰緹齊。成而紅赤。五

五齊

靈星

四望

祭宗

三

五時

六月餘員卷之二

曰沈齊。成而滓沉轉清故也。

書。高宗彤日。越有雉雉。又爾雅。商祭曰彤。周祭曰繹。

周禮。凡陽祀用騂牲。毛之。取純也。陰祀用黝牲。毛之。音幽黑也。

頤頊祀。共工氏子勾龍為社。烈山氏子柱為稷。唐虞夏

皆因之。殷湯為旱遷柱。而以周棄代之。

漢高立枌榆社。

論衡。亡國之社。屋其上。棧其下。絕于天地。夫春秋薄社。

周以為戒。薄社即亳社。湯社也。

伍輯之從征記。臨沂厚丘間。有次睢社。常以人祭。宋公

使知文公用節子處。相承僱貧人。命齋絜祭。時著社前。

如牲犧。魏初乃止。

漢霍去病祭金人。祭天以為王。

晉書。陳寶祠。秦文至今七百餘歲。漢興。世世常祭。光色

赤黃。長四五尺。直祠而見音聲。碎隱野鷄皆雉。每見雍

遣太祝祠以太牢。

周禮。太祝辨九祭。一命祭。若禮云君命客祭而祭之是已。二衍祭。延賓而祭。

三炮祭。炮讀為包。若兼祭于豆。四周祭。謂殺之序。徧祭之也。五振祭。六擣祭。

振擣本同。不食者擣則祭之。將食者既擣必振乃祭也。七絕祭。八繚祭。絕繚亦本繚之畧者。絕。

九共祭。猶授拜王祭食。宰夫授祭者也。

五經通義。王者所祭。天地何。王者父事天。母事地。故以

祭

尤祭

陳寶

矣

人祭

薄社

枌榆

社稷

騂牲

黝牲

子道祭。日以丁與辛何。丁者反覆叮嚀也。辛者自克辛也。

一元

記。凡祭宗廟之禮。牛曰一元大武。豕曰劓鬣。豚曰膾肥。羊曰柔毛。鷄曰翰音。犬曰羹獻。雉曰疏趾。兔曰明視。脯曰尹祭。彘魚曰商祭。鮮魚曰艇祭。水曰清滌。酒曰清酌。黍曰薺合。梁曰薺其。稷曰明粢。稻曰嘉蔬。韭曰豐本。鹽曰鹹鹺。玉曰嘉玉。幣曰量幣。

宗祐

凡廟之主。藏于戶外北牖下。有石函。故名宗祐。

被髮

左傳。平王東遷。辛有周大夫適伊川。見被髮而祭于野者。辛有曰。不及百年。此其戎乎。其禮先亡矣。秋。秦晉遷陸

渾之戎于百川。

跛倚

魯有司跛倚以臨祭。謂偏立不敬

富樂

尸子。齊有貧者。命其狗為富。命其子為樂。方將祭。狗入室。叱之曰。富出。祝曰。不祥。家果有禍。長子死。哭之曰。樂乎。而不自悲也。

犯齋

後漢。周澤為太常。嘗卧疾齋宮。妻哀澤病。問所苦。澤大怒。以妻干犯齋禁。收送詔獄。時為之語曰。生世不諧。作太常妻。一歲三百六十日。三百五十九日齋。一日不齋。醉如泥。又晉。劉毅居齋宮。妻省之。即奏如妻罪。請解齋。聖鑒述作。聿崇萬古之曠儀。義取尊親。茂創一王之令。

四六
頌語

典故易稱殷薦而書載明禋。自時邁之風已微。斯我將
之誠未脩。郊雍祀竈。雄心侈茅土之封。金馬碧鷄。漢宣
帝簡命辱梧垣之使。會水陸而繁縟。徒誇同泰仁王。塗膏
血以輝煌。奚取景靈昭應。茲者壇開太一。高宮深鎖青
霞。位象中天。栢寢遙聯紫盞。席藁桔。祀陶匏。薦以太羹
玄酒。舞雲門。歌大呂。合以䟽越朱絃。緝宇澄清。燔燎共
星河並爛。瓊宮流彩。簫韶與風日同熙。
奉彤輿而降格。被王座以妥安。燿火達于重城。仙樂成
于九奏。聲揚鍾鼓。雲門作而蒼壁陳。器質陶匏。朱火揚
而紫烟起。

前朱雀而翼翠虬。迂瑀輿之至止。薦黃流而陳蒼玉。邁
紫檢之登封。牲燎昭升。明祇共衛。珠星璧月。叶景運于
千年。瑞氣祥雲。絢靈文于五夜。天爲蓋而地爲輿。爰講
合祛之禮。祖有功而宗有德。聿遵並侑之文。昭升一德。
奚須聞帝語于山前。受職百神。不啻見霄光于壇上。
瑞合汾陰。夢同泰時。丹殿霞起。青幕雲舒。日朗其精。天
澄其氣。祝融穆以肅侍。陽侯憺以中停。
龍袞以祭。鸞刀斯啟。發德朱絃。升歌丹陛。蓮享粢盛。堂
斟沉齊。徵萬玉以警塗。詔八神而弭策。藉江茅而陳鄙。
黍。飾蒼壁而奠黃琮。馳萬歲以飛聲。接九重而媲美。使

編珠毓貺。開麗色于金泥。觸石凝禎。蕩華陰于石臆。
曳雲鳳之徜徉。服翠蚪之泮渙。遂自陽靈之宮。往會天
元之旦。羽旄四合。垓陛三登。上壁左琮之華。合祛而信
祝。祖蔭宗題之次。更侑而迪嘗。拜嘉胙于席垂。列欽紫
于雲表。靈心合答。熙典脩成。

趨蹌于寶蠟光中。魯之秉文之德。舞蹈于金猊香裏。徒
深昭格之思。舉相如三十人作歌。無庸馬走。若兒寬十
萬歲上壽。有美鴈行。肅雍將事。戒魯卿跛倚之臨。乾惕
從王切。莊子文犧之懼。共給楚貢。粗慙縮酒之茅。造託
湘流。莫對受釐之席。

廟祭

嚴祀有則。赤鴈降于祠官。宣帝尊孝武廟為世宗。古
祠孝昭寢有五色雁來集。祭
謁無虧。白鶴翔于清廟。宣勃郡國皆立世
宗廟有白鶴來翔。禮終九獻。見
玉柱之生芝。樂展四懸。覺鈞天之合律。園陵動色。躍在
藻之泉魚。弓劔皆鳴。鑄汗金之風馬。事高宣室。禮縹大
清。百靈颺蛻。千秋承霜露之容。萬福繽紛。兩座見雲霞
之色。

禱用

晉下邳內史曹毗。敬告山川諸靈。頃節運錯。辰早亢陰。
銷川竭谷。虛石流山。焦天無纖雲。野有橫飈。盛夏應暑
而或涼。草木無霜而自凋。皇皇農夫。輟耕田畔。悠悠舟
人。頓造川岸。雲根山積。而中披雨。足垂零而復散。聖主

當膳而減味。牧伯忘餐而過晏。民庶拊心而頓蹙。稽紳不期而同歎。

梁任孝恭鍾山。賽蔣帝文。嘗聞河南少雨。漢王避其正殿。許下輟潤。魏后計彼塵書。和氣乖運。陰陽舛互。風至若湯。雲生猶火。速能制茲東井。告彼南箕。水蒲畢星。氣衝卯地。使君子有豐豐之心。耕夫無感感之念。

漢皇布詔。軋封矯誣。彰失唐帝。術行縮水。荒誕貽譏。四海忽飛朱鬣。中方頓舞黃龍。電掣豐隆。陰帝捲五湖清浪。星馳屏翳。巨靈洩四瀆。洪瀾玉女披衣于涌。氣雷君出裝以西行。五政不爽。非忤羅浮之神龜。十日爲期。獨

鳴武昌之石鼓。得粟爲禱。恩歸造物。發苗生鮒。歛却神功。

竊惟雨暘時若。天之所以資生。陰陽燮和。人之所以參化。茲者邇自春來。迄今夏至。總計陰雨一百九。何啻十寒。屈指晴明三十一。不能一暴。不日又暄。凝雲生根。如水益深。如雨有脚。將高岸之爲谷。疑銀河之欲枯。易生之物。未有能生。枵腹之民。何以實腹。客歲洪水。壞屋衝田。隱痛在目。卽今編戶。炊玉燒桂。痾瘵切身。此皆縣官不職。上干天和。致令旻天。疾威下絕。民望然好生大德。詎無生意之可回。明神有靈。惟恃神功之得力。伏願界

商羊于豸虎。投天吳于魑魅。返鬱儀之駕于陽谷。張金鳥之翅于中天。令萬物忻陽氣而回生。黎民矚天光而鼓舞。

明堂

總章

尸子。黃帝曰合宮。有虞曰總章。殷人曰陽館。周人曰明堂。管子。黃帝立明堂之議。舜有告善之旌。湯有總街之廷。武王有靈臺之候。周禮。夏后氏大室。殷人重屋。周人明堂。

茅屋

大戴禮。明堂者凡九室。一室而有四戶八牖。以茅蓋屋。上圓下方。所以明諸侯尊卑也。外水名曰辟雍。總二十

六戶七十二牖。三輔黃圖。明堂者。明天道之堂也。所以順四時。行月令。宗祀先王。祭五帝。故謂之明。辟雍圓如璧。雍以水。異名同事。其實一也。按諸儒及舊說。明堂宗

靈臺。候望之所。三輔黃圖。以為明堂。辟雍。同管子。以為明堂。靈臺同。蓋古今異說也。

周書。東方曰青陽。南方曰明堂。西方曰總章。北方曰玄室。中央曰太廟。五經要義。作太室。左為左个。右為右个。

靈臺

禮論。或以明堂者。文王廟。周時德澤和洽。高茂大。以為宮柱名。為高宮。

五更

白虎通。禮三老于明堂。所以教諸侯孝。禮五更于太學。所以教諸侯弟。

漢書。上欲治明堂。未曉其制。濟南人公玉帶上黃帝時明堂圖。圖中有一殿。四面無壁。以茅蓋屋。通水。水圜宮垣為複道。上有樓。從西南入。名曰崑崙。天子從之。武帝封岱宗。立明堂于太山汶上。

考經緯之長策。應黃鍾之旋宮。穆穆四門。可納四氣。明明八窓。均調八風。靡金靡玉。匪磨匪礱。去隋侯之夜光。明素質以為工。思承天以接神。故峻壘乎皇穹。颺乎懿濶。縉兮豐融。雷承乾以震耀。雲大壯乎其中。非至聖之精誠。孰能克勤乎此功。

農扈屢豐。協氣方流于縣宇。人宮大享。曠儀遂舉于中天。驛置星馳。高呼雷動。恭惟陛下。範圍元化。斧藻太平。鑒天明地。察之嚴。屢修美報。思祖功宗德之大。左謹精禋。調元布政。尚存黃帝之規。嚴父配天。肆舉周人之典。臣考漢家汶上之圖。繼周頌我將之作。落霞秋水。身縻刺史之左符。廣樂鈞天。夢繞總章之右介。前宣室之席。絕企清光。扈甘泉之車。猶存昨夢。

辟靡

白虎通。天子立辟靡。辟者象壁。圓法天。靡。壅也。壅之以水。象教化流行。五經通義。諸侯不得觀四方。故缺東以南。南。半天子之學。故曰類宮。

類者判也。魯頌作泮宮。

米廩

記米廩有虞氏之庠也。序夏后氏之序也。瞽宗殷學也。

周制大學為東膠。小學為虞庠。庠序皆學也。庠之言詳也。于以考禮詳事也。魯

謂之米廩。虞帝之庠人藏粢盛之委焉。序次序王事也。瞽無日以喻童蒙言瞽矇之所宗也。膠之言糾也。所以糾收學士也。祭義曰。

周有四郊之虞庠。

四教

記學正崇四術立四教。春秋教以禮樂。冬夏教以詩書。

師氏掌以徽音美詔王。以善道告王以三德教國子。舜命夔曰命汝典學

教胄子。胄子即國子。一曰至德以為道本。二曰敏德。仁義順時以為行

本。三曰孝德。以知逆惡。

凡學必時。春夏學干戈。秋冬學羽籥。皆于東序。春誦夏

絃。太師詔之。瞽宗秋學禮。執禮者詔之。冬學書。典書者

詔之。禮在瞽宗。書在上庠。

古之教者。家有塾。黨有庠。術有序。國有學。古者仕歸教于閭里。朝夕

坐于門側之堂。謂之塾。五百家為黨。萬二千五百家為遂。術當作遂。遂在郊外。比年入學。中年

考校。中間也。間歲則校學者之德行。三年大比。乃考焉。一年視離經。辨志。三年

視敬業。樂群。五年視博習。親師。七年視論學。取友。謂之

小成。九年知類通達。強立而不反。謂之大成。

記。孔子曰。入其國。其教可知也。其為人。也溫柔敦厚。詩

教也。疏通知遠。書教也。廣博易良。樂教也。絜靜精微。易

教也。恭儉莊敬。禮教也。屬辭比事。春秋教也。

庖犧作八卦。神農重之。為六十四。夏人因炎帝曰遠山。

六經

易山

六經餘論卷之二

殷人因黃帝曰歸藏。文王廣六十四卦。著九六之爻。謂之周易。周公作文詞。孔子爲彖象繫辭。文言序卦之屬。十篇。謂之十翼。初卜商爲易傳。至西漢名家。有施讎。孟喜。梁丘賀。京房。費直。高相。東漢則鄭玄。魏則王弼。並注易。至西晉。梁丘施。高二氏亡。孟京二氏有書無師。而鄭玄。王弼所傳。則費氏之學。

善九丘

釋名三墳。墳分也。論天地人之始分也。五典。典。鎮也。所以鎮定上下。差等有五也。八索。索。素也。著素王之法。若孔子者。聖而不王。制此法者。有八也。一日八卦之說。謂之八索。求其義也。九丘。丘。區也。區別九州風土所宜也。皆此三

孔子贊易以黜八索

王以前。上至羲皇時書也。惟堯典存。

附

上世帝王遺書。有墳典訓誥誓命。孔子刪而序之。斷自唐虞。下訖于周。凡百篇。以其上古之書。故曰尚書。遭秦滅學。並亡。漢興。濟南人伏勝。能口誦二十九篇。文帝欲立尚書學。以勝年且九十餘。老不能行。乃詔太常晁錯。就其家傳受之。得四十一篇。歐陽大小夏侯傳其學。是曰今文尚書。劉向五行傳。蔡邕勒石經。皆其本。

孔壁

魯恭王壞孔子宅。于壁中得古文尚書。武帝乃詔孔安國定其書。作傳義五十八篇。書成。遭巫蠱事。不行。至魏晉之際。榮陽鄭冲。私于人間傳之。東晉汝南梅頤。奏上

始列學官。此則古文尚書矣。

漆書東漢杜林字伯山于西州得漆書古文尚書一卷。衛宏徐

巡皆受林學。

毛詩孔子刪詩。上取商。下取魯。凡三百十一篇。秦滅學。亡六

篇。今三百五篇。初孔子以詩授卜商。商為之序。以授曾

申。魯人申授李克。魏人克授孟仲子。魯人仲子授根牟子。牟子

授荀卿。趙人卿授毛亨。魯人作詁訓。以授毛萇。趙人時人謂亨

為大毛公。萇為小毛公。故名詩曰毛詩。東漢鄭玄取毛

氏詁訓所不盡。及異同者。續為注解。謂之曰箋。箋薦也。

言薦成毛意。

如詩。推度災曰。建四始。五際。而節通。卯酉之際。為革政。午

亥之際。為革命。神在天門。成之出入候聽。習奉曰。五際

謂五倫。

仲尼沒而微言絕。七十弟子喪而大義乖。故詩分為四

謂毛齊韓魯也。

義孔子約魯史以修春秋。書有褒貶。不可以書見。口授弟

子。左丘明恐弟子各安其意。以失其真。故夫子所言而

作傳。卜商又授弟子公羊高。穀梁赤。又各為之傳。孔子

沒而春秋分為五。謂左氏。公羊。穀梁。鄒氏。齊氏。今鄒齊

亡。左氏有賈逵訓詁。服虔。杜預註。杜預有左癖公羊有何休

解詁。穀梁有范甯集解。

周禮儀禮。並周公所作。記所謂禮經三百。威儀三千。禮經則周禮也。威儀則儀禮也。周禮遭秦滅學。藏山巖屋。壁得不亡。漢武時。季氏獲之。以上河間獻王。獨闕冬官一篇。購之千金。不得。乃以考工記補之。奏入秘府。至劉歆始奏立樂官。鄭玄爲之注。儀禮周衰已亡。至漢高堂生所傳十七篇。惟士禮存焉。後世推士禮。以致天子之禮而行之。馬融鄭玄王肅。並爲之注。禮記者。本孔子門徒共撰所聞也。後通儒各有損益。子思作中庸。公孫尼子作緇衣。漢文時。博士作王制。其餘衆篇。皆如此例。宣

帝時。東海后蒼善說禮于曲臺殿。撰禮一百八十篇。號曰后氏曲臺記。蒼傳梁國戴德。及德從子聖。乃刪后氏記爲八十五篇。名大戴禮。聖又刪大戴禮爲四十六篇。名小戴禮。其後諸儒。又加月令。明堂位。樂記三篇。凡四十九篇。則今之禮記也。有馬融鄭玄注。馬注今亡。至宋仁宗世。王堯臣及第。賜中庸。呂臻及第。賜大學。于戴記中。表章二書。以開四書之端。

漢武延儒百數。言易有淄川田生。言書有濟南伏生。言詩。魯則申培公。齊則轅固生。燕則韓大。傳嬰。言禮。則魯高堂生。言春秋。齊則胡毋生。趙則董子仲舒。而公孫弘

爲丞相封侯。天下靡然從風矣。太常議因舊博士置弟子五十人。

東漢明帝臨辟廱拜三老。宗戚子弟莫不受學。

後魏道武帝立太學。增國子太學生員三千。獻文帝天安初立鄉學。郡置博士二人。助教二人。學生六十人。郡縣學始此。

唐太宗置弘文館于上臺。生徒三十人。置崇文館于東宮。生徒二十人。並以皇族懿親子弟爲之。西京國子監領六學。一曰國子學。生徒三百人。以文武三品以上子弟爲之。二曰太學。生徒五百人。以四五品子弟爲之。三曰四門學。生徒千三百人。以六品七品子弟及庶人之俊秀者爲之。四曰律學。生徒五十人。以八九品子弟及庶人之習法令者爲之。

五日書學。以習文字者爲之。生徒三十人。六曰算學。以習計數者爲之。生徒三十人。無何高麗百濟新羅高昌吐蕃諸酋長亦遣子弟請入國學。共八千餘人。

三輔黃圖禮小學在公宮之南。大學在東。就陽位也。去城七里東。爲常滿倉。倉之比爲槐市。列槐樹數百行。爲隧。無墻壁。諸生朔望會且市。各持其群所出貨物。及經傳書記笙磬樂器。相交易。雍容揖讓。論義槐下。

齊有稷山館。其下以周遊學士。因以爲名。齊都賦曰。濟濟稷下。

漢文翁爲蜀郡太守。起學宮。設官。使子弟受業。

文翁

稷下

槐市

六

書

餘

韻

卷

之

二

一

一

范

晉范甯為餘杭令。興學校。養生徒。遷豫章守。取郡四姓子弟。皆充學生。又起學臺。功用彌廣。

釋奠

記釋奠。卽舍音釋菜。舍置也。置菜于前而祭之也。菜。芹藻

之屬。夏小正曰。二月丁亥萬丁亥吉日也。萬千戚舞也。則祭之用丁日舊矣。

四六
頌語

秦焚金篆。周亡玉鏡。群言爭亂。諸子相騰。書則夏侯。歐陽。易則神輪。道訓詩乃齊魯。毛韓傳稱鄒左。張郊禮有曲臺。王史之異。樂有龍德。趙定之殊。伏惟陛下。撫五辰而。建五長。播九德。而導九州。容成爲曆。興景雲之瑞。伶倫吹律。應黃鍾之琯。若非六經庖厨。百家異饌。三墳爲瑚璉。五典爲笙簧。豈能暴以秋陽。紆就望之景。濯以江

漢播垂天之澤。

五學惟周爲盛。

東學西學南學北學太學三廡自漢而興。辟廡靈臺明堂三

千壁水。教自國中。萬里覲旌。來從天上。圓橋億萬。漢明帝

踵堂八千。唐太宗編珠拱極。憲東壁之經星。群玉名山。峙

西崑之策府。

紫盞鴻圖。茂舉右文之典。黃宸駿烈。式昭崇道之徽。聳

觀聽于橋門。儼威儀于堂陛。竊自虞廷授受。倡十六字

心源。人心惟危。道心惟微。惟精惟一。允執厥中。孔壁編摩。開億萬年聖緒。洙

泗衍西河之派。禮樂肩躋。齊梁紹東魯之休。章縫踵接。

白隴中之烟。旣燄而沛上之戰。方酣荆棘。蒲尼山非復

絃歌之地。藻芹虛泮水。寧觀俎豆之容。幸息馬投戈。不
變溺冠故習。迨乞言養老。允孚前席虛懷。述作規模。更
千秋而仰止。帝王學術。曠百世其常新。恭惟陛下。尊崇
六籍。恍披霧以見青天。優遇群儒。猶稀陽之歌湛露。振
纓文藪。曳組賢關。席啟金華。佳氣鬱浮仙仗。香飄御座。
芳馨繚繞霞衣。翠華搖拽乎朝暎。葆羽翩翩乎春色。臣
縫掖趨鸞坡之迥。以隨游夏。以升堂軒墀龍衮之華。如
見顏曾之侍坐。卒桓榮之業。因人而成。登劉洎之床。則
臣豈敢伏願。堯天時勅。湯日又新作之君。作之師。文教
誕敷于九有。得其名。得其壽。皇圖鞏固于萬年。

東觀書林。久俟漢儀之覩。西崑策府。載瞻周馭之臨。帝
暉下矚。光榮河溫洛之藏。天藻昭垂。琇過沛橫汾之詠。
黃繖飄翻。徑草生香于過輦。翠華至止。江鷗借影以朝
陽。

翠華承日。仙仗齊開。黃繖飛雲。鑿輿至止。彼殿廷重席。
戴憑虛侈于漢恩。而麗正說書。張說謾誇乎唐典。崇政
之經歲編。僅課虛文。邇英之閣日開。惟循故事。茲者日
擁金鑿。影動天章之署。風生玉陛。香飄合殿之煙。聽程
頤之諫柳。資傳說以調梅。發芳訊于冊書。討竒文于綠
字。授經侍講。進漢儀之儒紳。賜坐颺言。述孔門之問答。

雲棲藻館風動蒿宮。

藉田

藉說文帝藉千畝者使民如借故謂之藉周官上春詔王后帥六宮之人而生種稷之種而獻之于王

三推

記孟春之月天子乃以元日祈穀于上帝天子親載耒耜率三公九卿諸侯大夫躬耕帝藉天子三推公五推卿諸侯九推庶人終畝反及執爵于太寢命曰勞酒又曰昔者天子為藉千畝冕而朱紘應劭漢官儀東耕之日親率公卿戴青幘載青車駕蒼馬晉輿服志金根車天子親耕所乘也置耒耜軾上

一墾

周宣王不藉千畝號文公諫曰夫民之大事在農先時九日太史告稷曰陽氣俱蒸土膏其動即以告王王即御事王耕一墾班三之一墾一耦之祭也耜廣五寸二耜為耦一祭廣尺也班次也三之謂公卿大夫也王之下各三其上公三祭卿六祭大夫九祭也庶人終乎千畝王不聽師敗于姜戎也

鈎盾

漢昭帝耕鈎盾弄田在未央宮中

賜食

東漢永平十三年二月耕藉田畢賜觀者食有一諸生前言善哉文王之遇太公也上書版曰生非太公予亦非文王

四六頌語

甸師清畿野廬掃路封人壝宮掌舍設板青壇蒔其獄

立翠幕。默以雲布。結崇基之靈趾。啟四塗之廣阼。沃野
墳腴。膏壤平砥。清洛濁渠。引流激水。遐阡繩直。邇陌如
矢。葱牯服于縹軌。糾韓綴于黛耜。天子乃降靈壇。撫御
耦遊。場染屨。洪縻在手。三推而舍。庶人終畝。貴賤以班。
或五或九。躡踵側肩。荷裳連袂。黃塵爲之四合。陽光爲
之潛翳。動容發音。而觀者莫不抃舞乎康衢。謳吟乎聖
世。

修六府。穀之爲本。陳八政。食以爲先。昔周宣情千畝之
禮。虢公納諫。漢文缺三推之義。賈生直言。祥正農祥而
青旗肅事。土膏而朱紘戒典。將使杏花苜蓿。耕穫不愆。

清畝冷風。述遵無廢。

農祥晨正。動一氣于青陽。帝藉躬耕。舉三推于黛耜。歡
傳華旦。風動綿區。竊以藉乃借民。周頌述載芟之訓。冕
而從事。戴經垂耒之詞。天田九星。象著耘耔之應。農
輿三蓋。禮爲恭儉之先。書頌一札。已聞天語之叮嚀。麥
秀兩岐。願繼前賢之彷彿。

司農制播植之器。挈壺掌升降之儀。天子倡三公之耕。
耒耜親載于元日。王后嚴六宮之帥。種稔敬獻于上春。
玉鑾順動。履千畝于近郊。金駕時遊。復三推于舊制。雨
師清路。聳鳳蓋以來雲。風伯霽塵。建龍旂而拂日。青壇

岳立翠幕煙平。紆轅黛耜。克遵應劭之儀。綠耦朱紘。允
脩曹褒之禮。

親蠶

盆

祭義。太昕之朝。季春朝日之朝君皮弁素幘。卜三宮。夫人世婦

之吉者。使入蠶于蠶室。奉種浴于川。桑于公桑。風戾以

食之。恐露濕傷蠶風之使燥而後食之歲既單矣。歲盡三日世婦卒蠶。獻繭

于夫人。夫人曰。此所以為君服與。遂副禘而受之。因少

牢以禮之。及良日。夫人繰三盆手。遂布于三宮。夫人世

婦之吉者。使繰。遂朱綠之。玄黃之。以為黼黻文章。君服

以祀先王先公。敬之至也。三盆于三淹也。凡繰用淹大總而手振之以出絲緒

蠶

蠶神曰苑窳婦人。寓氏公主。又先蠶則天駟星。

二條

皇后躬桑。始將一條。執筐受桑。文蠶始生。后食之。三灑
而止。

福

列女傳。宿瘤。齊東郭采桑女。閔王娶為后。

濯龍

東漢明德馬后。置蠶室于濯龍中。數往來觀視。

四六
頌語

采帝女之桑。爰求十畝。分后妃之繭。遂布三宮。揚黼黻
之奇章。播朱紫之艷色。供帝郊之舊制。配春天之景福。

營建

宮
貳宮

堯有貳宮。馮宮。湯有鏹宮。見墨子周有高宮。鄭宮。春宮。離

宮。吳有館娃宮。秦有斬年宮。信宮。梁山宮。阿房宮。漢有

長樂未央長門林光宜春池陽望僊長揚集靈通天馭
娑棠梨扶荔五柞諸宮。

漢武栢梁災越巫言越俗有火災復大起宮室以厭勝
之于是起建章宮千門萬戶。

漢武起明光宮發燕趙美女二千人充之建章未央長
樂皆輦道相屬懸棟飛閣不由徑路。

漢劉歆作甘泉宮賦王褒作甘泉宮頌。
周禮車宮。韓門為壇壝宮。戟門。帷宮。旌門。無宮。則供人

門。車宮謂王行止宿之處。倫非常次車以為藩則仰車
以表門築壇起土壝為宮。則以戟為門若晝食其帷
宮則樹旌以表門無宮陳列
周衛則惟選長人立以為門

臯門。庫門。雉門。應門。路門。天子門也。又賈誼書。天子宮
門曰司馬門。

史記金馬門者。宦者署門也。門傍有銅馬。故謂之曰金
馬門。

東漢建武二年。有司請封諸舅。馬后詔曰。前過濯龍門
上。見外家車如流水。馬如龍。吾亦不譴怒之。但絕其歲
用。冀其默止。

風俗通。殿堂象東井形。刻作荷菱。荷菱水物也。所以厭
火。又摯虞注曰。凡大殿。乃有陛。堂則有階。無陛也。九錫
之禮。納陛以登。謂受此陛以上殿。

百虎

秦始皇始作前殿。漢有白虎。會諸儒白虎殿講五經同異。金華。張禹說書金華。

殿鳳凰。宣帝建。麒麟椒房。二殿在未央宮。宣德通明高明。在長樂宮。又

有大夏長秋披香朱鳥玉堂却非增城合歡銅馬諸殿。

東漢有溫明。在邯鄲。德陽。明帝起德陽殿周旋容萬人激洛水于殿下謂公卿曰鍾離意若在不得成此殿。陽安華光諸殿。魏有太極。晉以來正殿皆名之。九龍芙蓉。

後漢王延壽魯靈光殿賦序曰魯靈光殿者蓋景帝程

姬之子恭王餘之所立也。遭漢中微自西京未央建章

之殿盜賊奔突皆見隳壞而靈光巋然獨存。意者豈非

神明依憑支持以保漢室也。

甲帳

漢武起神屋以琉璃珠玉明月夜光雜錯天下珍寶為

甲帳其次為乙帳甲以居神乙自御之。

公孫卿謂武帝曰仙人好樓居于是上令長安作飛廉

桂觀其泉作延壽觀其露二年上幸苜蓿音陽宮屬玉觀

又有鳩鵲神明集靈陽祿臨仙滑橋昆明射能迎風閣

風諸觀魏明置崇文觀徵善屬文者充之。

廣雅象魏闕也周官太宰以正月懸治法于象魏左傳

哀三年司鐸火踰公宮季桓子至命藏象魏曰舊章不

可忘。象魏門闕也法令懸之因以其書為象魏。老子云身處江海之上心在

魏闕之下。

九雉
玉堂

尚書大傳。天子堂高九雉。雉長三尺諸侯七雉。伯子男五雉。漢玉堂在太液池南。

鯪堂

東漢楊震講書有鸛雀銜二鯪魚飛集講堂。都講進曰。

一室

鯪蛇者大夫之象也。數二者法三台也。先生自此陞矣。

衢堂

管子堯有衢室之問者。下聽于民也。

官室

漢文徵賈誼入見上方受釐坐官室。因感鬼神之事。與

暴室

誼言之。又取暴室。晉夫許廣漢女。暴室織染局取日暴之義

輪矣

晉獻文子成室。張老曰。美哉輪焉。美哉奐焉。

肯堂

書若考作室。既底法。厥子乃不肯堂。矧肯構。

蕭齋

梁武造寺。命蕭子雲飛白大書一蕭字在焉。李約自江

樓

淮竭產買歸于洛中。匾于小亭。號曰蕭齋。

麗樵

魏有麗樵。莊子徐無鬼謂魏武侯曰君亦必無盛鶴越

有飛翼

漢有井幹。音寒武帝建高五丈以候神人魏有白門樓。吳有

白雀樓

晉有伺星儀。鳳翔。唐有花萼樓。南宋有景陽樓。

南樓

晉庾亮在武昌。諸佐吏殷浩之徒。秋夜共集南樓。不覺

庾至

諸人將起避。亮曰。諸君少住。老子于此興復不淺。

魏王粲

登樓賦。鍾儀幽而楚奏。莊舄顯而越吟。人情同

于懷土

豈窮途之異心。蔡字仲宣避難荆州依劉表登江陵城樓懷歸而作

劉倫

答許汜曰。如小人欲卧百尺樓上。卧君子地下。又

百尺

六朝餘韻卷之二

玉樓

殷浩廢後恨簡文曰。上人著百尺樓上。擔梯將去。

閻風苑有玉樓十二。李白詩。天上白玉京。十二樓五城。

又李賀夢人持版告曰。天帝白玉樓成。請君為記。

閣
天祿

漢劉向校書天祿閣。天祿獸名有黃衣老人植青藜杖叩閣

而進吹杖端烟。然火曰。我太乙之精。出竹牒。天文地理

之書悉授之。又楊雄校書天祿閣。獄使收雄。投閣幾死。

京師語曰。惟寂惟莫。自投于閣。

麒麟閣

漢圖功臣麒麟閣。

阿閣

黃帝時白鳳巢阿閣。

臨春

陳後主作臨春。結綺。望春。二閣。以沉檀香木為之。臨春

臺
漸臺

後主自居。結綺。張麗華居之。望春。龔孔二妃居之。

殷有鹿臺。南單臺。

汲冢書。武王親會。受于南單之臺。

周有靈臺。秦有章

臺。鳳臺。

弄玉吹簫。

漢有漸。

音尖。臺在池上。取不浸之義。

臺。

武帝所建。後王莽苑此。

栢

梁臺。通天臺。後漢有雲臺。魏有銅雀臺。冰井臺。

章華

楚王饗客章華臺。靈王作乾谿之臺。且有姑蘇臺。項羽

有戲馬臺。

懷清

史記。寡婦清。其先得丹穴而擅其利。清。寡婦也。能守其

業。秦始皇以為貞婦而客之。為築女懷清臺。

梁園

匏瓜星為天子果園。史記有梁園。漆園。

莊周為漆園吏。

楚橘柚

園。三秦記。漢武有樊川園。

一名御宿。

有大梨名舍消。魏明帝

起景陽山于芳林園中。後避少帝諱改華林又有桐園。晉有靈芝園。葡萄園。又晉人有園在宅左。名睹闌。

世說。晉簡文入華林園。顧謂左右曰。會心處不必在遠。

翳然林水。便自有濠濮間想。覺鳥獸禽魚自來親人。

王子敬入會稽。經吳門。顧辟疆有名園。先不識主人。逕

往其家。值顧燕集園中。而王遊畢。逕出。傍若無人。

莊子。子貢過漢陰。見一丈人鑿隧抱甕。汲井取水而灌

園。子貢曰。有機于此。日浸日畦。挈水若抽。名曰桔槔。丈

人曰。吾知之。耻而不為。又於陵子辭卿相而桔槔灌園。

周禮。囿人掌國游之獸禁。國遊者國之離官小苑遊觀處漢有甘泉上

華林

辟疆

灌園

苑
國游

林思賢。文帝為太子立以招賓客博望。武帝為戾太子立使通賓客黃山。霍雲後

漢有畢圭。靈崑。鴻德。桓帝置廣成。靈帝獵晉有平樂。鹿子桑

梓。諸苑。

杜審言。北斗挂城邊。南山倚殿前。雲標金闕迥。樹杪玉

堂懸。半嶺通佳氣。中峰繞瑞烟。

沈佺期。輦路披仙掌。帷宮拂帝蘿。泉臨香澗落。峰入翠

雲多。

宋之問。臺疑臨戲馬。殿似接疏龍。捧篋黃香編。稱觴菊

氣濃。北闕層城峻。西宮復道懸。花柳含丹日。山河入綺

戲馬

輦路

靈崑

廣成

詠龍

蘇頲。躡龍磴道切。昭回建鳳旗。門遶帝臺。七葉仙萸承。月吐千條御柳。拂烟開。

當筵

張說。城臨渭水。天河靜闕對南山。雨露通。遶殿流鶯。凡幾樹。當蹊亂蝶。許多叢。

杜甫。蓬萊宮闕對南山。承露金莖霄漢間。西望瑤池降王母。東來紫氣滿函關。雲移雉尾開宮扇。日遶龍鱗識聖顏。

桐花

許景先。瑞氣朝浮五雲閣。祥光夜吐萬年枝。蘭葉負龜初薦祉。桐花集鳳更來儀。

鶉居

賀知章。華滋的皪丹青樹。照氣氤氳金玉堂。尚有靈蛇

詠

下廊時。還徵瑞寶八陳倉。層欄窅窅下龍輿。清管逶迤半綺踈。一聽南風引鸞舞。長謠北極仰鶉居。

唐玄宗。佳氣蒲通郊。遲步入綺樓。初鶯一一鳴紅樹。歸鴈遲遲去綠洲。太液池中下黃鶴。昆明水上映牽牛。聞道漢家全盛日。別館離宮趣非一。為想雄豪壯栢梁。何如儉陋卑茅室。陽鳥黯黯向山沉。夕鳥喧喧入上林。薄暮賞餘回步輦。還念中人罷百金。

翠微

錢起。翠微回日馭。丹巘駐天行。御氣升銀漢。垂衣俯錦城。山通玉苑迥。河抱紫關明。

紫蓋黃旌。揚都之王氣長久。龍蟠虎踞。金陵之地勢堅。

貞秦人所止。實漢祖而爲宮。吳都佳氣。乃元皇而斯宅。
千櫺赫奕。萬栱峻嶒。植綠芰而動微風。舒丹蓮而制流
火。甘泉遠望。覩正殿之崢嶸。函谷遙看。美皇居之佳麗。
松軒夜警。杳冥姑射之心。茅殿晨疑。寥廓峒山之駕。臣
雲風太上。庇影華胥。仰衢室而無階。候襄城而有地。雖
望卑平叔。空勒景福之詞。而文謝子雲。願竭甘泉之思。
華闕連雲。帝座上參紫極。崇牖拱日。皇居永鎮玄都。竊
惟上棟下宇。大壯豫風雨之防。左掖右明。營室貫斗牛
之象。故唐開衢室。而虞建合宮。巢阿閣以鳳皇。走靈臺
以麋鹿。美輪美奐。昭懿訓于晉卿。肯構肯堂。尊嘉謨于

周誥。雕墻作備。刻楠滋章。長樂宣淫。章華築怨。柏寢鬼
峩。奚取千門萬戶。萼樓壯麗。徒耽一帝五王。凌煙之畫。
僅表忠良。仁壽之娛。未全孝敬。恭惟陛下。凝神立極。體
道爲樞。至仁盜乘屋之風。大德溥攸居之化。百靈神助。
俄驚萬栱雲浮。庶民子來。倏見千楹岳峙。開閭闔于天
上。九龍騰景福之輝。聳樓閣于空中。五鳳煥承明之彩。
映丹檐而灼爍。斗栱音哲凝朱。聯碧甃以輝煌。璇題擁翠。
璧金鵝之仙掌。九重日醉春桃。壯銅駝之偉觀。萬仞煙
籠曉仗。輦飛鳥革。氣雄百二山河。佩玉鳴鸞。光動三千
禮樂。臣拜基命而經營大匠。愧無一木之支。覩落成而

考績各官。祇效九成之頌。敢不讀梓人之傳。悟相體于引繩。檢考工之篇。識禮學于後素。伏願心存溝洫。聖人禹域而優。儉克茅茨。道望堯墻而見。四海爲家。更願網繆于牖戶。萬戶安宅。益堅壯麗之山河。

林衡授矩。周官詮揆日之工。梓匠揮斤。荆客練成風之巧。鳳池青瑣。參差鴈齒之階。鸞庭綺窓。錯落魚鱗之屋。璇題耀日。登瑋瑋之金椽。珠網懸星。沉琉璃之玉閣。將九成而接影。天外舒蜺。共五柞以連陰。雲中佩鳳。竹苞松茂。千櫺張赫奕之容。鳥革翬飛。萬栱端峻嶒之勢。望瑇簷而四柱。俯納乾坤。上層榭而三休。平看日月。

五鳳樓

永寧飾侈于唐朝。徒彰晨素。長樂彌文于漢室。未睹清溫。茲者壯翬飛鳥革之規。彤庭並建。峙龍蟠鳳翥之勝。金屋弘開。瑤池直接乎蔽垣。制卑隘祐蓬島。遙連乎月榭。光掩長秋。袞衣膝下。異人間萊彩庭階。珠珥尊前。合天上斗垣紫宇。

五鳳樓

開閭闔于天上。登閣道于雲中。兩觀佳兔。門闕遂來乎賢士。五雲縹緲。樓居夙好于仙人。璇題切紫極以崢嶸。朱栱並廣寒而掩映。雕文有燦。九龍獻彩于承明。綺翼斯飛。五鳳騰輝于景福。

五鳳樓

洛陽之立四親。未符曩烈。景靈之奉列聖。空炫縉文。寢

廟弘開。列石函而有序。神靈協贊。敬奠于以交輝。絳闕九
成。下交風雨。碧樓三襲。上造雲霄。秘殿重深。列儀坤之
正位。迴廊曼衍。圖栱極之元臣。明堂之考。禮樂允叶。周
文原廟之游。衣冠非同漢制。

天府合宮之制。肇自黃農。總章衢室之儀。成則堯舜。方
員有度。乾坤之象斯存。左右不偏。冬夏之宜自造。明明
八牖均暢。八風穆穆。四門節宣。四氣三十六戶。環大寢
以旁開。七十二窓。絡重簷而四列。玉女攀星于網戶。金
娥納月于璇題。遵玉帶名人以命圖。非同漢陋。因茂蒿而
作柱。實驗周仁。

大學

魯以泮宮發詠。尚觀遺風。鄭以鄉校貽譏。未觀大雅。辟
廳建議。慨聚訟之紛然。學圃盈蔬。何崇文之不繼。廟堂
樓閣。飛金碧以交輝。椽桷棟梁。被丹青而絢采。尊居侔
于鳳闕。殿啟大成。傑構敞于虎闈。堂分六館。千間厦屋。
經營成不日之功。萬仞宮牆。錯落起冲霄之勢。

孔廟

赫赫魯廡。星當奎壁。巍巍闕里。宅枕尼山。懸甕一開。張
伯難逃于懷壁。遺音乍聽。魯恭竟阻于登堂。梁木載懸。
新甫徂徠之舊植。宮牆肇啟。泰山泗水之餘基。前後殿
披並文昌而高出。東西廡列象營室以旁迴。飛配極之
層宮。千齡俎豆。結冲霄之寶勢。萬仞宮牆。過庭觀禮。循



六朝倉書
懷超鯉之風入室升堂更想統龍之跡

六朝餘韻

亭

CENTRAL



國立中央圖書館 國家圖書館 國家圖書館 國家圖書館 NATIONAL CENTRAL LIBRARY, TAIWAN, R.O.C.

ROC



六朝餘韻分目

聖政

授時

羲和

鳳曆

渾天

曆考

定時

四頌語

制禮

五禮

伐樹

綿蕤

新禮

羊雁

九拜

天揖

手拜

四頌語

作樂

律呂

嶰谷

吹律

五聲

八音

樂考

堵肆

九夏

夷樂

夾谷

歌

四音

五子

NATIONAL CENTRAL LIBRARY, TAIWAN, R.O.C.



| | | | | | |
|------|----|----|----|----|----|
| 退雲 | 動塵 | 繞梁 | 帝俊 | 扣角 | 易水 |
| 麥秀 | 大風 | 采薇 | 采芝 | 屢屨 | 白雪 |
| 虞兮 | 楚歌 | 越人 | 五噫 | 瓠子 | 琴心 |
| 烏孫 | 昭君 | 團扇 | 桃葉 | 燕人 | 碧玉 |
| 白苧 | 伯勞 | 河水 | 鳳雛 | 懊儂 | 子夜 |
| 督護 | 烏啼 | 襄陽 | 估客 | 楊叛 | 後庭 |
| 舞 干羽 | 象成 | 人舞 | 萬舞 | 公莫 | 巴渝 |
| 七聲 | 鞞舞 | 鐸舞 | 白鳩 | 白苧 | 紫塵 |
| 折腰 | 長袖 | 馬舞 | 鸚鵡 | 沐猴 | 晏龍 |
| 立志 | 南音 | 子期 | 雍門 | 焦尾 | 廣陵 |

| | | | | | |
|------|----|----|----|----|----|
| 明光 | 破琴 | 第三 | 春温 | 素女 | 疏越 |
| 白虎 | 秦聲 | 羅敷 | 桓伊 | 柅柱 | 玉匣 |
| 筑 壯聲 | 坎侯 | 狐瑟 | 哀絃 | 牽化 | 絃鼓 |
| 笙 企脚 | 迴風 | 參差 | 立會 | 給喪 | 弄玉 |
| 笙 鳳聲 | 雙成 | 伊洛 | 錦衣 | 丹蛟 | 折柳 |
| 笙 柯亭 | 三弄 | 宋褊 | 寧王 | 龍鳴 | 孤竹 |
| 竿 濫竽 | 商丘 | 兒啼 | 伍員 | 朝雲 | 鷺子 |
| 笙 蘆葉 | 出塞 | 清嘯 | 鳧氏 | 蒲牢 | 山崩 |
| 立武 | 抱鍾 | 銘勳 | 木鐸 | 牛鐸 | 教事 |
| 磬 浮磬 | 足鼓 | 石鼓 | 駭鼓 | 土鼓 | 鶴鼓 |

漁陽 嚴鼓

在史書 篋內骨 六頌語

賦稅

九州 田賦 代田 笑賦 塩鐵 牢盆

散塩 都當 權酷 笑緡 均輸 常平

六頌語 金寶

六朝餘韻卷之三

海虞王良臣忠亮爰纂輯
同邑姚宗儀鳳來父增補
建安柯仲炯賓朋父校閱
門人吳象先以涵生錄梓

聖政

授時

義和 顧頊命南正重司天。火正黎司地。其後三苗亂德。二官
咸廢。堯乃命羲和。欽若昊天。曆象日月星辰。敬授民時。
少昊氏命官鳳鳥氏司曆。玄鳥氏司分。伯趙氏司至。青

鳳曆

六月 餘員卷之三

鳥氏司啟。冊鳥氏司閉。

渾天黃帝造周髀謂天如張蓋旁轉左行。日月右行。隨天左轉。如蟻行磨上。磨左旋。蟻右却也。高辛造宣夜言天本無質。日月衆星自然浮生虛空中。顓頊造混天儀。蔡邕上書言宣夜之學。絕無師法。周髀考驗天象。多所違失。惟混天近得其情。

歷代曆考

黃帝用辛卯曆。顓頊用乙卯曆。虞戊午曆。夏丙寅曆。湯甲寅曆。周丁巳曆。魯庚子曆。秦乙卯曆。漢太初曆。洛下閭造四分曆。三統曆。魏太和曆。景初曆。吳乾象曆。晉正始曆。合元萬分曆。宋大明曆。元嘉曆。齊天保曆。同章曆。正象

曆。後魏興和曆。元正曆。梁大同曆。承昌曆。後周天和曆。

明元曆。隋甲子曆。開皇曆。皇極曆。大業曆。唐戊寅曆。麟

德曆。神龍曆。大衍曆。僧一行造元和曆。觀象曆。長慶宣明曆。

寶應曆。元正曆。景福崇元曆。晉天福用調元曆。周顯德

用欽天曆。宋太祖應天曆。太宗乾元曆。真宗宣天曆。仁

宗崇天曆。英宗明天曆。元用授時曆。許衡郭守敬造。其測驗之法。東極高麗西極溟池。南踰朱厓。北盡鐵勒。取遠近日晷。酌用之。

以至元辛巳為曆元。積六十年有奇而退一度。定為歲差法。自春秋獻公來。悉合我朝大統曆用之。

每日十二時。共百刻。每時八刻。十二時。共得九十六刻。

餘四刻。每刻六分。合二百四十分。分在十二時上。故有初

初刻十分。正初刻十分。合二十分。故曰每時八刻零二十分。總每時五百分。合一日得六千分。

渾沌初分。鰲極立四海之隼。草萊漸闢。鳥司肅五紀之官。迎日而推。不于軒轅。司天而治曆于顓頊。重黎始精其術。羲和世掌其官。璣衡察以虞書。澤火象之周易。馮相保章之職。周官九野是司。蓋天宣夜之規。兩儀攸辨。秦庭月令。慨置閏之無經。漢世太初。幸從律而有本。洛下閎耿中丞。得周髀之遺法。何承天杜長慶。開靈憲之真詮。一行集諸家之成。七直轉三樞之運。銅游木箭。置鍾鼓以司晨。玉漏水輪。出銀牌而應候。蒼錄可成于蟻磨。

玄機不爽于鷄丸。恭惟陛下元氣萃于寰中。應鄒生之五德。正朔加于海內。覃禹服之九州。釐正前聞。不廢平淳風所獨得。發揮新制。益備乎大衍所未全。步璇宮以紀曆。元定人間之甲子。驗土圭而知晷刻。運壺裏之乾坤。燭龍昭大火之光。天樞轉曙。朱鳥正中星之度。斗柄回春。窮造化之淵微。梁瓚無以售其巧。洩天人之精蘊。崔玉何所容其辭。

寸管銅律。天地不能以氣欺。尺表璇璣。日月不能以形遁。文條炳于鄒說。分命顯于唐官。及岵夷廢職。昧谷虧方。漢秉素祇之徵。魏稱黃星之驗。紛諍空軫。疑論無歸。

日月休徵風雨玉燭克明之旨弗遠欽若之義復還
形車白馬命仲叔之義和紫極黃龍分魏齊之甘石東
流不溢天問何疑北戶承陽地階無隱秦稱金鬚叨五
勝之宏綱漢起玉鷄叶三微之遠度張平子儀均地動
司馬遷書載天官考大衍之始終步太虛之盈縮窺碧
落于清臺究黃鍾于玉律璿樞顯視同四七以成文玉
管潛聆載十二而分統九道縱橫燭矣舉頭之近五行
進退燦然指掌之文歲八千爲一春一秋期舒化日暮
三百有六旬六日永戴仁天

惟混天儀實模乾象南溟玉室之居爰皇是宅西極金

臺之殿上帝攸安三十五分爲群生之繫命一十二次
當下士之封畿華蓋若若俯臨帝座離宮奕奕旁絕天
津軍市曉而鷄鳴天弧直而狼顧織婦之室漢家之使
可尋飲牛之津海上之人易見觀衆星之部署覩歷曜
而驅馳宣夜用籌未信覆盆之狀周髀有數已淪倚蓋
之虛運員機于密室地隱天中設架屋于宗臺套浮水
上

制禮

伏羲以儷皮爲禮作瑟爲樂可爲嘉禮神農播種始諸
飲食致敬鬼神蜡爲田祭可爲吉禮黃帝與蚩尤戰于

豕鹿可為軍禮。九牧倡教可為賓禮。易稱古者葬于中野。可為凶禮。又修藝類帝則吉禮也。釐降嬪虞則嘉禮也。群后四朝則賓禮也。征于有苗則軍禮也。遏密八音則凶禮也。周禮大宗伯以吉禮事邦國之鬼神祇以凶禮哀邦國之憂以賓國親邦國以軍禮同邦國。同謂威其不協及借以嘉禮親萬民吉禮之別十有二。一禋祀二實柴。差者三禋音西燎四血祭五埋沉六辜音音鬻音音七肆音音獻八饋食九祠十禴十一嘗十二蒸凶禮之別有五。一喪禮哀死。二荒禮哀凶。札三吊禮哀禍災。四禴音音禮哀圍敗。則貨更其所喪五恤禮哀寇亂。賓禮之別有八。一朝二宗三覲

四遇五會六同七問八視。朝聘曰問。殷類曰視。軍禮之別有五。一大師之禮以用衆。二大均之禮以恤衆。均其地三大田之禮以簡衆。四大役之禮以任衆。五大封之禮以合衆。正封疆溝洫。嘉禮之別有六。一飲食。二婚冠。三賓射。四饗燕。五賑膳。六慶賀。

孔子適宋與弟子習禮樹下。司馬桓魋使人伐其樹去。適于野。

漢叔孫通為高祖制漢儀十二篇。草綿絕之儀。救擊柱之弊。帝悅。嘆曰。吾今日乃知天子之貴也。絕音絕。或作藁。謂前剪茅樹

地為其位。肄習處。蓋于野外習之。

新禮

後漢章和二年召曹褒詣嘉德門持班固所上叔孫通漢儀十二篇勅褒考正褒依舊典雜以五經撰記為百五十篇和帝遂用新禮冠擢褒右散騎後張黼張敏等奏褒擅制漢禮破聖術請加誅帝雖寢其奏而漢禮竟不行。

羔雁

下大夫相見以雁。上大夫相見以羔。雁取其和而匹羔取其詳而不黨如

士之執雅然

九拜

周禮太祝辨九拜。一稽首。頭至地二頓首。頭扣地三空首。頭至地

手所謂四振動。五吉拜。拜而後六凶拜。稽顙而後七奇拜。拜手也

八褒拜。褒讀為報再拜也九肅拜。但俯下手

天揖

周禮司儀詔王南鄉見諸侯。土揖庶姓。推手小下之時相異

姓。平推手天揖同姓。推手小舉之

婦人吉事。雖有君賜則肅拜。低頭而已凶事則手拜。手至地也

四六

象昭天澤之履。周分宗伯之司。三禮有經。五器時飾。大

宗大祝之章。夾飈輪而顯相。司設司賓之職。瞻玉藻以

趨蹌。臣籍占金闈。學非玉帶。執遺經于東魯。深愧兩生。

拜新命于南牙。遽膺八座。曳薇垣之履。青雲色映宗宮。

拖棘院之紳。紅日光浮鹵簿。奉冊書而隨曉。伏蠹香飛

汗竹之冊。鉛秉玳瑁以介春官。獸錦吐湘波之金碧。鸞

行。簫羽榮叨敷賁之宏。虎觀傳宣快覩儀門之盛。粉飾

太平。狹漢家而遠過劉德輝煌治道。稽虞典而上追伯夷。

制樂

陽律六黃鍾十一月太簇正月姑洗三月蕤賓五月夷則七月無射九月陰律六謂之呂。林鍾六月南呂八月應鍾十月大呂十二月夾鍾二月仲呂四月史記黃鍾陽氣鍾黃泉而出也大呂條治萬物而出之太簇萬物簇生夾鍾陰陽相夾則姑洗萬物洗生仲呂萬物盡旅而西行也蕤賓陰氣幼少林鍾萬物就死氣林林然夷則陰氣賊萬物也南呂陽氣入藏無射陽氣無餘應鍾陽氣之應黃鍾管長九寸二分損一下生林鍾林鍾

三分益一上生太簇太簇三分損一下生南呂南呂南呂三分益一上生姑洗姑洗三分損一下生應鍾應鍾三分益一上生蕤賓蕤賓三分損一下生大呂大呂三分益一上生夷則夷則三分損一下生夾鍾夾鍾三分益一上生無射無射三分損一下生仲呂仲呂三分益一上生相生律娶妻謂黃鍾生林鍾也呂生子謂林鍾生太簇也夫婦子母之道也

黃帝命伶倫作律。倫取行嶰谷為十二筩。聽鳳鳴雄鳴

六雌鳴亦六。以別十二律。楊泉物理論取弘農宜陽縣金門山竹為管河內葭葦為

灰實管中氣至灰動大動君弱臣強不動君嚴暴之應

漢書京房本姓李。吹律自定為京。又論衡孔子吹律。自知穀苗裔。又鄒衍在燕。燕有谷地美而寒不生五穀。鄒子居之吹律而溫氣至。生黍。名黍谷。又師曠曰吾歌北

昭德。武帝造。宣帝造。盛德。宣帝造。薦太廟。雲翹育命。並漢樂。祀天也。魏樂曰

昭武。改漢。已淪。正世。改漢。安世。迎靈。改漢。肅至。武頌。改漢。武德。昭業。改漢。昭容。鳳

翔。改漢。雲翹。靈應。改漢。育命。大韶。改漢。文始。大武。改秦。五行。

周禮天子宮懸。四面。諸侯軒懸。去南面懸。餘三面。其大

夫判懸。北面。士特懸。凡樂作。謂之奏。九奏乃終。謂之九

成。樂終。謂之闋。凡懸。鍾磬之半為堵。金為肆。半為鍾磬。各八調之。

堵共十六枚。而在一簾。謂之肆。傳曰。歌鍾二肆。是也。

周禮奏九夏。一王夏。天子出。入奏之。二肆夏。戶出入奏之。王賓

之。三昭夏。出入奏之。四納夏。享四方奏之。五章夏。納有功奏之。六齊

夏。大夫祭。奏之。七族夏。族人待。奏之。八祫夏。賓醉出。奏之。九騶夏。公出。奏之。

周禮鞀鞀氏掌四夷之樂。旄人掌舞夷樂。詠師掌教詠

樂。詠東夷樂。記作。詠。南蠻樂。朱離。西戎樂。亦名狄鞀。上

鞀。曰。狄。鞀。禁。杜。狄。樂。鞀。之。唱。

魯定公會齊景公于夾谷。孔子相。齊有司請奏夷樂。孔

子歷階而登。大言曰。兩君好會。夷狄之樂。何為。齊侯乃

麾而去。

呂覽塗山女。令其妾往候禹于塗山之陽。女乃作歌。始

為南音。有娥氏二女。居九成臺上。帝命燕遺二卵。杜飛

不返。二女作歌。始為北音。夏后孔甲遊東陽。黃山大風

晦冥迷入人室。王人方乳。或曰。后來是良日也。必大吉。或曰。不勝之子。必有殃。后乃取歸。曰。以爲吾子。誰敢殃之。後折椽斧破斷其足。孔甲曰。嗚呼。有命矣。乃作破斧之歌。始爲東音。周昭王南征。殞于漢中。辛餘靡振王北濟。乃封之西翟。徙宅西河。追思故處。作歌始爲西音。夏太康失道。畋遊十旬。弗返。其第五人待于洛汭。述夏禹之德。作五子之歌。

列子薛談學謳于秦。青未窮青之伎。遂辭歸。青弗止。餞之郊。拊節悲歌。聲震林木。響遏行雲。談求返。魯人虞公善雅歌。發聲清。衣上動梁塵。

周衰有韓娥。東之齊。至雍門。匱糧。乃鬻歌。既而去。餘響繞梁。又過逆旅。旅人辱之。娥因曼聲哀哭。一里老幼悲愁。垂涕相對。遽追之。娥復曼聲長歌。衆皆忭舞。不能禁。故雍門至今善歌哭。

山海經。帝俊八子。始爲歌舞。

齊寧戚扣牛角。歌滄之水。白日粲。中有鯉魚。長尺半。穀布卑。衣裁至。許。清朝飯牛。至夜半。黃犢上坂。且休息。吾將捨汝相齊國。

燕荆軻蕭蕭歌。風蕭蕭兮。易水寒。壯士一去兮。不復還。殷箕子麥秀歌。麥秀漸漸兮。未黍油油。彼彼童兮。不與

我言兮

天風漢高過沛召故人父老佐酒酒酣上擊筑自歌曰大風起兮雲飛揚威加海內兮歸故鄉安得猛士兮守四方
采薇伯夷叔齊首陽山采薇歌登彼西山兮采其薇兮以暴易暴兮不知其非矣神農虞夏忽焉沒兮我安適歸矣吁嗟徂兮今之衰矣

采芝商山四皓采芝歌角里先生綺里季夏黃公東園公漠漠商洛深谷逶迤曄曄紫芝可以療饑皇虞邈遠吾將安歸駟馬高蓋其憂甚大富貴而畏人不如貧賤而輕世
采桑百里奚妻厥歌百里奚五羊皮炊糜屢烹伏雌今日

富貴忘我為

瓊白雪是天帝使素女鼓五絃琴曲名宋玉謂楚襄王曰昔楚有善歌者王其聞與始而曰下里巴人國中唱而和之者數萬人中而曰陽阿採菱國中唱而和之者數百人既而曰陽春白雪國中唱而和之者不過數人蓋其曲彌高其和彌寡又淮南子歌采菱發陽阿鄙人聽之不若延露陵陽非歌拙也聽各異也

虞項羽虞兮歌力拔山兮氣蓋世時不利兮騅不逝虞兮虞兮奈爾何

楚歌漢高欲立趙王如意留侯招四皓羽翼太子上召戚夫

人曰。呂后真而主矣。夫人泣。上曰。爲我楚舞。吾爲若楚歌。歌曰。鴻鵠高飛。一舉千里。羽翼已就。橫絕四海。橫絕四海。當可奈何。雖有繒繳。尚安所施。

說苑。鄂君方乘青翰之舟。越人擁相。歌曰。今夕兮寒中流。何日兮得與王子同舟。山有木兮木有枝。心悅君兮君不知。

梁鴻五噫歌。陟彼北邙兮。噫。顧瞻帝京兮。噫。宮闕雀鬼兮。噫。民之劬勞兮。噫。遼遼未央兮。噫。

漢武臨河悼河功不成歌。曰。瓠子決兮將奈何。浩浩洋洋。慮殫爲河。殫爲河兮地不得寧。功無已兮吾山平。吾

山平兮鉅鹿溢。魚弗爵兮迫冬日。

司馬相如遊臨邛富人卓王孫有女文君新寡。竊于壁見之。因以琴挑之。歌曰。鳳兮鳳兮。歸故鄉。遨遊四海求其皇。有艷淑女在此房。何緣交接爲鴛鴦。鳳兮鳳兮。從我栖。得托琴尾永爲妃。交情通體心和諧。中夜相從知者誰。

漢烏孫公主歌。吾家嫁我兮天一方。遠託異國烏孫王。穹廬爲室兮氊爲墻。肉爲食兮酪爲漿。居常思土心內傷。願爲黃鵠兮還故鄉。

漢元以昭君名王嬙音以文妻單于。昭君心念鄉土作

怨曠歌。秋木萋萋。其葉萎黃。有鳥爰止。集于苞桑。既得
升雲。遊倚帷房。志念幽沉。不得頡鴯。我獨伊何。改往變
常。翩翩之燕。遠集西羌。高山峩峩。河水泱泱。嗚呼哀哉。
憂心惻傷。晉石崇伎緣珠製為新歌。曰我本漢家子。將
適單于庭。昔為匣中玉。今為糞土英。

團扇晉中書令王珉與嫂婢謝芳姿通。嫂撻婢過苦。婢素善
歌。而珉好持白團扇。遂作扇贈之。因係之歌。歌曰。七寶
畫團扇。粲爛明月光。與郎却暄暑。相憶莫相忘。青青林
中竹。可作白團扇。動搖郎玉手。因風託方便。團扇復向
誰。持許自障面。顛顛無復理。羞與郎相見。

王獻之桃葉歌

桃葉獻之婢

桃葉復桃葉。桃葉復桃根。相連

兩樂事。獨使我纏綿。桃葉復桃葉。渡江不用楫。但渡無
所苦。我自檝迎汝。

晉傅玄燕人歌。燕人美兮趙女佳。其室則邇兮限層崖。

雲為車兮風為馬。玉在泥兮蘭在野。雲無期兮風自止。

思多端兮誰能理。

孫綽碧玉歌

玉綽情人

碧玉破瓜時。相為情顛倒。感即不羞

難。迴身就郎抱。

一云碧玉晉汝南王妾

宋鮑昭白苧歌。朱唇動。素袖舉。洛陽少童即郢女。古橋

涼水。今白苧。催絃響。管為君舞。窮秋九月荷葉黃。北風

驅雁天雨霜夜長酒多樂未央。

古東飛伯勞歌東飛伯勞西飛燕黃姑織女時相見誰
家女兒對門居。開花發色照里閭。南窓北牖挂明光羅
帷綺帳脂粉香。女兒年幾十五六窈窕無雙顏如玉。三
春已暮花隨風空留可憐與誰同。

古河水歌河中之水向東流洛水之女名莫愁十三能
織綺十四採桑東陌頭十五嫁為盧家婦十六生兒字
阿侯盧家蘭室桂為梁中有鬱金蘇合香頭上金釵十
二行足下綠履五文章珊瑚挂鏡爛生光平頭奴子提
履箱人生富貴何所望恨不嫁與東家王。

鳳將雛漢代舊歌應璩百一詩云為作陌上桑及言鳳
將雛。

石崇綠珠所作綠布漉雜逢一曲及東晉隆安初人間訛謠之

曲云春草可攬結女兒可攬擷齊高帝謂之中朝歌。

子夜歌有女子曰子夜造此歌晉武太元中瑯琊王軻家有鬼歌子夜

彭城內史徐達之為舉軌所殺宋武帝使內直督護丁
昨拔殞殮之達之妻帝長女也呼昨至閣下問殮事每
問輒嘆息曰丁督護其聲哀後人因其聲廣為曲焉歌
是武帝所製云督護上征去僕亦惡聞許願作石尤風
四面斷行旅。

鳥夜啼。宋臨川王義慶所作。元嘉中。慶為江州。與彭城王義康相見而哭。為文帝所怪。徵還。慶懼。伎妾聞鳥夜啼聲。叩閣云。明日應有赦。乃更為交州刺史。因作此歌。今所傳歌。似非本旨。歌舞諸少年。娉婷無種則。昌蒲花。可憐。聞名不相識。

襄陽樂。詠歌。襄陽守劉道彥善政也。又隋王誕。宋王子封隋王始為襄陽郡。夜聞群女歌謠。作襄陽樂。朝發襄陽城。暮至大堤宿。大堤諸女兒。花艷驚郎目。

齊武帝布衣時。嘗遊樊鄧。登祚後。追憶往事。作估客樂。昔經樊鄧後。假檝梅根渚。感昔追往事。意滿情不叙。或

啟釋寶月。善音律。帝使月。協入樂府。

楊叛兒。本童謠也。齊隆昌時。女巫子曰楊旻。隨母入內

及長。為太后寵愛。童謠云。楊婆兒。共戲來。所歡。波訛為叛遂

作楊叛兒歌。暫出白門前。楊柳可藏鳥。歡作沈水香。儂

作博山爐。江南呼情人為歡

玉樹後庭花。堂堂黃鸝留。金釵兩臂垂。並陳後主作。汎

龍舟。萬歲樂。藏鈎樂。七夕樂。相逢樂。舞席同心髻。玉女

行觴。神仙留客。並隋煬帝作。

書。舜乃誕敷文德。舞于羽。于兩階。七旬有苗格。

樂記。夫樂者。象成者也。象成功而為樂總干而立。山立不動。

武王之事也。發揚蹈厲，太公之志。志在鷹揚武亂皆坐，周召

之治也。武亂武之治也，皆坐象其人無事。且夫武始北出，象觀兵再成

而滅商。成猶秦也，再奏象克商時。三成而南，誅紂而南四成而南，國是疆

疆。疆理南國。五成而分，周公左召公右。分陝東西而治之。六成復綴以

崇。綴復位也，象兵還宗。充也，六奏以充武樂。

周禮：凡舞有佻舞。祀社稷，以佻用全羽。羽舞。祭宗廟，以

以皇舞。祀四方，以皇舞。或云折五采繒。旄舞。辟雍，以旄

舞。以人舞。干舞。以干。人舞。以人。

史詩曰：萬舞大舞也。詩：公庭萬舞。左傳：魯考仲子之宮，萬

焉。公問羽數于衆仲，對曰：天子八佾，六十諸侯六，四十

大夫四，二十士二，十公從之。始用六佾。

公莫舞，即巾舞。相傳項莊劍舞，項伯以袖隔之，使不得

害高帝。若語莊云：公莫後之用巾，像袖遺式。又吳書：凌

統怨甘寧，殺其父操。嘗于呂蒙舍會酒酣，統乃以刀舞

寧，起曰：寧能雙戟舞。蒙曰：二公雖能，未及蒙之巧。因操

刀持楯，以身分之。

漢帝自蜀漢將定三秦，閬中范且率賓人為前鋒，號板

楯，變及定三秦，封且閬中侯。其俗嘉舞，使樂人習之。閬

中有渝水，因以為名，故曰巴渝舞。

擊舞，漢曲。晉加杯，謂之世寧舞。宋改宋世寧，齊改齊代

昌張衡云歷七擎而縱躡王粲云七擎陳于廣庭顏延之云遞間于擎扇鮑照云七擎起長袖

鞞舞未詳所起然漢已施于燕享矣靈帝西園鼓吹有

李堅者能鞞舞傳毅張衡所賦皆其事也明之君漢鞞

舞曲梁武改其曲詞以歌君德梁謂鞞舞為鞞扇舞

鐸舞漢曲晉鐸舞歌一篇鞞舞歌五篇幡舞一篇鼓舞

伎六曲並陳元會

白鳩吳朝拂舞曲吳人患孫皓虛政思歸晉而作隋牛弘請以鐸鐸巾

拂舞陳之殿庭帝從之而去其所持巾拂等一作白兔

晉俳歌云交交白緒節節為雙吳呼緒為符按舞詞有巾袍

之言紵本吳地所出疑即吳舞

拾遺記燕昭王時廣延國獻善舞二人旋娟提嫺其舞

一名索塵言其體輕與塵相亂次曰集羽言其委轉若

羽毛從風末曲曰旋懷言支體纏曼若入懷袖

翹袖舞折腰舞並戚天人所作又有迴鸞舞羨水舞灑

舞未詳所作

韓子長袖善舞多錢善賈劉禎賦云朱顏眸盼彩鳳長

歌手如迴雪身如轉波縱修袖以終曲若奔星之赴河

鶴舞馬舞穆天子傳有之唐翔麟鳳苑殿尚有蹀馬俯

仰騰躍皆合曲節朝會用樂則兼奏之

鸚鵡

王導補謝尚為掾導有勝會謂曰聞君能鸚鵡舞一坐傾想尚便着衣幘而舞俯仰中節旁若無人

冰猴

漢平恩侯許伯入第長信少府擅長卿起舞為冰猴與狗鬪為司隸蓋寬饒所劾許伯謝乃解

晏龍

神農作琴一說伏羲山海經帝俊生晏龍晏龍始為琴瑟

禁長三尺三寸六分象三百六十六日廣六寸象六合上曰池池者

水也言下曰濱服也前廣後狹象尊卑也上圓下方法天

地也第一絃為宮二商三角四徵五羽六少宮文王所加七

少商武王加大琴謂之離古琴有清角黃帝鳴蕙號鍾齊桓

公繞梁楚莊王琴綠綺司馬相如焦尾蔡邕鳳皇燕飛古琴曲十二

操將婦操孔子之趙聞殺猗蘭操孔子傷龜山操季桓

而作喻季氏若龜山之蔽魯越裳操周公拘幽操文

拘姜岐山操周人為履霜操尹吉甫子伯奇自朝飛操

牧犢子七十無妻見別鶴操商陵牧子娶妻五年無子

中夜悲嘯牧殘形操魯子夢一壘不水仙操伯牙學琴

年不成成連云吾師方子春今在東海中能移人情乃

與牙俱往至蓬萊山連日子居習之吾將迎師刺船而

去旬時不返但聞海水洞滑山林宵冥群鳥悲號伯牙

嘆曰先生將移我情矣援琴而歌城連回船迎而還自

是牙琴遂懷陵操伯牙又有九引烈女引楚樊伯妃引

如伯貞女引魯次室思歸引衛有賢女王聘之未至王

作曲終霹靂引楚商梁出遊九臯之走馬引樗里牧恭

自縊死霹靂引澤遇風雷霹靂而作

殺人而亡藏山林下有筮篋引。樗里子高所作琴引。秦

屠高引之感之而作

燕

記絲聲哀哀以立廉廉以立志君子聽琴瑟之聲則思忠義之臣又舜作五絃琴歌南風而天下治。

南音

左傳晉侯觀于軍府見鍾儀問其族曰伶人也與之琴操南音公曰君子也言稱先職不背本也樂操土風不心舊也。

子期

呂覽伯牙鼓琴鍾子期善聽牙志在太山子期曰巍巍乎如太山志在流水子期曰洋洋乎若流水子期死伯牙終身不復鼓琴以為世無足鼓琴者也。

稱

篋尾

說苑雍門周以琴見子孟嘗君君曰先生鼓琴亦能令文悲乎周曰臣獨焉能令足下悲哉然臣所為足下悲者一也千秋萬世後宗廟必不血食高臺既已壞曲池既已漸墳墓既已下嬰兒豎子樵採者躑躅其足而歌其上曰夫以孟嘗君尊貴乃若是乎於是孟嘗泫然泣下曰先生鼓琴令文若破國亡邑之人。

搜神記吳人有燒桐以爨者蔡邕聞其暴聲曰此良桐也因削為琴名焦尾華橋漢書初邕在陳留隣有以酒召邕者比往而客彈琴于屏邕潛聽之曰以樂召我而有殺心何也遂反將命者以告王追問故邕且以告彈

琴者曰。我何見螳螂。方向鳴蟬。蟬將去而未飛。螳螂爲之一前一却。吾心聳然。惟恐螳螂之失蟬也。此豈爲殺心。而形于聲者乎。邕笑曰。此足以當之矣。邕女蔡琰字文姬。年六歲。邕夜鼓琴。絃斷。琰曰。第二絃。邕故斷一絃。而問之。琰曰。第四絃。邕曰。偶得之耳。琰曰。吳札觀風。知與亡之。國師曠吹律。識南風之不競。由此觀之。何足不知。

晉稽康遊西洛。宿華陽亭。夜分。有客詣之。用索琴彈。廣陵散。以授康。後康將刑。東市。索琴彈之。曰。昔袁孝尼嘗從吾學廣陵散。吾每靳之。廣陵散。于今絕矣。世說會稽

賀思令。常月中鳴琴。忽有一人形貌甚偉。著械有慘色。自云是稽中散。謂賀云。卿手下極快。但古法未備。因授廣陵散。遂傳之于今不絕。

續齊諧記。王彥伯。維舟吳郵亭下。秉燭理琴。見一女子。披帷而進。取琴調聲。甚哀。謂王曰。子識此否。彥伯曰。所未嘗聞。女曰。此所謂楚明光者也。惟稽叔夜能爲此聲。晉戴逵。字安道。太宰武陵王晞聞其能琴。使人召焉。逵對使破琴曰。戴安道不能爲王門伶人。子顥字仲若。不忍傳父之琴。與兄勃。各造新美。勃五部。顥十五部。又制長美一部。並傳于世。宋衡陽王義季。鎮京口。顥野服爲

季鼓琴皆與世異。宋祖為給正聲伎一部。

南齊尚書令柳世異善琴。世稱柳公。雙燥為士品第一。

嘗自云馬稍第一。清談第二。彈琴第三。

史記鄒忌見齊威王。王自鼓琴。忌推戶入曰。善哉。鼓琴也。王曰。子見容未察。何以知善邪。忌曰。夫大絃濁以春溫者。君也。小絃廉折以清者。相也。攬之深。蹀之愉者。政令也。均諧以鳴。大小相益。回邪而不相害者。四時也。吾是以知其善也。

史記天帝使素女鼓五十絃瑟而悲。帝禁不止。故破其瑟為二十五絃。又黃帝損庖犧之瑟為二十五絃。長七

尺二寸。

樂記清廟之瑟。朱絃而疏越。一唱而三嘆。有餘音者矣。

至和不
在音

張衡西京賦。白虎鼓瑟。蒼龍吹箎。

箎秦聲也。或曰蒙恬造。長六尺。以應律。數絃有十二。象四時。柱高三寸。象三才。

邛郈女子。秦羅敷。採桑陌上。趙王見欲奪之。敷乃彈箎。作陌上桑歌以自明。

晉桓伊為右軍將軍。孝武召伊飲。謝安侍。帝命伊吹笛。伊為一弄。放笛云。臣于箎。分不及笛。然自足韻合簫管。

請以箏歌并請一吹笛人。帝勅御妓伊又云御府人于臣必自不合。臣有一奴善相便串。帝彌賞其放率。乃許召云。奴既吹笛。伊便撫箏而歌怨詩曰。爲君既不易。爲臣良獨難。忠信事不顯。乃有見疑患。周旦佐文武。金滕功不刊。推心撫王政。二叔反流言。聲節慷慨。安泣下沾襟。帝甚有愧色。

促住 陳顧野王箏賦。調宮商于促柱。轉妙音于繁絃。既留心于別鶴。亦含情于采蓮。

玉匣 梁簡文帝箏賦。若夫釣竿復發。蛺蝶初揮。動玉匣之餘怨。鳴陽鳥之始飛。逐東趨于鄭女。和西舞于荆妃。使長

廊之瓦虛墜。梁上之塵染衣。

筑聲

筑如琴。十三絃。項細肩圓。鼓法以左手扼之。右手以竹擊之。燕丹云。高漸離擊筑。荆卿和之。爲壯聲。髮皆衝冠。

箏篥

釋名。箏篥師延所作。靡靡之樂。後出桑間濮上之地。蓋空國之侯所作也。師洵爲晉平公鼓焉。風俗通曰。箏篥一名坎侯。漢武祀太山。令樂人侯調。依琴作坎侯。言其

孤瑟

坎坎應節也。侯以姓冠也。或曰。空侯取其空中。桓譚新論。鄙人謂狐爲狸。以瑟爲箏篥。此非徒不知狐與瑟。乃不知狸與箏篥也。

京絃

晉鈕滔母孫氏。箏篥賦。考茲器之所起。實侯氏之所營。

遠不假于琴瑟。顧無取乎竽笙。浮音穆以遐暢。沈響幽而若絕。樂操則寒條反榮。哀曼則晨華朝滅。邈漸離之清角。超子野之白雪。然思超梁甫。願登華岳。路險悲秦道。難怨蜀。遺逸悼行邁之離。秋風哀年時之速。陵危柱以頡頏。憑哀絃以躑躅。

齊化宋臨川王劉義慶琴瑟侯賦。侯牽化而始造。魯幸奇而後珍。名啟端于雅引。器荷重于吳君。等齊歌以無譬。似秦箏而非群。

琵琶琵琶本胡中馬上所鼓。推手曰琵琶。却手曰琴。杜摯以為興于秦末。蓋苦長城役。百姓絃鼓而鼓之。故樂錄曰。琵琶

琴生于絃靴。一云漢送烏孫公主。念其行道思慕。使知音者于馬上作之。

金語林謝鎮西著紫羅襦。據胡床。在大市佛圖門樓上彈琵琶。作大道曲。又世說桓大司馬曰。謝仁祖企脚北窓下。彈琵琶。便自有天際真人想。

虞唐虞世南琵琶賦。橫却月于天漢。寫迴風于洛浦。始聞絃之既調。乃長弄而徐撫。應緩步之踈節。隨輕身之妙舞。悲紫塞之昭君。泣烏孫之公主。季倫石觀金谷之宴。仲容阮暢竹林之聚。宛如長河草綠。高樓月下。入小苑而看花。遊上蘭而藉野。泛澄波而轉鷁。息長松而繫馬。

臨清流而揮絃與殊方而俱寫音則抑揚嘈囀聯綿斷續紆餘雙鶴之吟清壯二秦之曲望高山之遙翠見西河之始綠

簫

舜作簫

一名簫

其形參差

亦名參差

象鳳翼十管爾雅大簫謂

之言小者箴三禮圖雅簫長尺四寸二十四強管頌簫

長尺二寸十六強無底者謂之洞簫

五音

記竹聲濫濫以立會會以聚眾君子聽竽笙簫管之聲則思畜聚之臣

籥

漢周勃嘗為人吹簫給喪事

五音

蕭史者秦穆公時人善吹簫能致鸞鳳公妻以女名弄

玉為作鳳臺一日夫婦駕鳳去故秦人作鳳女祠于雍宮時聞簫聲

笙

隨作笙以匏為之爾雅大笙謂之巢小者和十二簧象鳳聲

籥

漢武內傳西王母命侍女董雙成吹雲和之笙

籥

列女傳王子喬

晉

周靈王太子也好吹笙遊伊洛間

道士浮丘伯接以上嵩高山

籥

呂覽墨子見荆王錦衣吹笙因也

墨子好儉非樂錦與笙而為之因荆王之

所欲也

傳玄西都賦列仙逸唱熊虎聽音丹蛟吹笙文豹鼓琴

每按

晉

風俗通笛者漢武時丘仲作按宋玉有笛賦則不起于漢明矣笛曲有

折楊柳梅花落

詩此夜曲中聞折柳何人不起故園情又江城五月落梅花

蔡邕

避難江南宿柯亭亭以竹為椽仰而眄曰良竹也

取以為笛奇聲獨絕歷代傳之

三弄

晉王子猷聞桓子野

名

善笛而不識遇桓于岸上過船

中客有識之者王便令人問聞君善吹笛試為我一奏

桓爾時已貴顯素聞王名即下車踞胡床為作三弄使

去賓主不交一言

宋禧

石崇伎綠珠弟宋禧有國色善吹笛後在晉明帝官帝

疾群臣進諫請出宋禧帝曰卿諸人誰欲得者阮遥集

子曰願以賜臣即與之

皇主

唐明皇與兄弟同處貴妃竊寧王玉笛吹張祐詩小窓

靜院無人見閑把寧王鐵笛吹

龍

馬融長笛賦近世雙笛從羌起羌人伐竹未及已龍鳴

水中不見已截竹吹之聲相似刻其上孔通洞之裁以

當適使易持京房君明識音律故本四孔加以一君明

所加孔後出是謂商聲五音畢

管

管家篴長尺圍寸有六孔無底周禮孤竹之管圓丘奏

之孫竹之管方丘奏之陰竹之管宗廟奏之孤竹特生竹也孫竹

根枝未生者

舜時西王母獻玉瑀

陰竹生山北

漢武時丘仲作筚三十六管。周禮笙師掌教吹

韓子齊宣王使人吹筚必三百人齊吹南郭先生不善

筚而濫于三百之中食祿潛王立好一一聽之先生乃

逃。

列女傳商丘于喬者高邑人好牧豕吹筚七十不娶而

不老但食菖蒲根飲水。

筚如笛六孔有底聲從孔出如嬰兒啼世本云暴新公

造壘筚周畿內有暴國豈其時人也。

吳伍子胥鼓腹吹筚乞食吳市。

洛陽伽藍記後魏河間王琛有婢朝雲善吹筚能為團

扇歌隴上聲琛為秦州刺史羌叛屢討不勝琛令朝雲

為貧女吹筚而歌羌聞之流涕相謂曰何故捨鄉井在

山谷為寇即相尋降秦民語曰快馬健兒不如老嫗吹

筚。

大埴謂之跽銳上平底燒土為之。大者如鷺子。小者如

鷄子。皆六孔。與筚聲諧。故詩伯氏吹壘。仲氏吹筚。

笳者。胡人卷蘆葉吹之。以作樂也。蔡琰。姬字文姬。先適

河東衛仲道。夫亡無子。遭漢末亂。為胡騎所獲。在左賢

王部中。感笳音。作詩言志。胡笳動兮邊馬鳴。孤雁歸兮

聲嚶嚶。

筚 壘

朝雲 伍員 昆 商

抱鍾而朝可也。

銘動國語晉克路之役魏顆以身却退秦于輔氏親止杜回其勳銘之景鍾。

木鐸鐸大鈴也月令先雷三日奮木鐸以令兆民曰雷將發聲有不戒其容止者生子不備必有凶殃。

牛鐸晉荀勗路逢趙賈人牛鐸識其聲及掌樂音韻未調乃曰得趙之牛鐸則諧矣遂下郡國悉送牛鐸果得諧者世服其明。

擊鬻子禹之治天下也以五聲聽門懸鍾鼓鐸磬而置鞀以待四方之士為銘于篋虛曰語寡人以獄訟者揮鞀

教寡人以事者振鐸教寡人以義者擊鍾語寡人以憂者擊磬教寡人以道者擊鼓。

磬世本無句作磬無句周禮注在東曰笙磬笙生在西曰

頌磬頌作庸古有離磬相陰之磬磬石有泗濱書泗濱

徐州九真浮獄見劉欣期小華之山涇水鳥危之山並

靈璧經海

三禮夏后足鼓有足鼗置鼓置音植亦作樹樹周縣鼓

爾雅小鼓謂之應應鼓謂之鞀亦曰鞀鞀音後引也先

鼓小鼓兩旁有耳自相擊曰鼗大鼓曰麻小鼓曰料併

稱之曰鞀料鼓徒擊鼓曰鞀詩或歌周禮以雷鼓鼓神

禮記卷之二十三

祀雷鼓八面以靈鼓六鼓社祭以路鼓四鼓鬼享宗廟以鼗鼓

鼗音文大鼓軍事以鼙鼓鼙音高鼙鼓長一丈二尺以晉鼓長六尺

鼓金奏

石鼓

晉武時吳郡臨平岸崩出一石鼓扣之無聲張華云以

蜀中桐刻魚形扣之則鳴果聞十里

駭鼓

陳思王九歌云王執桴兮駭鼉鼓韓愈云其鼓駭駭用

此駭字

土鼓

記土鼓蕢桴蕭箏伊耆氏之樂也周禮祈年于田祖擊

土鼓土鼓以瓦為匡以革為兩面可擊也

鸛鼓

吳王夫差移建康宮南門有雙鸛從鼓中飛入雲

湘陽

世說禰衡被魏武摘為鼓吏衡一枹為漁陽桴過淵淵

有金石聲

鼗鼓

漢書元帝好音或置鼗殿下帝自臨軒檻上墮銅丸以

撾鼓聲中嚴鼓之節而定陶共王亦能之上數稱其材

史丹進曰凡所謂材敏而好學温故知新皇太子是也

若器人絲竹鼓鼗間則是陳惠李徵賢于匡衡可作相

上默然

上默然

金

命趙王鼓瑟秦史書之藺相如請秦王擊缶秦王有難

色藺曰五步之內請以頸血濺大王秦王不懾為一擊

之。趙史亦書云。某年月秦王爲趙王擊缶。

籟簾懸鍾磬之器。周禮梓人爲簾。天下大獸五脂者。膏者。羸者。羽者。鱗者。並雕于上。以明備物。內骨。外骨。却行。亥行。連行。紆行。以脰鳴者。以注鳴者。以旁鳴者。以翼鳴者。以股鳴者。以胸鳴者。諸小虫之屬。亦用以爲雕琢。

頤帝五莖響徹鈞天之奏。周王六寶聲連調露之和。唐山夫人楚聲宣房中之韻。協律都尉樂府肇水間之符。飛鴻流水起自羗人。折柳落梅傳于樂府。臨平擊石。不列。謹動之音。南郡銘銅。奚禔。麤賓之用。聽慶元之九章。無關雅奏。觀秦王之七舞。猶起雄心。心茲者千重萬舞。共

朱雁以齊行。八佾九歌。將赤鮫而合節。文成威鳳。已揚旗。韻動靈鼉。能植鼓。人忻神悅。心怡白雪。陽春。瑞應祥臻。兆合赤烏麟趾。

天子建中和之極。玉振金聲。大人舉禮樂之昭。天覆地載。一氣感通。萬籟豈云至治。無聲八風從律。五音幸際。聖王有作。迺崇德而象功。亦平情而宣化。嶰谷截伶倫之管。律應軒圖。咸池叶后夔之章。音諧堯曆。咏南薰而解愠。播明良喜起之風。奏中聲以節流。貞廣博易良之教。自洋洋韻微。而靡靡風競。沛鄉興慨。馬上之習。猶存唐山道。浩房中之樂。徒艷侈雄心于鼓吹。謾稱朱鷺黃

驄陳麗曲于盤遊。奚取金花玉樹。恭遇陛下。玉音宣律
 呂宮懸重典樂之司。璇璣定古今。元韻啟歌鍾之則。七
 十一調。總條貫以相成。八十四聲。兼情文而遞奏。翠管
 簇霓裳之萬舞。響徹鈞天。朱干合錦瑟之三終。光搖大
 地。既彤弓于華黍。無煩刻羽引商。弄玉笛于落梅。奚啻
 高山流水。臣江湖眇質。出聽以協于游。魚羈勒几林。仰
 秣更繁于立馬。漫受州鳩之託。幸叨季札之觀。謹按節
 以九成鳴。我國家之盛。敢獻芹于兩部。備茲燕享之陳。
 伏願觀雅頌而不倦。考鍾察銀錯之精。放鄭衛以無聞。
 槌鼓陋銅丸之巧。

賦稅

雍州厥土惟黃壤。無塊曰壤厥田惟上上。厥賦下中。厥貢琳

琅玕。石似玉

徐州厥土赤埴墳。埴土粘起厥田惟上中。厥賦中中。厥貢

惟土五色。王者封五色土為社羽畎夏翟。羽畎山名翟雉也嶧陽孤桐泗

濱浮磬。淮夷蠙珠暨魚。厥篚玄纁縞。盛之篚而進者曰纁。玄黑縞白縞

纁細也。縞在中。明二物皆細也。

青州厥土白墳。厥田惟上下。厥賦中上。厥貢鹽絺。海物

惟錯。言非一種岱畎絲象鉛松怪石。岱山出五物貢厥篚檿絲。檿桑

中琴瑟絃

豫州厥土惟壤。下土墳壚。高者壤下者壚。壚土疎也。厥田惟中上。厥

賦錯上中。第一雜厥貢漆、象、絺、紵。厥篚織纊。錫、貢、磬、錯。

歲不常貢。貢須賜命。乃貢。曰錫。貢。磬。錯者。磬石之雜于玉者。

冀州厥土惟白壤。厥田惟中中。厥賦惟上上。錯。第一雜

兗州厥土黑墳。厥田惟中下。厥賦貞。貞正也。第九厥貢

漆、絲。厥篚織文。綿綺之屬

梁州厥土青黎。壤厥田惟下上。厥賦下中。三錯。第八雜

九三等。厥貢璆、鐵、銀、鏤、砮、磬。熊、羆、狐狸織皮。

荊州厥土惟塗泥。地卑濕厥田惟下中。厥賦上下。厥貢羽

毛、齒、革。惟金、三品。杶、幹、栝、栢、檟、砥、砮、磬。杶。身曰栝。檟。身曰栢。砥。磨石也。砮。矢鏃也。

丹。惟箇、輅、栝。皆美竹。中矢幹包匭菁茅。菁以爲菹。茅以縮酒厥篚玄纁、璣

組。納錫、大龜。錫貢則用大龜。九江出

揚州厥土惟塗泥。厥田惟下下。厥賦下上。上錯。第九雜

厥貢惟金三品。金、銀、銅璫、琨、玉、篠簜、箭、齒、革、羽毛。惟木。厥

篚織貝。織細紵貝。水物也錫、貢厥包。橘、柚。

周制。民受田。上田夫百畝。歲耕種者爲中田夫二百畝。

休一歲者爲下田夫三百畝。休二歲者民年以二十受

田六十。歸田七十以上。上所養也。十歲以下。上所長也。

二十以上。上所強也。強令天子之國。五百里。甸服。爲天

甸。百里。賦納總。禾。藁曰總。供飼馬二百里。納鉅。鉅。列謂三百里

納結服結藁也 四百里粟 五百里米近者粗粗則多遠者精精則納少

其外五百里侯服侯而服事 百里采供王事 二百里男

服男任 二百里諸侯同為王 又其外五百里綏服服王

教 三百里揆文教度王者文 二百里奮武衛 又其外五

百里要服要束以 三百里夷守平常 二百里蔡蔡法也

里而言荒又 三百里蠻以文德蠻

法以 二百里流流移也政 魯宣公初稅畝始履畝而稅也

成公作丘甲周禮九夫為井四井為邑四邑為丘丘十

十四井出長轅一乘戎馬四疋牛十二頭甲士三

人步卒七十二人甸所賦今魯使丘出之譏重斂 此哀

公始用田賦

漢以趙過為搜粟都尉過能為代田一晦畝三畝畝同

歲代處故曰代田古法也 稷始畝田以二耜為耦廣尺

深尺曰畎一畝三畎一夫三百畎而播種于畎中率十

二夫為田一井一屋故畝五頃夫百畝三夫為屋九夫

頃蓋古百步為畝今二為井古十二頃當今五 用耦犁二牛三人一歲收嘗過

縵田畝一斛以上善者倍之縵田謂

漢法高祖四年初為筭賦人年十五以上至三十六 惠

帝元年減田租復十五稅一漢初十五稅 六年令女子

年十六以上至三十不嫁五筭罰之也欲 孝文人賦四

十減三分 丁男三年而一事二歲曰黃十歲曰小十六

六月餘員卷之三

孝武即位董仲舒說上曰古者稅民不過什一其求易
供使民不過三日其力易足秦則不然用商鞅之法又
加月為更卒已復為正更卒謂給郡縣二月一歲屯
戍一歲力役三十倍于古總計一歲中屯戍及力役之事三十倍多于古田租
口賦鹽鐵之利二十倍于古奪民利或耕豪民之田見
稅什五無田之民佃豪民田故貧民常衣牛馬之衣而食犬彘之
食矣

管子海王之國海王者負海謹正鹽筴正音征稅也十口之
家十人食鹽百口之家百人食鹽終月大男食鹽五升
少半大女食鹽三升少半小男小女食鹽二升少半此

其大曆也曆數也鹽百升而金鹽十二兩七銖一銖粟為

十也三粟為釜釜粟六斗四升今鹽之重升加分強金五

一強一斤取釜百也升如二強金二百也鍾二千十釜

二百萬萬乘之國人數開口千萬也大男大女食鹽

筴之商日二百萬禹讀偶偶對也商計也對食鹽人數

也今又寬其稅數以千萬人如九百萬月人三十錢之

籍為錢三千萬又變鹽筴而籍其錢月人籍錢三十九

萬合得二百鍾十日二千萬一月六千萬萬乘之正征九百萬

也今又寬其稅數以千萬人如九百萬月人三十錢之

籍為錢三千萬又變鹽筴而籍其錢月人籍錢三十九

籍當一國而有三千萬人也。今吾非籍之諸君吾子。而有二國之籍者。六千萬諸君老男老女也六十以上為老男五十以上為老女。既籍于老男老女。復不籍于少男少女。乃能以千萬人而當三千萬人者。蓋官之利也。鐵官之利亦然。故曰有六千萬。今鐵官之數曰一女必有一鍼。一刀若其事立然後耕者必有一耒。一耜一鈹。若其事立然後行服連輦名所以載。軺輦者大車必有一斤一鋸一錐一鑿。若其事立。不爾而成事者。天下無有。今鍼之重加一也。二十鍼一人之籍每。分取一分。則一女之籍可得三十鍼。刀之重加六。五六三十五刀。一人之籍也。則一女之籍得五刀。二十耜鐵之重加七。三耜鐵一人之籍也。每十取十。則一耜其餘輕重皆准此而行。

漢武時募民煮鹽官與牢盆煮鹽。敢私鑄鐵器者煮鹽者

鈇左趾鈇音挫足鉗

後周文帝置掌鹽之政令。一散鹽者海成之二。墮鹽引池化之。三形塩掘地出之。四飴塩於戎取之。

唐開元中蜀道陵縣等十州塩井總九千所。每年課都當錢八千五十八貫。

漢孝武天漢二年初權酒酤權音角以木渡水曰權謂。禁人酤釀獨官開置如道

路木為權者獨取利也酤沽通買也

漢武元符四年公卿言商賈滋衆貧者積畜無有異時錢一貫則出二十。筭輶車賈人緡錢皆有差請筭如故。

為一諸賈人未作貨貸貨餘也賣買居邑貯積諸物及

商以取利者雖無市籍各以其物自占各居其貨多少而為名簿送之

官率緡錢二千而筭一諸作有租及鑄率緡錢四千美

一非吏比者三老北邊騎士輜車一筭比者二字貫下非吏非三老非

不自占占不悉戍邊入緡錢有能告者以其半畀之天

子既下緡錢令而尊卜式百姓終莫分錢佐縣官于是

楊可告緡徧天下楊可人姓名中家以上大抵皆遇告

憲司理之獄少反者及音翻謂從輕

元封元年桑弘羊為治粟都尉領大農畫管天下鹽鐵

請郡縣各置均輸鹽鐵官令遠方各以其物如異時商

賈所轉販者為賦而相漢輸置平準于京師畫籠天下

之貨物貴則賣之賤則買之如此富商大賈無所牟利

而萬物不得騰踊故抑天下之物名曰平準天子以為

然而許之

漢宣時大司農耿壽昌請邊郡皆築倉穀賤增價糶穀

貴減價糶名常平倉史記糶三十病農九十病末上不

過八十下不減四十則農未俱利

慨藉田廢既不躬而不親泊九品滫益病人而病法丘

甲安更于國老爰田謾易于州兵苑請長安蕭何請苑中池與民

耕頗聞數日械繫詔懲雕刻何抹千古漁侵恭惟陛下
龍輦低回春暮芝車暫憩昌平調穡務動三時之勤而
農勞信四民之最春而耕夏而耘秋而穫力役仍戒于
沍寒或爲士或爲工或爲商世業寧辭于厥考彼肯井
邑以牽車冒霜露而騫利此孳子婦而饁畝量陰晴以
服疇彼仰關樞其趨趨權子母而常詘此偕比閭以出
入舍水旱其何憂悲喜異情真出肝膽憂危同狀殊切
洞襟乃六飛頓轡快虛往而實歸乙夜分黎儼抽思以
寄藻信宮中之刀尺剪儻襖篲而皆花簇天上之烟霞
綴鄙俚以錯繡形容毫末加意鄭俠之流圖宋青苗法害民鄭俠

繪流民副在縑紉陋心安仁潘岳之耕賦蓋觀麥貌農宋
宗觀刈麥周世宗刻農夫織婦僅抒一時寄情之感而問民察吏罔切
五位交徹之思未有若代王言以小人之箴摹怨咨于
紙上圖民艱于渙汗之號民嘆息于區中如今日者也
父老賜錢祇借資以干譽教倉散粟徒貽誚于濫施茲
百萬雲敷諸州露溢臣一錢砥志夙有鑒于愧心兩穗
希蹤尚無懈于餐素有曠溢必以告近同李沆之章倘
災傷不及聞遠慕汲黯之節

披沙鑿土音鑑鏐音鏐流音流鈇音鈇銑交輝媚澤韶山瑰瑋琳琅競

秀實銚產朱提之貴。紅霞吐萬丈晴嵐。夜光分垂棘之
良翠。藹隆千尋瑞色。侈素封于丹穴。冶金躍巖道之青
蛭。緣藻績于茂陵。薦壁重上林之白鹿。黃榜紫標之積
何。須豐過丘山。大盈左藏之頌。直欲恩同流水。臣才忝
虞。卿親非郭。况飛綵匣于珠宮。金碧訝雨中瑟瑟。啟彤
封于玉署。鏗鏘轉日下錚錚。赤蠓迴合浦之章。掩映張
譏之玉塵。紫鑿發荆山之秘。爭光王凱之珊瑚。豈張氏
之無名。錢何堪萬計。微劉君罷之有惠政。可受一文。無
忘金礦之規。肯作錢愚之態。

六朝餘韻三卷終

六朝餘韻分目

聖
政
崇
贊

弓旌 蒲輪 飯牛 虞丘 魏倩 追信

舉仇 薑桂 御李 題扇 衣練 折角

倒屣 結襪 千頃忠 納肝 代君 感親

委質 繫樹 折檻 血滿 忠孝孝 負米

受杖 衣單 蟪炙 按臂 鬻指 負母

枕扇 厠踰 死孝 驢鳴 鶴叫 賜粟

投水 不冠 入掃 刻木 斑衣廉 披裘

射書 禽尚 鷓冠 賣藥 三徑 牛衣

國家圖書館, NATIONAL CENTRAL LIBRARY, TAIWAN, R.O.C.

節武

猪肝 婦禪 父勝 牽船 不飯六四頌語

九伐 六步 伎擊 步兵 不德 奎星

熊穴 六神 七殃 九天 處女 挈壺

推轂 授鉞 芻豢 將婦 殺莊 攻翟

火牛 殺妻 城竈 白書 刁斗 入保

堅壁 曳柴 犒師 背水 聚米 量沙

揚水 射丁 兵法 輕裘 雅歌 競病

驃騎 揖客 大樹 百二 魚麗 瓜時

庚癸 飲飛 挾纊 狼居 燕然劔干將

薛燭 風胡 桂劍 賜劍 求劍 還劍

龍泉七首徐氏 大將戈揮戈 吳鉤 孟勞

靈寶 金錯 呂虔 鉛刀弓六弓 危弓

救日 弓台 拒石 懸虱 烏號弩負弩

楛矢 飲羽 養由 董澤旗赤幟 天陣

定律

五刑 象刑 三章 耐罪 城旦 八辟

嘉石 五聽 刑書 爰書 三尺 令甲

念室 積憂 瘦死 琅璫 胥靡 桁楊

六朝餘韻卷之四

海虞王良臣忠亮父編輯
同邑姚宗儀鳳來父增定
建安柯仲炯賓明父叅訂
門人徐純仁張錫祺全梓

聖政

崇賢

逸詩。翹翹車乘。招我以弓。尸子。堯有建善之旌。
漢書。以安車蒲輪徵枚乘。

呂覽。百里奚飯牛于秦。公孫枝得之。獻之繆公。公曰。買

六朝餘韻卷之四

尸子

蒲輪

飯牛

虛丘

之五羊皮而屬事。無乃為天下笑乎。枝曰。信賢而任之。君之明也。讓賢而下之。臣之忠也。境內將服。夫誰暇笑。說苑。楚。虛丘子舉孫叔敖于莊王。王以為令尹。虛丘家干法。叔敖執而戮之。虛丘以為奉國法而不黨。人賀王。王曰。夫子之賜也。

魏情

漢書。魏無知。一作魏情既進陳平。有說其盜嫂受金者。王疑以讓無知。對曰。臣所言者。能也。陛下所問者。行也。今有尾生孝已之行。而無益于勝敗之數。陛下何暇用之乎。漢書。蕭何聞韓信亡。自追之。有言丞相何亡。上怒。居一二日。何來。上罵曰。若亡何也。對曰。臣非敢亡。追亡者耳。

迎信

上曰。所追者誰。曰。信。上復罵曰。諸將亡十數。公無追。追信詐也。何曰。諸將易得。至如信。國士無雙。王必欲長王漢中。無所事信。必欲爭天下。非信。無可與計事者。

舊莊

呂覽。晉平公問祈奚。南陽無令。其誰可。曰。解狐可。公曰。狐非子之仇耶。奚曰。公問可。非問仇。又問國無尉。其誰可。曰。午也。公曰。午非子之子耶。奚曰。公門可。非問子。新序。宋玉因其友以見于楚襄王。王待之無異。宋玉讓友。友曰。薑桂因地而生。不因地而辛。婦因媒而嫁。不因媒而親。子之事王。未耳。何怨于我。

相如

司馬相如。本名犬子。慕藺相如。改名相如。

禦

題

不練

折角

冠

漢李膺字元禮士有登其門者號登龍門荀粲常為其御喜曰今日得御李君矣

晉謝安風流時多愛慕故人罷縣歸裝惟有蒲葵扇五萬安取中者題之京師慕效競市價數倍安又能為洛下書生詠有鼻疾故音濁名流悉掩鼻效之

王導為太保時帑藏空惟有練千端鬻之不得導乃製練布單衣士爭衣之練遂涌貴

後漢郭林宗行遇雨中一角墊士人折其角以效之

後漢王粲字仲宣詣蔡邕邕倒屣迎粲粲年少容貌短小座盡驚邕曰王孫有異才吾不如也吾家書籍文章

當盡與之

結襪

漢張釋之為廷尉有王生者善黃老言謂張曰為我結襪釋之跪而結之王生曰廷尉方今名臣余故使結襪以重之諸生聞之賢王生而重廷尉

罕頃

漢黃憲字叔度荀淑遇憲于逆旅竦然異之憲時年十四謂

子吾之師表也前見袁閔未及勞問淑曰子國有顏子

識之乎閔曰見吾叔度耶又戴良造憲歸母曰復從牛

醫兒來耶又郭泰謂憲汪汪若干頃積水曰頃陂澄之不清

撓之不濁又陳蕃曰時月之間不見叔度則鄙吝之心

復生

納肝

韓詩外傳。狄人逐衛懿公于榮澤。見殺。盡食其肉。獨舍肝。弘演使還。哭畢。呼天。因自出其肝。內懿公之肝。齊桓公聞之。曰。弘演可謂忠矣。

代君

左傳。晉韓厥逐齊侯。既及。逢丑父與君易位。使公下如華泉。丑父代君居位。公得下車而免。韓厥獻丑父。卻獻子將戮之。曰。代其君任患者。戮之不祥。舍之以勸事君者。又史記。項藉圍漢王滎陽。漢將紀信曰。事已急。請為王。王可間出。紀信詐為漢王。乃乘黃屋車。傳左纛。曰。城中食盡。漢王降楚。軍皆呼萬歲。漢王乃得與數十騎逸出。項王燒殺紀信。

滅親

左衛州吁弒桓公。石厚從。厚有子州吁。如陳。石碯使告于陳。曰。此二人者。實弒寡君。敢即圖之。陳人執之。而請于衛。衛人使右宰醜。宰名。蒞殺州吁于濮。石碯使其宰孺羊肩。家臣。蒞殺石厚于陳。君子曰。石碯純臣也。惡州吁而厚與焉。大義滅親。其是之謂乎。

委質

國語。晉中行穆子圍鼓。以鼓子宛支來。宿沙釐以其孥行。從鼓子。穆子曰。鼓有君矣。曰。委質于翟之鼓。未委質于晉之鼓。

鼓子西

史。燕入齊。開王蠋在書。令軍中無入書。謂蠋曰。吾將封子萬家。蠋曰。忠臣不事二君。貞女不事二夫。繫頭于樹。

奮絕而死。齊士大夫曰：王蠲布衣，義不北面于燕，况食祿者乎？相率以從于晉也。

折檻

漢朱雲請上方劍，斬佞臣張禹。禹，帝師。帝謂小臣謗訕師

海河

臣，命斬之。雲攀檻，檻折。後欲易檻，帝曰：勿易，以旌直臣。

忠孝

晉稽侍中紹。康子。以天子蒙塵，惠帝。馳詣行在，王旅敗績

于蕩陰，左右皆散，紹獨身捍衛，飛箭雨集，遂見害，血滿

忠孝

同御衣。

晉下壺為蘇峻若戰，死。二子矜眈，見父沒，同赴賊，見害。

母撫二子曰：父為忠臣，子為孝子，死何恨。

忠孝

家語子路曰：昔者由也為親百里負米，親沒南游于楚。

從車百乘，累茵而坐，列鼎而食，願負米百里，豈可得乎？樹欲靜而風不止，子欲養而親不待，枯魚銜索，幾何不蠹，二親之壽，忽如過隙。子曰：由也可謂生事盡力，死事盡思者也。

受杖

說苑曾子欲有為，不中，曾皙怒，擊之，頃乃蘇。孔子告門

人曰：參來，勿內也。昔舜事瞽瞍，索而使之，未嘗不在側，

索而殺之，未嘗可得。小篋則受，大篋則走。今曾子委身待暴怒，以

陷父不義，不孝孰大乎？又韓伯瑜，其母笞之泣，母曰：他

日未嘗泣，今何泣？對曰：他日得笞，嘗痛，今母之力不能痛，是以泣也。

不車

說苑閔損兄弟二人。母死。其父更娶。復有二子。子騫為父御。失轡。父持其手。衣甚卑。父歸。呼後母兒。持其手。衣甚厚。即謂婦曰。吾所以娶。乃為吾子。今汝欺吾。去無留。子騫前曰。母在。一子卑。母去。四子寒。其父默然。故曰孝。哉。閔子騫。一言其母。還再言。二子温。

續文

盛彦。母王氏。因疾失明。彦不應辟召。躬奉。病久。婢使數見筆楚。婢恨。伺彦行。取齏螬炙。餒之。母食以為美。然疑是異物。藏以示彦。彦見而抱母。慟絕。而後蘇。目乃豁然。開也。

按臂

曾參。事後母。外出。客至。母按臂以呼。參即馳至。又蔡順。

母

字君仲。養母。求薪。客至。母望順不還。母乃嚙指。順即心動。馳歸。母素畏雷。葬母後。聞雷。即伏塚下。呼曰。順在此。後漢江革。字次翁。客下邳。行傭供母。臨淄賊起。負母逃。遇賊。不忍害人。呼為江巨孝。後至諫議大夫。

扇枕

晉王延。字延元。事親。夏扇枕。冬温被。與黃香事同。延後母。勅延求魚。延扣頭于冰。冰解。躍魚。與王祥事同。

廁

漢石建。為郎中令。每五日洗沐。歸舍。竊問侍者。取親中裙廁。音。身自浣滌。廁近身衣也。又庾黔婁。父痢。嘗其糞。

死孝

晉王戎。居母喪。飲酒食肉。或觀奕。而貌毀悴。時和嶠亦居父喪。並以孝稱。王鷄骨支床。和哭泣備禮。帝謂劉毅。

曰。嶠毀過禮。使人憂之。毅曰。嶠雖寢苦食粥。乃生孝耳。至于王戎。所謂死孝。陛下當先憂之。

戴良。字叔鸞。母好驢鳴。良嘗效之以悅母。

晉吳隱之。居父憂。每哭臨。恒有雙鶴警叫。與太常韓康

伯隣。康伯母每聞隱之哭聲。為之悲泣。謂康伯曰。汝若

居銓衡。當舉如此輩人。

晉劉毅。祖母冬月思董。毅哭感董。董生滿地。嘗夢西籬下

有粟。掘之。得十五鍾。名曰七年粟。賜孝子劉毅。

後漢叔先雄。父隊。滯水。雄因乘船于父隊處。哭自投水。

其家夢雄曰。後日當與父同出。至期候之。果與父相扶

出。與曹娥事絕類。而雄與父生出尤奇。

孝子傳。華寶。八歲。義熙中。父從軍。語寶曰。吾還。當營婚

冠。值咸陽喪亂。吉凶兩絕。寶年六十。遂不冠娶。

薛苞。喪母。父娶後妻。而憎苞。分之令出。苞日夕號泣。不

能去。復被杖。不得已。廬舍外。旦則入掃。父怒。又逐之。乃

廬里門。昏晨不廢。歲餘。父母慚而還之。

河內丁蘭。少喪考妣。刻木彷彿親形。事之若生。隣張叔

妻從蘭。妻有所借。蘭妻跪拜木人。木人不悅。不以借。叔

醉。誚罵木人。杖其頭。蘭還。見木人色不悅。妻具以告。蘭

即奮劍殺張叔。吏捕蘭。蘭別木人。木人垂淚。郡縣嘉其

孝通神明。圖其形于雲臺也。

裴

周時老萊子。孝養二親。行年七十。作嬰兒自娛。著五采斑斕衣。嘗取漿上堂。仆地爲小兒啼。

披裘

披裘公。吳人。延陵季子出遊。見道中遺金。顧而謂曰。取彼金。公投鎌。瞑目拂手而言曰。何子居之高。視人之卑。吾披裘而負薪。豈取遺金者哉。季子大驚。而問其姓名。曰。吾子皮相之士。何足語姓名哉。

射書

魯仲連。嘗遊趙。難新垣衍。以秦爲帝。秦軍爲却。平原君欲封連。連辭。平原乃以千金爲壽。連笑曰。所貴于天下士者。爲人排患釋難也。卽取之。商賈事耳。及燕將守聊

城。田單攻之不下。連乃爲書射城中。遺燕將。燕將見書。泣三日。乃自殺。城降。田單欲爵連。連曰。吾與其富貴而誦于人。寧貧賤輕世而肆意。

禽

前漢尚長。字子平。禽慶。字子夏。二人相善。慶不仕。王莽讀易。至損益卦。嘆曰。吾已知富貴不如貧賤。未知存何如亡。爾爲子嫁娶畢。勅斷家事。當如我死。遂與同好。遊五嶽名山。不知所在。

鷓冠

鷓冠子。或曰楚人。隱居幽山。以鷓爲冠。莫測其名。因服成號。著書言道家。馮諼常師事之。後與諼絕。懼其荐已也。

後漢韓康字伯休賣藥不二價長安女子就買康執價不移女子曰君乃韓伯休耶何不二價康惡其名聞乃遯灞陵山連辟不出

蔣詡歸杜陵開三徑止許其友求仲羊仲往還又張仲尉所居蓬蒿没人

王章字仲卿為諸生學長安獨與妻居病無被卧牛衣中與妻訣泣妻呵之曰仲卿京師尊貴在朝廷人誰踰仲卿者今病疾困厄不自激昂乃反涕泣何鄙也

閔仲叔客居安邑日買猪肝一片屠或不肯安邑令聞勅賜常給仲叔知而嘆曰閔仲叔豈以口腹累安邑哉

逐去客沛

晉韓伯遺范宣絹百疋不受戒五十疋不受如是戒半遂至一疋既終不受韓後與宣同載就車中裂二丈與宣云人寧可使婦無禕耶宣笑而受之

胡威父質仕魏為荊州刺史威省父父賜絹一疋威曰大人清高于何得此質曰是吾俸餘以為汝糧耳威受之後威事晉武為侍御因嘆其父清謂曰卿孰與父清對曰臣不如也帝曰卿父以何為勝威曰卿父清恐人知臣清恐人不知

南齊張融為中書武帝問其居對曰臣陸處無屋舟居

無水。他日帝問其從兄緒。緒曰：融南來，未有居。權牽小船于岸上住。

後漢明帝問第五倫曰：聞卿爲吏，不過從兄飯，有之乎？倫曰：臣少遭饑亂，實不妄過人飯。又范丹候姊病，姊飯之，留錢二百。

道叶神交。黃石授帝師之畧，德由天縱。白雲降王輔之，精峰秀學山。列三墳而仰止，瀾清筆海。委九流以朝宗，登小魯之巖。辨練光于曳馬，臨大吳之國。識寶氣于連牛，垂秋實于談叢。絢春花于詞苑，辨河飛箭。激牛翻白馬之津，文江散珠。圓波激驪龍之穴，是用德茂麟趾。削

桐葉以分珪，道煥鶴池。映桃花而曳綬，列譽椒壁。飛聲冲漢，爰求儒雅。旁招異人，剪燕山之金削。赤野之玉遂，遭煙露餘彩。日月未光，彫其璞。嶧山有半死之桐，嘗其聲。柯亭無永枯之竹，片善經心。揖仲宣于蔡席，一言合道。接然明于鄭階，其搏羊角而高翥。浩若無津，附驥尾以上。馳邈焉難托，實欲投竿垂餌。晦幽跡于涓濱，抱甕灌園。絕機心于漢渚，幸屬乾坤浩大。與觀烏兔光華，嵩山動萬歲之聲。德水應千年之色，雖無爲光宅。欣預比屋之封，而有道賤貧。耻作歸田之賦，于是竭來甕牖。利見人門，指帝鄉以望雲。赴長安而就日，美芹之願。徒有

獻于至尊。蟠木之姿。誰爲容于左右。一顧之隆。駘足逾于仙鹿。片言之重。魚目軼于靈蛇。庶顧兔維箕。動薰風于舜海。從龍潤礎。霈其澤于堯雲。則鱸餘之魚。希振鱗于吳水。膳後之豕。翻化龜于魯津。

圓流之下。探照乘于長波。高岫之巔。剖連城于幽石。聽清音于響餘。則枯桐發響。收夜光于玄璧。則怪石騰暉。清規遠鏡。皎月色于靈臺。玄覽虛疑。穆松風于智府。綉萼于詞林。粹鮮花于筆苑。文源翻浪。織玉漱以韶霞。學海驚瀾。綴珠鱗于濯錦。蟋蟀妻吟。映素雪于書帳。莎鷄振羽。截碧浦于翰地。某學異懷。較才非夢。鳥價不齊。

于南漢。芳不重于東山。幸屬日月光華。雲霞紛郁。方結羨魚之網。將謠扣角之詞。奮短翮于榆枋。希高標之餘沸。濯纖鱗于涓滴。望鴻浪之微霑。所冀顧盼曲流。剪沸增價。分其斗水。濟濡沫之枯鱗。惠以餘光。照孀棲之寒女。飈金將露。玉共清柳。黛與荷。緇漸歇。

飭武

周因井田以定兵賦。夏官司馬而掌兵戎。天子六軍。諸侯大國三軍。次國二軍。小國一軍。春蒐。夏苗。秋獮。冬狩。講武習執。無闕于時。以九伐之法。正邦國。憑弱犯寡。則皆之。皆猶瘦謂制其地賊賢害民。則伐之。暴內陵外。則壇之。壇讀

為埤謂置之空埤野荒民散則削之負固不服則侵之

之地更立賢君賊殺其親則正之放弑其君則殘之犯令凌政則杜之

杜塞也使不得與隣國交通外內亂鳥獸行則滅之此禁暴靖民之

大畧也

書曰今予劓惟恭行天之罰今日之事弗讐于六步七

步乃止齊焉夫子勗哉弗讐于四伐五伐六伐七伐乃

止齊焉

班固曰齊之技擊齊愍以技擊強謂兵家之伎者習手足便器械積機關以立攻守之勝

不可以遇魏之武卒魏惠以武卒奮魏之武卒不可以直秦昭

之銳士秦之銳士不可以當桓文之節制桓文之節制

不可以敵湯武之仁義

晁錯曰丈五之溝音尖漸車之水陵阜崎嶇積石相接此

步兵之地車騎五不當一平原廣澤漫衍相屬此車騎

之地步兵十不當一堠視相及川谷分限此弓弩之地

刀楯三不當一草木蒙籠枝葉蔚茂此矛鋌之地長戟

二不當一穹崇險隘阻阨相視此刀楯之地弓弩二不

當一

管子凡人之所以守戰至死而不德其上者曰大者親

戚墳墓之所在也田宅富厚足居也不然則州黨與宗

族足懷樂也不然則上之教訓習俗慈愛之于民也厚

無所往得之也。君之恩厚皆在于民無所他往得民致死。不然則山林澤

谷之利足生也。不然地形險阻易守而難攻也。不然則

罰嚴而可畏也。賞明而足勸也。不然則有深怨于敵人

也。不然則有厚功于上也。九九變

奎

奎十二星十六度主武庫之兵。

熊

山海經熊山有熊穴恒出神人夏啟冬閉是穴冬啟乃

必有兵又鹿臺山有鳥名鳧後如雄鷄而人面其鳴自

叫也見則有兵小次山有獸名朱厭如猿而白手赤足

見則大兵。

六神

玄女兵法軍有六神乘之必克甲子旬神在魁甲戌旬

在勝光甲申旬在弧甲午旬在天罡甲辰旬在功曹甲

寅旬在神后此六神為戰主。

七殃

太公兵法張軍處將必避七殃勿居天社勿居地舍勿

居罷虛勿居宿死勿居吞害勿居蜚鋒勿居潮泉武王

曰休息士眾皆有處乎太公曰休兵頓息如從九天之

上向九地之下通于天下藏于九野獨往獨來有莫見

者也。

孫子始如處女示敵開戶後如脫兔往敵不及拒。

周禮挈壺氏掌挈壺以令軍井壺汲井器為軍穿井壺

井挈轡以令舍懸轡于所當舍止之處挈舂以令糧舂盛糧器懸

切挈壺

處女

九天

假之

馮唐傳。王者之遣將也。跪而推轂。曰。闔以外。將軍制之。又文帝勞軍細柳。先驅至。不得入。驅曰。天子且至。都尉曰。軍中但聞將軍令。不聞天子詔。于是上使詔將軍。周亞夫乃傳言開壁。壁開。吏曰。軍中不得馳。天子乃按轡徐行。亞夫將兵揖曰。介冑之士不拜。請以軍禮見。天子為改容。嘆曰。此真將軍矣。曩者灞上劉棘門禮。棘門徐兒戲耳。淮南子曰。凡國有難。君自宮召將。社稷之命在將軍。今國有難。願子將而應之。主親操鉞。授將軍辭而行。乃衣鬚。設明衣。鑿凶門。而出。乘將軍車。載旌旗斧鉞。臨敵攻

戰而願必死。無有二心。

列女傳。楚子反攻秦。軍絕糧。使人請于王。因問其母。母問使者曰。士卒無恙乎。使者曰。士卒分菽粒而食之。將軍無恙乎。曰。將軍朝夕芻豢黍梁。子反破秦軍而歸。毋閉門不納。數之曰。子不聞越王勾踐之伐吳耶。客有獻醇酒一器者。王使人注上流。使士卒飲下流。味不加味。而卒戰自五也。又有獻一囊糧者。王又賜軍士。分而食之。子獨朝夕芻豢何也。

吳闔廬謂孫武曰。子兵法十二篇。吾盡見矣。可教婦人乎。曰。可。于是出宮女三千。孫子分為二隊。寵姬二人為

隊長令鼓之皆左。婦人大笑。孫子又三令五申之。又鼓之。皆右。復笑。孫子斬二隊長。用其次爲隊長。于是左右前後皆中規矩。報王曰。赴水火可矣。

史記

齊景公以司馬田穰苴爲將軍。穰苴曰。願得君寵。臣以臨軍。乃可。公使莊賈往。穰苴與約會日中于軍門。穰苴先馳至軍。立表。下漏待賈。暮時賈乃至。召軍正問曰。軍法期而後者云何。曰。當斬。遂斬莊賈以徇。三軍三軍皆震慄。

說苑田單將攻翟。往見魯仲連。仲連曰。將軍之攻翟。必不能下矣。單曰。單以十里之城。五里之郭。復齊之國。何

有于翟。上車去。攻翟。三月不下。齊嬰兒謠曰。大冠如箕。長劍拄頤。攻翟不能下。壘于梧丘。于是單恐駭。復見仲連曰。先生何以知單之攻翟不能下也。仲連曰。將軍在卽。墨坐則織簣。立則杖重。爲士卒倡。曰。宗廟亡矣。魂魄喪矣。歸何黨矣。故將軍有死之心。士卒無生之氣。今將軍東有掖邑之封。西有淄土之寶。金銀橫帶。馳騁乎淄澠之間。是以樂生而惡死也。田將軍明日結髮徑立矢石之所。引枹鼓之。翟乃下。

田單破燕。乃收城中牛。得千餘頭。爲絳繒衣。盡以五彩龍文。束兵于角。而灌脂束葦于尾。燒其尾。牛奔壯士五

千人隨其後。燕軍大駭。又晉殷浩北征。使姚襄為前驅。而襄友浩令參軍江道擊之。道取數百鷄。以長繩連之。繫火于足。群鷄駭散。飛集襄營。營火發。因其亂擊之。襄遂敗。

吳起殺妻求將。又晉永嘉亂。郭默率眾自為塢。撫循將士甚得歡心。默婦兄陸嘉取官米十石餉妹。默自殺妻。以明無私也。起為魯將。齊攻魯。起妻齊女。魯疑之。起乃殺妻以明未嘗與齊也。

孫臏入魏。為十萬竈。明日為五萬。又明日為三萬。龐涓行三日大喜。曰。固知齊軍怯。入吾地三日。士卒亡者過半矣。乃棄其步軍。并行逐之。竟墮孫計。又東漢虞詡字

升。御為武都守。羌遮陳倉。詡日夜行。令士各兩竈。日增倍。虜見吾益倍。必謂有郡兵來。昔孫臏示弱。今吾示強。羌果畏而不敢逼。

龐涓追孫臏。臏量其暮。當至馬陵。道狹可伏兵。乃砍大樹。白而書之。曰。龐涓死此樹下。令萬弩夾道伏。期日暮。見火舉而發。涓至。果火燭之。弩俱發。涓知智窮。乃自刎。遂成孺子之名。又蜀諸葛亮出郊山。魏司馬懿命張郃救援。諸葛食盡。引去。郃追之。至木門道。亮削大樹。題曰。張郃死此樹下。郃至。弩發而死。

漢程不識與李廣同擊胡。程正部曲行伍營陣。刁斗自

衛李無部曲行陣不擊刁斗士多樂廣而惡不識

入保

趙北邊良將李牧居雁門備匈奴匈奴每至輒入保不戰王以為怯易他將輒敗復使牧牧如前竟大破匈奴

堅壁

秦趙相拒廉頗堅壁不戰秦問謀曰秦所畏者趙括如廉頗易與耳趙王信而代之藺相如曰王以名使人若膠柱鼓瑟括徒讀父書不知合變後果敗

曳柴

左傳晉與楚戰晉欒枝使輿曳柴所以揚塵而偽遁楚師馳之原軫狐毛夾攻子西楚左師潰

指師

左傳秦師及滑鄭商人弦高遇之以乘常先十二牛犒師曰寡君聞吾子將步師出于敝邑敢犒從者秦以鄭

有備也而去之

背水

韓信攻趙背水為陣曰兵法置之死地而後生今驅市人而戰故置之死地使人人自為戰也

聚米

後漢馬援于帝前聚米為山谷指畫形勢開示眾所從道帝曰虜已在吾目中矣

量

南宋檀道濟伐魏食罄士卒莫有固志道濟夜唱籌量沙以所餘少米散其上及旦魏謂糧有餘不復追

揚水

漢貳師將軍李廣利破大宛圍山絕水廣利拔刀刺山飛泉涌出又東漢耿恭以疏勒城旁有澗引兵據之匈奴乃于城下擁絕澗水恭于城中穿井十五丈不得水

吏士涓。竿馬糞飲之。恭仰天嘆曰。聞昔貳師拔刀刺山。飛泉涌出。今漢德神明。豈有窮哉。整衣拜井。井泉溢出。乃令吏揚水示虜。虜以為神。引去。

射子

太公金匱曰。武王伐殷。丁侯不朝。尚父乃畫丁侯射之。丁侯病。遣使請臣。尚父乃以甲乙日拔其頭箭。丙丁日拔其目箭。戊巳日拔腹箭。庚辛日拔股箭。壬癸日拔足箭。丁侯病乃愈。四夷聞之懼。越裳氏獻白雉。

兵法

兵法有金版六韜。太公着文韜武韜龍韜虎韜豹犬韜素書。黃石公授丁

子一篇。項生一篇。南楚一篇。萇弘十五篇。蚩尤二篇。繇

余二篇。司馬法。司馬穰孫子七篇。尉繚子。太乙。天一書。

圖。思公區黃帝臣有李將軍射法三十五篇。

雜

晉羊祐都督荊州諸軍事。嘗輕裘緩帶。身不被甲。鈴閣之下。侍衛不過數人。與吳陸抗相對。抗病祐饋之藥。抗服無疑。人多諫。抗曰。豈有甌人羊叔子。

雜

東漢祭遵為將。奏置五經博士于軍中。與諸生雅歌投壺。頗有郤穀敦詩說禮之風。

雜

蕭梁曹景宗大破魏軍。振旅凱入。帝于華林宴飲。賦詩。景宗已醉。求賦。時韻已盡。惟餘病競二韻。景宗操筆。便成。云。去時兒女悲。歸來鼓笳競。借問行路人。何如霍去病。

漢書霍去病為驃騎將軍。上欲教之兵法。對曰。顧方畧何如耳。不至學古兵法。上為治第。對曰。匈奴未滅。何以家為。

操卷漢衛青為大將軍。汲黯不拜。曰。大將軍有揖客。顧不重邪。

大新後漢馮異謙退。諸將論功。異嘗獨屏樹下。軍中號大樹將軍。

百二漢書秦地得百二。齊得十二。言秦地險固。以二萬人當諸侯百萬。人齊險次之。二萬人可當十萬人。

魚麗左傳王伐鄭。鄭原繁。高渠彌。以中軍奉公。為魚麗之陣。

張衡東京賦云。鵝鶴魚麗。其張翼舒。俱陣名莊子云。鶴列

麗譙之間。譙列陣名。麗譙城樓名唐杜甫題孔明祠云。功蓋三分

國。名高八陣圖。八陣即八門。休生傷。杜景死驚開生開吉李靖造六花陣。

瓜時左傳齊侯使連稱。管至父。戍葵丘。瓜時往。及瓜而代。

葵左傳吳申叔儀。乞糧于魯。公孫有山。山曰。登首山。呼庚

祭兮。則諾。庚西方主穀。祭北方主水。軍中不敢正言。故謬語耳。傳言吳王不恤士故亡。

統飲飛。楚勇士。又光武時。西戎反。募飲飛射士。魯奇應募。

果建奇功。又王莽募天下囚徒。人名猪突。豨勇。

挾纒楚子伐蕭。師人多寒。王撫勉三軍。皆如挾纒。

狼居漢霍去病破匈奴。渾邪王封狼居胥山。

燕班固燕然山銘斬温禺以釁鼓血尸逐以染鐔。

周官桃氏為劍。臘廣二寸有半寸。兩從半之。臘兩亦也。兩從謂劍

趨鐔者鐔。劍口。璣。劍鼻。鞞。劍室。韜。劍衣。

干將干將。吳人妻曰。鏌邪。採五山之精。合六金之英。候天伺

地。陰陽同光。夫妻乃斷髮剪指。投鑪中。劍乃成。陽曰干

將。作龜文。陰曰莫邪。作漫理。干將匿其陽。而出其陰。獻

之闔閭。又晉張華。夜見紫氣起斗牛。雷煥字孔章曰。此謂

寶劍。氣在豫章。豐城。乃以煥為豐城令。煥至。移獄掘地。

得石函。雙劍。遣使送一與華。華曰。此干將也。莫邪何復

不至。雖然。天生神物。終當合耳。張華遇害。此劍飛入襄

薛城水中。煥留其一。以與子雷華。華後為建安從事。劍忽

于腰間。躍入水。變為龍。逐視之。見二龍相隨逝焉。

越王允常。聘區冶子。作五劍。純鈎。湛盧。豪曹。或作魚腸。盤郢

巨闕。王持純鈎。示秦客薛燭。燭矍然曰。望之如芙蓉。始

生于湖。觀其文。如列星之行。觀其光。如水之溢塘。觀其

色。煥煥如冰。將釋。見日之光。

屬楚王召風胡子。問之曰。寡人聞吳干將。越區冶子。寡人

願得此二人作劍。乃令風胡子之吳。見干將。越見區冶。

為作三劍。龍淵。太阿。工市。王問風胡子。對曰。欲知龍淵

狀。如登高山。臨深淵。欲知太阿。觀其鏌。巍巍翼翼。如流

水之波欲知工市。鏘從文間起。至春而止。如珠而不可枉。文若流而不絕。

揮劍

吳季札過徐。徐君好札劍。口不言。札知之。為使上國。未獻還。至徐。徐君已死。乃解劍繫徐君塚樹而去。

贈

南宋世祖賜謝莊劍。以與豫州刺史魯爽別。後爽叛。世祖因宴集。問莊劍所在。答曰。昔與魯爽別。竊為陸下杜郵之賜。上甚悅。秦王賜白起劍。死於杜郵。

求劍

漢宣帝微時。聚許廣漢女平君為婦。後立為帝。公卿議更立皇后。上乃詔求微時故劍。大臣知旨。乃立許為后。王列字彥方。國中有盜牛者。牛主得之。盜者曰。後將改

還劍

過。幸無使。王烈知。頃之。老父失劍。一人行而遇之。守至暮。劍王還。見之曰。守吾劍于路。子請告吾姓名。乃語之。即曩日盜牛人也。

寶

唐郭元振古劍歌。君不見。昆吾鐵冶飛炎煙。紅光紫氣俱赫然。良工鍛鍊經幾年。鑄得寶劍名龍泉。龍泉顏色如霜雪。良工咨嗟嘆竒絕。琉璃匣裏吐蓮花。錯鏤金環映明月。正逢天下無風塵。幸得周防君子身。精光黯黯青蛇色。文章片片綠龜鱗。非直結交遊俠子。亦嘗親近英雄人。何言中路遭棄捐。零落漂淪古獄邊。雖復沉埋無所用。猶能夜夜氣衝天。

七首

七首。短劍也。長一尺八寸。說死曰。秦王以五十里封鄢陵之君。辭不受。使唐且謝秦王。王怒曰。嘗見天子之怒乎。一怒伏尸百萬。流血千里。唐且曰。大王嘗聞布衣帶之士怒乎。一怒伏尸二人。流血五步。即按其匕首起曰。今將是矣。王變色曰。先生就坐。寡人喻矣。秦破韓。滅魏。鄢陵獨以五十里存者。徒用先生故也。

徐氏

燕丹使荆軻刺秦王。求趙人徐夫人。凡斯皆上世名器。君子雖有文事。必有武備矣。

太公

太公兵法。戟神。名大將。刀神。名脫光。弩神。名遠望。箭神。

揮戈

名續長。弓神。名曲張。

淮南子云。魯陽公與韓構難。戰酣。日暮。援戈而搗之。日

吳鉤

反三舍。魯陽楚人。司馬期之子。

吳王闔閭作金鉤。曰能善為鉤者。賞百金。有人貪賞。殺二子。釁金成二鉤。獻以要賞。王曰。子鉤何異。而獨要賞。作者曰。吾作鉤。吾二子之精也。是與眾異。向鉤呼其兩子。曰。吳鴻。扈稽。我在此。聲未絕。而兩鉤俱飛。著父之胸。王大驚。立賞百金。

刀

黃帝採首山之金。始鑄為刀。歷代有吳刀。歸藏曰。大副之吳刀。是用

出禹張華詩。吳刀鳴手中。赤刀。周寶。昆吾切玉刀。周穆王時。鳴鴻刀。

漢武帝賜漢文帝有百鍊青犢漏影三刀卑手曹操作大櫓

東方朔重八斤柄龍鱗漢御長六尺

孟勞

穀梁傳公子友謂莒拏曰吾二人不相說士卒何罪屏左右而相搏公子友處下左右曰孟勞孟勞魯之寶刀也公子友以殺之

靈寶

魏文帝曹丕造百辟寶刀靈寶文似靈龜含章彩似丹霞素質鋒似

身劍缺又作露陌刀一名龍鱗

金錯

光武賜鄧遵金錯五十辟把刀墨載屈環橫刀金錯屈尺八佩刀各一又竇憲遺班固金錯半番刀一枚

呂虔

魏徐州刺史呂虔有佩刀工相之以為必三公可服此

刀。虔謂別駕王祥曰苟非其人刀或為害卿有公輔之量故以相與。

鑿刀

賈誼曰鑿刃為鈍鉛刀為銛張衡曰以為鉛刀強可一割。

山海經少昊生股是始弓矢世本云牟夷作矢揮作弓弓梢曰簫又謂之弭以骨為之左傳左執鞭弭弭弓也弓中央把處曰弣繫弱鉅黍烏號俱良弓

六弓

周官司弓掌六弓王弓弧弓以授射甲革楛質者夾弓庾弓以授射豸侯鳥獸者唐弓大弓以授學射者使者勞者彤弓彤矢玆弓玆矢以錫有功書作盧弓盧矢

危

周禮云豐肉而短寬緩以茶讀為舒若是者謂之危弓危弓謂之安矢骨直以立忿執以奔若是者謂之安弓安弓謂之危矢

殺日

周禮庭氏掌射國中之妖鳥如無鳥也以救日之弓救月之矢射之若神也則以大陰之弓與枉矢射救日之弓謂日

月食時所作牛矢枉矢即救日之矢

良治

禮云良弓之子必學為箕良冶之子必學為裘

拒石

列女傳晉平公使工為弓二年乃成射不穿一札公怒將殺工其妻見公曰妾之夫造此弓亦勞矣幹生泰山之阿一日三睹陰三睹陽傳以燕牛之角纏以荆麋之

筋糊以河魚之膠此四者天下之選也而不穿一札是君不能射也妾聞射之道左手如拒石右手如附支右手發箭左手不知公以其儀而穿七札弓工立得賜金三鎰

懸虱

列子紀昌學射于飛衛衛曰先學不瞬視小如大紀昌以鰐懸虱南面而望之三年之後如輪乃以燕角之弧朔蓬之幹射之貫虱心而懸不絕

高

家語云楚共王出遊亡其烏號之弓左右請求之王曰楚人失弓楚人得之又何求焉孔子聞之曰惜乎其不大也人遺之人得之何必楚也

弩

吳越春秋弩生于弓。弓生于彈。彈生于古之孝子。弩怒也。鈎弦者牙。似齒牙也。牙外曰郭。為牙之規郭也。不曰懸刀。其形然也。含括之口曰機。言如機之巧也。其柄曰臂。如人臂也。法枉矢星而為之者。史記云。彊弩之末力不能穿魯縞。又黃間即黃肩一名大黃。白的。俱神弩。

平原君負弩前驅。迎信陵君。又司馬相如。為中郎將。使蜀。縣令負弩。又霍去病。為驃騎將軍。過河東。河東太守郊迎。負弩先驅。

楷矢

射此八矢者。弓弩各四。枉殺繒恒。弓所用也。挈鏃蕪屏。弩所用也。又飛鳧電影。忘歸信往。俱矢名。國語。仲尼在陳。有隼集陳侯庭。而矢貫之。石弩其長尺有咫。公使問仲尼。尼曰。此肅慎氏之矢也。昔肅慎氏貢楷矢。石弩。武王以分大姬。配虞胡公。而封于陳。又孔融嘲曹操討烏孫云。肅慎氏不貢楷矢。丁零盜蘇武牛羊。可并案之。

飲羽

新序。楚熊渠夜行。見寢石。以為虎。彎弓射之。沒矢。飲羽。已知為石。却復射之。不復入矣。

養由

國策。養由基。去柳葉百步而射之。百發百中。又張華勵

志詩。養由矯矢。獸號于林。蒲蘆索繳。神感飛禽。

左傳。秦晉楚戰。楚熊負羈。囚智瑩。以歸。瑩。智莊子之子。智莊子

以其族反之。厨。武子御下軍之士多從之。每射。抽矢。鼓

箭。納諸厨。子之房。服。矢。武子怒曰。非子之求。而蒲之愛董

澤之蒲。可為。箭。可勝既乎。

黃帝與炎帝戰。以鷩鷩鷹鳶為旗。幟。蓋。旌。旗之始也。孫

子云。言不相聞。故為鼓鐸。視不相見。故為旌旗。所以一

民之耳目也。周官司常掌九旗。日月為常。畫日月于端。言常明也。天

交龍為旂。畫兩龍相依。倚諸侯所建。通帛為旟。旟。戰也。戰。戰。恭。已。象無事也。三

雜帛為物。物一作旃。以雜色綴其邊。將帥建。熊虎為旗。旗。期

也。言與衆期。象其猛。如熊虎也。軍將所建。鳥隼為旟。旟。譽也。惡疾趨事。則。龍

蛇曰旐。旐。兆也。龜。知。古。凶。建之。軍後。全羽為旒。旒。順。滑。貌。析羽為旌。旌。旗。率。首。

龍旂九旒。以象大火也。鳥旟七旒。以象鷩火也。熊旂六

旒。以象伐也。龜蛇四旒。以象營室也。弧旌枉矢。以象弧

也。又蜚弧。鄭旗名。見左傳。

韓信擊趙。趙空壁逐之。信令奇兵二千。拔趙幟。立漢赤

幟。趙軍既不能勝。還壁。則見幟。大驚。漢以破趙。

唐陳子昂詩。忽聞天上將。關塞重橫行。始返樓蘭國。還

向朔方城。黃金裝戰馬。白羽集神兵。星月開天陣。山川

列地營。曉風吹画角。春色耀飛旌。又駱賓王詩。隱隱地

中鳴戰鼓迢迢天上出將軍。又劉禹錫詩殺氣三時作
陣雲寒聲一夜傳。斗

四六
頌語

地接再驪詞屢殫于喻蜀。俗通槃瓠聲不輟于吠堯識
明君之重恩。輕生有地。提太阿之雄劍。視死無時。彎弧
而兇黨土崩。舉刃而妖徒瓦解。雖危若涕。鼎未窮梟首
之謀。救死扶傷。猶致析骸之請。擁貔貅之雄。順天機而
左轉。驅象犀之卒。乘地軸以右迴。縱投石拔距之材。蹈
中權而拊其背。騰躍鐵歛金之騎。犯前茅而扼其喉。橫
玉弩以高臨。縱金鉦而直進。玄雲結陣影。密西郊。赤羽
揮鋒氣。衝南斗。颺煙塵而匝地。白日爲之晝昏。積氛稜

以稽天。蒼冥爲之晦色。斬首千餘級。轉戰二千里。激流
膏而爲泉。似變萇弘之血。委亂骸而擠壑。若沉鱉令之
屍。五都材雄。三河俠少。或生居燕地。左工卽墨之園。或
家本秦人。早學昆明之戰。叱咤則江山搖蕩。慷慨則林
壑飛騰。舉鵬翼以揚威。耀群渠而賈勇。澄氛廓稜。同夏
景以潰春冰。滅跡掃塵。若霜風之卷秋穉。

天討有罪。兵應者勝。義者王夷。不亂華師。直爲壯曲。爲
老。用信威光。祖宗不以賊遺君父。明見萬里。運竒堂上
之兵。守在四夷。制勝目中之虜。

兵旣落于天上。虜乃陷于穀中。箝口之馬。僨車而執繫者

千蹄。繚髮之人。輿師爲俘者萬指。遙知水赤。坐想風腥。祝禽踈網。徒開三面之恩。毒虺挺袂。愈肆九頭之暴。喑鳴則乾坤搖蕩。呼吸則林壑沸騰。列旗影以雲舒。似長虹之東指。橫劍鋒而電轉。疑大火之西流。驚塵亂起。六合爲之寢光。殺氣相稽。四溟由之變色。首丘懷戀。疑臨舊國之墟。安堵識家。似入新豐之邑。

壁壘萃貔貅。依九天之日月。羽林騰虎豹。列八障之風雲。馳突三驅。刁斗並祥飈。斯煥縱橫九變。組練與靈曜生輝。

五兵不試。衣冠日出之邦。九譯來王。玉帛月臨之國。維

茲醜虜。敢作撓槍。遂使煙迷合浦。鮫人泣明月之珠。烽火滿番禺。估客棄桃枝之篋。軍聲大振于前茅。從天而下。賊勢應摧于破竹。無穴可藏。孰知游釜之魚。尚作處堂之燕。孰累基而不墜。且留日暮之餘生。方壓卵以如山。寧許須臾之無死。介冑增一鼓之氣。貔貅沸萬井之煙。投鞭而滄海成田。鳴鏑而馮夷罷舞。旁張兩翼。此雲合而星馳。連發七擒。彼土崩而瓦解。潤劔鏃者。魚貫而披離。染霜刃者。川流于漭沅。沉雙輪勢。逼群雄。其涿野之誅。尺組功高。渠首縛轅門之下。山川積雨。盡銷胡騎之塵。草木長風。咸有玉師之氣。凜凜將軍之樹。風起秋聲。迢

迢太史之河日沉殺氣鼓鼙動地。三春欻震蟄之雷。戈
甲連雲。萬里走龍蛇之電。腥羶蕩滌。狼烟銷斥。埃之紅
沙。漢澄清塞。草回關河之綠。

命將

虎帳霜嚴。開府寄三軍之命。龍旗日煖。建牙將軍專九

伐之司。用頗牧于禁中。廟堂決勝。馭孫吳于闔外。邊俎

折衡。方叔壯猷。萬里煙銷。紫塞召公維翰。八荒風息。蒼

波。晉師奮戟而曳柴。將佐貞丈人之吉。易師貞丈人吉漢帝徐

行于細柳。軍屯重長子之權。易長子帥師弟于輿師恭惟陛下。不

戰屈敵。寢淮南跋扈之謀。至誠待人。啟河西明見之懼。

傳宣紫府。九天飛鸞鳳之音。章錫寵白旄。六月擁熊龍之

節。彤庭定策。劍佩疑寒。青海鳴珂。鼓鼙生氣。銅符剖卧
內魚書。命行仗鉞。鐵騎挿侍中貂珥。恩渥投醪。臣非將
種。徒讀父書。豈麟閣勳名。且參帷幄。抑兔且德望。堪效
馳驅。

歌風擊筑。非無得士之思。見月思家。詎有從軍之樂。衣

惟甲惡。飲或水餘。出秦塞以摧顏。履明霜而墮指。狼煙

易舉。雁帛難傳。長征之馬少肥。久戍之人偏老。虎頭都

護。玉關之人難期。班超燕領虎頭有封侯相後封定遠侯使絕域年老乞歸曰臣不敢望到

酒泉郡但願生入玉門關猿臂將軍。金印之垂獨後。李廣難封龜沙颺礫

儼萬鏑以朝流。虎落鳴鏃。愴千群之夜駐。虎落以竹葭相連遮落于

塞下布沙其上。戰袍千里空懸。後漢之砧。俠骨五原。猶
且視跡知虜來。入春閨之夢。可憐無定河邊骨。猶是春閨夢裡人。漢兵堵于三輔。刈麥無
人。唐虜訐于兩河。備炊有嫗。芙蓉院裏。詎關青海之愁。
楊柳笛中。不度黃沙之煖。恭惟陛下。舟負黃龍。河伯導
無前之氣。播開白虎。星官占不戰之祥。撻覽蕭撻覽匈奴大將
乍馳。已仆雄雷之擊。闕氏匈奴妻蕭太后自弛。遂收雌蜺音梟之
氛。猶謂戎心巨測。大非安枕之時。武畧難忘。宜動聽鼙
之想。長儲胥軍中簿籬于五字。色動山河。慰將士于數言。義
深書檄。擬投醪而匪醉。視挾纊以猶溫。芭薇空詠于當
年。秋杜重聞于今日。

自古鴟張西北。頗號天橋。卽嘗鼠發東南。不數日本。豈
期水族蕃滋。以致山微盤據。樹木爲巢。隸赤方而作鎮。
依島爲穴。環紫筑以踈彊。帆影握風行。如魚鱗潮聲挾
雨。居類蝦蜃。上表獻琛。間能懷好音。而至錫章齊綬。亦
稱被文命之加。然習詐以夸。性婪而黠。當其入也。上或
受書詞之嫚。及其出也。下必罹鋒鏑之災。始于漢武之
開邊。因而朝鮮之通塞。累朝一任荼毒。濱海大費隄防。
激浦艤舟。曠觸橫江之月。甌閩飲馬。羶連出岫之氛。乍
叛乍臣。倏來倏去。計且用守而爲戰。法在以兵而寓農。
環山以東。自浙而上。枕岸築金墉。控千里之籬籬。森然

其置臨流分水寨。亘一江之鎖鑰。貫若鈎連。強弩射潮。應手爭落。鷗之枝。弋船下瀨。開頭捷使馬之能。伐謀于春汛。秋防之交。握勝于彼。出我歸之會。

定律

書象以典刑。流有五刑。鞭作官刑。扑作教刑。金作贖刑。眚災肆赦。怙終賊刑。又五流有宅。五宅三居。周官五刑。罪五百。黥面曰墨。劓罪五百。割鼻。官罪五百。丈夫割勢。刑罪五百。割髮罪五百。髮。穆王命呂侯作刑訓。多初劓五百。章故曰五刑之屬。三年墨者守門。劓者守闕。官者守內。人道既絕。刑者守圜。髡者守積。王之同族不處官刑。不事便也。剪其顛地。但髡頭而已。

此王族皆于應處罰之故。使守積。

唐虞象刑。犯墨者蒙帛巾。犯劓者赭其衣。犯贖者蒙其贖。以墨蒙其贖。處而畫之。犯大辟者衣無領。慎子云畫跪當黥。草纓當劓。履屣當刑。艾鞞當官。荀卿云象刑象天道而作刑。安有菲屨赭衣之謂哉。

漢高入咸陽。除秦苛法。約法三章。曰殺人者死。傷人及盜抵罪。然大辟尚有三族之誅。先黥劓。斬左右趾。答殺。梟其首。殖其骨肉于市。其誹謗詈詛。又先斷舌。故謂之具五刑。彭越韓信之屬。皆受此戮。後以三章之法。不足禦姦。命蕭何作律九章。何定律除參夷連坐之罪。增部主見知之條。益事律。擅興廩戶。

三篇合九篇叔孫通益律所不及傍章十八篇

刑

漢制曰有耐音而而罪以上請之形類傷毛也凡輕罪不髡其形鬚曰形杜林以為法

度之字當從寸故改為耐言耐罪以上皆當先請也

刑

漢惠制曰大造以上及內外公孫耳孫大造爵滿十六者公孫公侯內

外孫也玄孫之子曰耳孫有罪當刑及當城旦舂者皆耐為鬼薪白

粢城旦謂旦旦起作城工舂婦人不與外徭但使舂作米皆四歲刑鬼薪伐薪供宗廟白粢婦人則使播精

擇米皆二歲刑人年七十以上若不滿十歲有罪當刑者完之

若猶及也完之不加肉刑也

刑

周禮以八辟麗邦法。一議親。二議故。三議賢。四議能。五議功。六議貴。七議勤。八議賓。

刑

周禮以嘉石白石平罷民有罪者坐嘉石以肺石赤石達窮

民孤窮老幼弗達者立于肺石又策秀才文肺石少不

冤之民棘林多夜哭之鬼古法樹棘槐聽訟于其下

聽

周禮以五聲聽訟。一辭聽。二色聽。三氣聽。四耳聽。五日

聽。三刺。一訊群臣。二訊群吏。三訊萬民。三宥。一不識。再

過。失三遺。忘八刑。一不孝。二不弟。三不睦。四不嫻。五不

任。六不恤。七造言。八亂民。

張斐律序鄭鑄刑書晉作執秩趙制國律楚造僕區並

述法律之名申韓之徒各自立制

漢張湯劾鼠掠治傳爰書

傳獄書也趙高作書垂效學隸爰時獄史書體皆用此故

曰爰

漢杜周為廷尉。客謂周曰：君為天下決平，不循三尺法。

以三尺簡書法律也又竹刑三尺。

漢吳芮著令甲。宣帝紀云：令甲死者不可復生，刑者不可復息。

甲令第一乙令第二

獄。夏曰念室。一曰殺曰羸里。一曰周曰稽留。一曰又謂

之圍扉。詩曰：宜岸宜獄。亦曰貫城。請室。

勅囚請室虎穴。漢尹賞黃沙。帝獄

甘泉道中有蟲，伏地而赤。如生肝狀。東方朔曰：此古秦

獄地。積憂所致。積憂者，得酒即解。取置酒中，即消。

怪哉

漢宣帝詔曰：繫者，掠苦饑寒，瘠死獄中。朕甚痛之。

為瘠死或作瘠

王莽捕關東犯鑄錢，以鐵琅當其項。

楚王昏靡申公。連繫而相隨

莊子：桁楊接摺，易荷校。臧耳。

周禮：凡囚者，上罪梏拳，而桎。中罪桎梏，下罪梏。

一木桎梏兩手各一木在手曰梏，在足曰桎范滂三木囊頭。

漢夏侯勝獄中授經黃霸。

周勃見侵獄吏既出曰。吾將百萬兵。安知獄吏之貴也。又韓安國坐法抵罪。獄吏田甲辱之。韓曰。死灰獨不復燃乎。田曰。燃則溺之。

後漢范滂字孟博。繫黃門北寺。獄吏請祭臯陶。范曰。陶古直臣。知滂無罪。將理之。帝如其有罪。祭之何益。

晉許揚字偉君。好術數。爲汝南守。爲豪右所誣。下獄而械。自解獄吏遽白。鄧晨驚曰。果濫賢太守。卽夜遣歸。時陰晦。道中若有火導之。時以爲異。又晉苻丕左丞徐義。爲慕容永所獲。桎梏將殺之。義頌觀音經。械自脫。遂奔楊銓。期以爲洛陽令。

鄒衍破囚。仰天而嘆。五月龍霜。東海孝婦養姑。姑恐累之。自殺。姑女告婦殺母。婦自誣服。竟殺之。三年大旱。後太守祭其塚。乃雨。又上虞寡婦養姑事絕。東海孝婦亦致旱。後太守殺丹。白其寃。乃雨。

韓子殺之法。棄灰于術者。刑子貢問夫子。子曰。棄灰于術。必燔人人。必怒。怒則鬪。鬪則三族相殺。然則雖刑之可也。又商鞅刑棄灰。

寧成操下東濕薪。

言日惡也。

秦應侯范雎失舉。席藁請罪。又王音坐藁以就刑。左傳。齊景公繫刑。市有鬻踊者。故景子曰。踊貴屨賤。則

者所嚴言
刑者之多

委

漢雋不疑為京兆尹。每行得囚徒。其母輒問活幾何。人不疑曰。多所平反。母乃喜。

不冤

後漢張釋之為廷尉。天下無冤民。于定國為廷尉。民自以不冤。

震

世說桓溫在荊州。專務德化。令史受杖。正從朱衣上過。桓式溫弟從外來。云向從閣下過。見令史受杖。上稍雲

根下拂地。足意譏不著。桓公曰。我猶患其重。

周禮以兩造禁人訟。入束矢于朝。然後聽之。矢自表其直又以

兩劑禁人獄。入鈞金三日。致于朝。然後聽之。獄相告罪也。劑券書

金科

各執券。又入鈞金三日。而聽之。所以重刑也。不入金。則自服不直不堅也。鈞三十斤。

判語

京律

文彙

楊雄曰。懿律嘉量。金科玉條。言律法當如金玉琢之漢起獄于黃門。悉空善類。唐構禍于白馬。盡濁清流。忠非陳竇。何當一厨顧及之名。學愧程蘇。難同洛蜀。朔黨之列。

曹國赤芾三百。不免濡鵝之譏。漢廷朱紫數千。祇速爛

羊之刺。瓜果命官。金貂普施于輿皂。花翎錫爵。銀青雜

沓于胥徒。

不處梁王之變。遽燒獄辭。非憚周制之嚴。較去典籍。張

虛作實。尚見膠東之偽。陳掩實為虛。猶存臨淮之誤。臧

豈是裴公之偶失。非緣漢祖之輒消。段秀實以討賊之忙。猶知倒用韓忠獻以除奸之惡。故出空頭。勿謂爾不愆。不忘。遽致彼弗尊弗信。

慶曆得三偉士。一榜增光。河陽來四書生。諸藩入賀。起家至二千石。未必漢才。疏記者二十人。或非唐俊。眼迷日色。應慚蘇軾之難明。頭腦冬烘。還笑鄭薰之錯認。致一斑玉笋。反居康了之中。使萬選青錢。棄在孫山之外。秦相之一字千金。詎能改竄。唐臣之南山下筆。不可差違。卷舒前楮。巧塗抹于鴉形。點染霜毫。擅紛更于鳥跡。轉清而作漬。改司以爲同。陷富弼于危機。國書擅改。說

王成之顯涉。尸口僞增。遺詔去權。具有同于丁謂。說言報重。難援例于孫章。

宋雖小國。尚更司空之官。魯以先君。遂廢具敖之主。嚴助諱莊。旣聞易姓。姚崇避號。不復稱元。龍名石虎。深惡延壽之小心。雉不野鷄。輒冒呂娥之重禁。康王奏詩稱。發禮爲在廟。而陳箕子。陳範言昌。義取臨文。不諱

鷄鳴。問寢。花迎劍佩。落星初。牙伏排開。歸第角巾。邊事定。倦聞朝士之鷄。不躡尚書之履。非彥博。胡五日一顧中書。功匪子儀。敢一月再奉朝請。以白頭司馬。猶曰早看洛陽花。非綠野裴公。何爲不問人間事。

唐用飛錢倉卒裕民之術。置交務。緩急應變之權。張忠定空劄于成都。依然青蚨自重。王安石縱行于徒命白鹿何爲。

子毋相權。單穆救民于周景。輕重攸濟。管仲富國于齊。桓半兩五銖。價重反加于白鹿。當千直百。折輕翻賤于赤烏。嗤阮生空掛杖頭。嘆沈郎僅存名字。豈將戒魯褒之神。顧不行于交易。抑恐犯和嶠之癖。輒敢滯于通行。托煎熬以罔利。興狐尾翠竹之謠。欺稱估爲不平。肆魚利滄洲之議。鯨竈無烟。空嘆潮波之色。鹵池破。虛存煮伐之名。

摘芳淪鼎。名高陸羽之經。權稅資官。法始張渤之疏。寒爐烹雪。廣行北苑之名。破樹驚雷。惟響建溪之水。月團三百片。馬司不報姓名。雷夾幾千包。引所難吞。來歷弱果私藏。高價圖回紇之馬。竹編新焙。方團日鑄之龍。盧仝止渴。頓忘孟簡新芽。黨妓烹危。便遇陶家風味。荷芥入山。斲雲根而出。岫闢爐復火。融雪液以成玉。宇生風蕩漾。輕狂柳絮。金盤滴露。依稀踏碎梨花香。飄窗蝴蝶以紛飛。曾無官引。光徹比水晶之瑩秀。出自私家。

百口共饜。揚播庭無異言。六院同庖。劉氏門無私蓄。風

六朝會書卷之四
陳雁影向南北以分飛。斧砍鴿柯析東西而異處。棠隸由來連蔓。不見交輝。豈其本是同根。忍聞太急。匪高辛之子。胡一參而一商。非嬴秦之時。乃出分而出贅。

婚姻正始。易稱坤女乾男。奇偶貞成。禮尚日君月后。金石盟寒。吉空占于納鳳。門闌失望。喜遂缺于乘龍。蓋非偶故辭。無鄭忽之先見。而成婚復悔。崇晉彥之頽風。女在途而進還。錢公路有何失德。婚因■而致絕。謝東山當是何人。

王基納婦于王沉。安云異族。劉頌嫁女于劉矯。不念同宗。

保障心專。難同晉陽之尹鐸。催科政拙。諒非道州之陽城。遂使延齡得肆支吾。虛侈瓊林之富。以致韓滉因而滯運。莫救奉天之危。

溫叟之藏鏹。錢封識不動。陳恕之立會計。判■不移。裴延齡徙移在藏。莫逃欺罔之譏。韓延壽放散官錢。終取僭踰之罪。

老者必蠲。何降縣老。尚赴杞城之築。女戶助役。胡石濠吏。猶備河陽之炊。

張孝基。致富人之子。清誼高懸。鍾離瑾。嫁前令之孤。芳聲遠樹。平林會伐。喜收呱泣之兒。田事回歸。幸獲於菟。

之乳。言下惠思保納乎隣姬。放跡丁原。將收藏乎孽子。黃口綠鬢。豈楚弓而楚得。人心天道。自塞而塞。歸犯罰金。釋之不阿。君而枉法。判礮還下。元紘詎畏法以容情。反叔魚之篋錦。深有慚于羊舌大夫。歸呂僕之盜球。罔不效乎魯邦李子。不思問仲宣枉法而傷于重。蘇頌不容擬王。汚盜財而失之輕。寇準面斥帶董卓之劍。以不趨。無齊桓之功。而拜上。擅戲殿上。鄧通受辱于申屠。背坐朝堂。宗嗣被彈于李勉。漢世立副封之。每事先白尚書。唐人起閣議之規。諫官必隨宰相。縣尉守上林。何必齎夫利口。陳平答錢穀。

爰惟太莫知。

杖藜携酒。王安石不責承迎。佩劍登臺。暴勝之必延人坐。迎桓叟于新亭。心迷手板。追蘇州于別浦。目短風航。駕言蔡邕倒履。王燦醉心文學之名。實則孔光伏謁董賢。揚志威權之灼。

執漿饋爵。特謹于鬻宮。割牲總于親行于天子。庸夫俄襲禮衣。似猿狙而披聖服。僖父安知俎豆。恍海鳥之對魯牲。三讓三終。紛然舛誤。拜至拜送。拜見爾倉皇。衛武三爵之規。視爲浪說。溫公七行之戒。濫作空文。三公不換一日養。名重王君。六馬焉如善養賢。行推尹。

子。豈太真之爲國。乃絕裾而遂行。非毛義之親。何捧檄而自喜。

太白歷天。豈識禁門有福。流星入尾。那知夷狄亂華。五百里內有賢人。未聞太史之奏。有二使星來益部。不爲李卻之占。分野誤于燕秦。風雨差于箕畢。

罔承秦召。入永巷。乃效乎范睢。匪自代來。行殿上敢同乎張武。績豈蕭何。奚至趨庭帶劍。忠非樊噲。乃爲排闥公行。

昭

斑竹淚湘江。魂斷蒼梧之野。梅梁來風雨。靈會會稽之墟。橫牧笛于橋山原上。把農鋤于金粟堆前。牧火照亡

焚之咎。冬青落樵斧。誰憐遺跡之彫。

因說神靈。遂致自焚之禍。或言竈鬼。終成建武之方鼠卜。知爲誰氏之神。五德鷄占。云是越人之鬼。木人度厄。陷鶴駕以無辜。米賊興妖。致鸞輿之顛越。

漫道驅鷄入白雲。窺天上死生之錄。詭言別婦留丹訣。開人間禍福之

峴碑。淚未聞羊祐之生前。南極添星。亦係希元之去後。非北上燕然。乃假子孟堅之筆。豈南踰銅柱。敢紀伏波之勳。宜來荐福之雷轟。當致魏徵之官路。

非公子救趙。輒敢竊符。同項羽貪功。不虞矯詔。建業長

驅故作風利不泊。岐溝深入。乃爲聞詔故違。陳湯起燉
煌之兵。終譏遂事。趙鞅興晉陽之甲。竟作厲階。

莫敖請濟師。非云示怯。郤克求益乘。要在成功。隱吐番
之人。程元振敢于專權。諱襄陽之圍。賈似道因而誤國。
江都不聞告敗。南詔翻傳捷音。

朝受命。夕引道。見吳漢之忠。辰奉詔。卯出師。知崇文之
勇。莊賈違日中之期。穰苴不以寵宥。淮陰負固陵之約。
高帝竟以族誅。

藉口秦皇之杜禰。斃戈劍成鎚。駕言龔遂之解亂繩。弓
刀無用。

傷瘡真定。漢皇直許其婚。敗事街亭。蜀相且恤其子。洛
陽城下。不招壯士之魂。無定河邊。空逗香閨之夢。

無范滂之志。欲澄清。乃曰徐行。按轡非敬德之計。在誘
敵。顧乃緣道分留。節豈留于海上。遂淹十年。槎未上十
河邊。謾經八月。

整利刃而啟雄芒。僭擬蘭旗。設架。繡魚服而彎象弭。敢
同武庫藏兵。匪斬佞臣頭。奚事上方之劍。豈受獨夫首。
何須大白之旗。不思呂虔之刀。非三公不可佩。李康之
甲。豈大夫所能藏。

翔翔河上。顛鄭伯自棄其師。散處雲中。效蕭銑輒離其

位得無比西蜀散卒。耕于涓濱。殆似乎晚唐市人掛籍于府衛。

矐荆卿之友。而使侍。終成擊筑之虞。獲越人之俘。以爲闔。竟起操刀之變。

霜侵甲冷。心悲野水漂零。露滴衣寒。意想玉門生入風聲。鶴淚帳上。甲先奔。月明烏飛舟中之指可掬。豈聞忘歸養之令。遽爾敢謝兵車。未蒙勾踐遣歸之恩。奚得少離營壘。

縱有祖生之鞭。未必赴功名之會。徒叱王尊之馭。畢竟懷岐路之謀。豈路隔檀溪。必俟的盧之躍。抑貢來骨利。

將稽發電之奔。

召同季布。乃曰。遲遲其行。吃非周昌。敢謂期期不奉。一札空馳于漢邸。五花徒判于唐庭。豈知鳳詔下河西。賈融稽首。肯念鶴書騰南越。趙陀歸心。

捍大杖于塚巔。全無分守。辱王孫于袴下。惟肆猖狂。匪津之相疑。王子華何由被撻。豈宋門之見厄。楚公子焉得遭笞。爭道上林。虢國之奴尚斬。殺人白日。湖陽之僕難容。

九重仙詔。未經丹鳳啣來。一片葵忠。錯被白雲留住。縱使報桃光之怨。奚容假一札飛黃。徒欲新王聖之居。乃

輒詭十行書細。遂使離宮。安劫上皇之駕。以致金牌空。斑武穆之師。

時非武后。謾誇九月梨花政。異張堪。輒表兩岐麥穗。玉杯呈于闕下。謾稱延壽之祥。寶鼎得之湖中。指爲封禪之兆。

風傳玉漏。失狐白于秦宮。月暗金城。喪鳥號于楚庫。親非莒僕。敢挾貨出奔。知不信陵。乃竊符遠救。

蘇家橘葉。誰能不假方書。董氏杏林。豈得上違歲氣。察浮汎于九候。罔知韓女膏肓。望氣色于三朝。莫辨齋候。骨髓形砂。躁發可憐。煉徒紅玉。屑淋成空。恨藍田種。

白

一網可以打盡。趙汝愚飲恨九泉。二字何以服人。岳武穆抱冤萬世。昔陳豨叛。王卒致韓信之誅。而張成教人難出李膺之手。

其破產以相容。妄釣孔融之譽。聽望門而投止。重憐張儉之亡。彼魯朱舍季布。本義激於賢臣。若孫嵩隱趙岐。亦愛存乎哲士。弗思湖陽貴王。驂乘莫庇家奴。安知張讓權臣。合柱難容愛弟。

昔王蜜黃金十斤。不入關西之日。而朱泚大綾三百。難入秀實之心。以十萬千延賞。得罪清評。進一女買叔魚。

致譏盛德

見筆端蠅集。輒棄明條。聞天上鷄鳴。便蠲巨罪。

寧思張說不來。安得脫元忠于縲綬。豈惜賈彪未至。固難出元禮于園扉。

治金爲質。巧鑄豐篆之文。表歲成編。漫紀春秋之候。無假竊符之智。寧湏告朔之儀。豈心懷肘後之榮。欲暮封于呼吏。抑私便山中之覽。與寒盡以知年。

非李密開教倉。何使粒米狼戾。豈漢高發秦庫。奚爲玉帛縱橫。布朽江東四萬箱。曾見憂于司馬。穀紅嶺表三千窖。徒取嘆于長孫。

無地起樓臺。竊取天街之半。有心實第宅。陰窺衢路之聯。長安舊宅之司空。欲望殿臺風草。洛中新第之司馬。亟去墻外竹簽。况斗室中尚足弄丸。此外真爲長音物而聽事前可容旋馬。其餘何必多方。

良冶良工。程度匪箕裘之業。塗丹塗黻。梓材無樸斲之勤。同楚澤之膠舟。專誤國事。顛周廷之舞木。徒矜虛文。流馬木牛。不得挽輸之法。陶鷄瓦犬。誰當晨守之司。

通工

六朝餘韻
利

國立中央圖書館藏 NATIONAL CENTRAL LIBRARY, TAIWAN, R.O.C.





餘韻分目

聖恩

肆赦

貢索

風角

方畧

封錢

蒯氏

金雞

蠅集

籥動

感泣

頌語

錫命

九命

九錫

太常

鑄鍾

銘鼎

刻石

四讓語

賚予

懋賞

祝將

黃頰

盪鏐

雨金

裏蹄

國家圖書館, NATIONAL CENTRAL LIBRARY, TAIWAN, R.O.C.



朱提 一諾 鳩鈎 鵲印 如粟 金穴

金臺六四謝語錢 愧心 園法 錯刀 鵝眼

沈郎 青蚨 金埒 阿堵 賀錢 銅臭

杖頭 孔方六四謝語玉 玉杖 比德 玉田

泣玉 茗華 群玉 鼠腊 玉燕 戒癩

玉璜 玉器 輯瑞 槭秘璧肉好 壓紐

返璧 受璧 亾璧 完璧務措笏 書笏

手板佩 玉佩 水蒼 表能六四謝語 賜帶

六四謝語珠 賜玦 示三環 玉墀珠 莫難 交甫

鮫人 隨侯 賣珠 亾珠布伴對 盜布

火浣錦 博山 錦里 夜行六四謝語水 黃頭

長者 解衣 炙衣裘 賜裘六四謝語屏 賜屏

茶 三等 水厄 酪奴 樵青 風味六四謝語

酒 蘭生 中山 中聖 歡伯 若下 酒罍

糟丘 狗酒六四謝語 謝宴穀 賜穀六四謝語

賜果六四櫻桃 荔枝 謝奈 謝橘 謝梨

賜藥六四謝語 山車 三望 新婦 麴談

汚茵 接果 席門 高門 黃屋馬 馬名

款段 如龍 白馬 蝦蟇 殺馬 一匹

六四謝語宅 近市 師儉 讓妻 兄住 宅相

國家圖書館, NATIONAL CENTRAL LIBRARY, TAIWAN, ROC

木奴六四謝語

聖瑞

景星

常見 三垣 五星 二十八宿 老人 客星

使星 井石 頌語 南極 合巹

卿雲

景雲 書雲 韓雲 白衣六四賀語

甘露

大酒 仙掌 吉雲 六氣 薔薇六四賀語

瑞雪

弭害六四賀語

醴泉

醴酒 肥漢六四賀語

河清

河源 九曲 授圖 四變 九里六四頌語

河平

朱草

三秀 芝房六四頌語

嘉禾

同穎六四頌語 瑞麥

六月除韻分目五

國家圖書館 NATIONAL CENTRAL LIBRARY, TAIWAN, R.O.C.

靈鳥

九苞 鳳考四頌語

仁獸

般般 吐書 白麟四頌語 烏鵲

六朝餘韻卷之五

海虞王良臣忠亮父纂輯
同邑姚宗儀鳳來父補定
男王運昌道符父叅訂
門梅繼明述之父校梓

聖恩

肆赦

晉天文志貫索九星七星夜見大赦風角占春甲寅日
風高去地三四丈從申來為大赦期六十日應
東漢張成善風角推占當赦遂教子殺人李膺為河南

六月餘韻卷之五

吳華

尹收捕既而逢宥獲免膺愈憤竟案殺之初成以方伎交通宦官帝亦頗訊其占成弟子牢修因上書誣告膺等多養太學遊士交結諸郡生後共為部黨于是天子震怒逮捕黨人

卷

東漢賈彪字偉節遊京師與郭林宗李元禮善黨事起彪謂同志曰吾不西行大難不解即入關設方畧天子為之大赦

載

史記陶朱公中子殺人囚于楚使少子裝黃金千鎰往視之以少子見富不見貧能輕金故使長男請行不得已乃為書及金遺故所善莊生莊生乃見王曰某星犯某宿害楚德可

刪

除之楚王乃使使封三錢之府將為赦長男為王當赦第固當出辭莊生取金莊生耻為兒子所賣入見王曰陶朱子多賂王左右今赦恐失望王遂殺中子携喪歸孫秀降晉武帝寵之妻以姨妹蒯氏氏嘗妬秀罵秀貉子秀大不平出蒯氏後蒯自悔請救于帝時大赦帝從容語秀曰天下曠蕩蒯夫人可得從其例不秀免冠謝遂為夫婦如初

金雞

北齊書赦日武庫令設金雞及鼓于閭闔門右集囚徒闕前搥鼓千聲脫枷鎖遣之唐于日亦值金雞于仗南脚幘長七尺

蠅集

秦苻堅為赦與王猛密議有大蒼蠅集筆端驅而復來俄而長安中相告有赦推窮言云有一小兒青衣于市呼之須臾不見猛以為向者蠅也

論衡曰赦令將至繫室奮動 獄人當出故感應今輪動也

唐李抱真入朝為肅宗言陛下在奉天山南時赦令至山東士卒聞者感泣思奮臣是時知賊不足乎矣

頌語 四六

雞星肆赦蠅筆先知周矢漢薪咸從蕩滌鄭書晉鼎彌切哀矜合動蒼之前言鄙封錢之小慮吏移冊筆人脫赭衣

錫命

命

周官九命。一命受職。謂治職事。載命受服。謂受祭服。三命受位。受

大四命受器。受祭器。五男賜則。則法也出。六命賜官。謂子男入

為卿治七命賜國。出就侯伯之國。八命作牧。牧一州。九命作伯。諸侯

伯方

韓詩外傳。天子錫有德諸侯一錫車馬。載錫衣服。三錫

虎賁。四錫樂器。五錫納陛。六錫朱戶。七錫弓矢。八錫鈇

鉞。九錫秬鬯。謂曰九錫。

周書穆公命君牙曰。惟乃祖乃父。服勞王家。厥有成績。

紀于太常。王旌旗

季武子以所得齊之兵。作林鐘而銘魯功焉。臧武仲曰。

六月。余員家之。五

非禮也。夫銘天子令德，諸侯言時，計功。大夫稱伐，今稱
伐則下等也。夫大計功則借人也。借晉言時則坊民多矣
何以爲銘。

銘

左傳宋考父三命益恭，故其鼎銘云：命而僂。二命而
僂，三命而俯，循墻而走，亦莫予侮。

刻石

東漢車騎將軍竇憲擊匈奴，有功，登燕然山，刻石紀功，
班固爲文。

禮

日月權輿，二儀所以克靈。君臣設極，三統所以式固。惟
生與位，謂之大寶。是以二周之始，珪河逾廣。兩漢之初，
封賞彌盛。然表東海者，實牧野之日；瞻魯邦者，乃負圖

之辰。若乃衣裳之會，九合一匡，猶慙于斯禮也。御龍勤
夏，未聞冠俗之爵。大彭翼商，豈見超世之典。况呂梁不
鑿，而器重玄圭；越裳未獻，而賦擬千乘。鏡前修而慙形，
覲往德而聳慮。

齊予

懋賞

書德懋懋，官功懋懋，賞又用命。賞于祖，弗用命；戮于社，
禮。天子賜諸侯樂，則以祝將之；賜伯子男樂，則以鼗將
之。諸侯賜弓矢，然後征；賜斧鉞，然後殺；賜珪瓚，然後鬯。
漢疏：廣爲太傅，兄子受爲少傅，並以年老乞骸骨，許之。
加賜黃金二十斤，太子贈五十斤，又周勃身入北軍，賜

賜金

金五十斤。黃霸治政有異，賜金百斤。魏郭修，手丹蜀將，賜銀千餅。

淮南子。玦美名五百歲生黃頰。頰，承同烘，上聲，水銀。五百歲生黃金。

千歲為黃龍。又齊書。金車王者至孝，則出。金人王者有

厚德，則遊于後池。又地鏡圖。山有葱，下有銀光。隱隱正

白山有磁石，下有銅若金。又云。白銀見為雄雞。

爾雅。黃金謂之盪，其美者謂之鏐。音流餅，金謂之鈇，絕澤

謂之銑。白金美者謂之鏐。音遼詩。大路南金。淮南有斐，南金，荆揚所貢。

史記。秦獻公十八年，大雨，金櫟陽。公自以為得金瑞，故哇時于櫟陽，祀白帝。

漢書。武帝詔曰。往者朕郊見上帝，泰山見金。又有白麟

神馬之瑞，宜以黃金鑄麟趾，裏蹄以協瑞。俗謂馬蹄金。麗水

出金。益州醴町山出銀。責古亦出銀。

漢書。朱提縣名，屬捷焉銀八兩為流，直錢一千五百八十。他

銀一流直千，是為銀貨二品。

漢季布任俠，諺曰。得黃金百斤，不如得季布一諾。又帛

賢傳。諺曰。遺子黃金滿籠，不如教子一經。

幽明錄。長安有張氏者，獨居鳩入，止于對牀。張惡之，祝

曰。鳩為我禍耶，止承塵為我福耶。入我懷，鳩入懷，撥之得一金帶鉤。

常山張顛為梁相有鳥如山鵲墮地化一圓石顛破之得金印文曰忠孝侯印。

後漢張奐為安定屬國人遺金以酒酌地曰使金如粟不以入懷使金如馬不以入廐又楊震辭王密金直不疑償同舍郎金

後漢郭況為大鴻臚賞賜金帛豐盛莫比號為金穴燕昭王置千金臺上以招賢謂黃金臺

天上雨來仲孺之貧遠脫社中揆出應瑒之瑞非遙陳平漢家名相始沐殊恩疏廣太子故人方榮歸老捧茲燕客千斤自憐駿骨守彼漢賢四知敢替冰心

賜

漢文帝賜鄧通蜀嚴道銅山得白鑄錢號鄧氏錢布天下又馮緄平荊州賜錢百億東漢鍾離意不受珠璣賜錢三十萬雋不疑遷京兆尹賜錢百萬張酺為東郡守賜錢三十萬

漢

漢張武為郎中令受金錢覺之文帝更發御府金錢賜之以愧其心又後漢館陶公主為子求郎明帝不許而賜錢百萬

大

大公為周立九府圜法錢也景王二十一年將鑄大錢

以振救人于是乎有母權子而行母重也重倍故為母子輕也輕半故為子

秦錢質如周文曰平兩重如其文漢高后二年行八銖

錢即秦六年行五銖錢即榆文帝造四銖錢武帝初行

三銖錢旋以郡國鑄錢多輕今京師鑄官錢赤仄以赤銅為

其邪俗所謂紫緝錢一當五又造銀錫白金三品以為天用莫如

龍地用莫如馬人用莫如龜其一重八兩圍之其文龍

名曰白撰直三千二百差小方其文馬直五百復小楯

之其文龜直三百更以白鹿皮方尺緣以績繡為皮幣

直四十萬此鈔法之始至宋易以紙各路置交子務亦

蜀郡

王莽居攝造大錢徑寸二分重十二銖文曰大錢五十

文又造契刀錯刀其環如大錢身如刀長二寸文曰契

刀錯刀以黃金錯其文曰一刀直五十與五銖凡四品

並行即真後以劉為郎金刀乃罷錯刀契刀及五銖而

更作金銀龜貝錢布之品名曰寶貨小錢次七分三銖

曰公錢一十次八分五銖曰幼錢二十次九分七銖曰

中錢三十次一寸九銖曰壯錢四十因前大錢五十是

為錢貨六品又公孫述鑄鐵錢

南宋泰始中造鵝眼錢一貫長三寸減此者謂綆環錢

貫之以縷入水不沉十萬不盈一斛斗米一萬

吳興沈充又鑄小錢謂之沈郎錢

搜神記南方有虫如蟬而大其子著草葉如蠶種得子

六月餘損卷之五

七

以歸則母飛來殺其母以血塗其子以其子塗母用錢貨市旋則自還名曰青蚨一作青鳥

晉王武子好馬買地作埒編錢布地竟埒時號金埒

晉王衍口不言錢婦以錢遶床衍命婢舉阿堵物去

史記單父人呂公善沛令避仇客之沛中豪傑吏聞令

有客皆往賀蕭何為主吏令諸大夫曰不滿千錢坐之

堂下高祖為亭長給謁者曰賀錢萬貫不持一錢謁人

呂公見高祖狀貌驚起迎之蕭何曰劉季故多大言者

矣又高祖以吏繇咸陽吏皆送奉錢三百蕭何獨五百

及封鄼侯乃益二千戶以獨贏奉錢二百也

顧

漢靈帝賣官廷尉崔烈入錢五百萬以買司徒烈拜之

日天子臨軒顧左右曰恨不少靳可至千萬烈問子曰

我為三公人以為何如子曰人嫌大人銅臭

晉阮修字宣子嘗步行以百錢挂杖頭至酒店便獨酣

暢

晉魯褒錢神論錢之為體有乾有坤難朽象壽不匱象

道親愛如兄字曰孔方失之貧弱得之富強京邑衣冠

疲勞講肆厭聞清談對之睡寐見我家兄莫不驚視錢

之所祐吉無不利何必讀書然後富貴

名稱榆莢非投飲馬之橋項仲山飲馬渭水每投二三錢而去又郝廉飲馬投錢價

謝語 六月徐員卷之五

重圓錢寧棄呪雞之野。青蚨委質笑夷甫之不言。赤仄垂緡重河間之能數。

賜玉 玉杖

春秋號公晉侯朝王皆賜玉五穀。雙玉為穀山海經曰二玉相合曰珏東漢袁逢為三老賜玉杖。又年八十九賜玉杖。端飾鳩鳩不噎之鳥也。欲老人不噎也。又哀帝賜孔光靈壽杖。魏文帝賜楊彪延年杖。山海經夸父與日競走渴飲河渭不足。北走大澤未至道死棄杖化為鄧林。神仙傳壺公遣費長房歸與竹杖騎之俄頃至家。以杖投葛陂中乃青龍也。漢書劉向校書天祿閣有老人植青藜杖燃火照之。

德

禮君子比德于玉。溫潤而澤仁也。縝音軫密而栗知也。縝音軫

也栗廉而不剝義也。剝傷也。垂之如墜禮也。叩之其聲清

越以長其終詘然樂也。瑕不掩瑜瑜不掩瑕忠也。孚尹

旁達信也。孚讀為浮尹當作筠浮筠調玉采色也氣若白虹天也。精神見

于山川地也。珪璋特達德也。天下莫不貴者道也。

玉田

搜神記羊公雍伯雒陽人父母葬終山遂家焉。山高無水。公作義漿于坂頭。行者飲之。三年有一人就飲。以一斗石子與之。云玉當生其中。後當以得婦。言畢不見。乃種其石。數年生玉。北平徐氏女甚麗。公試求焉。徐氏笑以為狂。戲云得白璧一隻。當為婚。公至石中得五隻。以

聘徐氏遂妻之名曰玉田

又藍田山
美玉如藍

楚野民卞和得玉獻懷王王以為石刖一足平王立復獻復刖一足平王子立和欲復獻恐見害乃抱玉而哭涕盡繼之血王遣問和乃隨使獻王王剖之果美玉也封和陵陽侯和不就而去作退怨之歌

考異

書大傳堯致舜天下贈以苕華之玉又竹書祭伐珉山珉山莊王女桀二女曰琬曰琰桀嬖二女斷其名于苕華之玉苕是琬華是琰也

辟王

穆天子傳天子北征東還乃循黑水至群玉之山四徹中繩先王之所謂策府

鼠

尹文子鄭人謂玉未理者為璞周人謂鼠未腊者為璞周人懷璞問鄭賈曰欲買璞乎鄭曰欲之出其璞視之乃鼠也因言不取

燕

洞冥記元鼎元年起招靈閣有神女携一玉釵與帝帝以賜趙婕妤至昭帝元鳳中宮人猶見此釵共謀碎之旦視釵匣見白燕直升天後宮人作玉釵因名玉燕釵王莽遺孔休玉不受莽曰君尚有癥美玉可以戒之因推碎進休休乃受

戒

玉

尚書中候曰武王至磻溪呂尚釣王趨稱曰望公七年今見光景答曰望鈞得玉璜刻曰姬受命呂佐檢

周官以玉作六器以禮天地四方以蒼璧禮天以黃琮禮地以青珪禮東方以赤璋禮南方以白琥禮西方以玄璜禮北方又以玉作六瑞以等邦國王執鎮圭纁藉五采五就以朝日。纁有五采文所以薦玉木為中幹用常衣而画成一匝為一就猶一重也鎮圭長尺二寸謂安鎮四方故以四鎮山公執桓圭雙為珪飾朝日者示有所尊訓民事君也伯執躬圭纁皆三采三就皆以人為珪飾子執穀璧男執蒲璧纁皆二采再就義取慎行保身四圭有邸以祀天旅上帝謂安人不執圭者未成國也圭璧以祀日月星辰中央為璧圭著四面一玉俱成邸本也圭本著于璧圭末四出故也青璧禮東方穀圭天子以聘女琬圭以治德結好琰圭

以易行除慝土圭以致四時土圭長五寸以測景瑑圭以頒聘牙璋以起軍治兵。

周禮輯五瑞輯歛也歛五等諸侯之珪璋而朝覲也覲畢還瑞于諸侯則田班

楚靈王剝珪璋為楸秘楸秘斧柄

抱朴子曰安期生賣藥海邊始皇異之賜以金璧直數千萬安期生去而置之于阜鄉亭以赤玉寫為報晉書曰後千歲求我于蓬萊山又史記虞卿者說士躡屣擔簦說趙孝成王一見賜黃金百鎰白璧一隻載見為趙上卿故號曰虞卿。

爾雅璧大六寸謂之瑄肉倍好謂之璧好倍肉謂之瑗

肉好若一。謂之環。

肉猶內也。好猶外也。

左傳。初。楚恭王無冢。適有寵子五人。無適立焉。乃大事群望。而請神擇于五人者。使主社稷。乃遍以璧見于群望。曰。當璧而拜者。神所立也。乃埋璧于太室之庭。使五人齋而入拜。康王跨之。靈王加肘焉。平王弱。抱而入。載拜皆壓紐。

呂覽。魯郊成子聘晉。過衛。右宰敕臣觴之。陳樂而不樂。送以璧。成子曰。觴我以酒。懼我也。陳樂不樂。告我憂也。送我以璧。寄託之也。衛其有亂乎。行三十里。聞甯殖之難。敕臣死之。乃使人迎其妻于隔宅。居之。其子長而返。

其璧

戰國策。齊欲伐魏。魏使謂淳于髡曰。弊邑有寶璧二。斐文馬二。駟請致之。髡說齊王。生伐魏。客謂王。髡受魏璧馬。王問髡。有諸乎。髡曰。有之。伐魏之事便。魏雖刺髡。于王何益。若誠不便。魏雖封臣。于王何損。百姓無被兵之患。髡有璧馬之寶。于王何傷。

史記。張儀嘗從楚相飲。已而楚相以璧門下。意儀掠答不服。儀謂妻曰。視吾舌存否。妻曰存。曰足矣。

趙惠王得楚和氏璧。秦昭王願以十五城請易。趙王使藺相如奉璧入秦。秦王受之。相如視秦王無意償趙城。

乃前曰璧有瑕請指示王王授璧相如因持璧倚柱髮上衝冠謂秦王曰趙王齋戒五日使臣奉璧今大王見臣甚倨得璧傳之美人以為戲弄無償趙王城邑故臣復取璧王必欲急臣臣頭與璧俱碎于柱矣王乃辭謝舍相如廣成傳相如使人從他道以璧還趙禮天子縉珽珽笏也謂之珽挺然無所屈也或謂之大圭長三尺杼上終葵首終葵首者于杼上又廣其首方如椎頭明無所屈也諸侯不終葵首又曰諸侯茶前詘後直茶讀為舒謂圍殺其首不為椎頭惟屈于天子也大夫前詘後詘無所不讓也

書易

釋名

釋名笏忽也君有敎命及所做白則書其上備遺忘相手板經曰相手板法出肅何或曰四皓東方朔見之喜曰非庸人所解晉桓温秉政謝安王坦之往候之坦倒執手板又王子猷作桓車騎參軍桓謂王曰卿在府久比當料理王不答直高視以手板拄頰云西山朝來致有爽氣

玉佩

凡玉珮上有斐衝長五寸下有斐璜徑三寸衝牙蟻珠以納其間上下為衝半璧為璜璜中橫以衝牙以蒼珠為瑤

水蒼

禮天子佩白玉公侯佩山玄玉大夫佩水蒼玉世子佩

瑜玉士佩璠玟。又主佩倚則臣佩垂。主佩垂則臣佩委。

大俛則委地此君臣俛仰之節又古之君子必佩玉。右徵角左宮羽。玉聲

所中也徵角在右事也民也可趨以采齊行以肆夏。周

旋中規折還中矩進則揖之退則揚之然後玉鏘鳴也。

又左佩紛帨。拭物巾刀礪小刀礪石小觶解小結金燧取火于日右佩

玦捍拾也言可捍弦也管箏造刀大觶取火于木木燧

白虎通所以必有佩者表意見所能故修道無窮即佩

環能大道德即佩琨能決嫌疑即佩玦是以見其所佩

即知其能故農夫佩耒耜工匠佩斧婦人佩針鏤亦佩

玉也。

謝玉

藍田麗彩槐水鏤文飾以金闕之珠製以魯班之巧故

以琚端照色影外生光臣方溫謝德比振慚聲

製懋姬嬴寶冠荆越璇瑰鎮曜玗玦疑華采賁蓬楹響

聞繩戶

穆天子傳天子征至赤鳥之人赤鳥氏先出自宗周乃

賜貝帶五千具

越中玉女不得關思上方名匠莫能議巧裴度視師服

章武通天之寶衛公戡難拜文皇於闐之珍於玉比德

雖君子之莫追束帶立朝庶嘉賓而可對

二月余員卷之五

十四

干內府。瑤彩陸離。紫雲滿袖。餘寶鼎之香烟。白玉在腰。溢崑山之瑞氣。平蔡無功。賜同裴度。佐唐有耀。寵並魏公。東漢明帝詔曰。馮魴以忠孝。典兵數進。直諫其還。爵。楊邑侯。賜以玉玦。

典畧。項羽與沛公飲。范增舉所佩玉玦。以示者三。羽不應。又大夫得罪。待放于郊。公與之環。即還與之玦。即去。古詩。何時大刀頭。刀頭有環。問何時當還也。

秦始皇遺齊。策后玉連環。曰。齊多智。解此環。后引椎破之。謝秦使曰。謹已解矣。又楊貴妃小字玉環。南越志。珠有九品。大五分以上。至一寸八九分。為大品。

有光彩。一邊小平。似覆釜者。名璫珠。璫珠之次為走珠。走珠之次為滑珠。滑珠之次為礫珂珠。礫珂珠之次為官雨珠。官雨珠之次為稅珠。稅珠之次為荔枝珠。宋神宗偽受天書。恐王巨弗聽。賜美珠。聖。

廣志。莫難珠。色黃。火齊珠。色紅。出東夷。夜光珠。出黃支。廣州記。鯨鯢目。即明月珠。故死不見。有日睛。山海經。三珠樹。生赤水上。其為樹如栢。葉皆為珠。

鄭交甫。南適楚。至漢臯臺下。遇二女。佩二珠。大如荆雞之卵。交甫曰。欲子之佩。二女解以遺之。頃之。不見二女。珠亦失。故云遊女弄珠于漢臯之曲。

搜神記。南海外有鮫人。水居。不廢緝績。嘗寄宿人家。臨去。泣而出珠。以與主人。故吳都賦云。淵客慷慨以泣珠。又燭龍銜珠以爲耀。

隋侯行。見大蛇傷。救而治之。其後蛇銜珠以報。曹植與楊德祖書曰。偉長擅名于青土。公幹振藻于海隅。德璉發跡于北魏。足下高視于上京。當此時也。人人自謂握靈蛇之珠。家家自謂抱荆山之玉。又呂覽以隋侯之珠。彈千仞之雀。世必笑之。

韓子曰。楚人賣珠于鄭。爲木蘭之櫃。薰以桂椒。綴以珠玉。緝以翡翠。鄭人買其櫃。還其珠。可謂善賣櫃。不可謂善鬻珠也。

呂覽宋桓司馬有寶珠。抵罪出。王使人問珠所在。曰。投之池中。于是竭池而求之。魚盡死。此言禍福之相及也。淮南子曰。楚王亡其猿。而林木爲之殘。宋王亡其珠。于池中。而魚爲之殫。

燕書曰。宋該字宜弘爲右長史。太祖會群僚。以該性貪。故賜布百餘疋。令負歸。重不能勝。乃至僵頓。以愧辱之。又後漢韓稜憂國忘家。賜布三百疋。賈逵奏左氏義。賜布五百疋。

齊景公謂晏子曰。東海中有水而赤。有棗。莖而不實。何

也。晏子曰：昔秦繆公乘龍理天下，以黃帝布裹蒸棗，至海而投其棗，布故水赤，蒸棗故華而不實。公曰：吾伴問子耳。對曰：嬰聞伴問者，亦伴對之。

列女傳：楚江乙母當恭王時，乙爲郢大夫，有人入王宮盜者，令尹以罪乙黜之。乙何？乙母曰：布入白王，令尹盜之。王謂母何以誣令尹？母曰：今非身盜之也，乃使人盜之。王曰：柰何？母曰：昔叔敖爲令尹，道不拾遺，今令尹耳目不明，盜賊從橫，是與使之何異？王曰：今在上盜，在下令不知何罪？母曰：昔者妾子爲郢大夫，人盜王宮中物，妾子坐而■之，妾子亦豈知之乎？王曰：善。召江乙用之。晉王尼

見東海越王曰：公負尼物，越答初不識此事。尼曰：昔楚人失布，謂令尹盜。今君左右有屋舍，尼獨窮困，是亦明公負尼物也。越大笑，與尼綸五十匹。

南方有火山，火中有鼠，斤重百毛長二尺，取其毛織以作

布，若垢汚，火燒之，卽潔，謂火浣布。梁冀、石崇皆有。

漢宣時，呼韓邪單于來朝，賜錦九十匹。蜀先主平益州，賜諸葛亮法正、張飛、關羽錦各千匹。魏景初中，賜■女王絳地文龍錦五匹。

博山：大茱萸、小茱萸、大交龍、小交龍、蒲桃、文錦、斑文錦。

錦里

夜行

謝詩 四六

鳳皇朱雀錦。駢文錦。桃核文錦。語云白地明光。錦作負販袴。錦城在益州南。作橋南崖。昔蜀時故錦宮也。其處號錦里。又蜀中有濯錦池。

漢書韓生說項羽曰。關中阻山帶河。四塞地肥饒。可都。羽見秦皆已燒殘。乃懷思東歸。曰富貴不歸故鄉。乃衣錦夜行。韓生曰。人言楚人沐猴而冠。果然。

山羊之毳。東燕之席。尚傳登高之文。北鄴之錦。猶見胡綾。織大秦之草。戎布紡玄菟之花。

舒將並石。堪來暮雨。縈持結攬。剩可蕩舟。吳甘寧嘗以錦維舟。去帳

割棄以示奢。以秦川書字。妙能八體。鄴縣登高。真堪九日。宋姬

贈馬未足為榮。馬媛乘車。方茲非寵。漢馮夫人。錦車出塞。汪波可

濯。豈藉成都之水。登高為艷。取映鳳皇之文。至如鮮絜

齊紈。聲高麩縠。色方藍浦。光譬靈山。試以照花。合銀燭

之狀。支國貢列。錦文似燈燭。將持比月。亂含壁之輝。九重天上飛

遺鵲。印之光。五色雲中。飄出鸞章之采。輝輝大素之精。

掩映隋珠。下壁燦燦。玄黃之篚。昭回蜀錦。越裳。

漢卓茂自修。賜衣一襲。桓階長者。賫衣三十囊。杜林私

見。乃賜衣被。朱寵家貧。賜以錦被。楊賜拜太常。詔賜御

府衣一襲。魏華歆家貧。特賜御衣。為其妻子男女。皆作

衣服。吳孫權賜周瑜衣。寒暑皆百領。賜魯肅母帷帳。東

漢賜來歙妻。縑千匹。魏遺楊彪室。鞞一量。

漢書鄧通以擢船爲黃頭郎。施黃髦于船。因以其名名郎。文帝夢上

天不能有一黃頭郎推之。顧見其衣後穿。覺而以夢中

陰自求。推者郎見鄧通衣後穿。因而甚見幸。

魏文詔朝臣云。三世長者知被服。五世長者知飲食。此言被服飲食難曉也。

漢書婁敬成隴西。過雒陽。高帝在焉。見虞將軍曰。臣願見上。言便宜。虞將軍欲與鮮衣。敬曰。臣衣帛。衣帛見衣。衣。褐衣。褐見不敢易服。又酈食其。踵軍門上謁。衣儒衣。沛公使人謝。方以天下爲事。未暇見儒人。食其叱曰。吾高

陽酒徒。非儒者也。乃延入。又項羽使武涉說韓信背漢。信謝曰。漢王授我上將軍印。解衣衣我。推食食我。背之不詳。

光武聞王郎軍至。復驚去。至南宮。大雨。入道旁空舍。竈有火。馮異抱薪。鄧禹吹火。上對竈炙衣。

傅子云。房陵都尉戰有功。太祖賜罽裘豹裯。吳陸遜破曹休。吳王解所著氍毹子裘賜之。魏文帝與孫權書云。今賜麴咨良馬一匹。白氍毹子裘一領。

物萃雉毳。名高鷲羽。才慚齊相。受白狐之飾。德謝漢蕃。均黑貂之賜。地卷朔風。庭流花雪。裙生惠氣。袖起陽春。

澤駭蓬心。崇振素里。

古服俯貽碩輔。色映水夫。貂裘飛樹元戎。春生雪夜。觀鳳錦之紛葩。光含日月。披鶴綾之絢燦。彩徹雲天。樓牒成形。坐分水簫。蚪龍列象。豈數絞綃。

來禹貢者。二州帝庭寶溢。補舜裳之五采。宮線香浮。感浚濡鷄。愧重績貂。

魏太祖平柳城。頒所獲毳。特以素屏風。憑几賜毛玠。曰以君有古人之風。故賜以古人之服。

杜陽編云。同昌公主。上每賜饌。其茶則有綠華紫英。蠻甌志云。覺林僧志崇。收茶二等。驚雷策待客。萱草蒂。自

奉紫茸香。供佛。又蘇子瞻門有四學士。黃秦。晁張。每至必令妾朝雲烹密雲龍茶。一日寥正一。字明峇至命取密雲龍。家人謂是四學士。覘之乃明峇也。

晉王濛好飲茶。人至輒命飲之。士大夫往候。必云今日有水厄。

後魏王肅仕南朝。好茗飲。蓴羹及還北地。又好羊肉酪漿。高帝曰。羊肉何如魚羹。茗汁何如酪漿。肅曰。羊叱齊魯大邦。魚比邾莒小國。惟茗不堪。與酪爲奴。

唐肅宗賜張志和奴婢各一。張配爲夫婦。名漁童。樵音。漁童使捧釣。收綸蘆中。鼓柁。樵音使蘇蘭新桂。竹裏煎

茶

宋陶穀買黨大尉妓掃雪烹茶。謂妓曰：黨家應不識取。妓曰：彼但能于鋪金帳裏淺斟低唱飲羊羔兒酒耳。無此風味。陶愧其言。

崇分紫笋。龍降朱宮。味足觸邪。助其正直。香堪愈病。沃以勤勞。飲德相歡。撫心是荷。吳主禮賢。方聞置茗。晉臣愛客。纔有分茶。

黃芽紫笋。品重遐方。鳳餅龍團。名高內苑。三等別號。調

和備杜育之詞。五出成花。清甘傳仙人之掌。荆州玉泉寺茗號仙

人掌赤囊降惠。特崇文正之褒。蒼壁懷歸。綠茂忠宣之賞。

龍膏敬馥。挹來霄漢之香。雀舌抽芽。分破建溪之色。活

水烹煎。恍金莖之瑞液。白花浮碗。疑玉女之玄霜。一片

清芬。風生兩腋。盧仝茶歌惟覺兩腋習習清風生九重香乳。露浥丹臺。

玉闕酬恩。長瞻四萬精萃之氣。彩筆作賦。愧無五千文

字之多。玉泉仙掌。澤氣通兩旗之祥。蒙頂石花。雷鳴展

萬斛之秀。

禮酒肉之賜。不再拜。晉文公獻楚俘于周。王賜之柶鬯

一鹵。晉給山濤母米酒。

唐魏徵釀醪醑翠濤。太宗賜詩。醪醑稱蘭生。翠濤過玉

薤。蘭生。漢武百味酒。玉薤。隋煬得法胡人者。

中山 中山酒。一醉千日。枸樓國仙漿酒。一醉十日。桂陽程鄉

酒行千里始醉。廬山桑落山出美酒。人訛桑郎。又呼索

郎。杭州梨花春。梨花時熟。詩云。紅袖織綾誇柿葉。青旗

沽酒趁梨花。

出 魏尚書郎徐邈。時沉醉。校尉趙達問曹事。邈曰。中聖人

醉客為清者為聖人濁者為賢人 晉桓温有主簿善別酒。好者為青州

從事。惡者為平原督郵。青州有齊郡從事調到府下平原有華縣督郵言在膺上住

飲 焦贛易林云。酒為歡伯。劉跋呼酒為玉友。唐葉法善與

朝士會。忽扣門稱麴秀才來。墮地一酒榼也。中有美醞。

飲之同坐曰。麴生風味不可忘。

君 張協七命云。荆南烏程。烏程有若下里出美酒 豫北竹葉。浮蟻星

沸。飛華沂接。玄石嘗其味。儀氏進其法。傾壘一朝。可以

沉湎千日。單醪按川。可使三軍告捷。越王句踐

酒 伯雅。晉劉表三爵伯雅仲雅季雅 叵羅。齊着作郎祖瑛嘗因宴稿金叵羅置之髻 大白。魏

侯使公乘不仁為觴政 鑿落。韓詩配顏 經程。齊桓公置酒令日後

糖 南史陳瑄與兄子秀書云。酒可千日不飲。不可一飲不

醉。速營糟丘。吾將老焉。劉恢云。見何次道飲。令人欲傾

家釀。孔群與親舊書云。今年田得七百斛。秫米不了。麴

蘖事。孔思遠為長史。醉日居多。而政理衆曰。孔公一月

二十九日醉勝世人二十九日醒吳鄭泉臨卒語人曰必葬死陶家之側庶百歲之後化而爲土幸見取爲酒壺實獲我心矣張季鷹曰使我有身後名不如卽時杯酒鄭泉又曰願得美酒滿五百斛船以四時肥甘置兩頭覆沒飲之畢卓亦曰右手執酒杯左手執蟹螯拍浮酒池中便足了一生劉伶縱酒或裸形在屋中人譏之伶曰吾以天地爲宅舍以屋宅爲禪衣諸君自不當入吾禪中嘗令人持鐮在後曰死便埋我唐李賀曰酒不到劉伶墳上土

狗 猫以薄荷爲酒雞以蜈蚣爲酒鳩以桑椹爲酒虎以狗

爲酒蛇以茱萸爲酒謂食之而醉也

浮綠醕于上尊授黃封于中使星旗分象恩波搖玉瓚之黃雪液流甘瑞氣挹酒泉之白內苑醍醐坐失青州之色上古醕醑獨沾聖人之清拜魏徵之桑落益勉爲忠受李絳之蒲萄自慚非處

王無功著五斗先生傳大誇物外之高縱杜子美作八仙飲酒歌盛說杯中之佳趣

孟嘉謂桓溫曰公但未識酒中趣耳

聞中山

之酒千日訣不流涎傳南都之醪十旬皆相慕義投于江以破勾踐嘆爲雨以救成都

來巴又

顏玉山

嵇康醉如玉山

將而屢接高標解金貂

阮

而常逢貴客不鄙宜城之竹

葉何嫌南國之榴花。吐丙吉之車中。賢人不怒。卧畢卓之甕下。酒家無辭。

謝宴

酒傾瑤甕。食置雕盤。列圭組以成行。酌金罍以爲勞。屬厭而止。飽德以歸。

問唐家之酒價。誇宴太清。羨令序之韶光。娛賓玄武。置宴後庭。爭誇瓊樹之詠。賞花內苑。競傳玉藻之篇。魚樂在藻。鹿醉食苹。美續八珍。翠金出紫駝之色。香添九醞。黃流增玉瓚之波。河柳拂杯。日動千條之線。野花飄座。風飛五色之雲。

銅龍曉闕。宸楓與黼袞交輝。金馬晝趨。宮漏并珮環同

韻。當既醉太平之日。沐宴遊愷弟之慈。履聽星辰寶殿。上夔龍接跡。旗翻日月。繡堦前。鴛鴦成行。玉露瓊漿。紫霞觥。分從仙掌。猩唇麟脯。赤瑛盤擎出天厨。繽紛來水陸之音。曼衍奏魚龍之技。雲璈錦瑟。如聆帝樂于鈞天。鳳管鸞簫。似寫仙音于玄圃。彩雲光裡。依微百和飄香。文石班中。璀璨萬花堆錦。麗日映蒼龍闕角。輕烟繞金爵觚稜。日上扶桑。陋白馬栢梁之會。風生閶闔。掩金屏翠帳之詞。

揚

後漢童帝。賜毛義穀千斛。又魏袁渙字耀爲郎中令。卒。太祖爲之流涕。賜穀二千斛。一教云。以太倉穀千斛。賜

郎中令一教云。以垣下穀千斛。與耀卿。外不解。教曰。以太倉穀者。官法也。垣下穀者。親舊也。

謝四六

味重新城。香踰滂水。連舟入浦。似彥伯之南歸。積地為山。疑馬援之西至。不待候沙。同新渝之載熟。無勞拜石。均遼倉之重滿。前恩未遠。次渥仍流。墨翟假以故書。裴楷慚其國賜。

漁水鳴蟬。香聞七里。覆山合穎。祖歸十縣。某人慚振藻。從降雲間之松。職濫更繁。空散家承之俸。成珠委地。事重逢仙。糝玉為糧。珎踰入楚。雖復激水滄流。不待鹽河之說。春風掃地。方謂文學之篇。

賜果

禮賜果子君前。有核者懷其核。東漢賜華嶠奇果。

謝櫻桃語

玉橘金瓜。映梁庭而結顆。朱顏翠色。駕唐苑以垂滋。和酪賜來。是炫璃盤之寶。退朝繁出。共傳珠粒之珎。使發九天。集繁星而積耀。味調六氣。承湛露而不晞。

謝荔枝語

綠葉雲舒。朱實星映。離離昔聞。曄曄今睹。角鼎興而靈華敷。大火中而朱實繁。灼灼丹華吐日。離離繁星著天。

謝梨語

酒泉之實。稱于王賦。瓜州之味。記自張文。張載詩三巴黃甘瓜州素

亦有大冲。嗟其夏成。子建訝其寒熟。曹植謝表奈以夏熟今寒至物

並見重于昔時。而霑恩于茲日。孫井浮朱沉黃李浮

謝

多置守民。晉為厚秩。坐入縑素。漢譬封君。固以俛匹。襄
橙俯連楚袖。寧似魏瓜。借清泉而得冷。豈如蜀食。待飴
密而成甜。重以倒影陽池。垂華金碟。信可石榴于式
乾貴葡萄于別館。

謝

味出靈關之陰。旨介玉津之澁。豈徒真定歸美。真定御梨大若

奉大谷慚滋。潘岳閑居賦張公大谷之梨將恐帝臺妙崇。安期靈棗。

不得孤擅玉盤。獨甘仙席。雖秦君傳羅。漢后推餐。望古
可傳。于今何答。

藥

東漢馬嚴病。并送方藥。劉超病。給四順湯。唐李勣病。太
宗剪髮和藥。

藥

念長陽之濕。河魚之疾。奈何。飲上池之清。麓駒之病。起
矣。臣仰體好生之德。誓殫盡瘁之年。

一物之微。遂留膏肓。名醫上藥。爰自成府。雖巫咸視診。
岐伯下鍼。松子玉漿。衛卿雲液。比妙衆珍。實云多愧。

馬

藥自天來。不假淮王之術。香宜風度。如傳荀令之衣。
漢嚴延年乞骸骨。賜安車駟馬。後漢卓茂束身執節。賜
安車一乘。馬援振旅。賜車一乘。死馬一匹。又光武解所

乘驪馬。賜李忠。明帝賜桓榮。輜車乘馬。榮大會諸生。陳
其車馬印綬。曰。今日所蒙。稽古之功。

車

山車。山車垂勾。山車自然車也。不根車。德至山陵則蒲

六月徐嶺卷之五

車

封禪為蒲輪車惡傷土木

追鋒

追鋒車遽則乘之

武剛

衛青以武剛車自環為營

南宋沈慶之嘗乘猪鼻無幟車及廢帝賜三望車謂人曰吾每遊履田園有人時與馬成三人時與馬一人乘此車安所用之乎

新婦

梁曹景宗為領軍謂所親曰吾昔在鄉里騎快馬如龍拓弓弩作箭聲箭如餓鴟叫澤中逐麇麋渴飲其血饑食其胃甜如甘露漿覺耳後風生鼻端出火使人忘死今來楊州作貴人路行開車幔小人輒言不可閉坐車中如三日新婦於邑使人氣盡

顧

史記文帝出趙談驂乘爰盎伏車前曰臣聞天子所與共六尺輿者皆天下英豪今漢雖乏人獨奈何與刀鋸餘人載

馮

漢丙吉為相馭吏嘗醉嘔車茵上曹吏白欲斥之吉曰西曹第恐之此不過汚丞相車茵耳

投

晉潘安美每行投果滿車張載醜投瓦礫滿車

門

漢陳平家負郭窮巷以席為門然門外多長者車

門

于定國父于公其閭門壞父老方共治之于公謂曰少高大門閭下容駟馬高車我治獄多陰德子孫必有興者至定國丞相封侯

黃屋

漢制凡乘輿皆羽蓋黃屋左翻金鑣

黃屋者翠羽蓋黃裏左翻者以鹿牛

尾爲之大如斗在左騃
馬頭上金鑲者馬冠也

蒼龍 禮天子乘蒼龍
古黃 周成王時犬戎所獻又名
乘黃飛黃翠黃紫黃騰黃

馬 玉者清明則至
亦名玉澤馬
吉光 神馬
女裏 神馬
飛兔 行三萬里

龍馬 河水之精
負圖者
雞斯 西伯在麥里散
宜生求以獻紂
天馬 出渥注

汗血 出大宛國
名天馬子
果下 樹下
行漢時獻之
赤驥 盜

白義 踰輪山子
渠黃 華驪
綠耳 此周穆王八駿也王

本奔雷越影踰輝超光騰
霧挾翼與穆天子傳異

馬援擊交趾。謂官屬曰。從弟少游。嘗哀吾多大志。曰。士
生一世。但取衣食足。乘下澤車。御款段馬。爲郡吏。守墳
墓。鄉里稱善人。足矣。求益盈餘。徒自苦耳。

龍

東漢明德馬后曰。吾前過濯龍門。見外家問起居者。車

如流水。馬如龍。又三府諺曰。車如鷄棲。馬如狗疾。惡如

風。朱伯厚。朱震字伯厚爲從事奏濟陰太守單匡贓罪故云

韓子云。兒說。宋人善辨者也。持白馬之非馬也。服齊稷

下之辨者。乘白馬而過關。則顧白馬之賦。故藉空辭。則

能勝于一國。按實形。不能謗于一人。孔叢子曰。公孫龍

以白馬爲非馬。或曰。此辨而毀大道。子高適趙。謂龍曰。

願受荼久矣。所不取先生者。以白馬爲非馬耳。誠去之。

高諱爲弟子。龍曰。若使去之。無效矣。

風俗道曰。蝦蟇一跳八尺。載丈六。從春至夏。裸袒相逐。

無他所作。掉尾蕭蕭。

按蝦蟇無尾。當言夏馬。夏馬患蠅蚋。故掉尾蕭蕭也。

風俗通。殺君馬者。路傍兒也。言長吏養馬肥而希出。路

傍小兒觀之。却驚致死。

長吏馬肥。觀者快之。乘者喜其言馳驅不已。至于死。

韓詩云。顏回望吳門。見一匹練。孔子曰。馬也。然則馬之

光景。一匹長耳。故後人號馬一匹。

或曰。馬夜行。目光照前。四文。故曰一匹。

武愧仲都。遂蒙大驪之錫。儒謝春卿。空頒名馬之賚。故

以取方。麟友自匹。龍媒不待景公。婉如齊。圖無勞馬。援

翻等。漢銅。

既脫軛于金輪。又解駮于緝馬。出余吾之水。服駒駘之

廐。名高夏后之龍。價倍田方之贖。謹當秣以栢葉。飴以

丹棗。加之玉鞍。飾之金鞞。

柳谷未開。翻逢紫燕。臨源猶遠。忽見桃花。

馬名。流電爭光。

浮雲接影。張敞回看。之暇。直走章臺。王濟飲酒之歡。長

驅金埒。

漢時樂府。偏愛權奇。晉世桑門。特憐神駿。黃金作勒。足

渡西河。白玉爲鐙。方傳南國。儻逢漢帝。仍駕鼓車。若值

魏王。應驚香氣。

星飛天駟。騰黃直到人間。電閃房精。流赭遠來雲外。揮

奇鞭而橫鶩。萬騎群空。向紫陌以迴看。千金顧重。鳴珂

帝里。誰數桓驄。觀象宮門。詎誇宛駿。據鞍坐。添矍鑠。攬

六月。余員。吳之二五。

續頓覺澄清。

尉繚子曰。宅亦曰第。言有甲乙之次第也。一曰。出不由里門。面大道者曰第。爵雖列侯。食邑不滿萬戶。不得作第。其舍在里中。皆不稱第。漢高詔列侯食邑者。皆賜大第室。二千石受小第室。夏侯嬰事惠帝。爲太僕。呂后德嬰之脫。惠帝魯元于下邑。乃賜嬰北第第一。曰。近我以尊異之。武帝賜蘇武宅一區。成帝賜張放甲第。哀帝爲董賢起大第北闕下。魏武特爲張遼母起殿。明帝特爲舅孫甄暢起大第舍。晉瑯琊王道子開第東里。齊景公使更晏子之宅。曰。子之宅近市。湫隘囂塵。不可

居。請更諸爽塏。辭曰。臣之先臣居此。臣不足以嗣之。于臣侈矣。且小人近市。朝夕得所求。小人之利也。晏子如晉。公更其宅。反則成矣。既拜。乃毀之。爲里室。皆如舊。諺曰。非宅是卜。惟隣是卜。二三子先卜隣矣。違卜不祥。蕭何不治垣舍。曰。今後世賢師。吾儉不賢。無爲世家所奪。

東漢吳漢嘗出征。妻子買田業。漢還讓之曰。軍師在外。吏士不足。何多買田宅乎。悉分與昆弟外家。

晉裴楷營新宅。與兄共遊。牀帳儼然。樞軒疎朗。兄心欲之。而口不言。楷知其意。便推使兄住。又薛苞。兄弟欲分

異。包悉推其田宅奴婢。

宅相

晉魏舒爲外家寧氏所養。寧起宅相者云。當出貴甥。舒曰。當爲外家成此宅相。

木奴

襄陽記曰。李衡每欲治家。妻不聽。後密遣客十人。于武陵龍陽洲上作宅。種橘千樹。臨卒勅兒曰。汝母每惡吾治家。故窮如是。吾州里有千頭木奴。歲上一匹絹。亦當足用。兒白母。母曰。此當種柑橘也。汝家失十戶客七八年。必汝父遣爲宅。晉咸康中。猶存枯樹。

漢賜五倫實云。清吏魏寵衛臻。用旌庸直。未如靈光輪奐。睢陽爽塏。比連城闕。有似甄侯之舍。東望市鄽。榮深豫章之圃。昔狼望未平。冠軍辭宅。馬池猶隔。雍丘讓邸。臣慚霍曹。遠志但識君命。無遠載思庸陋。九隕非答。晏嬰湫隘。齊景營其爽塏。孫歷無家。晉武爲之築館。才愧昔人。恩同往哲。但匈未滅。遽當輪奐之美。環堵爲室。遂得歌哭于斯。

居異道南。才非巷北。流寓建春之外。寄息靈臺之下。豈望地無湫隘。里號乘軒。巷轉幡旗。門容幘蓋。况乃交垂玉柳。若元亮之居。夾石雙槐。似安仁之縣。却瞻鐘阜。前枕洛橋。池通西舍之流。窻映東隣之棗。來歸高里。翻成待封之門。夜坐書臺。非復通燈之壁。才下應王。禮加温。

阮官成名立無事非恩。

聖瑞

景星

白虎通景星者大星也月或不見景星常見夜作

益于民人瑞應圖曰景星狀如半月生于晦朔助月為

明王者不私人則見赤方氣與青方氣相連赤方中兩

狀無黃星青方中一黃星聚為景星其帝堯時景星出翼或曰史記天曜而景星見景星

德星也東漢陳實與諸子姪造荀淑父子時德星聚太

史奏曰五百里內有賢人聚。

中元北極紫微宮北極五星一太子二帝文昌文昌六

偃月在北斗上一上將二次將北斗七星天樞天璇天

三貴相四司命五司中六司祿廉貞武曲破軍又名執陰叶

又各貪狼巨門祿存文曲又各魁魁魁魁魁魁魁魁

詣視金拒理防件開寶招搖又名魁魁魁魁魁魁魁魁

兩星為左輔右弼自一至四為魁自五至七上元天庭

為標揔名帝車第七為寅月指寅卯指卯太微宮天子之宮三台史記作三能每台中二星上台四

司從主公卿下台司命為太尉主天子中台司中為少微四星在三台下元一宮名天

市主權衡聚眾貫索九星如盤金星太白長庚木星歲星重水星辰星鉤火星熒惑執

罰土星填星四餘月孛水餘紫炁木餘羅喉火餘計都五星聚周將伐殷五星聚房齊桓將伯五星聚箕漢

宋乾德五年五星聚妻

六月余員家之臣

東方七宿角

天關天門帝庭亦名棟星主布亢

主疾 氏 天根主天 房 天駟明堂為布政宮心

大辰中星天子 尾 龍尾九子后妃之府尾箕

臨宮敖客主八 北方七宿斗 天機天廟主爵祿主

丑星紀 牛 闕梁河鼓黃女 孫主婦女天虛

之象亦主死喪虛 危 蓋室 清廟天子之宮室

天廐圖 西方七宿奎 封豕天之武庫奎婁

聚衆主興 胃 天倉 昴 旄頭天之耳目主微昴

兵聚衆 畢 畢車天階又名濁天 觜 虎首主軍諸觜參入

之雨師亦至邊兵 南方七宿井 申實沉屬魏 諸侯帝戚王公

未鷄首屬秦 鬼 天目主神 柳 鳥注一名味味朱

諸酒庫之位 柳星 張 鷄尾主太廟 翼 樂府天

張人午鷄火屬周 翼 明堂及御史 星 倡主化

導文籍亦主 鮮優翼 軫 鳥鷺主 星 天老主后

主賢土當在 軾下張上

狼北有大星曰南極老人星一名狐南嘗以秋分旦見

于丙春分夕没于丁見則治平主壽昌堯時有五老飛

為流星上入昴

巖光武足光武腹太史奏客星犯帝座隋天文志云周

伯老子玉蓬絮國皇温星皆客星也

東漢李邵好天文時和帝遣使觀風有二使向益州至

驛郤問曰。公祭京師。寧知朝廷遣二使耶。二人驚問。何以知之。郤指星曰。有二使星。向益州分。

石申。魏人著星經。其德亦同時。星有三色。所以別三家。出于石者赤。出于其者黑。出于巫咸者黃。揔二百八十三座。一千四百六十四星。

天開甲子。丙辰合璧于牽牛。律轉黃鐘。七緯連珠于星紀。秦襄肇西土之祥。漢高有東井之聚。五色如貫。光騰于奎。董雲氣之墟。一色並明。祥輶于降婁。日躔之次。木屬仁。火屬禮。擁土德于中央。金見旦。火見昏。居華陽之左右。

曜爲經而宿爲紀。則曰常名。斗挹酒而牛服箱。或標虛績。未若候時而出。有道則見。自南耀彩。將弘解愠之風。近曉流光。欲助無私之日。三台共色。五老同遊。邇黃道以流輝。珠纏紫極。掩白榆而絢采。玉管疑寒。散翼垂芒。何獨斗樞之說。澄霞助月。自同石氏之占。位連弧矢之間。光集井垣之次。朱扉未啓。皤然瑞彩。疑暉。禁漏初闌。耄矣玄精闡耀。

雲晃攝提。寶鼎契軒轅之策。景明翼軫。玉繩流河渚之圖。若連具。若連珠。揔彰政舉。或聚房。或聚井。竟驗邦興。煌煌耀音竹之編。歷歷顯白榆之種。睠茲含譽。標厥瑞

輪光流玉宇。燦若榆花影。動銀河。晶熒桂樹。白如玉而黃如金。品高格澤。氣如炎火。黃白色。起地上如長竿。大如丸而苾比慧。義掃攬槍。妖星。拱乎乾紐。陸離呈十夕之祥。助彼泰階。璀璨增六符之燭。

鄉雲

史記若烟非烟。若雲非雲。郁郁紛紛。蕭索輪困。是謂鄉雲。鄉去聲。慶雲五色。太平之應。王者德至山林。或孝則鄉雲出。一名景雲。黃帝感景雲之瑞。以雲紀官。又與蚩尤戰。嘗有五色雲氣如金枝玉葉。止帝上。因作華蓋。舜時百工相和歌。鄉雲。舜乃唱之曰。鄉雲爛兮。紉縵縵兮。日月光華。旦復旦。

今京房云。四方嘗有大雲。五色具。下有賢人。雲外赤內青。二色雜。曰喬。亦瑞雲。

周保童氏以五雲之物辨吉凶。二分二至觀雲色。青為蟲白為喪赤為兵荒異

為水黃為豐

兵書。韓雲如布。越雲如牛。楚雲如日。宋雲如車。魯雲如馬。衛雲如犬。周雲如輪。秦雲如行人。魏雲如鼠。齊雲如絳衣。越雲如龍頭。蜀雲如困倉。

韓愈詩。晴雲如擘絮。杜甫。天上浮雲如白衣。斯須改變如蒼狗。唐太宗。橫天結陣影。逐吹起羅文。余濟。幾年嗟抱石。今日喜從龍。張景陽。流水戀舊浦。行雲思故山。江

淹日暮碧雲合。佳人殊未來。梁高祖問陶弘景山中何所有。隴上多白雲。只可自怡悅。不堪持贈君。

黃帝之征涿鹿。盡作花葩。赤帝之駐秦郊。都成龍虎。紛輪絢采。散赤水之餘霞。煥衍騰文。疑吉雲之曉露。既旦復旦。若烟非烟。周則爲瑞觀河。堯則呈祥沉璧。帝袞常瞻。固已傾心于就望。官名久正。何須紀號于青黃。

甘露

瑞應圖云。疑如脂。美如飴者爲甘露。一名膏露。一名天酒。星圖云。天乳一星在氏北。主甘露。明潤則降。晉書云。王者教養耆老。則甘露降。松栢受之。尊賢容衆。竹蒿受

之。帝嘗時。丹丘國獻瑪瑙瓮。以呈甘露。舜時。移寶露瓮于零陵。東方朔作寶瓮銘。漢宣元康元年。甘露降未央宮。改元甘露。

漢武作承露盤。上有仙人掌。擎玉盤。以取雲表之露。魏明帝亦作承露盤。金莖。柱。銅。長十二丈。立芳林園中。

洞冥記。東方朔遊吉雲之地。國有吉事。則雲起。五色照人。若草木。成五色露。露味甘。武帝曰。可得否。朔朝去夕返。得玄黃青雲。以授帝。帝徧賜群臣。飲者。老者少。病則愈。

陵陽子云。春食朝露。日始出。赤黃氣也。夏食正陽。南方

日中氣也。秋食淪陰。日沒後赤黃氣也。冬飲沆瀣。北方夜半氣也。并天玄氣。地黃氣。爲六氣。又莊子云。姑射山有神人。吸風飲露。

並數

大食國。出薔薇花露。栢宗元得韓愈所寄詩。先以薔薇露灌之。然後讀。

四六
賀書

上玄乃顧神物。薦委飛甘。灑潤玉散珠連。昔魏明仙掌。竟無靈液。漢武金盤。空望雲表。豈若神漿可挹。流珠九戶之前。天酒自零。疑照三階之下。臣振鱗。撫翼空馳。魚鳥之心。瘞玉編金。方待云亭之后。

飛津綺殿。降液丹墀。翻潤星夕。飛甘月曉。

天乳流輝。下金莖之膏液。轅星散采。表玉燭之氣和。辟穀飽飲。還推姑射仙人。執囊勤求。曾見萊山童子。被蒼蒼之蒹葭。言其若密。零溼溼之蔓草。其疑如脂。芳襲椒蘭。入漢杯而瀉潤。味兼飴醴。傾魏爵以流華。壽誇沃野之民。寒傲中天之鶴。

瑞雪

聖

西京雜記。太平之世。風不鳴條。開甲破萌而已。雨不破塊。津莖潤葉而已。雷不驚人。號令啓發而已。雪不封條。凌弭毒害而已。朝野僉載云。正月三白。田公笑赫赫。諺云。要宜麥。見三白。又雪深一尺。蝗入地一丈。

賀語

岐昌發詠于來思。周蒲申歌于黃竹。周穆王遊黃竹臺大雪作黃竹詩踰
 丈則表玕于陰德。盈尺則呈瑞于豐年。縈樓棲檻。疑壁
 臺之九重。落絮飄花。似芳林之二月。豈惟洛神呈象。來
 舞帝宮。抑亦海騎相趨。下朝仙闕。東臯欣而望歲。南史
 慶而書祥。萬寶登秋。居然可詠。雙銅叶唱。卽事非遙。
 時屬三冬之歲。祥開六出之霙。草木花皆五出雪花六出出霙雪花也委積
 徘徊。疑祥光于鵙鵲。氛氲散漫。接雲氣于蓬萊。激癘疾
 于崇朝。啓豐穰于嗣歲。雖均覆幬。實賴裁成。臣俯愧爨
 調。勉圖報稱。列賢才于庶位。無書卧洛陽之人。激士氣
 于三軍。有夜入蔡卒之卒。裴度雪夜摘吳元濟

醴泉

醴酒

白虎通。醴泉者美泉也。狀如醴酒。可以養老。崑崙山有
 醴泉華池。君乘土而王。其政太平。則醴泉出。湧乘水而
 王。其政和平。則醴泉漉。神靈滋味。百珍實用。則醴泉出。
 黃帝時。醴泉爲漿。堯之世。德茂濟平。則醴泉出。夏后時。
 俊又在官。醴泉出。漢宣三年。醴泉流滂。枯槁榮茂。光武
 時。京師醴泉涌出。飲者愈疾。
 爾雅。泉正出曰檻。多出口曰沘。同出異流曰肥。異出同流
 曰瀆。

醴酒

賀語

神水回枯。在乎漢宣之世。其泉愈疾。聞自光武之朝。漢

露味均。乍解相如之。渴商筵作酒。無煩傳說之功。通太液于一元氣。鐘玉醴酌瓊漿。而不竭。擬派銀潢。潤下作醜。徵五行之交。暢馨香。維德入九地。以流芳。

河清

書。導河積石。至于龍門。河出崑崙東流。潛行地下。至規期山北。流分兩源。一出芴嶺。一出于闐。復合流注蒲昌海。復潛行地下。南出積石山。又東。迴入塞。歷燉煌。酒泉。張掖。北流朔方。南流五原。又東。過雲中。南過河東。而出龍門。汾水從東于此入河也。南至于華陰。北至于砥柱。東

至于孟津。至華陰。潼關與渭水合。又東。迴過砥柱山。及洛陽。即孟津所在。東過洛汭。至于大伾。至鞏縣。與洛水合。成臯與濟水合。今汜水縣大伾山是。北過絳水。至于大陸。又東北流。過武德。與沁水合。又至黎陽。信都。即絳水大陸。澤名。又北播為九河。同為

逆河入于海。鉅鹿之北。遂分九河。後駭太史馬頰。覆釜河。逆近也。言海日有朝夕潮。以迎河水。齊桓公塞九河。以廣田居。

物理論曰。河色黃赤。衆川之流。蓋濁之也。百里一小曲。千里一大曲。一直一曲。九曲以達于海。

黃帝夢兩龍。挺白圖。即帝以授余于河之都。天老曰。天其授帝圖乎。往候之。見大盧魚。汎白圖。蘭采朱文。以授帝。名曰錄圖。舜東巡狩。至中州。與諸侯臨觀。黃龍負圖。置舜前。黃玉為匣。白玉為檢。黃金為繩。紫芝為泥。童曰。天黃帝符璽。

易乾鑿度曰。天降嘉應。河水先清。二日變為白。白變為

赤赤變爲玄。玄變爲黃。各三日。拾遺記曰。丹丘千年一
燒。黃河千年一清。皆至聖之君。以爲大瑞。又黃河清而
聖人生。左傳。侯河之清。人壽幾何。

莊子。河潤九里。澤及三族。

舟師振楫。幾汨于涇泥。川後靜波。俄澄于江練。連銀漢
而共色。侔玉井以成文。三門緩激。箭之流百丈。見織鱗
之戲。蕩邪却穢。挹之無遜于甘泉。薦潔明馨。用之可資
于玄酒。

龍門而下。鑑品物之殊形。鯨海以東。湛長天于一色。景
浮日影。江中瓊雪。千層光漾。天河海上。銀濤萬頃。空中

箭激駭濟瀆之同符。鏡裏魚遊。登河梁而可數。銀潢之
影橫秋。帝臺之漿映日。

外河
平龍

禹治交州之野。十有三載。乃同漢築宣房之宮。二千餘
年而定。伊昔橫流。凜孤城之若贅。殆茲砥定。蔚秋稼以
如雲。

牽長菱。沉美玉。與河伯共分其憂。來馬頰。度龍門。招禹
夷。使效厥順。萬杵雷動。瑾蟻穴于萬仞之堤。千艦雲飛。
驅鯨飲于千層之浪。蛟龍蛻骨。應符漢帝之渠。罔兩鏤
形。可考夏王之鼎。障狂瀾以東。悉循故道。自清河而北。
漸號坦途。金斗呂梁。銜尾見舳。鱸並進。牙檣錦纜。歌喉

與榜檣同聲。刻三犀牛。宜勒碑而頌德。來兩黃鸝。合薦廟以揚休。

朱草

三秀

離騷采三秀。吟于山澗。又煌煌靈芝。一年三秀。抱朴子

曰。朱草芝九曲。曲有三葉。三實。有石芝。木芝。草芝。肉芝。

菌芝百種。

肉芝之萬歲蟾蜍。千歲蝙蝠。千歲靈龜。千歲燕。風生蚊。

芝房

漢武元封六年。甘泉宮產芝九莖。作芝房歌。宣帝神雀

元年。金芝九莖。產函德殿銅池中。唐肅宗延英殿梁上。

生玉芝。上製靈芝詩。

四六頌語

瑤光發辰象之精。金色吐陰陽之秀。芝英繞殿。暫疑王

母之臺。靈草成田。聊比宓妃之館。霑雨露之精。搖動風雲之氣。斜臨經樹。分具葉而重開。近對淪池。接蓮花而倒下。豈與生于石室。空傳好道之言。產自珠宮。徒事不經之說。

寶幹錯文屏。不其空羨于書帶。靈葩層瑞綺。晉陽何取于屏風。深谷烟沉。紫金森列而散彩。幽岩風煖。翠羽含秀。以飛香宮。號甘泉。蓮葉誇薦廟之舉。殿開函德。耀金顯遐齡之禎。煌煌三秀。分藻井以攢柯。曄曄九光。間梅梁而吐葉。泉膏吐液。緋雲結而成房。海島知春。瑤圃平而綴實。

嘉禾

尚書云。唐叔得禾。異畝同穎。獻諸天子。王命歸周公。作歸禾。漢光武生濟陽。是歲有嘉禾。一莖九穗。

異六

異畝同穎。唐叔上獻于徵。奇九穗一莖。漢秀始生而表異。稼得如雲之茂。穎有垂金之嘉。二穗乍生。忽醒蔡茂

之夢。

後漢蔡茂夢得禾。復失郭喬卿曰。禾夫為扶。乃秩字。必得祿秩。俄徵司徒。

合穎呈瑞。獨

羨許謙之田。鸚鵡安得啄餘。鴻雁空為深戀。垂穎而照九圍。陋漢帝之靈稷。御茲而齊萬畝。掩周祖之維糜。天孫助祭。願陪北里之禾。清廟薦新。敢繼神倉之穀。

鑽藥生芒。適賴老鴉之種。一腰既。時見野雉之嬌。傾

畝成枝。遠邁永嘉之瑞。一莖九穗。美數太康之祥。扇漸秀于梅風。潤岐苗于穀雨。纖芒濯露。疑因黑壤之宜。香稼搖風。若吐黃之色。降之自天。何必來年之詠。嘗之于廟。先符孟夏之疇。一穗兩岐。徒說張堪之政。十畝千石。方輕汜勝之書。

靈鳥

九

鳳。鴻前慶後。蛇。鷓魚尾。鸛。穎。鴛。鴦。思。龍。文。龜。背。燕。頰。雞。喙。六像者。頭象天。目象日。背象月。翼象鳳。足象地。尾具五色象緯。九苞者。口包命。不妄心合度。進退耳聽達。居高

舌詘伸。

能變

彩色光。

文彩

冠距朱。

南方

距銳鈎。

武可

音

激揚聲遠腹文戶不妄行鳴曰歸嬉止鳴曰提扶夜鳴

曰善哉晨鳴曰賀世飛鳴曰即都知我王者不剗胎剖

卵則至抱朴子曰古者太平之世鳳凰嘗居其國而生

乳至夏后始食卵而鳳去之此則鳳有種矣淮南子曰

昔者二皇伏羲神農鳳至于庭三代堯舜禹鳳至于門周室鳳

至于澤德彌粗所至彌遠德彌精所至彌近文選云鳳

凰翔于千仞今覽德輝而下之見細德之險微兮搖曾

翮而去之白虎通雄鳴節節雌鳴足足

黃帝時鳳鳥噉圖少皞立鳳適至故以鳥紀官鳳鳥氏

司曆者也堯時鳳巢阿閣舜命夔作樂鳳凰來儀文王

歷代
鳳考

時鳴于岐山武王受鳳書之紀成王時舞于庭王援琴

歌曰鳳凰翔兮于紫庭余何德兮以感靈昭王以青鳳

毛為二裘一曰煥質一曰暄肌厲王流彘裘乃散逸罪

毛贖一片漢昭時集東海遣使祠其處有階大辟者許以青鳳宣帝地節二年

集魯群鳥從之帝幸河東之明年集相于所集處得寶

玉詔赦天下又以鳳五至改元五鳳又集長樂宮東園

飛下至地吏民並觀之光武時集潁川晉十七日章帝

時二十九見吳太元元年集苑中改元鳳凰

晨遊紫霧夕飲玄霜資長風以舉翰戾天衢而遠翔西

翥則煙氛闕色東飛則日月騰光化番鵬于北裔訓群

鳥于南荒托丹穴以爲族。鷹明時而自彰。披蒙翳于葉下。發光華于枝裏。仙翰屈而還舒。靈音摧而復起。盼八極以攬輝。臨九天而高峙。庶廣德于衆禽。非崇利于一已。

仁獸

麟。麋身。牛尾。馬蹄。一角。善闢。淮南子曰。麒麟闢而日月食。徵祥記曰。麟牡鳴遊聖。牝鳴歸和。夏鳴扶幼。秋鳴養綏。薛道衡曰。足足懷仁。鳳般般懷義。麟封禪書曰。般般之獸。樂悲君囹。

孝經古契曰。孔子夢芻兒搗麟。傷前左足。東薪覆之。麟向孔子吐書三卷。孔子精而讀之。又魯西狩獲麟。孔子傷之。而作春秋。

白麟

漢終軍從幸雍。獲白麟一角五蹄。又得木枝。旁出。輒復合。上異之。終軍對曰。野獸并角。明同根也。衆枝內附。示無外也。若此之應。殆將有解編髮。削左衽。襲冠帶。要衣裳。而蒙化者。晉泰始中。白麟見。改元麟嘉。

四六頌語

翔位而處。釋土而遊。獨表一角之異。行步中規。折旋中矩。兼并五行之精。每闕則日必無光。爲畜而獸。將不狘。鳴云遊聖。列爲四靈之祥。音中黃鐘。實有千歲之壽。駕漢時以騰空。晒魯邦之折足。

鳥本陽精。鵠知歲事。孝能致嘯。煌煌儀則之新。喜必傳
音。鷺鷥羽毛之潔。用明諸福之畢。至。詠謂二虫之無知
。獨翔有煇。協周家王屋之符。粹美而真。異莊子雕陵之
見。



餘韻分目

元日 有考

椒酒 辛盤 椒頌 粉荔 懸羊 火城

獸樽 爆竹 桃符 奪席 得嘉 拜冕

條風 燕喜 六四 起語 頌語 結語

燈夕 有考

丁媛 金吾 影燈 鰲山 金鎖 散花

燈輪 白鷺 牙旗 鬼工 對哭 傳棋

鼓吏 角觥 火蛾 麵蠶 紫姑 蠶室

奪關 六四 起語 頌語 請燕 燈聯 結語

六月餘韻分目六

國家圖書館 NATIONAL CENTRAL LIBRARY, TAIWAN, R.O.C.

端午 有考

角黍 競渡 辟兵 艾虎 蘭湯 臬羹

蟾蜍 嗜柳 闕草 鏡龍 賜扇 曹娥

田文 眉黛 四 起語 頌語 結語

七夕 有考

雙星 綵車 祀星 猗蘭 九微 緜山

治師 鞮背 密誓 乞巧 穿針 犢鼻

曬書 四 起語 自叙

中秋

望舒 穴鼻 瓊樓 修戶 地影 方諸

莫焚 喘月 影娥 登樓 泛渚 清嘯

白鸞 天柱 四 起語 頌語 結語 答語

重陽 有考

食糕 菊酒 白衣 菊歌 題壁 戲馬

登高 飈館 落帽 滕王 講武 執經

射雁 七七 四 起語 頌語 請讌 結語

冬至 有考

履長 照三 書雲 添線 應灰 閉關

從樂 舉觴 起語 頌語 結語

六朝餘韻卷之六

海虞王良臣中心亮父纂輯

同邑 姚宗儀鳳來父增補

鄔 驚善吉父 校

甌寧 門人 柯貞彥聖兒父校梓

元日

元日曰三元歲之元時之元月之元也亦曰三朝亦曰三朔崔寔月令謂元日為天臘端午地臘七夕道德臘十月朔民歲臘十二月正臘日王侯臘離騷獻歲發春左傳履端于始漢高月定秦遂



為歲首。七年長樂宮成。制群臣朝賀儀。武帝改用

夏正。亦在建寅之朔。則元日慶賀。始于漢高也。

崔實月令。椒是玉衡之精。服之却老。栢亦仙藥。正月釀

栢酒。椒酒飲從少至老。又飲屠蘇酒。亦從少者起。董勳

曰。少者得歲。故先酒賀之。老者失歲。故後與酒。

元日食辛。所以助發五臟。

劉臻妻。正旦獻椒花頌云。昊穹周迴。三朝肇建。青陽椒

暉。澄景載煥。標美靈葩。爰採爰獻。聖容映之。永壽千萬。

金門歲節云。洛陽人家。正旦造絲雞。蠟燕粉荔枝。

宋書縣官殺羊。縣其頭于門。又磔鷄。副之以壓厲氣。裴

椒酒

浮盤

椒花

粉荔

懸羊

火城

玄以問伏君。君曰。土氣上升。草木萌動。羊嚼百草。鷄啄
五穀。故殺之以助生氣。

國史補云。元日冬至立伏。百官皆備宰相方至。列燭多
至數百炬。謂之火城。

魏畧云。武帝用漢儀。元日百官上壽。設白獸樽于庭。獻
直言者。發樽飲之。

荆楚記。山臊惡鬼。犯人則病。惡爆竹聲。

白氏六帖。造桃板著戶。謂之仙木。象神荼鬱壘。能執鬼

東觀漢記。戴憑為侍中。正旦朝賀。帝令群臣說經義。不

通者奪其席。憑遂重五十餘席。

查席

桃板

爆竹

獸樽

得嘉

陶潛集云。庾亮正旦大會人士。河南褚裒問亮。江州有孟嘉。何在。亮曰。在坐。卿自覓之。裒熟視。遂指嘉曰。將無是亮。笑曰。喜子得嘉。奇嘉為子所得。

拜冕

古詩。元日其泉會。衣冠拜冕旒。又杜甫賦詩。猶落筆獻壽。又稱觴。又虞世南韶光催柳色。日彩泛槐烟。

條風

唐太宗詩。條風開獻節。灰律動初陽。

燕喜

楊巨源代是文明晝。春當燕喜時。爐烟添柳重。宮漏出花遲。漢典方寬律。周官正采詩。碧霄傳鳳吹。紅旭在龍旂。

謝話

斗携龍朔。又頒羲仲之春。雪滿兔園。請賦梁王之壽。麟

筆書元。紫萬邦循環之本。羲交書泰。屬三陽彙進之初。

寶曆授時。當五年之再闡。皇華將命。宜一歲以九遷。

瑞雲餞臘。粉荔迎年。閭闔天高。蒼籙開而一元始。河陽

地煖。洪鈞轉而萬象新。歲更鳳琯。一年時令之從頭。春

滿虎城。千里陽和之有脚。

行夏之時。人妙商周之統。孟春之月。卦合地天之交。龍

杓啟歲。八表回寅。鳳闕先春。三台映日。

斗柄回寅。半夜臘隨風捲去。歲籌紀卯。五更春被角吹

來。慕府為生物之府。民去藏而得生。和門兆泰交之門。

卦進臨而為泰。

六月餘員卷之六

六朝傳聞卷之六
魯觀占雲孟陬紀月。驗陽律鳳鳴之應。符疑香燕寢之

太守詩燕疑清
祥。香輿衛森画戟天惠元侯。日綏純嘏。

蒼極司辰。嶺梅早傳春信。青陽布令。階賞新改年華。東
雪融而條風早。芳辰戩而穀旦新。門桃絢彩。村閭遙被
光華。階栢舒陰。園戶盡回燠煖。

繩躔布朔。正一元于七十二候之初。鳳曆授時。謹五始
于三百六旬之晉。葦桃在戶。礫穰以饑餘寒。椒栢稱觴。
燔烈以興嗣歲。在時爲泰。與物咸新。

川原改色。太和初布于三微。草木知名。歲澤已深。于一
信得驛梅。遠寄雲頭。知基栢大開春脚。

北斗帝車。轉靈暉于蒼陸。東郊鸞輅。布盛德于青陽。玉
燭調年。萬化布履端之序。鴻鈞播物。九天開出震之符。
青帝乘規。萬物荷維新之運。紫宸頒曆。九天開始旦之
光。泰運履端。魯史書雲于五色。春陽應律。虞書賓日于
三朝。綿昌寶曆。廿有八載。肇正元茂。衍棠陰五十餘封。
庇賴雲。醢簇管香。泌椒盤。

太皞司辰。三朔同臨。首祚。王羲之月儀書云。日
往月來。元正首祚。上台拱

日九重。獨得先春。萬方共群蟄。以俱蘇。五福與諸陽而
並進。

斗柄指寅。瑞應彤雲扶旭日。台英現丙光。聯南極貫薇。

恒率土同春。敷天奉朔。

心會陽宗。道扶人紀。文譽掀天。六合久昭。回之仰政。聲

載道。百城普壽。域之躋薰。然和氣襲人。襦袴已温。千里

煖矣。春風布地。屠蘓自有二天。春風送煖入屠蘓屠蘓草舍也葇桃在

戶。引蕙脯之清風。椒栢稱觴。分金莖之瑞露。辛盤餞臘

粉荔迎年。太簇司辰。舜陛初鳴。瑞鳳勾芒。布令堯階。始

發仙裳。華閣迎祥。禳祓寧煩。干桃梗。御庖分寵。芬芳共

入干椒觴。

侃侃譚經。應奪漢廷之席。孜孜論道。應傳魏殿之樽。祥

符自集。干高門。未湏仙木。桃符彩勝遙分。干內苑。寧美鬼

丸。梁武帝元旦賜群臣辟鬼丸

位隣天柱。頌春風。旭日干雲霄。權握地維。沛甘雨。暄陽

于淮甸。香分栢液。迎春列仙禁。之宮花。杯泛屠蘓。獻節

競尚方之彩勝。運玄機。干亭毒。麗勳從歲序。以同新躋

法界。于春臺。濺澤與年華。而共溢。

帝則周旋。天和懋養。當此剪燕之日。言舉頌椒之文。五春

日剪絲為燕貼宜春字初浮神水。和五辛。而並馨。乍進春盤。對三

元而獨暢。

淑氣與韶華。並麗和風。偕化日生輝。太簇瑄開。煖律起

千林之喜。迎春詩千林如有喜一氣本無私鴻鈞旋轉。卿雲煥五色之

不轉會... 卷之六
祥競彩勝以宜春。合椒盤而頌壽。絳桃曉醉。福臻仙島。
三山赤羽晴曛。恩接帝城雙闕。

仰法殿樽開白獸。奚事抗言。憶高門盤滿青絲。正須調膳。襟懷備元氣。四時節緊。倚雲霄萬丈。

當年扈聖。五更趨鷓鴣之班。此日瞻天。萬里拜蓬萊之闕。花明玉豸。宛陪仙仗。以蹌蹌香繞繡衣。遙帶銀爐之

郁郁。合四方而賀歲。群寮斟布序之仁。舉全陝以同春。萬戶醉調元之化。

節彌三楚之衝。功扶泰運。斗轉一元之柄。瑞藹履端。仁風梅放。與柳舒和。氣竹苞而松茂。大燾高牙。排霜雪而

布煖。擁旄仗節。掃氛祲以覃餘。春滿江南。陽不愆而陰

不伏。恩來極北。川方至而日方升。氣涵玉燭。識造璣衡。起一元于貞下。萬卉萌芳。歛百福

于歲初。五雲游瑞。威融夫水天雪窖。何假鄒生之嘘。惠沾夫蒲柳枯株。奚藉明皇之奏。氛祲全銷。月應東山夜

色。卿雲紀瑞。霜開四野。朝妍象懸仙木。和風送暖于屠。蘓戶藹絃歌。淑氣維新于驛化。

吹金門之竹。紫禁春先。立春取金門竹爲管。河內葭草爲灰。以候陽氣。新玉陛

之奠。黃扉日煖。以道德而位三公。躬司造化。理陰陽而遂萬物。氣吐和風。震上青達。揭扶桑之曉日。春先黃閣。

朗維枳之台星

逸書云么
枳維枳

爆竹煥五雷之號。碧幢影動龍蛇。屠蘇投三軍之醪。金桂向榮。雨露運玄機于亭毒。解舜野之條封。登法界于春臺。召堯山以烟景。

和鍾玉律。清徹冰壺。君陳保釐東郊。轉五嶺于洪鈞之氣。召伯巡行南國。圓萬物以青規之仁。鴻禧開二十四氣之關。兆中書之二十四考。駿伐發三十六旬之斬。收全春于三十六宮。

鎮省會之金湯。春濃綠野。嚴共服于鈴護。晝靜紅塵。北斗回杓。新運籌于虎節。東風解凍。知挾纊于雲屯。陽春

召人以烟景。八公藏草木之驚。造化假公以餘閑。三江息斷流之驚。春宵眠五路之貔貅。天河洗六花之兵甲。勳烈與年光而頻積。百蠻銅柱重標。威權隨春色以展舒。萬里玉關獨鎮。壽域開方叔之元老。將門紹祖父之太師。

雷儒林而戢群螫。雨田毛而樂寬征。瑞書太史光騰使。者一星。詔下紫薇。召對文昌八座。

某獲上逢辰。承恩拆甲。松柏獻頌。愧躬親之未能。桃李向陽。正吹噓之有待。所願逢歲之元。末年于萬。勾芒初布。今會須旭。日捧扶桑。太簇正操權。快睹春風吹細栢。

結語

某。兢惕霜威。奉揚風采。荷栢葉之旃幟。呈椒花以祝頌。
所願袖中五色。補天。輸寅亮之謨。階上六符。爨鼎幹陽
回之軸。

殿飫五辛。僭獻大椿之歲。沉醅九醞。敢忘寸草之春。伏
願磐柱昂昂。映蒼精于左角。帶裘剌剌。輝瑞氣于東郊。
銷金甲以赴農祥。五兵罕試。秉玉衡而襄帝祚。六符常
明。

衣冠回象。使星歸作台星。玉節青春。端月肇基。卿月揭
窮陰初明之日。回異域不到之春。麟筆紀元。麟閣之舊
勳若磊。流辰開旦。虎符之新節自崇。

五雲在望。同草木以向榮。四序惟調。睇霓霄而忭舞海
宇蒼生。共沐雲天之蔭。庭除綠草。長隨曉日生芳。遙荐
辛盤。俯申葵悃。伏願坐爨六符。丕建台衡之業。游登三
事。允孚地天之交。

斗柄東而天下春。登世于南山十有玉燭調而四時順
頌君惟天保九如。

燈夕

梁藺文有列燈。陳後主有光壁殿。上元遙詠山燈
詩。唐明皇先天中。東都設燈。文宗開成中。以燈迎
太后。則是唐以前。歲不常設。乾德五年。詔上元張

燈舊止二夜朝廷無事區宇又安乃當年穀之豐
登宜縱士民之行樂其今開封府更放十七十八
兩夜燈史記漢祀太乙以昏祠到明今人張燈是
其遺意。

丁

漢武時有丁媛製龍鳳巧燈。

金吾

西都雜記金吾專禁夜行元宵許金吾弛禁蘇味道詩
火樹銀花合星橋鐵鎖開暗塵隨馬去明月逐人來遊
騎皆濃李行歌盡落梅金吾不禁夜玉漏莫相催

影燈

洛陽元夜以影燈多皆爲上其相勝之詞曰千影萬影
開元初術士葉法喜引玄宗西京府睹影燈以鐵如意

換酒翌日驗之果然又駕虹橋廣陵看燈士女皆仰面
曰仙人現五色雲中帝大悅勅奏霓裳羽衣之曲後數
日廣陵果奏其事。

鰲山

漢元夕造九華燈唐韓國夫人造百枝燈趙宋開封府
縛山棚對宣德樓置燈萬盞皆回神仙故事詩雙鳳雲
中扶輦下六鰲海上駕山來。

金鎖

崔液詩玉漏銅壺且莫催鐵關金鎖徹明開誰家見月
能閑坐何處聞燈不看來。

金鑪

如來置金床上天人散花奏樂遶城步步燃燈十二里
唐睿宗置燈輪二十丈使宮女民婦踏歌。

燈輪

六月餘員卷之六

日鷺

玄宗元夕設臨光宴于常春殿白鷺轉花黃龍吐水撒
深紅錦荔枝千萬顆令宮人爭拾又有金鳧銀燕

牙旗

古詩牙旗穿夜市鐵馬響春冰又通雷狼蠟暗終日虎
牙閑又壓地樓臺春富貴揭天歌鼓夜風流又不見星
橋開鐵鎖似聞雷鼓震銅丸又日月潛移不夜天烟花
併作長春國又陳沂詩曾教胡女飲飲舞細按吳兒婉
婉歌又郭詩九陌蓮燈影千門月下華

鬼工

范至能詩吳臺今古繁華地偏愛元宵燈影戲壘玉千
絲似鬼工剪羅萬眼人力窮

對天

陳列詩富家一椀燈大倉一粒粟貧家一椀燈父子相

對哭風流太守知不知惟恨笙歌無妙曲

傳棋

玄宗上元登樓貴戚例有黃棋相遺謂之傳棋

敲更

禰衡被魏武謫為鼓吏元夕試鼓援桴作漁陽摻

角觝

隋都邑百姓正月十五作角觝戲

火蛾

金門事節云元夕造火蛾相戲

麵餌

開元遺事上元造麵餠書爵位字置其中高下相勝為

戲

紫姑

異苑云紫姑本民間妾為大婦所逐元夕感忿死世人
作其形于廁是夕迎之以上休咎

藝室

續齊諧記吳縣張成夜見美婦立宅東南角謂曰此地

六月餘員卷之六

奪關

是君蠶室我地神也。元夕作白粥祀我當令君蠶百倍。
夢溪筆談云狄青宣撫廣西儂知高據崑崙關青至賓
州元夕大張燈燭享將佐更漏初下青稱疾入內合孫
元規暫主席數使人勞座客至曉未敢退忽馳報是夜
三鼓已奪崑崙客皆駭。

西六
起語

玉律回春十二都城張錦繡金吾弛夜三千世界擁笙
歌燈月交輝士民胥慶。
交輝燈月符天上之有清光同樂官民美城中之多喜
氣母虛美景借奉賞心。

春浦和門燈炬爛群芳之焰景舒樂國絃歌謫萬戶之

銀語

音蓋歲災不及三分轉覺吳中之多勝事而台榭直通
千里適符天上之有清光。

水晶疑質水鑑懸空花散十三城儼如來之覺路燈輪
二十丈聽士女之踏歌銀燕金鳧喜六鰲駕山海上星
橋鐵鎖仰雙鳳扶輦雲中官衙一路種金蓮不數花開
琪樹夜席滿階拋錦荔恍疑人在蕊宮九陌千門月夕
千金一刻春雷。

春生六合燭照八方鳳扶輦下彩雲星落半天鰲駕山
來黃金價高一刻白鷺轉花黃龍吐水放九陌之蓮燈
千絲疊玉萬眼剪羅映千門之華月鐵鎖開不夜之天

清談語

正好挹漿北斗。銀花照長春之國。還期借漏東皇

天賜良霄。人卜其夜。我有嘉賓。螢火分鶉中之照。正月

中既見君子。龍光射箕尾之墟。有此樓臺富貴之春。席

貧不覺相逢。歌鼓風流之夜。客醒何為。夙戒星橋豫對

春海。

星橋開鐵鎖。度噦噦之鸞聲。火樹合銀花。照厭厭之燕

飲。座中無盛饌。侈言荔子干紅門。外有繁華。襲得羽衣

一曲。

燈嫌月淡。連天照。花為春寒。傷火開。光生火樹。春如海

影。徹冰壺。夜若空。火樹借風。先得煖。銀花向月。一齊開

警

神光到處生雲片。紫氣疑時作錦裁。

春蛾親火。夜蝶迎花。如闢虹橋。正角傳棋之節。方開火

樹。能無傾藿之思。伏願天賜官民同樂之期。鏡開几席

合歡之照。慧眼烘天蠟炬。田元均治成都人稱照天蠟炬恩波溘地陽

春。

一篝寒燭。隨馬暗塵。幸日月開不夜之天。如花柳長

春之國。有心傾藿。聊爾傳棋。伏願與民偕樂。恩波滿地

陽春。執法無私。慧眼照天蠟炬。迎春氣以兆豐年。諒無

假登花之巧卜。建洪勳而躋峻秩。知不虛麵壘之新撰

端午

俗呼天中節。道書謂地臘。

角黍歲時記以菰葉裹粘米。謂之角黍。取陰陽包裹之義。續齊諧記。屈原五日投汨羅。楚人哀之。每以是日貯米竹筒。祭之。漢建武中。長沙歐迴。忽有一人自稱三閭。謂曰。君當見祭。甚善。但苦蛟龍所竊。若能以楝葉塞其上。以五綵絲縛之。此二物蛟龍所畏。回依其言。後遂襲之。又開元遺事。端午。宮中造粉糰。角黍貯盤中。以小角弓射之。中者得食。

競渡俗傷屈原之死。用舟楫拯之。至今為競渡之戲。

辟兵五日。以綵絲繫臂。謂續命縷。能益人壽。一名條脫。一名

辟兵。

虎洛陽端午。作木羨艾酒。或縛艾為虎。刻蒲為人。削桃為印。懸門戶。以禳毒氣。

蘭湯大戴禮。五日。以蘭湯沐浴。

臭漢制。五日。捕梟為羹。賜群臣。食之。止妬。

蟾蜍五日。取蟾蜍。可已惡疽。東行。螻蛄。治產難。蟾蜍一名肉芝。

鬚軍中。以端午。走馬。謂之躡音柶。

鬚宋謝靈運。鬚美。臨刑。施為南海。祇洹寺。維摩像。鬚。唐中

鬚宗朝。安樂公主。五日。鬚草。欲廣異物。今馳驛取之。又恐

鬚為他得。因剪棄其餘。

鏡龍

天寶中。楊州進水心鏡。背有盤龍。先有老人。自稱龍護。俄失所在。匠呂輝。移爐以五日于揚子江心鑄之。背龍頗異。後旱。祀之乃雨。

陽扇

唐太宗謂長孫無忌曰。五日舊用服玩相賀。朕今各賀君飛白扇二枚。庶動清風以揚美德。

曹娥

曹娥父盱。漢安二年五日。溯濤迎神。没于江。娥年十四。哭十七日。遂投江死。後三日。與父尸俱出。

田文

田文。王鳳。王鎮惡。胡廣。紀邁。崔信明。俱五日生。

眉黛

五日觀妓詩。眉黛奪將萱花色。紅裙妬殺石榴花。

飛語

朱明素。今聿颺。離見之光。鶉晉司權。適際天中之節。踢

盛陰微卦八八而逢。姤日。水星火節五五為端。陽乾遇乎巽。今節方屆天中。帝見乎離。繁祉畢歸。幕下。夏為長物之府。野合棠陰。南有薰風之來。藩開樾蔭。綵繩表瑞。金縷呈祥。

蒲劍指妖。訝明庭之生。屈軼。龍舟鼓浪。喜炎海之無縱。鱗家迎地。臘之祥。人賀天中之節。

朱明布。今薰風阜財。毒氣金銷。何煩艾虎。江心呈瑞。堪鑄鏡。龍俗尚辟兵。霞落五絲。龍續命。軍仍躡柳。雲奔千騎。正揚威。

江海為池。乾坤作鏡。許仲元詩。合照乾坤共。帝見乎離。

離火揭陰窺之燭乾遇乎巽卦巽風阜東南之財半壁

關河洗甲競飛鳥之渡競渡詩棹爭飛鳥疾標奪彩龍回三千組練接

醪奪龍彩之標花向帳前開應有苜華九薦鑑從江上

鑄光來鍛鍊百銅王禹玉詩紫閣曠曉隱曉霞瑤墀九薦御草華何時又進江心鑑試與君

王却衆和傳墨卿詩云百鍊鑑從江上鑄五時花向帳前施

槐龍舞夏轉晴光于一陰之時艾虎生風爭炎氛于五

嶺之表紫薇翻玉桂粵西名桂林爛熳開帳前之花金鏡朗

冰壺清光烟江上之鑄

三千組練絲成衛館命初長數萬心胸繒帶珠囊兵自

辟雄奪標之貔虎狼烽沉斥堠之紅帥競渡于灘湘蠻

草長關河之綠菱花與朱靈合壁驅盡神奸赤符偕金縷同穿無煩鬼字

艾懸鈴閣之旗旗旒蔽丹雷之影蒲掛齊壇之劍鋒芒

爛清海之光角牙射金盤之忝樂事勝于奪標靈符敵

桃印之扉壯猷藏于闔草四郊無壘頓教瘴癘空嵐五

嶺皆炎化作清涼上國

播清韻于槐堂萬官解温嘘薰風于公府四境生涼青

蒲泛酒太和醞釀于民間紫艾揚芬順氣流通于里閭

蒲酒盈觴咸醉太和至治蘭湯方浴悉占民德維新

頌德敢忘乎沐蘭角技不爭于闔草所願調臯陶之鼎

籥歐陽脩端牛詩但得臯陶味禹玉之瑤墀。五日午時籥調鼎籥自然災沴變休祥

畜三年之國艾。一絲一歲獻萬縷于君王。章蘭公詩一絲增一歲萬

縷獻君王

仰襲蒲芬。願上五絲長命縷。優沾蘭沐。何須重佩辟兵

符。地阻摳衣。情深續縷。一扎輸忱于蒲筍。三薰恪勒乎

竹槭

菖酒泛堯樽之綠。一盃何時。菰絲縈楚粽之香。千里明

月。花向帳前開。日永周軍之柳。銅從江上鑄。風清馬氏

之標。周亞夫細柳馬伏波銅柱

七夕

道家謂道德臘

牽牛。一名河鼓。聲轉為黃姑。在河西。織女。一名天孫。在

河東。謂之雙星。續齊諧記。桂陽武丁有仙道。謂弟曰。七

夕織女當渡河。諸仙悉還宮。弟曰。織女何事渡河。武曰。

暫詣牽牛。世遂傳織女嫁牽牛。淮南云。烏鵲填河而渡。

織女。獨異志云。秦併六國時。太白星竊織女侍兒。梁玉

清衛承莊逃。入衛城小仙洞。四十六日不出。天帝怒。命

五嶽搜捕。太白歸位。衛承莊逃焉。玉清子。名子休。玉清

謫春北斗下。其子配河伯行雨。

郭子儀見天上駟車。誘幄中。有美女。自空而下。郭拜祝

曰今七月七日。必是織女降臨。願賜長壽富貴。女笑云。大富貴亦壽考。後如女言。

夜陳瓜果酒脯于庭。祀雙星。祈者感懷私願。

漢景帝王美人以乙酉七夕生武帝于倚蘭殿。

漢武七夕燃九微燈以候西王母。母至獻桃七枚。帝欲留核種之。母笑曰。此桃千年花。千年實。指東方朔曰。是兒三偷桃矣。又漢武故事云。七夕上在承華殿。忽一鳥西來集殿前。朔曰。此西王母欲來也。有頃母至。有二青鳥侍側。

王子喬謂桓良曰。告我家。七夕待我于緱氏山頭。至時

乘白鶴在山頂舉手謝時人去。

六安治師陶安公行火。有朱雀止台上。曰。安公安公。治與天通。七月七日迎汝。赤龍龍至。安公騎之上升。

王遠字方平。七夕降蔡經家。遣人招麻姑。至則指瓜長數寸。經意可爬癢。忽有鐵鞭經背。

唐玄宗與貴妃避暑驪山宮。七夕夜半。妃獨侍。上凭肩密誓。願世世爲夫婦。

洛陽乞巧節。造明星酒。裝同心繒。唐宮中各以蛛蜘蛛納小金合中。至曉開視。絲疎密爲得巧多少。

荆楚婦人結綵樓。穿七孔針。劉遵詩。向光抽一縷。舉袖

彘鼻

弄雙針。梁簡文詩。針歌疑月暗。縷斂恨風來。

曬書

晉阮咸字仲容。與籍居道南。諸阮居道北。北阮富而南阮貧。七夕。北阮盛曬衣服。錦綺燦目。咸以竿揭大布犢鼻褌。于庭曰。未能免俗。聊復爾耳。

郝隆。七夕。見鄰人曝衣。隆乃仰卧出腹。云曬書。

四六起語

巧乞天孫。佇望綵軒于天界。信先青鳥。儼隨鸞馭于漢庭。民游悅豫之辰。時當道德之臘。

自叙語

曝無郝子之腹。竿有阮家之褌。天上良緣。恩踰鵲翼。人間得巧。喜放蛛絲。

中秋

望舒

望舒。織阿。皆月御。結璿。奔月之仙。故曰鬱儀。亦又與日

同居。結璿。黃文與月同居。又羿請不死藥于西王母。羿

妻嫦娥竊以奔月。又月姓文。名申。字子光。

穴鼻

乾鑿度曰。月三日成。鬼八日成。光蟾蜍體。就穴鼻始。明

穴。决也。决鼻。兔也。

瓊樓

酉陽雜俎云。翟天師玩月。或問此中何有。曰。可隨吾指

觀之。見月中瓊樓金闕。滿焉。

修戶

太和中。有人遊嵩山。見道卧者。因就問之。笑曰。君知月

乃七寶合成乎。其凹處。常有八萬二千戶。修之。我其一

也。因以斤鑿示之。月中桂高五百丈。下有一人斫之。其

人姓吳名剛。西河人。學仙有過。謫伐樹。桂實常爲飛鷄。嘶擲江東諸處。每于路衢得之。

地影

月中有物婆娑者。山河影其空處。海水影。釋氏謂須彌山南有閨扶樹。月過樹影入月中。漢徐孺九歲人戲曰。月中無物當極明。孺曰。譬如人有瞳子。

方諸

淮南云。方諸。始見月。則津而爲水。畫蘆灰而月暈缺。

畫矣

堯階。莫草。遇朔生一莢。至望滿十五莢。既望落一莢。至晦而盡。

喘

吳牛作勞。望月而喘。

影娥

漢武起俯月臺。下穿池。曰影娥。

簷樓

晉庾亮在武昌。諸佐史乘月共登南樓。俄而亮至。諸人欲避。亮曰。少住。老子于此興復不淺。遂共談詠。

泛渚

晉謝尚鎮牛渚。秋夜乘月泛江。會袁宏在舫中。諷詠。尚卽迎升舟。與之談論。達旦。

清嘯

劉琨在晉陽。爲胡騎圍。琨乘月登樓。清嘯。賊聞而退。

良寫

明皇遊月宮。榜曰廣寒清虛之府。素娥十餘。皆乘白鸞舞桂樹下。歸按其調。作霓裳羽衣曲。

天柱

瑣碎錄。中秋苦雨。獨天柱峯有月。

四六
走語

瓊樓迥碧。香分金粟于天邊。玉宇澄空。影徹水壺于海上。仰八閩之手搗。際萬戶之星臨。

雲作奇峯。共識文章于天匠。風生北牖。恍躋身世于羲皇。幸垂護于卿雲。敢忘情乎華月。

萬里共長天。光分金鏡。兩藩瞻霽月。烟淨水壺。三五良霄。一年好景。

明疑秋漢。操湛寒潭。朗玉燭于神機。熒煌六合。懸水晶于智府。蕩漾九垓。茲者三秋方半。五夜初長。瓊樓高處。不勝寒牙。旗北拱璇宇。無塵驅去暑。瘴癘南銷。桂影扶疎。萬戶衣砧。初起笳聲。寂寞六花圖陣。胥閑風露。祭品英。墨吏驚月波之鑑。星辰讓光彩。蒼生喜雷朗之陽。

胞于重閭。遊以廣寒。萬里無雲。一片光暘。境界中心有

月。四時光霽。襟懷起蘋末之清風。火雲歸岫。承莖頭之玉露。秋草還春。喜天上十分。方諸之水。同滿快人門。三五玉兔之藥。可分。

重開化日。一路福星。銀漢漾三萬頃之玉波。駕白鸞而搗玉兔。瓊樓發五百丈之金粟。舞霓裳而披羽衣。挈八閩遊天柱之峯。同瞻紫氣。群萬戶登廣寒之府。共適清虛。揜之依末座者。爲庾公之鶴樓。奉緒論者。有袁宏之牛渚。

某瓠而無客。匏而不食。畏若吳牛之喘氣。同海蛤之盈修宮之斧。未操竊藥之奔敢效。

腹無海蛤之盈望。有吳牛之喘。登樓失陪不淺之興。泛
渚未奉申旦之談。徒竊桂枝。勤磨月斧。敢私芹獻。特佐
星筵。

某烏鵲自多驚。樓卑懷悚。白蟾同此照。海濶嘶恩。固知
興溢南樓。未效漿陳北斗。素娥臨虎帳。何用挽天河。以
洗甲兵。丹葢馥鶯村。到處湛露斯。而厭夜飲。此生此夕
長好。明日明年再看。

心隨上獻。宛如陪玩月于峰頭。足佇東巡。卽欲遵餐霞
于洞口。

明月在望。團扇懷人。銀河有如練之篇。西園無可飛之

答語

葢。

流光過眼。能幾日。又中秋。佳節可人。况千里。共明月。不
得陪南樓之興。乃蒙惠北海之樽。對皓魄而自斟。空成
三影。臨清風而注想。重感百朋。

重陽

九爲陽數。日月並應。俗宜其名。此重陽之義。唐貞

元四年。詔正月晦日。二月三日。九月九日。三節任

百官遊賞。正月晦日。後改二
月朔日。爲中和節。

周官籩人云。羞籩之實。糗餌粉養。方言。餌謂之糕。或謂
之養。葢重九日所設。嘉話錄云。袁師德。給諫高之子。九

食糕

日出糕。謂坐客曰。某不敢食。俛首久之。以父名高也。聞見錄云。劉夢得欲用糕字。作九日詩。以不經見。不復作。宋子京九日食糕詩。飈館輕霜拂曙袍。糗糒養花飲鬪分。曹劉即不敢題糕字。虛負詩中一世豪。

菊酒

漢武宮人賈佩蘭。于九日佩茱萸囊。食餌飲菊酒。云今人壽。

白朮

陶潛九日坐東籬菊下。頃白衣人至。乃王弘送酒。

菊歌

唐學士韋綬疾。還第德宗九日作黃花歌曰。安可不示。韋綬即遣持示綬。綬和奉進。

雁聲

宋潘大臨秋來清卧。聞攪林風雨聲。遂起題壁云。蒲城。

戲馬

風雨近重陽。忽催稅人至。竟不成詠。

南齊書云。宋武帝爲宋公在彭城九日登項羽戲馬臺。因以爲故事。

登高

續齊諧記。汝南桓景。隨費長房學。長房曰。九日汝家有厄。今家人作絳囊。盛茱萸繫臂。登高飲菊酒。可解此厄。桓如言。登高還見鷄狗牛羊俱死。

臈館

南齊高祖蕭道成。登高臈館。

嘉帽

晉孟嘉爲桓溫參軍。九日桓遊龍山。諸僚畢集。風吹嘉帽落。不覺如廁。溫命孫盛嘲之。置嘉坐處。嘉還見之。笑請作答。了不容思。

歷

唐王勃過鍾陵省父九日都督閻公大宴滕王閣預命其婿作序因出紙筆徧請客勃了不辭少頃成文坐客大駭

講武

南齊以九日講武

燕經

晉康寧三年九日上講孝經謝安侍坐陸納卞毓執讀謝石袁宏執經車徂王温摘句

射雁

唐明皇九日獵沙苑射飛雁帶箭西去益州道觀有徐佐卿寄寓忽持一箭歸曰吾行山中為飛箭所傷因掛箭于壁書日月且云後十年箭主到此付之明皇幸蜀至觀見箭

七七

四六
起語

潤州鶴林寺杜鵑花或見女子遊花下時周寶鎮浙西謂道士殷七七曰鶴林寺花可開副重九乎殷曰可乃前二日往寺女子謂殷曰今為道者開之至九日爛熳節以維三樂事番貞元之賞陽當重九矩方尚少皞之司萬寶告成于黃金伊人竚想于白露

序屬三秋尚煩執矩之治陽逢九日能無糗餌之遺景看孤鶩帶鴉飛情逐賓鴻隨日至

玉宇瑩瑩天上清光浮碧水金風颯颯人間樂事寄青山詩盈戲馬之臺賦就高颺之館

嶺金

再節橫霜千里瘴雲淨掃正繩肅兌九天惠露一新睭

懷採菊之清風。况值佩萸之佳序。人兼四美。遙知興滿
龍山。天各一方。空見霞飛騰閣。北殿傳棋。鷹天寵于韓
圃。秋容之上。南陬納稼。濟民生于胥中。萬寶之中。
蟋蟀依人。菊一二花。秋正好。菴葭極目。雁三四字。日初
斜。資眺臨。則秋水長天一色。問涼燠。則金莖玉露同清。
鴻雁初來。帶影布驚寒之陣。杜鵑特放。回光借爭麗之
春。處處遊高明之域。奚煩避厄之登。人人。在仁壽之天。
何假囊萸之佩。

文以執經對飛龍。而揮塵。武以講射。登戲馬而歌風。紅
霞白露。偕沆瀣之氣。以俱流。碧水藍天。與空明之心。而
一色。佩以茱萸囊。直扶人于難老。飲以黃菊酒。直醉我
于上池。

白雁催秋。拂層雲而競響。黃花應節。冒九日以爭開。羈
懷欲遣。恨無白衣剝啄之聲。同調堪憐。賴有彩筆縱橫
之侶。寒苜蓿以為羞。解鷓鴣而換酒。冀賜停車之願。少
追落帽之歡。漫把茱萸。試問明年誰健。同拈鸚武。忍令
此日獨醒。倘許班荆。當先擁篲。

某識如夢。得不敢題。餽興似大臨。未能續句。山頭紫氣
藉避厄于長籬。下白衣敢忘乎靖節。

奉黃花之歌。未先青綬。陪龍山之燕。獨後孟嘉。孤鶩落

霞不能作賦。白衣送酒。徒有其懷。

冬至

冬至一陽生于卦為復。曰三至者。陰之至。陽氣始至。日南至也。曰三極者。晝漏極短。去極極遠。晷極長也。魏晉冬至百官稱賀。儀亞于歲朝。

履長 玉燭寶典云。周正月建子。冬至日南至。景極長。律當黃鍾管最長。故有履長之慶。曹植獻履襪頌曰。亞歲迎祥。履長納慶。又崔浩女儀。近古婦人常以冬至上履襪于舅姑。踐長至之義也。

照三 周禮。冬至晝極短。日出辰入申。照三不覆九。夏至晝極

長。日出寅入戌。照九不覆三。照二者。南二方。巳午未也。不覆三者。北三方。亥子丑也。

書雲 分至。咸閉必書雲物。然左傳。僖五年。日南至。公視朔。遂登觀臺而書。又感晴符。冬至有雲迎送日者。來歲美。則冬至至。獨用書雲。未為偏失。

添線 唐宮中。冬至後。繡工日添一線。杜詩。刺繡五紋添弱線。吹茄六管動飛灰。

應 調律者。度竹為管。蘆茄為灰。冬至夜半。黃鍾以應。易復象傳。先王以至日閉關。以養微陽。

從祭 易通卦驗曰。冬至。人主與群臣從樂五日。庶民亦從樂

五日爲迎日至之禮。注從就也。

養

晉周顛母絡秀冬至舉觴賜三子曰汝等並貴吾復何憂少子嵩曰恐不如尊旨顛志大才短非自全之道嵩性直不容于世阿奴碌碌當在母目下耳後果如言子仲

謨小字阿奴

四六

亞歲迎祥重室飛葭春百粵履長納慶五紋添錦燦三軍紀綱與關閉同嚴福祉緣瑄吹愈茂

陰遜乎陽君子之道正長天開于子師中之吉方來萬物未生圖潛八陣一陽初動氣作六師

玉節疑祥肇應一陽之候珠星紀瑞預占百祿之適結

繡線以舒文知隆福隨剛浸長倚瓊臺而望氣美吾道與日俱南

道啓元陽今節來迎長之候景開南陸嘉休協助順之辰

至望同辰雲薄翠微之曉陽和動地天開碧落之春維承泥師帥之尊膺自天戩穀之慶

炭鐵察低昂早覺微陽之入治鼓鈺聽遠近懸知大霧之臨邊春光漸洩于路榆雲彩方浮于臺栢

曉奏觀臺蒼籙紀五雲之瑞陽生化國洪鈞轉一氣之春資生啟籥之仁盡入迎圭之景

六月餘頌卷之六

十六

律始黃鐘。肇六律相生之韻。日躔析木。當一陽來復之
茂對剛辰。誕膺繁祉。

斗北中而建子。曆肇應于周效。日南至而逢辛。書允符
于魯觀。

雷在地中。葭飛緹室。子為天統。梅報先春。

德配陽剛。氣排冬凜。冰凝漕下。既曉行湘水之春。雷復

地中。卽夜對宣麻之席。日添紋線。已催補袞之工夫。春

上煖枝行。繼調羹之手段。

溫如圭日。清徹壺冰。昌期喜報干。陽來盛德益。媿于剛

長。交三日近。遙知宮線之添。尺五天低。趣侍宸旒之邃

情映雪車。光澄月壁。黃堂晝永。運陽開陰。闢之機。画戟

香凝收時。和歲豐之效。煖回寒谷。人樂熙臺。茲占雲物

之祥。卽見天心之近。

方排閭闔。呈琅琊以來。鷓鴣集九雷之曉。乃羞崑崙薄

蓬萊而去。貔貅飽萬竈之烟。履逢日月之會。占在利見

大人。復見天地之心。福生道長。君子。

心會陽宗。身扶天統。仁風吹萬。飛揚同六琯之葭。灰福

澤加長。增益比五紋之繡線。鼓籥分陰陽之消長。閉關

助天地之收藏。

子握微宗。建子實二微之宗道扶天統。瓊臺望氣。桂林

珠海雲開鈴閣延禎。錫盾瑯戈日永。蓋天地之心始。見陽長陰消。乃君子之道方亨。文庶武飭。帳前細柳。行行漏泄春光。嶺表芳梅。片片氤氳。冬旭三千虎豹。聞黃鐘而氣吐金霓。百二山河。濡玄酒而風調玉燭。

量包元氣。心見先天。專五候九伯之征。逢七日一陽之復。鈴閣迎春光于子半。丕肇昌辰牙旗掛冬日于初長。宜其遐福。吹葭琯之灰多。土温如挾纊。沛玄酒之潤三軍。醉若接醪。閉內安外攘之關。晏南服西陲之堵。

弘包納于群生。已擴收藏之府。露好生之一念。式符天地之心。錦胸益線文章。增黼黻之華。玄竅吹葭。粹白洗壘氛之俗。陽從道長。開泰階有象之平。化與時亨。綿國祚靈長之曆。

某中。忠慚逐日。學愧通時。曝大地之餘暄。負背胡能以獻臆。聆委衢之沸壤。陳言聊代以鳴。衷仰冀春涵。俯垂靈照。

某。遭時七日。藉庇二天。煖入孤根。已動揚州之梅。興曉傳殊渥。喜聞詞掖之芝香。愧與賀并。言非意盡。

才同畧短。質等灰輕。欣逢天開之運。而難追已往之愆。幸趨日至之期。而敢藉將來之美。頌禱光于庶民。不坊從樂。瞻依切于望歲。竊比書雲。伏願普照三之末耀。廻

添一之餘光。庶寒灰不死。冷谷陽生。

甚慚玩歲。又見書雲。襪線無一絲之長。裘帶分重緹之
庇。恭逢長節。聊徂貢短箋。山意放梅。問隴頭之消息。軍
聲破竹。觀嶺表之太平。

濫竽年末。糜粟歲華。快睹魯雲。得親趨日。伏頌轉寒燠。
根芟雪裏。春前放煖。續短長紋縷。軍中闕外。緜齡乘此
商旅之不行。復古漁梁之無禁。俾群陰排于冬肅。今萬
物趨乎春生。由微陽以至盛陽。茂對復亨之烈。幹南斗
以旋北斗。預占鼎輔之華。遙瞻卿月。否戴使天。吹鄒律以破寒。覲放梅梢之煖。朝

漢宮而迎至。倚飛芝字之香。

六朝餘韻
貞



國立中央圖書館 NATIONAL CENTRAL LIBRARY, TAIWAN, R.O.C.



餘韻分目

姻聯

六禮

乃字

鹿反

烏羊

執斧

水人

月光

藍橋

玉鏡

蕭史

鳳卜

朱陳

張負

坦腹

無盪

金屋

紅線

詠雪

參軍

荆帚

賣犬

乘龍

快婿

玉潤

雀屏

作楹

起語

頌語

答語

請燕

星期

歸娶

生男

白鹿

太白

華渚

玉燕

夢蘭

夢虜



| | | | | | | | | | |
|----|----|----|----|----|----|----|----|----|----|
| 誕孫 | 起語 | 軒渠 | 鳳毛 | 聖兒 | 萬石 | 雙珠 | 有後 | 揆環 | 學子 |
| | 頌語 | 寧馨 | 無功 | 奇童 | 橋梓 | 白眉 | 五之 | 之無 | 文閣 |
| | 季子 | 舞勺 | 金錢 | 項橐 | 玉樹 | 五桂 | 五男 | 緇郎 | 商瞿 |
| | 五子 | 燕媒 | 湯餅 | 辨日 | 跨竈 | 三槐 | 三鳳 | 夢鈴 | 伯魚 |
| | 六子 | 宜男 | 弄麈 | 家風 | 鳩車 | 王金 | 八龍 | 添丁 | 石麟 |
| | 結語 | 多男 | 玉果 | 龍文 | 鼠獄 | 鳴珂 | 三珠 | 童烏 | 懸弧 |

科名 有考

| | | | | | |
|----|----|----|----|----|-----|
| 天府 | 計偕 | 雷陳 | 秀才 | 二龍 | 孝廉 |
| 貢身 | 棘園 | 槐黃 | 鵠立 | 鸚薦 | 龍虎 |
| 雁塔 | 鰲戴 | 朱衣 | 青錢 | 燒尾 | 泥金 |
| 櫻桃 | 進士 | 桺汁 | 桃李 | 欝輪 | 阿房 |
| 五色 | 席帽 | 冬烘 | 莊荒 | 新郎 | 隔面 |
| 蓬萊 | 龍蛇 | 綠袍 | 攀桂 | 看花 | 孫山 |
| 千佛 | 衣鉢 | 沆瀣 | 玉筍 | 入殼 | 四入庠 |
| 賓興 | 入簾 | 鹿鳴 | 孝廉 | 進士 | 狀元 |
| 榜眼 | 登第 | 自叙 | 座主 | | |

國家圖書館, NATIONAL CENTRAL LIBRARY, TAIWAN, R.O.C.

武舉 有考

六入簾 鷹揚 序齒

六朝餘韻卷之七

海虞王良臣 忠亮父纂輯

姚宗儀鳳來父 增補

同邑 鄔 驚善吉父 校

建安門人 柯榦輔太備生錄梓

姻聯

納采問名。納吉。納徵。請期。親迎。六禮不備。貞女不行。

易女子貞不字。十年乃字。字許嫁也

古以鹿皮為聘禮。

王敬弘以女適孔淳之之子。以烏羊繫所乘車轅提壺

六月余員袋之七

書方藥現第

國家圖書館 NATIONAL CENTRAL LIBRARY, TAIWAN, R.O.C.

爲禮。至于盡歡。

詩。伐柯如何。匪斧弗克。取妻如何。匪媒弗得。故訛媒爲執斧客。

水人

晉。今狐策夢立水上。與水下人語。策曰。爲陽語陰。媒介之事。會太守田豹。因策爲子求張公徵女。

月老

唐。常固旅宋城。遇異人。向月檢書。固問囊中赤繩。老人曰。以繫夫婦足。君妻乃此店北賣菜陳姬之女。固見抱二歲女于稠人中。因刺傷眉間。後十四年。叅相州軍事。刺史王泰妻以女。眉間常貼花鈿。逼問曰。妾郡之養子。父卒于宋城。幼時乳母抱以鬻。蔬爲賊所刺。宋城宰聞

之名。其店曰定婚店。

藍橋

裴航遇雲翹夫人。與詩云。一飲瓊漿百感生。玄霜搗盡見雲英。藍橋便是神仙窟。何必崎嶇上玉京。後過藍橋渴。向一老嫗求漿。嫗令雲英持漿飲之。航欲娶英。嫗曰。得玉杵臼。當與。後航得玉杵臼。遂娶而仙去。

玉鏡

晉。溫嶠從姑劉氏女。姿慧。姑屬嶠覓婚。他日報曰。得婚矣。婿身名宦。並不減嶠。因下玉鏡臺爲聘。姑大喜。旣婚。乃嶠也。女手披紗扇。大笑曰。我固疑是老奴。

簫史

簫史吹簫作鳳鳴。秦穆公妻以女。名弄玉。後雙鳳集其樓。夫婦俱乘鳳去。

鳳

陳公子完字敬仲奔齊懿氏卜妻敬仲占曰吉是謂鳳凰于飛和鳴鏘鏘五世其昌並于正卿

朱陳

漢時朱陳兩姓住一村世為婚姻

張負

鄉人張負以女孫予陳平曰固有美好和平而長貧賤者乎

馮廩

晉却鑿使人求壻于王導導令過觀諸子弟眾皆矜喜惟羲之坦腹東床嚙胡餅自若遂妻羲之

無鹽

鐘離春者齊無鹽氏之醜女也自詣宣王陳時政王拜為后世說云刻畫無鹽唐突西子

金屋

漢武幼時景帝問兒欲得婦不長公主指其女曰阿嬌

好不曰若得阿嬌當以金屋貯之

紅線

唐張嘉禎欲納郭元振為嬌曰吾五女俱有姿色各持一紅線于帷後振牽一線得第三女

白雪

晉謝安集內庭安曰白雪紛紛何所似兄子胡兒曰撒鹽空中差可擬兄女道韞曰未若柳絮因風起道韞適

王凝之同郡張玄妹適顧氏有濟尼者遊二家曰謝夫人神情敞朗有林下之風顧家婦清心玉映自是閨門之秀

赤軍

王渾妻鍾氏子濟趨庭而過渾曰生子如此足慰人心鍾曰使新婦得配參軍生子故不趨如此

參軍謂混弟淪

荆帚

晉庾袞。兄女芳。將嫁。割荆為箕帚。曰。芳乎。汝少孤。汝逸。汝豫。不汝瑕疵。今女適人。將事舅姑。洒掃庭內。婦之職也。又呂公見漢高。曰。臣有弱息。願奉箕帚。

賣犬

昔吳隱之嫁女。謝石知其貧。乃令移厨帳。助其經營。使者至。方見婢牽犬賣之。此外蕭然無辦。

乘龍

漢黃憲與李元禮俱娶桓叔元女。人謂兩女俱乘龍。杜詩。女婚近乘龍。

快婿

郭瑀曰。吾欲覓一快婿。爾雅曰。兩婿相謂曰亞婿。亦曰友婿。同門婿曰僚婿。

三潤

晉衛玠婦翁樂廣並有重名。人謂婦翁冰清。女婿玉潤。

雀屏

唐竇后父。画二孔雀于屏。今求婚者射之。高祖射中。口遂娶后。

作楹

楊妃傳。男不封侯。女作妃。君看女却作門楹。

采婚
夾語

誼重百年。吉兆早諧于鳳。歡同二姓。和聲初應于雉。求瑞謁門闈。春生渭洽。

菊剩餘輝。映鏡臺而一色。霜疑上苑。昭玉杵以齊輝。時修六禮之初盟。序屬一陽之泰候。

魚水合百年之眷。文定厥祥。鳶蘿聯兩姓之歡。卜云其吉。慚稱龍而得鳳。愧似玉以擬水。訂此初盟。詎茲穀旦。

向月檢書。徵百年之分定。迨水叶夢。成二姓之良緣。雖

王謝門高。恐或多于僭越。而朱陳義結。幸已允于攀緣。謹遵六禮。以修虔。用展一芹。而布悃。

雁贄定祥。作合既成。于二姓。鸞牋納吉。對時適應。夫三春。天人協而喜氣載揚。儀物虔而歡心斯達。

晴川赤壁。世稱文獻之邦。紫閣青氈。共結姻媿之雅。自慚非偶。妄意高門。似有天緣。敬憑月老。

頌語

恭惟親家。詩書世胃。閎閎名家。喬木盤根。久重河山之誓。猗蘭奕葉。肆開祭戟之光。乃定嘉祥。薦生賢媛。稔聞淑質。蚤服師箴。更喜齒年。能諳女誡。爰求快婿。顧及頑兒。芳閨詠絮之才。元期鳳卜。寒屋負薪之子。深愧乘龍。

學孔家。爲兄子。而擇乘龍。致陳門。因長者。而諧卜鳳。事雖由于繫足。喜實動于揚眉。第今姪媛。才擅擬騷。益勵閨闈之訓。愧季豚兒。志懷秦賦。未窺堂室之精。幸托葛蘿。敬修筐篚。錦屏雲合。陽回孔雀。以呈祥。碧漢雨收。暖動螽斯。而報彩。

小孫庸鹵。敢希四代傳封。令女幽貞。莫是五絲牽得。羞誇好合。能逃鸛雀之呼。願締良緣。適叶鳳皇之兆。如宋地二齡之女。已結姻婚。李固若泥陽六歲之男。預諧伉儷。雅重黃金一諾。欣看白璧雙成。穠矣桃李之花。並研展也。葭草之戚。斯在。卽侍侯高之朗鑒。吾女豈嫁凡夫將。

同王珣之公評。是兒何如子敬。

譽洽鄉閭。範彰姻族。堂前之椿萱。老矣桂馥。方新閩內之樛木。蔚然蘭姿。必秀小姪。黃卷儲藏。難強杜阿宜之讀紫囊。戲玩每煩。謝安石之焚旣。非千里逸駒。詎得雙眸。中雀所恃。相投氣味。聊通微意。于斧傳。乃緣胥協神人。遂接好音。于鼎諾。由儒家而聯大姓。爲姻家。金盟素垂百世。以從子而附家人。作半子。玉姓端藉。二天中郎之樂。可知雍伯之誠。宜達信誓。旦旦書不盡言。束帛交。爰儀惟及物。

家庭友順。幸齊萬石。以流誓中第文章。將並兩蘇。而振

藻向緣如蘭之臭。今爲繫栢之蘿。蓮開並蒂。懽偕池上鴛鴦。縷綴同心。麗映屏間孔雀。種出藍田。二璧結成玄浦雙珠。

海底珊瑚。肯受虹霓之釣。雲間鸞鴛。寧歸翡翠之羅。甄侯何人。叨茲寵眷。且也芳閨。才誇詠雪。適當占鳳之期。兼之小兒學步。凌雲竊有乘龍之想。極知齊鄭相懸。僭擬朱陳世誼。

觀書月下。喜聞得婦于幼年。折柳門前。幸獲問郎于同里。况龔黃並高。于地重。宜朱陳久締。于世姻。今男已學吟。龍茂著奇。童之譽。小女喜占鳴鳳。愧無幼婦之詞。好

音速報鳳樓人。此正佳婚。青春早作蟾宮客。當繼前修
洋洋喜色方新。旦旦成言始定。獨媿庸夫之身名黯黯。
居然托契于丘遲。且驚令子之頭角崢嶸。忽爾尋盟于
蔡琰。殊非伉儷。乃廁姻媿。謹延柯斧而拜嘉。聊附篚筐
以酬惠尚。佇皇都得雋。餘榮徧被于葭莩。兼祈甥館儲
祥。後祉重分夫桂萼。

繫赤繩于足上。種白璧于懷中。洽比其隣。詎曰楚南齊
北。卜云其吉。何論國富家貧。况郎君氣已軒翔。將奮鳳
皇之羽。而小女資慚。婉孌不堪。蘋藻之司。惟茲序屆。新
秋盟申。好合用玄纁。而束帛有美。大夫之儀。繫烏羊。以

提壺。無加田父之禮。如戴良之嫁五女。薄治衣裳。豈劉
擘之娶九夷。壽竒角相。蘿施松柏。永諧二姓于百年。桃
報瓊瑤。愧乏雙南。而十襲赧焉。登受率爾。拜酬未當。永
泮之期。霜含鳴雁。願奏車牽之詠。喜近乘龍。結悅有期。
御輪惟命。

金井報新秋。快覩銀河之會。彩雲呈瑞色。驚看玉杵之
梭。佳期偕令節。以相宜。人事與天時。而共協。伏願孔雀
舞星橋。翠羽雙騰于七夕。芙蓉開玉鏡。清芬並蒂于千
年。蕃衍椒條。慶敷螽斯羽。

嘉事告成。送御侈盈門之爛。德音來括。見聞誇宜室之

賢遂使新婦參軍。諧良緣而作配。實由韓公。析媪協厚。誼以主盟。宜治薄筵。用迎尊駕。俯竭滄埃之悃。仰酬海嶽之恩。穀旦于差。先時以告。惟茲初九之日。伺王母乘鸞而寵臨。載越十一之辰。邀仙翁跨鶴而光顧。列座拔高門之諸眷。連鑣會小燕之兩期。雖無旨酒。雖無嘉穀。誠意聊將于筍簌。且以喜樂。且以永日。雅情益洽于葭。葦。伏冀肯來。可勝延佇。

旌旄干氣象。敢云星聚荀。陳尊俎。暴殷勤。僭擬盟。聯秦晉。

蟾窟吐奇香。月裏嫦娥會訂約。鳳臺揚雅韻。雲間蕭史

欲諧緣。既中雀之誇先。胡迎鸞之敢後。思締百年情。縈緒。悃達再三。預滄九月景。清高。期諏廿五日。屬寅而告吉。芳蘭引出佩環聲。時臨丑以呈祥。陋室牽成絲。幙彩結禱。偉矣合。登驩然。華屋艷神仙。爭美婦。隨夫唱。洞房燦花燭。願言地久天長。

快覩銀河渡天上之星。慚無金屋貯人間之美。

黃姑織女。銀河渡天上。雙星弄玉。簫郎金屋。貯人間。二妙連理瓊枝。倚春風而鬪美。合歡錦帶。指新月以要盟。蓋侔洞府于塵寰。卽神仙不足爲樂。而等佳期于天漢。雖日月不足爲長。恭惟台下。桂林一枝。崑山片玉。年少

登朝。羨芙蓉之出匣。才高作賦。打錦繡之凌雲。茲者上書以請。暫辭鷓鴣之班。奉詔而歸。永結鸞鳳之侶。文就千言。美矣東都之才子。粧成七寶。嫣然南國之佳人。洛濱拾翠。蘭房初照。手夜珠。上國觀花。梓里况榮。乎畫錦。絳蠟映盈。塔之月色。紅綃拂滿。袖之天香。光華並耀。倚綽約而花。垂律呂相和。吹參差而鳳下。縷結同心。日麗屏開。孔雀蓮開。並蒂影。憐池上鴛鴦。生平之樂事。都兼人世之懽娛。斯極。伏願采綠道周。薦蘋宗廟。饁冀缺之耕。相待一敬。舉梁鴻之案。所重惟賢。此才鮑謝。彼美姬姜。恒禪職。荼于鷄鳴。蚤兆符占于熊夢。

生男

白鹿 白鹿入胎。生老子。昴宿降為蕭何。

太白 李白母夢太白星入懷。生白。

華渚 黃帝生虹。沅華渚。漢高生蒼龍。據腹。巨人發稷。玄鳥參

商。宋太祖生夾馬營中。異香不散。謂香孩兒營。

玉燕 唐張說母夢玉燕投懷。生說。又張昭生白鵠從雲。

燕窩 鄭文公賤妾曰燕姑。夢天與蘭。曰以是為而子。

夢虜 晉索充夢虜脫上衣。索統曰虜字去上男也。當生男。又

北齊徐之才。戲盧元明曰。卿生男則為虜。配馬則成驢。

李孛 孛孛子之相似。惟其母知之。注孛雙生子也。漢霍光產二

子光曰殷祖甲生二子以卯生鬻鬻已生良以鬻爲兄吾亦以前生爲兄

克閭 晉賈文父達晚生克曰後必有克閭之慶故名克字公閭

商瞿 商瞿年長無子母以爲憂孔子曰無憂瞿年四十後當有五丈夫字

伯鯉 孔子生伯魚適魯侯饋鯉故名鯉

石麟 徐卿生二子歌孔氏釋氏親抱送並是天上麟麟兒射義云男子生桑弧蓬矢六以射天地四方宋曹彬週歲左手取印右手提戈

晉羊祐五歲令乳母取所弄金環乳母曰汝先無此物祐卽詣隣李氏東垣桑樹中探得之主驚曰此吾亡兒所弄物人謂李氏子卽祐之前身

唐白樂天生七月能展書識之無字百試不差

崔慎由鎮西川異人曰君四十無子爲公求之終南翠微寺僧絕粒五十年君遺以服玩受之則其嗣也果受之僧尋卒生子字緇卽卽崔徵

梁任昉母夢五綵旗四角懸鈴自天而降一鈴落入懷中占曰必生才子果生昉

盧仝子名添丁欲爲國持役也後仝宿王淮第預其露

之禍。全老無髮。庵人于腦後加釘。人謂添丁之讖。
楊雄子。名童。烏鳥死。雄無子。

白樂天云。予與元微之。老而無子。今年各生一子。戲作
二什。其自嘲云。五十八翁。方有後。

王羲之。生七子。知名者五人。玄之。凝之。徽之。操之。獻之。
世謂五之。孟郊詩。羲之生五子。羲之又存之。

陶潛云。捨有五男兒。捨不愛紙筆。

河東薛收。與從弟元欽。族弟德音。齊名稱河東三鳳。
魏荀淑子八人。號八龍。而荀爽最賢。潁川為之語曰。荀
氏八龍。慈明無雙。

世稱王勔。王勳。王勃。為三珠樹。

雙珠

後漢。常康。字元將。弟仲將。孔融與其父書曰。不意雙珠。
近出老蚌。又馮梵賀人生子。曰。欣得掌上一珠。

百眉

蜀馬良兄弟五人。諺曰。馬氏五常。白眉最良。

五桂

宋。燕山竇禹鈞。五子。儀儼。侃。僖。馮道。贈詩曰。靈椿一
株老。丹桂五枝芳。禹鈞為尚書。每對客。二叅政。二侍郎。
一起居。皆侍焉。天下榮之。

槐

宋。王旦。父祐。嘗手植三槐于庭。曰。吾子孫必有為三公
者。

三木

南史。王琳。子銓。錫銓。錫銓雖學不及錫。而存反齊焉。人謂玉

昆金友。又世說陳實曰。元方難爲兄。季方難爲弟。又晉書王珣第。珣名出珣右。時人語曰。法護非不佳。僧彌難。爲晉陸機陸雲。世稱二陸。宋宋庠宋初。稱二宋。蘇軾蘇轍。稱二蘇。

唐張嘉貞爲相。嘉祐任金吾。每朝軒蓋駟導。盈閭巷。世號所居曰鳴珂里。

漢石建石奮。號萬石君。又唐張文瓘。子潛。沛洽。涉父子五人。俱官三品。謂萬石張家。

伯禽康叔見周公。三見而三筮。商子曰。南山之陽有木。名橋。北山之陰有木名梓。一子往觀橋高而仰。梓卑而

俯。反以告商子。商子曰。橋父道也。梓子道也。又公羊傳。周公拜前。魯公拜後。

晉謝安嘗集子侄。因曰。子弟亦何豫人事。而正欲使其佳。玄答曰。譬如芝蘭玉樹。欲使其生于階庭耳。

井竈喻父。吳琮賀人生子云。寄語王渾防。跨竈或云竈有釜。故子過于父。爲跨竈。父子能繼美。爲象賢。子能振起。爲幹蠱。爲駢角。

制如鳩。旁有兩輪。上有小鳩。按鳴鳩之詩。以况母道。均一。故象其子以附之。因以爲兒戲。若杜氏幽求子。所謂兒生五歲有鳩。草之樂。七歲有竹馬之歡。是也。

鼠獄

漢張湯幼時鼠盜肉掘得盜鼠及餘肉劾鼠按治具獄。爍鼠堂下父視之文辨如老吏大驚語云學慚鼠獄智之雞碑雞碑見芝田集。

聖兒

祖瑩八歲誦詩書呼聖小兒。

奇童

李泌七歲被召明皇方與張說觀奕說請試方圓動靜曰方若棋局圓若棋子動若棋生靜若棋死泌答曰方若行義圓若用智動若騁材靜若得意說因賀得奇童。頂橐七歲為孔子師又賈黃中七歲及第李昉詩七歲神童古所難賈家門戶有衣冠。

項索

列子云孔子東遊見兩小兒辨鬪一兒曰我以日始出

辨日

時去人近而日中時遠也一兒以日初出遠而日中時近也一兒曰日初出大如車輪及日中則如盤盂此不為遠者小而近者大乎一兒曰日初出滄滄涼涼及其日中如探湯此不為近者熱而遠者涼乎孔子不能決兩小兒笑曰孰為汝智乎又晉元帝問兒紹曰日與長安遠近對曰長安近不聞人從日邊來帝異之明日宴群臣又問答曰日近元帝失色曰何乃異問者之言對曰舉頭見日不見長安帝益奇之。

家風

隋楊洪傳越公兒郎故有家風。

龍文

楊愔叔父謂人曰愔駒齒未落已是我家龍文更十歲

當求之千里之外。

鳳毛
南齊謝鳳子超宗作殷淑儀誅帝大嗟賞謂謝莊曰超宗殊有鳳毛時將軍劉道隆在御座出候超宗曰聞君有異物可見乎旦侍宴至尊說君有鳳毛超宗從跪還內道隆謂檢覓毛至昏待不得乃去

無功
世說晉元皇子生普賜群臣殷羨字洪喬謝曰皇子誕育普天同慶臣無功焉而猥蒙厚賜帝笑曰此事豈容卿有功耶

金錢
梁呂僧珍生子宋季雅往賀署函曰錢一千僧珍疑其少親自發乃金錢也遂言于帝以為衡州刺史將行謂

所親曰不可以負呂公在州大有政績又明皇賜貴妃洗兒錢

湯餅
明皇后王氏愛弛不自安泣曰陛下不念阿中脫紫半臂易斗麵為生日湯餅耶阿中稱其父仁皎

弄塵
唐李林甫賀生子誤寫弄璋為弄塵

玉果
蘇軾賀生子詩犀錢玉果

軒渠
蘇子訓傳兒識父母軒渠笑悅

寧馨
晉山濤見王衍曰何物老嫗生寧馨兒寧馨猶言如此又禰衡與孔融楊修善常曰大兒孔文舉小兒楊德祖餘子碌碌莫足數又徐卿二子歌大兒九歲色清徹小

舞勺

禮

燕姁

兒五歲氣食牛。又杜甫醉視嚴武曰嚴挺之。乃有此兒。禮。幼儀。舞勺。舞象。仲春之月。玄鳥至。至之日。以大牢祠于高禩。詩所謂弗無子也。

宜男

萱草

多男

四六

庭語

萱草一名宜男。有身者宜佩之。華封人祝堯多男子。采天上之麒麟。為人間之鸞鷲。皇國添扶日之手。瑞戩克閭。儒林築讀書之臺。英合跨竈。詩皇國又添扶日手。儒林須築讀書其臺。驗啼。知是青雲氣。囀付。嬌娥桂早裁。風雨九天。麟獻君家之頭角。熊罷彌月。鶴呈人代之儀。

刑權鬯懸弧。英揚跨竈。

詩昨日九天風雨惡。麒麟手斷。黃金索六丁。六甲拏不住。定在君家獻頭角。又杜光庭詩。人間初見鶴儀刑。

頭點朱衣。起莊溟萬程之鳥。胎含白鹿。產君家千里之駒。草既茂于公之門。槐應三王氏之宅。允九秋而悅帝。夢叶熊祥。艮三索而得男。精述義畫。羅呈粵右。鳳匹河東。

大火西流。艮初逢乎悅帝。長庚入夢。震一索而得男。蘭茁其芽。玉高其樹。虹樞表異。正合璧之騰輝。熊夢開祥。喜明珠之在握。維嶽降神。玉燕投懷。符吉夢。厥星飛昂。明珠入堂。動歡

頌語

六月餘員卷之七

十五

情入室異香。信王平章。三槐有種。闕門喧樂。仰竇諫議。五桂聯芳。佳氣克閭。頌聲盈耳。

仁毓蒼黎。德膺玄貺。式歌且舞。民翔召父之謠。俾熾而

昌。天寵西平之胤。李晟為西平郡子。愬擒吳元濟。斬宗元。平淮。文曰。惟西平有子。惟我有成。

玉骨與秋神。並爽朱弧。將彩綬同華。麟一角而啟地符。

頌振振于公子。鳳九苞而宣天頌。歌藹藹于王朝。豈數

揆環仍看取印。

白鵠兆于當年。誰繩祖武。玉燕徵于此日。即有家風。羨

高武烈之生勳。是子是父。慶曹武惠之誕穆。拜後拜前。

高瓊謚武烈。生子繼勳。曹彬謚武惠。生子武穆。俱世將。石奮石建父子之。美也。無是父。無是子。桂林方

舉奉子語

吐一枝崑山。首呈片璧。三石有食牛之氣。可卜虎頭。班超

燕領虎頭。有封侯相。千里擅名駒之家。準誇麟趾。人皆知西之有

有嗣。帝實稱南面之有臣。

瑞來天上之麒麟。數蒲河東之鸞鷲。豐城再添一劍。陳

廬連誕三堯。陳堯叟堯佐堯咨聞實覃實詩。知他日岐嶷之克

觀懸弧懸矢。決我公弓冶之良。

謝之樹方茂。王之槐齊榮。高岡之彩翩翩。注水之名

駒滾滾。美元方季方之有第。喜小陸大陸之添儔。洵哉

三虎之連彪。賈彪兄弟三。人號三彪。奚翅隻珠之出蚌。孤掛孔廬

紹文仲武仲平仲之躡。堂開剗壑。盈伯雅仲雅季雅之

觥孔氏三仲趙宋人俱舉進士劉表有三酒器號三雅

舉五子語

時維陽月。唐陛開十三葉之蓂。正值良辰。燕山香第五枝之桂。天人占五熊之開道。尊貴之旗西熊太史奏五星之聚奎。一曰五行。九曰五福。始終含龜洛之靈。地生五嶽。天生五材。俯仰稟乾坤之秀。王庭之手植。又種二槐。薛家之羽毛。再添雙鳳。頻結蟠桃之子。漸空洼水之群。既庶且多。符大夫干旛之馬。請益其一。克天閑玉輅之虬。問黃堂弄第幾之璋。曰藍田產三雙之璧。玉燕投之懷內。僅少荀氏之二龍。白鶴聳于雲間。已倍薛家之三鳳。步趨乎四乳八士之盛。歲蕤于七劉五董之間。文山集以文一門

舉六子語

而五董不十種。玉樹于名園。芝蘭成數。懸星垣于上第。葢而七劉。一。種玉樹于名園。芝蘭成數。懸星垣于上第。奎壁聯珠。葢民頌府君。應叢弓治之子。而群稱父母。豈儉寧馨之兒。試聽祝于華封人。多多益善。載聲歌于夔斯羽。繩繩是宜。所願堦筮迭響。橋梓齊榮。千里神駒。卽此渥洼之汗血。九苞靈鳥。行看池上之羽毛。

籍

閭聽英聲之跨竈。媿無鯉賀。有食牛。

與子同袍。共馳驅于金桂。呼朋納履。賀鴛鴦于丹山。鳳穴宜其有鳳毛。弄璋實由于弄玉。又爲今時之子。厚種樹種蘭。卽作他日之公權。正心正華。析公權善書帝問對曰心正則筆

正

欣逢盛際喜邁恒悰。傲入賀之金錢。情實有諧于瞻鳳。沐平分之玉果。詩徒錯寫乎弄麀。伏願蟬聯主組。傳來四世三公。熊軾烏臺。派接一門萬石。放華之祝。願殫凡情。頌洛鎬之風。祈昌金錄。

奇哉桂子早傳芳。美矣蘭芽纔茁秀。鳳雛誇穎異。蚌擬孫而又孫。鸞詰侈褒封。行將祖以及祖。僉訝貽謀之善。茂迎競爽之祥。重闈燕樂。今朝開評事之額。奕敏。今日他日點。今公之額。郭子儀諸孫問安不識其名點頭而已

科名

周制。三物四術。試之有定塗。選士俊士。造士進士。取之有定序。論定賓興。與任官。用之有定制。其詳慎

隆重若此。逮漢限四科。

一曰德行高妙。二曰學通。行修。三曰明習法。今四曰

剛毅。終世不變。至隋煬帝好文詞。始置進士科。專

取詩賦。唐初科目。曰秀才。曰明經。曰進士。曰明德。

曰書。曰筭。其所習經。周易。毛詩。儀禮。周禮。禮記。左

氏。公穀。任科一經。試則每經問義十條。又策三問。

全通為上第。經通八策通二為中第。其下第罷歸。

宋定廷試為五等。上二等曰及第。三等曰出身。四

五等曰同進士出身。仁宗朝。王堯臣及第。賜中庸

篇呂臻及第。賜大學篇于戴記中。表章二書。以開四書之端。王安石柄國。厭唐詩賦取士。罷明經諸科。每試四場。初大經。次兼經。大義十道。次論一首。次策三道。大抵自漢至隋。惟孝廉秀才之科。自隋迄宋。惟進士明經之科。熙寧後。安石以經義行。而進士科獨重。洪武初。定金陵。辟儒士范祖幹。葉儀。克婺州。召儒士許元。胡翰。克括蒼。徵宿儒宋濂。劉基。章溢。葉深。晚徵宗德。鮑洵。上海全思誠。安吉余詮。高郵張長年。而國子生奉命巡列郡。廉官訪吏。問民稱旨擢用。至有擢都御史者。已制科舉諸明。

天府

經宏詞等科。並罷。而辟召亦不行矣。第舉天下才。而一之科目。入是科者。雖饕餮。養樗機。必用。出是科者。雖周公孔子。必棄。宜朱子以爲教愈詳。取彌精。澄汰再三。而其具不越乎無用之空言。愈弊無益也。禮地官。鄉大夫。三年則大比。考其德行道藝。而獻賢能之書于王。王拜受之。登于天府。

計偕

上計。古諸侯之奏使也。漢因之。號曰計偕。又漢武詔吏民有當世之務。習先聖之術者。縣次續食。今得與計偕。後漢雷義舉茂才。讓于陳重。刺史不聽。義遂佯狂被髮。忝不應命。

秀才

晉華譚舉秀才。王濟嘲之曰：君吳楚之人，亡國之餘，有何秀異而應斯舉？譚答曰：秀異固產于方外，不產于中國也。是以明珠文具，生于江鬱之濱；夜光之璞，出乎荆藍之下。

二龍

吳割岱，字公山，第繇，字正禮，平原陶丘洪薦繇，欲令舉茂才。刺史曰：前年舉公山，奈何復舉正禮？洪曰：若使君用公山于前，擢正禮于後，所謂御二龍于長塗，騁雙驥于千里，不亦可乎？

孝廉

後漢尚書左雄奏：孝廉不滿四十，不得察舉。廣陵徐淑年未及舉，臺郎疑而詰之，對曰：詔曰：有如顏回子奇，不

貢身

拘年齒，即不能屈。雄詰之曰：顏回聞一知十，孝廉聞一知幾，淑無以對。

厥黃

白虎通云：庸才貢其身，盛德貢其名。又嚴羽舉孝廉，羽曰：上士貢名，下士貢身。齊國貢身，非高士也。辭孝廉。

鷓鴣立

五代和凝知貢舉，是時士多浮薄，喜為譁動。王司故事，每圍以棘，閉省門，以為常。凝獨撤棘開門，而士皆肅然。唐翁承贊云：雨中粧點望中黃，勾引蟾聲送夕陽。憶得當年隨計吏，馬蹄終日為君忙。又諺云：槐花黃，舉子忙。隋唐舉皆白衣入試，謂銀袍鷓鴣立。

鷓鴣

孔融上疏荐禰衡曰：鷓鴣累百，不如一鶚。

龍虎

雁塔

鰲戴

朱衣

青錢

燒尾

唐歐陽詹與韓愈聯第時稱龍虎榜

唐進士杏園宴罷于慈恩寺塔下題名他時有將相則朱書之謂雁塔題大宴曲江亭謂曲江會

唐盧肇黃頗皆宜春人同舉郡守獨餞頗明年肇及第歸郡守會肇觀競渡肇詩報道是龍君不信果然奪得錦標歸守大慙又肇試語巨鰲負屬首冠蓬山有司怪其語答曰頑石處山巨鰲戴之非首冠邪

歐陽公知貢舉每有朱衣人點頭然後其文入格

文如青銅錢萬選萬中

張鷟

聞見錄士人初登第必展歡宴謂之燒尾宴說者謂虎

化人惟尾不化須燒去乃得又說新羊入群抵觸燒尾

乃定又說魚暴鰓龍門必雷火燒尾乃化

唐新進士以泥金帖子附家書謂泥金信

摭言宴名有九一曰大相識主司在具慶者二曰次相

識主司在偏侍者三曰小相識主司有兄弟者四曰聞

喜勅下宴五曰櫻桃

唐尤重櫻桃宴

六曰月燈七曰牡丹八曰看佛牙九曰關宴即離筵

蕭進士

李肇國史補得第謂之前進士不捷而醉飽謂之打盹

燥又苗台符年十六張讀年十七同年進士時並佐鄭少師宣州幕常列題西明寺壁或注云一雙前進士兩

個阿孩兒。

唐李固行桺樹下。桺神曰：吾用桺汁染子衣矣。未久及第。

狄仁傑薦姚崇張柬之。或謂曰：天下桃李悉在公門。劉賓客詩：一日聲名遍天下。滿城桃李屬春官。

王維微時爲岐王所知。今作琵琶曲名鬱輪袍。遂貢緣貴主。命作狀元。

唐崔偃主試東都。吳武陵袖杜牧阿房宮詞示之。因曰：牧方試有司。請以第一人處之。偃謝已得其人。第二至第五可乎。偃未應。武陵勃然曰：不爾宜以賦見還。偃曰：

如戒。牧果異等。

李程試日五色賦。出示楊于陵破題曰：德動天鑒。祥開日華。於陵曰：公須作狀元。翌日無名。於陵寫携謁主文。主文嘆賞於陵曰：場中有此。侍郎何以待之。曰：非狀元不可。於陵曰：苟如此。侍郎已遺賢矣。此乃李程卷也。檢得之。改爲狀元。又李才叔爲蘇軾客。蘓知貢舉。才叔不第。坡詩：平生謾說古戰場。過眼還迷日五色。又魏琦試一甲二名。時唱名。太史奏日下五色雲見。

宋初士子曳袍垂帶。出則席帽自隨。李巽累舉不第。鄉人曰：李秀才不知甚。時席帽離身。及第後遺鄉人詩爲

報鄉閭親戚道。如今席帽已離身。

冬烘

鄭薰主試。誤謂顏標為顏魯公。真之後以為狀元。或嘲

之曰。王司頭腦大冬烘。誤認顏標作魯公。

莊荒

崔群知舉。歸妻勸令求田。群曰。予有美莊三十。謂門生三十人也。妻曰。君非陸贄門人乎。君掌文柄。禁其子不就試。如以君為良田。則陸氏一莊荒矣。

訂郎

唐薛逢。晚厄宦途。羸馬入朝。值新進士綴行而出。見逢行李蕭然。前導曰。回避新郎君。逢輾然遣介語曰。莫乞相阿婆。三五年少時也。曾東塗西抹來。

陽

唐進士會宴曲江。崔豸告假不赴。乃以彫轄載妓遊觀。

為團司所糾。崔沆判之云。溪撓席帽。密掩氈車。紫陌尋

春。便隔同年之面。青雲得路。可知異日之心。韓愈詩。通

家不隔同年面。得路方知異日新。又唐德宗相李絳。人

言其私同年許季同。上問人于同年。固有情乎。絳曰。若

蓬萊

其果才。雖兄弟子侄。猶用之。况同年乎。杜鶴荀詩。笑躡紫雲金作闕。夢拋塵世鉄為船。九華山

龍蛇

叟驚凡骨。同到蓬萊豈偶然。唐詩。殿上衮衣明日月。硯中旌影動龍蛇。縱橫禮樂三

綠袍

千字。獨對丹墀日未斜。鄭解詩。綠袍不怕露痕濕。走入亂紅深處來。

養
看花

趙嘏詩。新向月中攀桂後。更從天上領春回。

孟郊詩。春風得意馬蹄疾。一日看遍長安花。又頭上焰
光高萬丈。來年燒殺杏園花。

孫山
名落孫山外。

唐張倬。東之之孫。數舉進士不第。捧登科記。頂上戴之。
曰。此千佛名經。

和疑知貢舉。謂范質曰。君文宜冠多士。屈居十三。欲君
傳老夫衣鉢也。後和為相。封魯公。終太傅。范亦封魯公。
終太傅。此更奇矣。

南部新書。杜審權知舉。大中十年選盧處權。有戲者曰。座

玉看

主審權。門生處權。崔沆知舉。麟符二年選崔沆。談者稱座王
門生。沆。一氣。

李宗閔典貢舉。所取多名士。世謂玉筍。

唐太宗見進士綴行而進。喜曰。天下英雄盡入吾彀中
矣。

詩
岸

萬曆春新日。麗洋宮之藻。五雲瑞瀾。星涵壁水之波。適
皂蓋朱幡之鳳翔。賭青衿白哲之鵲起。恭惟我公。立第
作人。文章司命。思樂興言。采之詠。明明魯侯。譽髦起無
數之思。濟濟多士。頊緣掄秀。共仰文衡。入試三千。掄材
不遺于衆品。拔尤百二。樂育咸戴。夫明公。茲當鼓篋上

六朝會書卷之七
庠率令樞衣東序。釋奠禮畢。堂開俎豆之容。聲歌樂
宣。宮肆蕭雅之什。俾環橋冠帶。遠追漢典。臨雍庠。蒲座
春風。親見文翁駐節。

惟茲十六之名。叨脩二千之數。濟濟出公門。雖歎瀛州
二士。雙雙參聖域。堪稱元愷重光。况端陽已近。而佳節
欣逢。報江上之龍爭。齊起奪標之志。傳殿前之梟獸。咸
興賜食之思。

衣冠森列。將參二十四氣之和。瀛島勝遊。已超一十八
士之選。蜚聲日久。駿足風追。

璧宮儲材。桃李久沾化雨。天池拔雋。蛟龍旦奮雲霄。敬

以幾日。陳莖露之觴。壯風雲之色。登筵無俗客。共陳官
樣文章。入教盡英雄。預慶天香消息。寧直捷同拾芥。此
邦之科第交輝。抑且技逞穿揚。吾黨之文章愈重。

聖世儲材。載闢聯奎景運。上臣捧命。俄瞻入斗文光。瑤
閣藜懸錦帶。同牙籤交照。花磚影散。璫標共彩。筆爭研
明。主葵裏斯文。藉手何來物色。揮鞭則萬馬齊空。悉與
羅收舉釣。而大鰲並致。

鳳池藻鑑。光分太乙之垣。鸞掖玄旌。繡揆文昌之府。士
挹吹噓。頓生羽翮。人希盼睐。動絺光儀。輜軒駐南斗。輝
生紫曜之符。文章落上台。色借青衿之潤。先鹿鳴而飭

事樽俎肅陳。虬虎視以求賢。簪裾畢集。清氛旦捲。天開黃道之辰。太史星占。人企青雲之路。

同日月之精明。無私普照。合山川之靈異。有美兼收。眼高泰岱。睇匹練于吳門。精徹斗牛。識雙龍于豐嶽。使星曉燦。光映紫微之垣。卿月宵懸。影徹朱華之館。虔趨簪紱。拱候軒輿。威儀維則。群英覩有道之刑。德音孔昭。庶宋覲周行之示。七十郡英雄入彀。惟待明公。幾千年文運中天。正逢此日。

鹿鳴宴

人文責萃。九天聯奎壁之光。名世鼎臨。千載慶冠裳之會。選盛時而張讌。俎豆生華。肅上德以來遊。風雲動色。

恭惟直指公。民推先覺。世仰通儒。雄名直擬泰華。巖巖並立。正氣迥凌霄漢。蹇蹇自持鳳翥。臺端奪紫。電青霜之色。龍窺柱下。麗金山玉海之標。

梁武帝曰。朱异。金山萬丈。緣陟難登。玉海

千尋窺映莫測

承簡在之新恩。揚清激濁。舉賓興之盛典。崇雅

黜浮。闢棘院以施羅。千有百輩。藉桂書而入彀。六十五人。遂使其等。桃李微芳。濟濟列公門之選。參苓細品。穰穰克藥籠之收。已聽鹿鳴之歌。載聯伐木之讌。金風薦爽。天時與人事偕亨。玉露飄香。樂事共賞。心俱暢。瑤華紛其炫耀。徽奏競以闐駢。凜師道之尊嚴。作為盟主。仰風裁之貞肅。奏以周旋。潘臬偕遊。斗山相望。簪裾翌翌。

光入几席之間。談笑雍雍。道在壺觴之下。信人生之希
遇。宜大化之兼成。花映曉光。敢附曲江之盛事。雁涵秋
影。豈云塔寺之舊題。

諸元魁經富總龜賦工。校獵淵源學問。胸藏河洛之書。
藻火文章。神授山房之筆。踏槐花而程藝。穿楊葉以奏
功。螯弧先登。一人當百。鶚書中雋。八十加三。爲諸賢之
勸。駕秩初筵。以禮賓。繡衣紫綬之相輝。藍袖銀袍之交
映。指沙圓之佳識。送天上之飛翰。鼓瑟吹笙。此日升歌
于萃野。傳衣付鉢。明年同宴于瓊林。

過千曰俊。過萬曰英。人間健筆。第一爲魁。第九爲弼。斗

廉

北修名。柯峯翠濕。于飛纓。泮水清搖。于振鐸。行撤臯比
之席。卽歸鷺。翮之班。某賦雲山之紅樹。焉得徃從。摩石
室之蒼苔。不堪持贈。

橫空之鶚無雙。久矣知名于文舉。立市之騶不偶。俄然
長價于孫陽。當年誰識鳳。忽聽秋陽之鳴。今日信是龍。
又驚春雷之奮。不佞常編未絕。鐵硯欲穿。屢捉月以求
蟾。輒遇風而追鷓。踏槐隨舉子之忙。徒爾愧色。折桂聞
吾兄之喜。猶可信心。決策焚舟。我當勵之以借一乘勢。
破竹君其由此而捷三。

以月旦評上秋風榜。怒飛幾千里。以矣爲致遠之圖。訓

解二萬言。今始蒙稽古之力。踏槐克賦。拾芥成名。見說古文。已盡窺于孔壁。勿云樸學。行即對于漢庭。得雋虎闌。聯芳鶚剡。名家文獻。多生謝砌之蘭。文苑聲華。五折燕山之桂。文高霞鶯。文飛捧浦之雲。氣壓斗牛。要作築岩之雨。

賦聲摩空。詩才論斗。文章有氣。意其與廬山高。學問藏身。乃亦如椰子大。鹿洞古而聘君來。莫如之子。鼉沙圓而狀元出。其在此行。

鶚薦名標百州人中推首選。鵬搏程啓九重天表見孤騫。元解雖曹參之第二。知李廣之無雙。第二項羽敵萬不亦

壯哉荀伯在三幾少屈矣。第二虎榜標十四名巧入和疑之品第。龍墀灑三千字。定追吳奇之掄魁。

太史占星豫報奎婁。主文章羅宇下。文章射斗。放開頭角

屹空中。袖玉塵之風烟。挿天秀色。捲金鷲之露雨。搏海

壯圖。玉塵金鷲筆下宮商富錦瑟五十絃之奏。胸中斧

藻森牙。籤三萬軸之儲。萬馬廐皆空。羨名駒之獨步。三

秋花早馥。折何郎之一枝。百尺竿頭。看崆峒之倚劍。千

尋海角。傍扶桑。柔以掛弓。硯中旌影動龍蛇。吾當傾耳

殿上。袞衣明日。月公盍留神。

精大小戴之經。負足第童之望。孫祖武棣輝萼棲。祖進

士弟閱閱崢嶸到處卽教三舍避。堪驚鞋鞜何人不識。
進士。二方名。虎林月滿桂方披。千里秋光燕市霜。繁梅欲吐
一番春信。

奎聚群星花添一錦。浩蕩三蘓之穎川。資師友于父兄。
峻岫二陸之象山。以家庭爲庠序。鋒芒齊宋庭之結綠。
馳騁入燕市之飛黃。自此忝神丸于迅坂。當不沾泥。祭
遊升于新硯。應逢切玉。縱橫蚪斗三千字。號召雷霆第
一聲。

字中蚪斗。競落文河。筆下蛟龍。爭放學海。當海潤星輝。
之會奮昂霄聳壑之姿。兆可大行。端良小試。惟是囊中
脫穎。匣內發硯。敵壓萬人。冀空群馬。泥金帖。播洵吾儒
稽古之祭。沽玉價。逢實吾兄來今之事。

十九年無全牛之外。頓見異材。九萬里運化鵬之程。實
開遠業。喧前騶于廣路。觀者肩摩。落餘橐于四方。傳之
祗貴。璧水升堂。七年並業。金鑿通籍。一唱驚人。瀛洲選
勝。中原士並起。彈冠春。救發祥。天下才。獨稱人。敦瓊條
倏藻。久誇譽。重南金。芝畹揚輝。更羨名。依北斗。頃遘攀
鱗。附翼之會。獲展空群。超乘之才。閨苑仙遊。柳色共宮
袍。競綠龍門。客聚蓮燈。將彩旆。齊紅籍。紀金閨。已作王
家麟鳳。名傳玉闕。行追天上。夔龍宮袍。着處身飄。御殿

之香。晝錦歸來，樂奏鈞天之韻。螭陛賜鸞，與千里旌旗。祭故道，鳳冠籠鶴髮，九重綸綍，慰高堂。

際五百春秋，祥符傳夢，對三千禮樂。瑞見韓雲袍，裁宮錦，繡章巧出天孫。宴列禁珍，玉瓚香分尚食，名與春雷共震。恩隨雨露均霑。

天馬丰標，雲龍器局，筆下五十絲錦瑟。胸中三萬軸牙籤，明經卑左氏，公梁射策，壓公孫。晁董驪髭爭摘，鷄口先鳴，姓字干佛塔頭。步武三神仙，頂飄然，遡紫拖青客。可是依紅泛綠人，五色雲香已驗，掄魁之符讖。三台星見，好恢公相之規模。某回自少年三五時也。魯效東塗。

西抹舉目青雲九萬里，豈嘗思北運南圖。幸逢蓬島神仙，細說杏園舊話。玉壺漱滌翠袖，隔颺楊柳樓心，吹夜月。試問海棠，沉香亭角，醉春風，催吟芍藥。

短劍寒三冬之雪，萬里馳驅。長揚賦二月之花，一飛霄

漢詩砧寒短劍三冬雪郎君得意，楊汝士賦就長揚二月花誇詠于宴賓。

楊汝士子及第宴中集妓妓各綾一端曰郎君得意正

可春蜀國將軍又不貧一曲高歌綾一匹兩頭娘子拜

人飲家書賀客雷連張師錫吟詩于喜子張詩御史今朝至見

慶看行卽醉歸，御饌舒意氣于看花，又將祭侍宸烟

顯文章于視草。江夏信是無雙，海宇固應獨步。咸平放榜，肆今加盛于

兩孫童獻序倫寧用更端于大宋生平儒者之祭懸知不在温飽儲養師臣之重亦云不受郊迎。

浪透三層桃葉暖。爭誇鼎甲閑才。臚傳五色彩雲呈。驚

奏元台先兆。衣拖金殿之爐香。地聯閭闔。筆掌玉皇之

案篆。命布寰區。世號登仙。雖雅適日磚之地。人稱儲相

將馴登台座之班。

華藻奎輝。入教播泥金之帖。奇葩春艷。傳臚聯筍玉之

班。揮灑字三千。皇堦亞對。點綴名第一。御筆親題。項番

而瑞夢徵。宋劉沆夢人所其首解曰聲唱而卿雲見杏花香十里。舉眼看花。詔草設八磚。披裘視草。于今曝直

眼賀

典絲綸。更日直對夾道羨少年學士。從此晉階司台鼎。

滿朝頌黑頭相公。

元台受祉。忠貞傳玉樹之光華。冒象賢。休美濟瓊林之

盛。宋太平興國始賜父有作。子有述。後先顯世德之求。

美而彰。盛而傳。今古擅家聲之遠。

聖主垂旒門喜英雄入轂。上公積閥。夾記明其等曰里

傳。昆弟鳴珂。八方重譯。貌白雉于日南。五氣萃靈。來赤

麟于天上。明經受業。張說已識聖童。李作賦成章。阮籍

久推王佐。王用能揚眉藜管。各以接踵。柳袍龍虎榜中。喜鵲鳩之並翼。櫻桃宴上。見棠棣之同葩。列戟擁金吾。

祭第

綺陌爭看飛九鳳。趨庭原玉女。紗籠早得護雙珠。上者謂李

藩曰貴人也。在紗籠中。後果爲相。此日四門之闢。鷗運鵬飛。他時三宅

之登。鴻聯鷁序。如伊尹之有伊陟。若召穆之于召康。四

世五公。不失嘉貞。張之故物。一門萬石。依然文瓘。張之

芳聲。

瓊樞日麗。誇種槐如種德之多。寶祚天昌。羨折桂同折

枝之易。橋先聳而梓復翹。右族之高華。罕儷桂方新而

椿未老。北堂之祿壽彌增。

靈枝啓胃。承家常相之明。經竒樹輝庭。置羈蔡公之奏

賦。鳥夢金碑。曳脚鰲乘蓬島。擎頭慶衍三槐。名崇千佛

恭惟閣下。秀衝牛斗。名並嵩華。出獵兩山。奚囊記圖于

白澤。隨行七乘。女乳知著于蒼星。夾日見龍。復見奪標

龍種。麟池儀鳳。重瞻颺彩。鳳毛領春。天上以居。元呼大

小。適味鼎中以繼世。拜後拜前。看長安之花。風流後

來之秀。題慈恩之塔。英譽中興之標。賢亂象賢。寧占王

家以鳳閣。相門有相。仍高晉世以龍門。

某學慚辨豹。荼愧藏螢。劉子駿之齧。龔屢蒙相誦。陸士

衡之洒甕。每沐見嘲。戶外之屢。雖滿。甌中之塵自如。兩

捉月以得蟾。復遇風而退鷁。有來問學。得吾道以能東。

及欲移文訪故山之在北。

究繁露于一經。未識懷蛟之夢。效甘泉于四賦。終慚吐鳳之材。莊心寢癖。竇性成癡。青天萬里。堪嗟蜀道之難。白雪一聲。難和郢中之曲。

聞詩饋鯉之庭。受教啖猪之手。夜堂松月。有客子之悲吟。春草池塘。無王孫之好夢。再拜神而乞助。三揖鬼以送窮。秋侵潘鬢。臨鱸生悲。愁入庾懷。向風流悵。賞音難必。顧影自慚。

技等飛颺。才長縮蛭。晨意花露。滴乾硯眼。之鷓。夜帳木油。剔盡案頭之蠹。

窺豹一斑。戰蝸兩角。頑顏鈍頰。有窮鄉冰雪之容。濁胃枯腸。無春草池塘之夢。綠蕪安在。黃卷相浩。嘆傷弓之鳥。動輒驚弦。其如食董之虫。未能忘苦。

雨寒。幾落于簷。花衫老半。枯于荷葉。技止雕虫之巧。功慙画虎之難。

謝生

滴露研朱。尚作蠅頭之注。磨煉書淡。忽聯鰲首之名。誦先生進學之規。願爲籍葦。聽吾榜得人之語。媿在盧前。名耀帖金。以一門而五董。筆香氈墨。不十歲而七劉。適槐粟之搯黃。借棣華而拈采。擲番骰子。同羣喝六之籌。彎起弓弦。共上中紅之塚。天開雙眼。地放一頭。渴睡漢。平白解嘲。椰榆鬼。分明束首。使小丘自此升矣。皆先生

進而教之。不謂暗中之摸索。遂蒙送上之吹噓。

家庭課學。不殊同隊之魚。鄉里掄材。遂與嘉賓之鹿。風飛雷厲。漢札十行。地闢天開。唐文一變。洛陽年少之賈。誼姓名雖薦于吳公。大名學子之張。章文行蓋先。冠準乃積薪之居上。若揚糝之在前。顧揣分以奚堪。祇爲親而自喜。椿一株之未老。桂已重芳。梨百果之所宗。植何敢比。

化雨無私。桃李歸恩于春色。板龍有地。鯤鵬借翼于秋風。校文若劉更生。青藜俯照。得士如歐陽子。紅勒無偏。顧空冀北之群。灼盡水中之怪。如某。騰蛟無力。叨承黃

絹之題。夢鷺何因。乃冠青錢之選。坐使魁二。應象從容。而步層霄。何異巽二。生風扶搖。以擣萬里。天一方兮。懷人。斗牛墟近。情千種。而圖報。蛇雀心懸。吐納靈潮。屬神龍之變化。酌量元氣。在斗極之平衡。飛造化于筆端。片言寵辱。握星辰于掌上。萬里升沉。口辨滄澠。目分蒼素。身登泰岱。望匹練于吳門。劍落豐城。指雙龍于牛斗。象罔之求玄珠。去喫詬離朱之迹。伯樂之相神馬。觀存亾滅。沒之機九州土廣。設天網以該賢。六幕塵清。頓八紘而掩雋。謂梁棟奇材。不見遺于寸朽。是以虫魚薄技。得自奏于大方。

海內推第一。流人物世間知。十八瀛洲昔司馬相公。
走卒亦識。今歐陽夫子何處得來。文章重百二之關河。
品藻收三千之桃李。

別殘舊璞。知我已希。爨後枯桐。賞音其幾。不謂伏轅之
足。與從驥首之班。生則吾親。成惟夫子。際雲龍風虎而
遇。稱竒等父。乾母坤而恩均大。

名蜚繡虎。養粹木雞。天下春。收入肺腑。獨擅先覺先知。
造化機洩。在文章再成。有德有造。

武庫青緗。學海驚珠。瀾于泛藻。鷺濤鸞彩。文江翻玉漱。
以韶霞。越貢竹箭。以充庭。燕築金臺。而市駿。唐師旦一

變風雅。宋歐陽盡黜輕浮。李賈才雄。寧落韻而必錄。張
王艷發。雖積恨其何知。

盤紅桃李。光分灼灼。門墻觴綠。桂蘭香引。悠悠衣鉢不
數鶯。簧蝶拍座。倒懸河。無論水錯。山肴筵歌。頽玉聳瞻
紫葢。延頸青牛。懸玉署于几筵。慶溢瀛洲。勝境聆金聲
于擗俎。教噓洙泗。春風

風喧鶯笛。日耀花茵。光生函席。一條水雲。霽斗垣三事
耀。不惜春榮桃李。望履情通。肯搖日影。干旌觀型。碩遂
徼靈一顧。載錫百朋。

插花浮酌。杯搖日月之光。葛曼調絃。座擁神仙之氣。五

雲縹緲。庶瞻躔極之三台。六經紛綸。再睹殿廷之重席。鳳城西敞。雲屢起而帶山。虎座南臨。風時來而度閣。間巧轉覺。林鳥之能言。雀再盈條。覩海播之弄色。一曲寫無邊之恩紀。千鍾泛不盡之情關。所望儼然不辭。責止豈獨解顏。引坐得分。雙燭之餘光。抑亦問字。皆疑共閱八磚之過影。

武舉

成周士在庠序。皆習射。平時術此無教。養三歲地。此爲賓興。未嘗分途于文也。漢武選六郡良家子爲羽林士。成帝詔北邊二十四郡舉勇猛知兵者。

各一人。雖用武而未右科也。唐始立二科。一曰平射。二曰武舉。其試有七。一射長垛。二騎射。三馬鎗。四步射。五材貌。六言語。七舉重。開元增軍謀宏遠。堪任將帥科。天寶增明孫吳法科。宋勅諸將讀書。史。復設武舉科。至今不廢。

五星聚斗口。際黃道之昌辰。天駟歷奎。躔顯金行之瑞兆。但見豸吐虹霓。允矣斯文宗主。驄嘶風電。冒乎一路福星。扱沙揀金。應有請纓之烈士。按圖索駿。寧無裹革之奇髦。開東海之尊。引起蛟龍。承雨露。奏南山之竹。驚將羅虎。際風雲。

虎賁而摧鋒挫銳挽強之技宜先聞飛熊而扼吭擣
虛籌要之良最要出防入警式嚴三試之規精閱冥搜
聿簡萬夫之敵收拔十得五之效丕振國威杜掛一漏
萬之譏大光鄉典但見金鼓轟天東渤蛟龍騰帝里旌
旗耀日北原羆虎奮皇都寶劍出塵埋祥光上徹乎牛
斗驥駒離草莽神威馳逐乎風霆

誦周雅采芑之詩灋州步武叨漢庭奉觴之慶華屋傳
杯宴騎射而鳧趨借縉紳以雀躍執法殿頭觀風吳下
尊俎三千禮樂韶鈐十萬甲兵禮上集夔龍緝熙光明
之日月禁中收頗牧鼓舞號令之雷霆鵬奮之傳網羅

鷹揚之讌雲舉飛鸞鳩于決起全賴高瞻鶴鵠以摩空
共攀迅翮桓桓壯士近城南尺五之天矯矯材官登階
前方寸之地瓊漿分北斗酣既醉之壺觴俠氣指長庚
按未央之劍佩可作干城于聖世堪稱桃李于公門某
等俯使星而分部幸與登庸依卿月以揚麾欣隨式燕
藉文武德威之佐進上將以彈冠綴飲食歌舞之班望
中朝而擊節繡服光華于虎帳轎車貴重于柳營道左
負戈席前擁篲

揀蛟騰鳳起之英此日菁莪在泚儲虎視龍驤之選異
時采芑于田入揀賢樞十拔英髦得五上調皇鼎兩問

化育爲三。

館開弘文壇前詞客歸牛耳。詩歌講武帳下材。官畫虎頭拔鬯弓。走馬之雄坐享邊庭之卧鼓。脫筆陣詞鋒之穎。預儲帷幄之運籌。

西臺鑑朗穠桃繁李屬栽培。北斗衡平細柳長茅歸品藻。蓋九重方拊髀而思頗牧。故三試許抵掌以譚孫吳。天網爲羅蒐盡虎頭燕額。地爐作冶鑄來銅柱金城代持已獲非熊。環野盡收蕭兔。

登壇虛左。追迎師選將之風。設席肆筵。舉尚齒循年之典。何當諸士人之揖遜。竊附大君子之聲華。劍鳥祭觀。

襟裾雅集。恭遇直指公。列貔虎之千群。拔諸行伍。結龍蛇之百陣。寵以科名。彼方起跡羊豕之中。安知退讓。今已致身風雲之際。湏辨威儀。鐵馬金戈。馳驟于棘門麾下。瓊卮玉灑。獻酬于文石階前。振鷺充庭。人赴旌旄之節。間歌以雅。坐聞鼙鼓之音。談禮樂于同仇。模則模範。則範。締友恭于異姓。第而弟兄。而兄。雖有執干戈之心。常使明長幼之序。雷轟電掣。縱橫掃六合之烽烟。月白霜清。經緯聚一天之星斗。蓋宴笑出孫吳之右。而雍容居趙李之先者也。某幸值明時。躬逢盛舉。獨以豸冠。至止。瞽瞍者言觀其旂。因知繡斧親臨。欣欣然相屬以酒。

六韋音卷六十一
傾心俎豆引頽軒車



六朝餘韻分目

上壽

| | | | | | |
|----|------------------------|----|----|----|----|
| 南極 | 期頤 | 絳縣 | 楚丘 | 燭武 | 鷄皮 |
| 八公 | 善飯 | 進履 | 受書 | 鼓琴 | 三叟 |
| 馮唐 | 顏駟 | 饜鑠 | 不老 | 諱老 | 羅城 |
| 丹井 | 祭酒 | 蒲柳 | 日暮 | 漏盡 | 問壽 |
| 香山 | 耆英 | 九老 | 五老 | 飲乳 | 海籌 |
| 偷桃 | 華封 <small>四六頌語</small> | 宰相 | 司徒 | 宗伯 | 司馬 |
| 開府 | 直指 | 司尊 | 府公 | 總戎 | 答語 |

病起

六朝餘韻分目

國家圖書館, NATIONAL CENTRAL LIBRARY, TAIWAN, R.O.C.

蛇影 無恙 吳吟 王良 黃能 河魚

六疾 霜露 割瘦 消渴 作賦 讀檄

蟻聞 庾袞 不病 百一醫 橘井 杏林

扁鵲 膏肓 折肱 葛籠 倉公 華陀

天鈎四賀語

悼亡

腐骨 三苑 埋玉 易簣 山頽 五父

哈口實 易于 口珠 襪歸襪 請襲熬魚腊

塗敢塗棺 聖周 玉棺 秘器 蟻食 為州

結草 墻嬰 楸樹 沐柳 速朽墓防山

馬鬣 墓考 樂水 燔擲 虎丘 虞山

清高 青冢 藍田 武庫 龍耳 折臂

牛眠 蜜餞 青鳥 便房 連 佳城

鴛鴦 宅兆 窳窳 卽世 蟻結 羸葬

堯典 稱財 桐棺 方相 翁仲 石虎

弗迹 樂丘苑井桑 咬脚 錢買喪疑衰

枕塊 苴劑 水漿 旣虞 讀禮 為衰

猶猶廬菰廬 蓼莪 手刃喪王駿 鼓盆

炊臼 德宮 棄野 冷身 伉儷喪子喪明

情鍾 羸博 東門喪人琴復設階 招魂

鑿木吊白鶴 青蠅 吊室 天年 鼓琴

易弱 絮酒 方外 襦裘賻貨財 脫驂

頌貧 吹簫 麥舟 素車收教弘 長者

露尸 叔孫 臧均鬼伯有 趙同 良夫

申生 杜伯 彭生 灌夫 王弼 客鬼

火婦 錄事 蔣山 閻羅 玉樓 芙蓉

挽歌 薤露 鬼隣 白楊四哀語

六朝餘韻卷之八

海虞王良臣忠亮父編纂
同邑姚宗儀鳳來父增定
建安柯仲炯賓嗣父叅閱
門人吳象先以涵生錄梓

上壽

老人星一名孤南一名南極。月令仲秋。祠老人星於國南郊。

禮。人生十年曰幼學。二十曰弱冠。三十曰壯。有室。四十曰強。而仕。五十曰艾。服官政。六十曰耆。指使。七十曰老。

而傳八十九子曰孝七年曰慎悼與耄雖有罪不加刑焉百年曰期頤又六十杖於鄉七十杖於國八十杖於朝

左晉悼夫人食輿人之城祀者絳縣人或年長矣無子而往使問之年曰臣小人也不知紀年臣生之歲正月甲子朔四百有四五甲子矣使問師曠曠曰七十三矣亥有二首六身是其日數也劉禹錫詩午橋良吏散亥字老人迎

韓詩楚丘先生見孟嘗君君曰先生老矣先生曰使我投石拔距追車赴馬吾將死何暇老將使我深計而遠

謀乎吾乃始壯矣何老之有

左燭之武對鄭伯曰臣之壯也猶不如人今老矣無能為也公曰不能早用子寡人之過也

夏姬挾伎術老而復壯者三諺曰夏姬得道雞皮三少淮南王劉安好道術八公詣門門者難之八公皆化為童門吏驚曰王王迎之登思仙之臺復為老人授之要道與王升天雞犬隨之故雞鳴天上犬吠雲中

趙廉將軍頗雖老尚善飯然一飯三遺矢矣矢屎同張良遊下邳圯上有一老黃石公授素書者至陋屨命良曰孺

子下取履張蹠而進之老以足受之曰孺子可教

伏生秦博士。漢文欲求治尚書。天下無有。聞伏生能治。時伏生年過九十。老不能行。詔晁錯往受之。

新論云。漢文得魏文侯時樂人竇公。百八十歲。文帝問何服食而至此。對曰。年十三失明。父母教鼓琴。日以為常。無所服餌。譚以為桓逸樂。所以益性命也。

魏應璩詩。古有行道者。陌上見三叟。年各百餘歲。相與錮禾莠。住車問三叟。何以得此壽。上叟前致辭。內中嫗貌醜。中叟前致辭。量腹節所受。下叟前致辭。夜卧不覆首。要哉三叟言。所以能長久。

漢馬唐九十為郎。文帝輦過。問曰。父老何自為郎。

漢武帝過郎署。見顏驕龐眉皓髮。問曰。叟何時為郎。何其老也。答曰。臣文帝時為郎。文帝好文而臣好武。景帝好美而臣貌醜。陛下好少而臣已老。是以至老不遇。後漢馬援年六十二。請擊五溪蠻。帝愍其老。未許。援曰。臣尚能披甲上馬。帝令試之。援據鞍顧盼。以示可用。帝笑曰。矍鑠哉。是翁。

宋劉懷珍為江夏王。義恭叅軍。後見之曰。別子多時。那得不老。答曰。公恩未報。何敢便老。後魏傅永字修期為刺史。年踰八十。猶能馳射盤馬奮稱。常諱言老。自稱六十九。

後魏羅結為侍中。年一百七歲。精爽不衰。太寧中。詔東川為居業。并為築城。號羅侯城。

抱朴子。臨沅縣廖氏。家世老壽。所居宅井。水殊赤。掘井得古人埋丹砂數十斛。丹砂汁入井。是以飲之壽。

漢張安世薦蘇武。明習故事。奉使不辱。宣帝以武著節老臣。令朝朝望。號稱祭酒。

晉顧悅與簡文同年而蚤白。簡文問曰。卿何以先老。荅曰。蒲柳之姿。望秋先彫。松柏之質。經霜彌茂。

漢王父偃曰。吾日暮塗遠。故倒行逆施之。魏田豫為衛尉。乞遜位。報司馬懿曰。年過七十而居位。

猶鍾鳴漏盡而夜行不止。罪人也。古人七十懸車

蔡澤從唐舉相曰。富貴吾所自有。所不知者壽耳。舉曰。從今以往。四十二歲。澤曰。吾持梁鬻肥。躍馬疾驅。懷金

印。結紫綬。揖遜人主前。富貴四十二年足矣。唐白居易稱香山居士。與胡果等於東都履道坊。作尚

齒會。人繪為九老圖。胡杲八十九。吉叟八十七。劉真八十七。鄭據八十五。虞真八十三。張

渾七十七。樂天七十四。洛中遺老李元爽百三十六。僧如滿九十五。又秘書狄兼謨河南尹盧真年未七十。與會而不及列。

宋文潞公彥博。富鄭公弼。集洛中年德高者為耆英會。共十三人。司馬光年六十四。用唐狄兼謨故事。請入會。

席司封汝言。王安之。向來楚正。極建中。王不疑。謹言。劉伯壽。元趙南。几丙。馮肅之。張景元。憲張昌言。問王拱辰。連文富司。馬共六十三人。

九老

宋至道中。李文正昉罷相。居京師。聯九老會。朱昂與公同七

一楊徽之七十。魏石七十。僧贊寧七十。宋琪。武允成皆七

十李運八十。張好問八十。

五老

宋至和中。杜祁公衍。聯睢陽五老會。始平馮公與杜公同八十

七兵部朱貫八十。王禮侍與九十。畢農卿世長九十

飲

漢張蒼。肥白如瓠。口無齒。飲乳。妻妾以百數。曾孕者不復幸。百歲餘乃卒。

海簾

海屋老人曰。海水變桑田。吾輒下一籌。今蒲十屋矣。

偷桃

東都獻短人呼東方朔。至短人曰。王母種桃三千年花

三千年實。此兒三偷之矣。又莊子。上古有大椿以八千

歲為春。八千歲為秋。

華封

華封人祝堯曰。使聖人壽。使聖人富。使聖人多男子。

相語

桃穠。漢歲椿茂。莊秋平。叶泰階。祥開壽域。方麗五雲之

多。處忽觀六符之大明。當盛德之在金。宜長庚之挺曜。

一佛出世唐太宗云。朝中除一舍人。六合恬波。試稽社

稷之榮昌。竟是誰人之調燮。相業乾旋而坤轉。壽祺月

恒而日升。穹皇圖於盤石之安。此中有岡陵之筭。與國

祚於苞桑之固。斯外無椿柏之年。

六月徐嶺卷之八

寶鼎疑圖。參紫極而三台日近。玉書吐燄。開黃道而五
嶽天齊。業永千秋。功成四序。欣欣然有喜色。皆慶瞻柱
石之動蕩。蕩乎無能名。咸願益海天之筭。天倚三公爲
北斗。乾轉坤旋。人歌萬壽似南山。川增日盛。至文路加
恩之日。正宣尼攝相之年。龍光繞室而五色呈祥。蒼足
擎天而千秋益筭。賜冰蒲椀涼。徹龍皮法饌。盈盤其分
麟脯。舞鳳雛於黃閣。宮錦連雲。齊鶴馭於紫宸。瑤觴浮
月。千百代共祝遐齡。億兆人忻傳盛事。某濫巾遠服。望
屢層霄。紫霧散香爐。光浮五嶽。清輝由石鏡。色近三台。
頌來立而頂踵知恩。企逢壺而神情欲舞。

日長似歲。壽永如天。簾捲彤雲。玲浸琅玕之簞。筵開紫
閣。光浮琥珀之杯。西極星躔。煥龍文之五色。東溟霧縠。
添鶴筭之千齡。

鳳躡昭鼎象。世登平泰。應台階。鳴尾艷弧光。年入菁華
開壽域。川含藻景。紫綬同彩服。以流輝。簾引韶風。黃鐘
共雲和而飄渺。錫羨天申。升華帝簡。黑頭晉秩。人人聳
巖石之瞻。黃髮作朋。歲歲罄大年之祝。

千年井絡之精。會昌建福。累世青門之業。繼武揚聲。玉
柱瑯函。獻納總稽前古。黃扉金斗。訏謨咸協大猷。清時
逢小歲之辰。慶事值長秋之誕。揆留皇監五十始滿而

初踰夢錫帝齡百年正申而未艾。進開臘八之後。欣瞻
萱莢十三。會舉元正之前。仰藉鴻儀上六。人皆重夫黃
髮。主甚眷乎丹衷。飛膚製而翰染。宮雲賜而金蓮。而光分
卿月。碧鏤脂唇之澤。香並龍涎銀合。駐顏之膏。美加馬
乳。上台氣色。夜夜傍紫宸而常明。左掖韶光。歲歲映金
莖而無改。伏願八柱補鰲極之天。八方常開壽域。一手
修娥之月。一氣屢轉鴻鈞。

學窺衆妙。治贊一貞。豫章之虬幹。參霄蟬蛻。難撼豐城
之龍光。犯斗瑤珥。不干發讜論於先朝。九天風雷。號號
明正學於近世。諸家燭火。甲甲坐燮洪爐。散作陽和萬

里。立扶大斗。掃除塵霧。九疇皇覽。初揆國誦。無疆之福
帝祉。方茂朝瞻。不老之容。設壽筵於螭頭。雲飛二素。薦
春盤於鶴禁。香動五辛。綵燕宮裁。放青書於典午。鮮龍
御饌。咤奇事於司空。切玉署而香浮。一枝梅綻。傍金莖
而秀發。十葉萱開。

望杏握蘭。歲歲酌茲大斗。飛英藉草。人人稱彼上觴。一
佛西方。雙星南極。野人壁面留詩。五色雲穿。千尋石裂。
朝士江頭獻曲。某識本拘墟。任當問水。恤恤每同刻鵠。
般般幾見歸鴻。非不記九鶴集庭之辰。乃無從效一鵠
開籠之祝。

華卿籠雀。公壽。每放一鵠。日祝相。祇
公百二十歲。蘇賦詩。記得金籠放雪衣。

攄丹以三寸。聊表素於雙行。非託已知。是為國賀。伏願
壽如箕翼。倍二十四考。中書福似岡陵。參一百七年長
信。

玉燕開先喜得賢。儒維枳日。綸魚兆後。行看元老引松
年。泰山平藉補山龍。巖石峻來登木鶴。恭惟相公。月映
秋潭。松喬霄漢。九龍吐水。靈溪再浴仙丰。一鵠化金異
石重苞。侯印華國為章。為紀雲江兩漢。同文代天如緯
如綸。謨典千年繼美。方憐風月滿江湖。忽訝星辰回劍
履。傾心海宇。風流謝傳起東山。加額都城。環望溫公來
北洛。移風輦轂。音樂有去。四於朱門。登輿旃裘烽火無

連三於紫塞。攬揆初度。適在春明。金石音奏。鶯簧不數

鶴南飛之曲

李進七作鶴南飛曲壽蘇東坡

銀青光耀花錦詎寧牛西

度之融。酒賜醪醪。天上異恩優直相。杖閒靈壽。人間好
事寫耆英。陰陽酬不爽。伯恭之報。意新才壯。有合貞

觀之稱

離騷皇攬揆余於初度

觀鳳堯天應泰階六符之上。遶龍孔室。歛箕疇五福之
先。月開大慶中元。嶽降昇平上相。爰從鴿祝。用協鷓磨。
恭惟相公。蓋代人龍。逸群天驥。大羅天上。甫詠霓裳。鰲
禁島中。旋披錦襖。紫薇芒動。揮毫百斛明珠。紅蠟香殘。
視草千濤瑞錦。螭頭曳履。直聲猶在。屢聲豹尾。簪荷符

彩並輝荷彩。黑頭晉秩。不夜被於竇肱。黃髮作朋松歲。
符於丁腹。丁固月華露洗。弧懸先福世之一辰。桂子風。
揚。觴舉後種生之七日。七月十四星前致禱。織女報壽銀州。
壁上留題。野老祝年湘水。卿月霄輝子舍。繼美雙甬。極
星朝彩。薇垣齊芳萬石。

天優元老。迢遙泉石之間。帝許耆英。休沐神仙之宅。洪
厓淥水。裊裊祥煙。牛斗龍沙。葱葱佳氣。戴鵲冠而控赤
鯉。上下琴高。扶鳩杖而馭斑麟。迴翔松子。授絳雪之簡。
香薦五明。衣赤霜之袍。核羅千歲。光懸太乙。節近上元。
祥輝不夜之城。瑞靄長春之府。當年羊酒。款洽西隣。此

日鶯花。飛鳴東閣。育平相業。昌華緒於公門。游夏生徒。
迪芳規於帝闕。絳帷素蒲。仿芝宇而接霞標。丹陛雲馳。
跛蘭訊而眇天末。塵奩冀北。遙懷章水之濱。彩徹狐南。
敬效華封之祝。

昂應午橋。雲擁蒲輪。日下弧輝。丙野霞傾。瓊醴秋分。小
同池上鳳毛。難老里中龍種。恭惟相公。江左夷吾。斗南
仁傑。瑩然水鏡。栢麾紅紫成章。炯矣冰壺。俯仰丘陵。生
韻。黃扉燦繡。有道共好青春。紫閣調元。無私自長白日。
不須伯始延年之菊。幾見沙淺蓬萊。寧庸方朔益壽之
桃。會看塵揚滄海。

南極星臨萬戶動華封三祝東山地迥中吳頌天保九
如欣逢紫氣橫霄幸際太和在宥恭惟相公三朝元老
一代偉人安排作狀元宰相詩已見於題梅都俞合元
首股肱勲無遜於負展抱天王聖明之愜釋危疑於六
尺之朝當人事竣劑之餘賜和平於九圍之式未五十
而調鼎金聲玉振聖之時未六十而懸車功成身退天
之道三十年髮膚無恙拜曠蕩之聖恩五百里山水有
緣受冲虛之仙籙非熊尚父欲老漁竿猶龍老聃方指
李樹桑弧與聖壽後先信大意之存在玉樹與謝家齊
茂真世德之作求其借青鳥以傳言偕白鹿而獻壽八

壽司
徒語

千歲春八千歲秋上古有椿聞漆叟三千年花三千年
實今朝移核種君家伏願壽國壽民世外滄桑幾變如
山如海壺中日月長春
七十而賜几杖如同絳縣之年八千以爲春秋願上漆
園之壽任隆地部方登九列之崇情切天親不以三公
而易請看自古之靈椿孰若吾鄉之喬木天之所福非
但美意以延年人皆曰賢兼有令名而長世遙瞻松柏
之標敢布薦蘿之款崆峒問道瞻鶴髮以何時蓬島逢
仙衍龜齡於此日龍馬丰姿葆精氣神而登上壽麒麟
勲業兼齒德爵而稱達尊

壽宗
伯語

槐音

唐尚書省有古槐夜聞絳竹之音
省中必有人相者號音聲木

同奏曲於南

飛梅實和羨共稱觴以上壽黑頭掌部豈曰三台隔於寸雲黃髮作朋猶見廿載在於維枳

取天樂以張瓊筵借桂輪以代華燭交梨火棗供自西池仙曲雲謠傳來金母陟香山之高標停雲而憶白傳

壽司
馬語

德覆邊陲戎狄問其年貌望隆槐棘兒童知其姓名挺白壁於燕臺應黃鍾於緹室家居日月之近可謂地接蓬萊身膺龍虎之符真是威揚朔漠階符同耀拱宸極以常尊神岳比崇鎮坤輿而益固

大呂司晨瑞氣浦睢鳩之署中樞明宿勝事值玉羊之年武庫五兵安貽宇內天門八翼光近日旁恭惟司馬功參造物謀協先天摩霄垣碣之高標挺乎作柱納海洪河之雅量沛然成霖鐵障金城國家仗精神於元老蒼松翠柏夷夏瞻氣色於長安初度筵開丁年無二毛之感千秋業富子夜有四時之歌月既望而北落爭明星方迴而南斗獨燦壯猷貞吉丈人之錫命惟三好德康寧師臣之歛福有五其酌漢水以為漿未酬明德望華封而效祝莫罄私衷伏願恩與日新業隨年峻雲龍風虎六符嘗見昭明地雁天狼萬里永銷氛祲

春先六日之辰。初開八秩。堂闢五知之地。蒲泛千觴。宋任

布拜樞密歸作五知堂謂知恩知道知命知足知止五百半餘。筮舊無移。郭璞三

台中合兆。新有在張華。某偶懷宗慙。乘風遊稱汗漫。遂

踵魏收申雪。禮缺睽違。無能開頃刻之花。姪祝叔故用韓湘子事

凌空駕鶴。有祝駐長生之錄。

六鰲背。上擎山。萬馬群中駐足。隨脚春和。雲擁朱幡而

灑澤。皺膚秋凜。霜疑白筆。以生風。刁斗風清。編列盡怡

怡於平葉。旌旗日煖。節簷免恤。恤於露根。寧曰歌祝華

封竹見杖。頌靈壽。豈待澄清渤海。立觀沙淺蓬萊。

問侶十洲。白鹿與青虬。並駕冥心三景。金書偕玉簡。俱

披花開呈頃刻之奇。藥就秘長生之訣。

照俗長材。屹屹參天一柱。邁倫遠器。滔滔受海百川。遼

海築河。威讜音轟軍中老范。蜀川開府。懷歸夷外。元衡重

聞武悼。以興歌欲填瓠口。再見成巡。而函召。未就金堤。

迦開轉運於江南。河洩保陵於淮右。群策群力。是屈直

陋賈讓三謀。一水一粒。惟憂大侔。劉晏獨運。天上將出

延喜之玉。人間先獻開秩之觴。靈椿別有根。知德施大

而曼壽。仙藥寧無種。見福持厚。而登年。同砥柱。以俟河

清。河一曲。壽一紀。作舟楫。以延迦闕。加千流。齒千齡。其

識闇水理。職忝河官。望戲下。以受成。聽部中。而感澤。乃

於榮壽莫圖老子以呈詩實爲下僚欲祀真公而作記
爰藉野獻用祝天申伏願南極雙星彩艷台垣而靈炳
中流一陣波澄靈瀆以河平

霜飛寶鏢龍光俄傍豐城雪映朱幘鯨浪忽恬彭蠡袍
笏載麗弧矢仍懸客羨長椿八千歲而始閱人逢笑口
塲三萬而初開

雷動星臨五色旌旗朝閃日風高月冷三更刁斗夜飛
霜頃當奏凱之晨正值懸弧之日菊一二花秋未老喜
月朔載出蒼賞雁三四字旭初升恍歲星報傳青鳥此
日何日正椿樹之爲春爲秋公年大年歌臺菜之自出

自北煙清玉帳動懋銅標

節樓清劍履百粵藉以靈長鈴閣擁旌旄九重恃爲神
氣時維九月喜值朔辰朝中方誕瓊龍闔外借資方虎
飭百吏翹然氣色常春誓六師何物精神難老撫三千
苗爲編戶昆虫草木之活卽遐齡納數百里於降城旂
常竹帛之書真壽考此是朱顏之妙藥何須白日之長
繩所願上有黑頭之公輔下多絳縣之老人磐石奠西
陲何必他求岡陵之筭苞桑輦南服此外無復桃椿之
年

六月徂暑唐階開十五之莖五星降庭漢殿獻六千之

果誕降。夏日何須繫白日。於長繩。封畫天山。會且賡南
山。於有栲。斗星三吳之野。剖屋朱絃。東南半壁之天。關
何銅柱。一厦千萬間之旃幪。此外應無壽域。五城十二
樓之縹緲。到處卽是仙槎。

追當年之懸矢志。在天地四方。睠此日之建牙。居然金
城千里。吹噓千萬井烟。比屋皆絳人甲子。調燮七八月
早。此間有莊子春秋。

雲端鷓鴣。慶純嘏之錫從天。灘素鷗飛。警分察之來震
獄。極彩並燄。精廣漢松年。同栢節長春。瑞協南司。懽騰
東土。恭惟台上下。天星孕秀。風節蜚聲。岫聳霜崖。儼顧瞻

於鷓鴣。峰橫海岸。頓歛縮以豺狼。節誼歲寒。行轉陽春
之脚。休徵地陸。開先蓮萼之頭。墀下方炯。法星狐南。忽
輝壽耀。邛山紫氣。業績柱史。以秦蒼。淦水烟波。寧著玄
黃。於唐肅。喜康寧。福壽而就第。詎推世罕。齊賢。張幸弘
雅英秀。以得年。寧羨群空。惠恕。

天開平泰。適明良之相逢。人生於寅。得乾坤之正氣。驄
譁桓馬。雀祝鞏卿。恭惟台臺。天上石麟。身前金粟。麟披
紱而來。黼座補九重之袞。鳥啣花而至。栢藥結千禩之
桃。法星轉春日之遲遲。壽曜燄元晶之炯炯。皎陰霾以
光霽。此間有無限大年。豈動植於陽和。何處更永錫難

老斯即朱顏之駐妙藥何殊紫芝之服詩天家御服紫芝某先觀東旭之光近承西庚之昭歌幽人之

春酒情在公堂之觥頌蘇子之雪衣心懷相閣之鶴所

願麝條棲三千之海鳥蚕葉集九萬之風鵬日方東行

拍掌扶桑之纒曉歲逢初吉遙指古椿之大年錫且無

疆祐斯有秩

夏之時建寅獄氣有時來世上四之日其蚤文星此日

到人間今歲何歲恰是甲辰之雄妙年逢年共稱戊子

之大裴晉公有遺以槐瘦者即中庚威曰此是雌樹生

公問郎年對曰與公同是甲辰公笑曰郎中便是

雌甲辰又程文惠與龐公同戊子生程已貴龐尚小官

常賦龐曰君乃小戊子乎後龐大拜程曰今日大戊子

却為小尊膺白獸漢元日設白獸樽於殿圖獻青牛有

戊子矣老子騎牛圖祝壽者題曰私藏函谷關中子來獻

蓬萊閣上仙但看眉鬚如此老却教龜鶴羨長年

懋著聲華之峻結葱珮於朝行敷歷中外之猷耀金麾

於旬服用作霖雨是生朱綿之辰穆如清風盡解蒼生

之愠威武屏封豕長蛇之跡此間即是春臺旬宣無黃

鳥碩鼠之歌何處更開壽域軍中人呼范老錄上仙有

徐公

魁冠南宮參知東嶽當二陽之漸長肇君臣交泰之期

正萬物之含萌適天地開春之候恭逢初度端邁良辰

欲知今日之青蓮李便是後身之金粟李白詩青蓮居士謫仙人金粟

如來是後身。二具穠桃李。大年不朽於六經。五嶺秀松筠。硬節壁立於萬仞。中書行省十二牧。父讓元功。佗人維藩。五百年必有名世。其踰伏宇下。睇引斗南。百歲祝雀鶴之生長。年同龜鶴之美。捧觴稱壽。雖不能追賓客之塵。舐鼎得仙。猶可以超鷄犬之隊。

一麾五馬。八柱六鰲。柳舒待臘之岸容。春陽在望。放衝寒之山意。壽日初升。民用亨嘉。壽在旄倪之舞。忤物無疵。薦壽在條貫之昭。蘇夜稽乾象。角亢飛落。公堂壽比坤元。甲子謾誇絳縣。莫獻幽公之曰羔。曰羊。僅效鞞卿之祝。雀祝鶴所願。丹青萬古。行看閣上麒麟。黃白九還。

波及鼎邊鷄犬。

長子來熊西甸。嵐烟銷五路。老人呈象東方。花果獻千年。氣走風雷。謀噴江海。將門將子。六面高牙。叢閫外旗正正。而陣堂堂。難兄難弟。七營細柳。遍寰中。綬纍纍而印若若。熊羆入夢。郭令公端是前身。龍虎載輿。李光弼豈知復出人。主柎髀乎。頗牧公侯。屬意乎干城。黃駒少年。裴果常乘駒馬白袍人號為黃駒少年。麒麟標其姓。字青牛。老子龜鶴美其鬚。眉聞蘇學士。誕降當年。見李將軍。同生此日。二月十九。蘇軾生。雖無南飛之佳調。以祝蘇。亦有西平之功業。李以頌李。

悠悠歲籥種種顛毛驚日月之同跳丸笑功名之如嚼蠟方慚老大無聞猥辱殷勤雅贖紫芝瑤草焉知丹洞玄提甘露醴泉投至太清仙酒犬馬之年何煩齒及雲天之誼惟有心銘

蓬矢以射四方負壯心而永慨朱絃之音一唱驚狸耳之未聞同年固有情乎此日何足齒也某讀禹錫前度

看花之詩嗟既往之日月誦令威何不學仙之句占詩有鳥

有鳥丁令威去家千歲今來歸城郭如故人民非何不學仙塚累累希後來之刃圭有損

箋函何殊藥石深慚善頌於富貴何有哉不腆謝言亦貧賤驕人耳

某生長龍巖浮沉駒隙桑蓬有志四方之業罔聞莫茲

無情半生之籌虛度媿茲蒲柳之質僭分椿栢之芬肆

夏清辭陽春寡和摩娑銅狄燕子訓與一老翁共摩娑銅狄日適見鑄此已五百

餘年矣備意氣之相期刻畫無鹽過情文之於粲惠而好

我何以報君

病起

風俗通曰予祖柳為汲令以夏至日請王簿杜宣酒時

壁上赤弩照杯中形如蛇宣惡之便得疾云蛇入腹後

彬使宣於故處設酒杯中復有蛇因謂宣此乃壁上弩

影耳宣意解病遂愈曾書樂廣事相類

風俗通無恙俗說疾也。按上古時草居露宿恙噬虫也。食人心。凡相勞問者曰無恙乎。非為疾也。

戰國策楚王使陳軫之秦。秦王謂軫曰子秦人也。寡人與子故也。子棄寡人事楚王。今齊楚相伐。或謂救之。便或謂救之。不使子獨不可以忠為子計。以其餘為寡人乎。軫曰王獨不聞吳人之遊楚者乎。楚人甚愛之。病使人問之曰誠病乎。意亦思乎。左右曰臣不知其思與不思。誠思則將吳吟。今軫將為王吳吟。史記秦惠王謂陳軫曰子去寡人之楚亦思寡人否。軫曰王聞越人莊烏乎。烏仕楚頃而疾。楚王曰烏故。越之鄙細人也。今仕楚

執珪貴極矣。亦思越不。或曰凡人思故在其疾也。彼思越即越聲不思越即楚聲。使人聽之。猶尚越聲也。今臣誰棄之。楚能無越聲哉。

東漢王良以疾歸。一歲復徵。至滎陽疾篤。不任進道。乃過其友人。友人拒之曰。不有忠言奇而取大位。何其往來屑屑。不憚煩也。良慙。自後良徵不起。

左傳。晉侯疾。夢黃能能奴來功入寢門。厲鬼乎。子產曰。昔堯殛鯀。羽山其神化為黃能。入於羽淵。三代祀之。晉為盟主。其未祀乎。韓宣子乃祀夏。晉侯有間。

左傳。楚子伐蕭。蕭潰。還無社。蕭臣與司馬卯言。號申叔展。

還無社志識展故叔展曰有麥麴乎曰無有山鞠窮乎

因卯呼之使救已二藥皆禦濕叔展曰無河魚腹疾奈何明教之匿於水曰目於脊井而

拯之無社意始解欲入廢井使救

左傳天有六氣淫則生六疾陰淫寒疾陽淫執疾風淫

未疾手足雨淫腹疾晦淫惑疾明淫心疾周官疾醫掌

萬民之疾病四時皆有癘疾春時有痲首疾痲酸痛削首疾頭病也

夏有痒疥疾秋有瘧寒疾冬有嗽上氣疾

灌公孫弘上疏乞骸骨上曰君不幸罹霜露之疾何患

不已

魏賈逵爭公事發憤生瘰欲割之太祖惜之曰十人割

九人炮遠猶割竟愈

漢司馬相如嘗患沾渴卧文園中疾甚上曰可往悉取

其書使往而相如已死家無遺書其妻曰長卿未嘗有

書也時時著書人又取去長卿未死時為一卷書曰有

使來求書奏之其遺札言封禪事所司奏焉

桓譚新論曰余少時見楊子雲之麗文高論不自量年

少新進而猥欲建及嘗激一事而作小賦用精思太劇

而立發疹子雲亦言成帝上甘泉詔召作賦及倦卧夢

五藏出在地以手收肉覺太少精氣一歲亡

魏太祖讀陳琳檄曰愈我頭風晉桓豁子石虔為人勇

讀檄

壯時有患瘡者呼桓石虔以怖之瘡遂愈

晉殷仲堪父患耳聰聞床下蟻動如牛鬪聲

晉庾袞字叔懷咸寧中大疫二兄俱亡次兄毗復病袞獨

親自扶持毗瘥袞亦無恙始知疫癘不能染人

唐張萬福食祿七十年未嘗一日言病

維摩經云是身為灾百一病惱一大增損則百一病生四大增損則四百四病

俱作同時又維摩詰有疾言一切眾生病是故我病眾生得

不病者則我病滅蘇軾詩示病維摩元不病

儻貸季岐伯師岐伯伯高少俞俞跗桐君雷公鬼臾區七臣

皆黃帝臣巫咸堯臣藥方之始

一橘蘇耽母以井水一升橘葉一枝救人疾無不愈者

一杏林董奉閩侯官人有道術為人治病愈者令種杏五株數

年成林有虎衛焉

扁鵲扁鵲姓秦名越人少時為人舍客長桑君遇而奇之授

以禁方飲以上池之水水菊以此視疾盡見五臟癥結魏

文侯問曰汝兄弟三人孰最善扁鵲對曰長兄視色故

名不出家仲兄視毫毛故名不出門鵲鍼人血脉投人

毒藥故名聞諸侯過邯鄲聞貴婦人則為帶下醫過雒

陽聞周人愛老人即為耳目痺醫入咸陽聞秦人愛小

兒即為小兒醫亦名願號太子死扁鵲曰暴蹙而死尸厥

飲食不節。佚勞過度者。疾共殺之。居下位而上忤其君。嗜欲無厭而求不止者。刑共殺之。少以犯衆。弱以侮強。忿怒不量力者。兵共殺之。

埋玉

晉庾亮死將葬。何充會之。歎曰。埋玉樹著泥中。使人情何能已。

易贊

檀弓。曾子寢疾。曾元坐於足。童子執燭曰。華而晡。大夫之簣與。曾子曰。然。子惟季孫之賜也。元起。易簣。元曰。夫子之病革矣。幸而至於旦。敬請易之。曾子曰。爾之愛我也。不如彼君子之愛人也。以德。小人之愛人也。以姑息。吾得正而斃焉。斯已矣。易之。反席未安而沒。

山類

檀弓。孔子蚤作。負手曳杖。逍遙於門。歌曰。泰山其頽乎。梁水其壞乎。哲人其萎乎。既歌而人。子貢聞之曰。泰山其頽則吾將安仰。梁水其壞。哲人其萎。則吾將安做。夫子殆將病也。趨而入。子曰。賜。爾來何遲也。夏后氏殯於東階之上。則猶在阼也。周人殯於西階之上。則猶賓之也。殷人殯於兩楹之間。則猶賓主夾之也。而丘也。殷人也。予疇昔之夜。夢坐奠於兩楹之間。夫明王不興。天下其就能宗予。予殆將死也。蓋寢疾七日而歿。

易

禮。孔子少孤。不知其墓。殯於五父之衢。人之見之者。皆以為葬也。其引也。蓋殯也。葬引與殯引異

禮記

春秋題辭曰。口實曰哈。象生時食也。天子以珠。諸侯以玉。大夫以璧。士以貝。

禮記

禮。知婁考公之喪。徐公使容居來吊哈。曰。寡君使容居坐哈。進侯玉。有司曰。諸侯之來。辱敝邑者。易則易。于則于。易于雜者。未之有也。易。臣禮于。君禮雜者容。居人臣而行君禮也。

禮記

莊子曰。儒以詩禮祭冢。大儒臚傳曰。東方作矣。事之何若。小儒曰。未解裾襦。日中有珠。詩固有之。曰。青青之麥。生於陵陂。生不布施。死何含珠為。接其鬢。以下大儒語。小儒取珠之法。摩壓其顛。傾下。儒以金椎控其顛。徐別其頰。無傷口中珠。

禮記

左傳。秦人來歸僖公成風之襚。成風。公夫人也。公羊云。服曰襚。穀梁云。衾曰襚。

禮記

左傳。襄公朝於荆。康王卒。荆人曰。必請襲。襲亦。魯人曰。非禮也。荆人彊之。巫先拂。極。荆人悔之。使臣當親。祿楚人也。巫祝以桃。菊。先拂。殯君。臨臣喪之禮。

禮記

禮。熬君四種。八筐。大夫三種。六筐。士二種。六筐。加魚腊。熬者。煎穀也。將塗設於棺旁。所以惑蚍蜉。不至於棺也。

禮記

禮。殯。謂之敢塗。又云。君殯。用輶。攢置於上。畢塗屋。攢。聚也。屋。殯上覆也。如屋者。

禮記

大夫殯。用幛。攢置於西序。塗不暨於棺。幛。覆也。暨。及也。大夫之殯。置棺西墻下。就墻攢。其三面。士殯。見衽塗上。塗之不及棺者。言攢中狹小。裁取容棺。

禮記

惟之。又士喪禮。掘。肆。見衽。肆。埋棺之坎也。掘之。於西階上。衽小要也。又帷殯。

非古也。自敬姜之哭穆伯始也。

又殯帷名總帳

棺

檀弓有虞氏瓦棺夏后氏剡周

火熟曰剡燒土也

葉縣令王喬天下一玉棺喬曰天帝召我沐浴寢其中。

葬城東其夕縣中牛皆流汗。

秘器

東漢梁商薨賜東園輜車朱壽器銀鏤黃玉匣梁松薨賜東園畫棺玉匣衣衾晉安平王孚薨給東園温明秘

器又喪車曰輜車一曰柳車

或作柳

噉食

莊子將死曰吾以天地為棺槨日月為連璧星辰為珠璣萬物為齋送葬具豈不備邪弟子曰吾恐烏鳶之食夫子也莊子曰在上為烏鳶食在下為螻蟻食奪彼與

此何其偏也

芟州

晉殷仲堪見流棺葬焉旬日門前溝忽起為岸其夕有人自稱徐玄伯云感君之惠無以報也水有岸為洲君將為州矣果臨荆州

結草

左傳晉魏顆敗秦師於輔氏獲杜回初魏武子有嬖妾武子疾命顆曰必嫁是疾亟則曰必以為殉及卒嫁之曰吾從其治也輔氏之役顆見老人結草以杭杜回回躓故獲之夜夢老人曰余而所嫁婦人之父也爾用先人之治命余是以報

挂回髮

白虎通云在床曰尸在棺曰柩柩寃也不復變也棺亦

日襯以栢木黃心為櫛曰黃腸檀弓云周人墻置嬰櫛

衣也

左傳宋公將死曰惟榻柩所以藉幹者榻柩棺中床也

孔子故人原壤其母死孔子助之沐柳原壤登木歌曰

狸首之斑然執女手之卷然形容木之文潤

檀弓南宮敬叔反失位去魯得反必載寶而朝天子曰若是其

貨也喪位不如速貧之愈也天子居宋見桓司馬自為

石槨二年不成夫子曰若是其靡也死不如速朽之為

愈也

孔叔梁紇葬防山在魯東孔子少孔不知其墓問於聊

曼父之母然後得合葬於防

檀弓孔子曰吾見封之若堂者矣吾嘗封之覆若夏屋

者矣吾見封之若斧者矣吾從若斧者焉馬鬣封之謂

也

太昊葬宛丘在陳州炎帝葬長沙在潭州黃帝葬橋山在上

坊高陽葬臨河縣故城東高辛葬濮陽頓丘女媧葬華

州堯葬濟陰成陽山下穀林今鄆州舜葬九疑永州禹葬會

稽湯葬寶鼎周文武葬京兆咸陽縣界漢高帝長陵在耀州

始光武原陵在洛陽縣界唐高祖獻陵耀州三原縣東太宗昭陵醴

陵九以上十六帝各置守陵五戶春秋祠太牢商中宗

大戊葬內黃縣東武丁葬西華縣北周成康葬畢咸陽界漢文

霸陵長安東宣帝杜陵長安南魏武高陵鄴縣西晉武峻陽陵

洛陽後周太祖文帝成陵耀州富平縣隋高祖文帝太陵武功縣

以上十帝。置三戶。歲享一太牢。秦始皇葬昭應漢惠安

陵景帝陽陵長安東武帝茂陵長安西後漢明帝顯節陵章

帝敬陵並在洛陽東南魏文首陽陵偃師縣後魏孝文帝永寧陵

宣平縣唐明皇泰陵憲宗景陵俱在奉天肅宗建陵醴泉縣宣宗

正陵雲泉縣梁朱太祖興極陵伊門縣後唐莊宗伊陵新安縣

明宗徽陵洛陽東北石晉高祖顯陵壽安縣以上十五帝守兩

戶。二年一祭太牢。周桓王葬澠池靈王葬河南栢亭西周山上

景王葬洛陽城中西漢元涓陵長安成帝延陵咸陽哀帝義

陵扶風平帝康陵長安北和帝慎陵安帝泰陵長安西北順帝順

陵中帝懷陵並洛陽西質帝靜陵桓帝宣陵並洛陽東靈王文陵

洛陽西北獻帝禪陵渭城北魏明帝高平陵河清縣高貴卿公葬

渥澗陳留王塋三原陵鄴西晉惠帝太陽陵洛陽魏文帝葬

富平孝靜帝葬鄴縣唐高宗乾陵睿宗橋陵穆宗光陵

僖宗靖陵並奉天西中宗定陵代宗元陵順宗豐陵文宗章

陵懿宗簡陵並富平縣德宗崇陵敬宗莊陵武宗端陵並三原縣

昭宗和陵河南緱氏縣梁末帝葬伊闕縣後唐末帝葬明宗

陵以上三十八帝常禁樵採此宋乾德四年十月詔也是時江左未平故東晉六

六朝傳記卷之八
朝諸陵多所未考。

呂覽昔王季葬渦水尾水齧其墓見棺之前和文王曰。諱先君必欲一見群臣百姓也。於是出而爲之張朝。百姓皆見之。

秦始皇葬驪山。起墳高五十丈。下周三泉。周迴七百步。以明月珠爲日月。人魚膏爲燈燭。水銀爲大海。金銀爲鳥雁。後項羽燒其官觀。關東賊發之。又牧羊兒亡羊。羊入藏中。持火覓羊。燔其槨。越絕書。闔閭冢在闔門外。下池廣六十步。水深一丈五尺。銅槨三重。墳池六尺。玉覓之流。扁諸之劍三千。方圓

之口三千。干將魚腸之劍在焉。十萬人築治之。築三日而白虎踞上。故號虎丘。

吳闔閭謀伐齊。齊景公女於吳太子。齊女思齊。闔閭乃起北門名齊門。令女遊其上。女思不止。至死曰。令死有知。必葬我海虞山之巔。以望齊國。闔閭傷之。用其言。葬虞山巔。亡何。太子亦死。

東漢扶風梁鴻卒於吳。臯伯通爲求葬地於要離冢旁。咸曰。要離烈士。伯鸞清高。可令相近。

漢書。胡中草白。王昭君冢上草獨青。號青冢。詩。夜夜月爲青冢境。年年雪作黑山花。又楊雄冢曰玄冢。

藍田

漢景太子榮廢為臨江王。坐侵廟壩地為宮。上徵榮榮恐。自殺葬藍田。燕數萬疇土置冢上。百姓憐之。

武庫

史記樛里子卒葬於渭南章臺之東。曰後百年是當有天子宮。夾我墓。至漢興長樂宮在其東。未央宮在其西。武庫正值其墓。秦人諺曰。力則任鄙。智則樛里。

龍耳

晉簡文聞郭璞為人相地。微服觀之。謂主人曰。此葬龍角。必滅族。主人曰。郭璞云。此是龍耳。三年當有天子至。帝曰。出天子邪。主人曰。非出天子。能致天子也。

折臂

晉有相羊祐墓。當有受命者。祐掘斷地勢。以壞其形。相者曰。猶出折臂三公。俄祐墜馬折臂。位至三公。

牛眠

晉陶侃微時將葬父。家忽失牛。而不知所在。遇一老父。謂曰。前崗見一牛眠山汗中。其地若葬。位極人臣。又指一山云。此亦其次。當世出二千石。侃尋牛得之。因葬其處。以所指別山與周訪。訪父葬焉。自訪以下三世為益州果如其言。

蜜飯

漢袁安葬母。逢書生語其葬地。遂至四世三公。其後公路驕奢。常食蜜飯。諸女以絳為地遊行其上。此葬地所致也。

青鳥

相冢書曰。青鳥子稱山三重相連。名連傘山。

葬之二千石

便房

漢霍光死。賜便房黃腸題奏各一具。

便房藏中便坐也。以栢木黃心致累。

棺外。故曰黃腸木頭。
皆內向。故曰題奏。

一節連

霍去病死。上悼之。發玄甲軍。自長安至茂陵。為冢象祁連山。

漢滕公夏侯嬰死。公卿送葬。至東都門外。馬不行。踏地悲鳴。得石槨。有銘曰。佳城鬱鬱。三千年見白日。吁嗟滕公居此室。乃葬斯地。謂之馬冢。

一節連

搜神記。宋大夫韓馮取妻而美。康王奪之。俄而馮自殺。妻乃陰腐其衣。王與登臺。遂自投臺下。左右攬之。衣不中手。遺書於帶曰。王利其生。不利其死。願以尸骨。賜馮而合葬乎。王怒弗聽。使里人埋之。冢相望也。宿昔有文。

梓木生於二冢之端。旬日而大。合抱。屈體相就。根交於下。又有鴛鴦雌雄各一。恒棲樹上交頸。悲鳴。宋人哀之。號其樹曰相思樹。

一節連

孝經。卜其宅兆而安厝之。

宅墓穴兆塋域

左傳。惟是窀穸之事。

長埋曰窀。長夜曰穸。

葬下棺曰窆。壙中曰穿。

一節連

中亦曰方中。墓曰玄廬。黃壚壤。屢葬亦曰坳。

死曰卽世。先朝露。捐館舍入殮。曰就木。棺曰禫。傍聚俚喪車。曰輓。輓自縊曰投繯而死。亡而焚之曰衣薪。將死曰龍蛇之年。不以壽終曰葬鮮。權攢曰槨葬。束茅為明。器曰芻靈。明器曰偶車馬。木寓龍木寓駟亦曰下里偽物。魃頭。

曰靈舫已治墳曰松區已剪

檀弓。楮幕丹質。蟻結於四隅。以丹布幕為楮。葬覆棺不墻不窆。畫楮四角。其文如

蟻往來交錯

漢楊王孫病且死。令其子曰。吾欲羸葬。以及吾真。必毋易吾意。死則為布囊盛尸。入地七尺。既下。從足引脫其囊。以身親土。又皇甫謐。篤終論。奢不石。槨儉不露形。平生之物皆無自隨。惟齋孝經一卷。示不忘孝道。遽除之外。便以親土。土以地平。還其故草。

東漢周磐命二子。寫堯典一篇。刀筆各一。置諸棺。示不怠聖道。又盧翻遺令。以老子兩卷。葬。示存道德。

檀弓。子路曰。傷哉貧也。生無以為養。死無以為禮。子曰。

歛手足形。還葬。不待日月而無槨。稱其財。斯之謂禮。

韓子云。墨者之葬也。冬日冬服。夏日夏服。桐棺二寸。執喪。二日。淮南子云。禹之時。死陵。葬陵。死澤。葬澤。

周禮。方相氏。職掌蒙熊皮。黃金四目。玄衣朱裳。執戈揚盾。帥百隸。引喪及墓。以戈擊方隅。

魏明帝。鑄銅人二。列司馬門外。號翁仲。今借言家。閭石人。

風俗通。墓上栢樹。路頭石虎。魍魎好食。亾者肝腦。故方相氏入墟。馭魍魎。而魍魎又畏虎。與栢。故樹栢立虎。

一非建

述異記陳倉人有得異物者衆不能名忽二童子至云此名媪亦名弗述嘗在地下食死人腦若欲殺之栢葉挿其頭。

一樂丘

檀弓公叔文子升斂丘曰樂哉斯丘死則我欲葬焉。

一井桑

蜀何祗夢井中生桑趙直曰桑非井中物井中亦非生桑之所桑字四十八恐君壽不得過此祗曰足矣又魏管輅字公明自嘆曰天與我才不與我壽恐四十七八間不見女嫁男娶婦也果四十八卒。

一張邈

張邈奉使夢狼咬一脚索統曰脚肉被咬爲却字不行不應命而卒。

一疑衰

晉王導字茂弘夢人欲以百萬錢買長男悅後掘得錢百萬甚惡之俄而悅卒。

司服職云王爲三公六卿錫衰爲諸侯緦衰爲大夫士

疑衰其首服皆弁經君爲臣服吊服也錫麻之滑易者疑之言疑也疑於吉也

服問云成壙而歸不敢入處室居于倚廬哀親之在外

也寢苦枕塊或作哀親之在土也故哭泣無時服勤三

年思慕之心孝子之至也。

一苴

禮苴杖竹也削杖桐也苴色黦也至痛于心而必累苴象其色也必用竹者體圓性直

四時無改明子爲父禮自然圓足有終身之痛焉削者制奪其貌不使苴也必用桐者明子爲母貌雖殺于父而終心之痛則與父同

家

檀弓。曾子曰。彼吾執親之喪也。水漿不入口者七日。子思曰。先王制禮也。過之者俯而就之。不至焉者跂而及之。故君子執親之喪也。水漿不入口者三日。杖而後能起。

禮

禮。父母之喪。既虞卒哭。既葬而反祭。以安神曰虞。疏食水飲。不食菜果。菘而小祥。食菜果。又菘而大祥。食醯醬。中月而禫。禫而飲醴酒。

禮

曲禮云。居喪未葬。讀喪禮。既葬。讀祭禮。喪復常。讀樂章。居喪不言樂。祭祀不言凶。

禮

檀弓。邾人有兄死而不為衰者。聞子臯為宰。遂為衰。邾

猶猶

人曰。蠶則績而蟹有匡。范則冠而蟬有綏。兄則死而子臯為之衰。

南宮縚之妻之姑之喪。夫子誨之。髻曰。爾無扈扈。爾無

從從。從從。太高。扈扈。太廣。又喪事雖遽。不凌節。故騷騷。爾則野。太疾。

鼎鼎。爾則小人。舒。太疾。君子蓋猶猶。爾舒疾之中。

菰廬

魯哀公喪父。孔子問曰。寧設菰廬乎。哀公曰。菰廬起。太公太公出使。聞召公崩。還赴喪。故作菰廬。

菰我

晉王褒字偉元。其父不以命終。褒廬墓側。旦夕攀號。淚着栢樹。樹為變色。門人講誦。廢蓼莪之篇。

手丹

陳留耆舊傳。李玄喪父。廬冢側。有盜斫栢者。手丹之。

王駿

曾參喪妻不更娶。人問之曰：華元善也。漢王駿妻死，不娶。或問之，駿曰：德非曾參，子非華元，何敢再娶？魏管寧妻卒，人勸更娶，寧曰：每省曾子王駿之言，意嘗嘉之，豈違本心？

鼓盆

莊周妻死，鼓盆而歌。

炊日

雜俎云：王生善占夢。賈客張瞻將歸，夢炊日中，生曰：君歸不見妻矣。白中炊無釜也。

炊日

潘岳誄楊仲武曰：德宮之喪。

謂妻喪

東漢符融貧，妻亾，無以殯，鄉人欲為備，融不受，曰：古之葬者，棄之中野，惟妻子可以行其志。

素野

公身

世說：荀奉倩妻曹氏，有艷色，妻嘗病熱，荀恒以冷身熨之，妻亾，傷神，亦遽絕。

伉儷

世說：孫楚妻亾，為詩悼之，以示王武子。武子見之，曰：未知文生於情，情生於文，覽之，悽然增伉儷之重。

公明

禮：子夏喪其子而喪其明，曾子吊而怒之，曰：喪而子喪而明，爾罪三也。

情鐘

晉王衍喪幼子，山簡吊之，衍悲不勝。簡曰：孩抱中物，何至于此？衍曰：聖人忘情，最下不及情，情之所鍾，正在我輩。

輩

延陵季子適齊，其長子死，葬贏博之間，還封，且號者三。

東門
曰骨肉復於土命也夫

列子云東門吳子死不哭其相曰公之愛子天下無有死而不哭何也吳曰吾嘗無子無子時無憂今子死乃與向無子同吾何憂

晉王徽之與獻之俱病術人曰應終而有主人樂代則死者可生徽之曰吾才不如弟請代術人曰凡代死者已年有餘今君與弟笑俱盡何可代乎獻之卒徽之奔喪不哭直上靈床坐取獻之琴彈之久而不調曰子敬人琴俱亡因一慟而絕

喪大記復有林麓則虞人設階無林麓則狄人設階階所階

以升屋狄人檀弓云復盡愛之道有禱祀之心焉北面

求諸幽之義也升屋而號曰皇其復復謂招魂男子稱名女子稱字北面

三號卷衣換于前

離騷招魂者宋玉之所作也玉哀屈原忠而斥棄憂愁

山澤魂魄放逸厥命將落故作招魂欲以復其精神延

其年壽外陳四方之惡內崇楚國之美以諷懷王冀其

悟而還之也按此則生者之魂亦用招

儀禮士喪禮重木刊鑿之甸人置中庭參分庭之南幕

用疏布祝取銘置於重重刻木為之長二尺置中庭土

未曰某氏之柩懸于重既

虞則設主始撤重埋之

白鶴

晉陶侃親喪有人吊之化白鶴飛去

青蠅

漢虞翻放棄南方自恨疏斥當長沒海隅生無可與語死以青蠅為吊客天下一人知己者足以不恨以典籍

自慰

常室

左傳齊侯遇杞梁之妻于郊使吊之辭曰殪之有罪何辱命焉若免于罪猶有先人之敝廬在下妾不得與于郊吊齊侯吊諸室

漢龔勝死有老父來吊其哭甚哀既而曰嗟乎薰以香自燒膏以明自銷龔生竟天天年非吾徒也遂趨而出莫知其誰

鼓琴

晉顧彥先好琴及卒家人嘗以琴置靈床上張奉鷹吊之鼓數曲呼曰顧彥先頗復賞此不因慟而出

易弱

晉何劭亡養子岐為嗣袁粲吊岐辭以疾粲獨哭而出曰今年必下婢子品王詮謂之曰知苑吊苑何必見生岐前多罪爾時不下何公新亡便下岐品人謂忠正畏強易弱粲乃止

泉酒

漢郭林宗親喪徐孺子以絮漬酒裹炙鷄往吊之置生芻一束于前而去主人以告林宗曰必徐孺子也

方外

晉阮籍母喪裴楷吊之籍卒登床直視楷行吊禮或問主人不哭何以行禮楷曰籍方外士我俗中士時議以

為兩得。

謂美

檀弓。子游禭裘。見而吊。曾子非之。主人既小歛。袒括髮。子游襲裘。蔽美。帶經而入。曾子曰。我過矣。我過矣。夫是也。

主乃變客亦變

賁財

白虎通。賁財曰賻。車馬曰賵。玩好曰贈。衣被曰襚。春秋題辭云。知生則賻。知死則賵。穀梁云。歸死者曰賻。歸生者曰賵。

賵驂

禮。孔子之衛。遇舊館人之喪。使子貢脫驂賻之。子貢曰。於門人之喪。未有所脫驂。脫驂于舊館。無已重乎。子曰。予向者入而哭之。遇于一哀而出涕。予惡夫涕之無從。

也。小子行之。

禮賵

禮。子柳之母死。既葬。子願欲以賻布之餘。具祭糶。子柳曰。不可。吾聞之。君子不家于喪。請頒諸兄弟之貧者。

賵

漢。周勃吹簫送葬。

麥舟

宋。范堯夫舟有五百石麥。與石曼卿助葬。

會葬

東漢。郭泰卒。四方會葬者千餘人。又劇孟母喪。送葬車

千乘。又樓護。出入五侯門。母喪送葬。車二千兩。人語曰。

五侯治喪。樓君卿。

車

後漢。范式。

字巨卿

與張邵友。

邵字元伯

邵卒。式夢邵呼曰。巨卿。

吾以某日死。某時葬。子豈能相及。式馳赴之。未至而喪

發

已。發將至壙。柩不肯進。其母撫之曰。元伯豈有望耶。移時。見有素車白馬。號哭而前。母曰。必巨卿也。式因執紼。引柩乃前。式又嘗受秦太學。長沙陳平子病。謂妻曰。吾聞山陽有范巨卿。烈士可以託。吾沒後。但以尸埋巨卿戶前。乃裂素書遺巨卿。時式出還。省書。悽愴。向壙哀哭。以為死友。營護平子妻兒。自送喪于臨湘。未至四五里。委素書于棺上而去。其兄弟聞之。尋求不復見。

晉鍾會大辟。向雄葬之。帝責之曰。王經死。哭東市。我不問。今會叛逆。敢于收骨。如王法何。雄曰。先生掩骼埋胔。今誅已備法。雄感義而葬。法立于上。教弘于下。何必使

一著

雄遺生。替死。殿下。讐枯骨于中野。為將來仁賢之資乎。漢王父偃有貴幸。客數千。及死。無人視。獨孔車收葬。上聞之。以車為長者。

一著

漢梁冀誅李固。露尸于四衢。弟子郭亮往哭之。亭長呵之。亮曰。義之所重。何以相懼。太后聞之。聽收葬。

一著

竇武誅。後府掾胡騰。少師事武。獨殯葬。行服收武。孫為已子。與娉娶。還本姓。

一著

吳諸葛恪誅。臨淮臧均。乞葬。曰。均恨樂布。不先請而專名。以肆情。得不誅為幸。臣不敢率也。

一著

左傳。鄭人相驚。以伯有良至矣。或夢伯有介而行。曰。壬

子。余將殺帶也。明年壬寅。余又將殺段也。及壬子。駟帶卒。明年壬寅。公孫段卒。國人愈懼。子產乃立良止以撫之。乃止。曰：鬼有所歸。乃不為厲。吾為歸也。

趙同

左。晉侯殺趙同。趙括及疾。夢大厲鬼披髮搏膺而踊。曰：殺余身不義。余得請于帝矣。

良夫

左。衛侯殺渾良夫。夢見北宮人。被髮。北面。譟曰：予為渾良夫。呼天云無辜。

申生

左。晉狐突適下國。見太子申生。申生曰：夷吾無禮。吾將請于帝矣。將以晉俾秦。

莊伯

墨子。周宣王殺杜伯。不以罪。後王田于圃。見杜伯執弓

矢射王。伏弓衣而死。

彭生

左。齊侯田于貝丘。見大豕。從者曰：公子彭生也。豕人立而啼。

灌夫

漢。田蚡殺魏其侯灌夫。蚡疾。一身盡痛。若有擊者。呼伏謝罪。上使視鬼者視之。曰：魏其侯灌夫。其咎也。

王弼

晉。陸雲字士龍將宿故人家。夜迷路。忽見火光。急趨寄宿。見一少年。美風姿。其談老子。辭致深遠。曉辭去。至故人家。云：此數十里。無人居。却尋。乃至王弼墓。雲自此談玄大勝。

晉。阮瞻字千里著無鬼論。有客來論甚苦。客遂作色曰：僕

客死

六月。徐嶺卷之八。

卽鬼也。因不見。

蜀縻竺字子仲家累萬。從洛還家。一婦求車寄載。行二十

里。婦謝去。曰：天使我往東海。燒縻竺家。感君義。故相告。

竺懇請。婦曰：不可。君快行。我緩行。竺恐歸。盡出財。日中

果發火。

蔣濟字子通妻夢。夢見兒曰：今為太山伯。憔悴困苦。不可言。

今廟西有謳士孫珂。為太山。今願屬珂。轉我樂處。蔣訪

得珂。言之。珂許。後夢曰：已得轉太山錄事。

搜神記：蔣子文者。廣陵人也。嗜酒好色。嘗自謂已骨青。

苑當為神。漢末為秣陵尉。逐賊至鍾山下。賊擊傷額。解

縛之。有頃死。吳大帝初。其吏見子文于道。乘白馬。執

白羽扇。侍從如平生。文曰：我當為此地神。為吾立祠。不

爾。使蟲入耳。吳主以為妖。弗聽。後果蟲入耳。輒死。又曰：

不祠。我當有火。後又數有大火。吳主患之。封為都中侯。

立廟。改鍾山為蔣山。以表其靈。

隋韓禽字子通。即擒虎其隣母見禽門下儀衛。有同王者。母異

而問之。曰：我來迎王。又有人疾。忽驚走至人家。曰：我欲

謁王。左右問何王。曰：閻羅王。禽子弟欲撻之。禽止之。曰：

生為上柱國。死作閻羅王。足矣。因寢疾卒。

唐李賀夢人持版告曰：天帝白玉樓成。請君為記。賀遂

卒。

芙蓉

趙宋一朝士見美女三千餘。靚粧麗服觀文丁。度按轡于後。後一人謂士曰。迎芙蓉館主俄而度卒。又石曼卿死。有見其乘青驃如飛者。曰。我今爲仙。所主芙蓉城。

薤露

挽歌有薤露蒿里二章。出田橫門人橫自殺。門人傷之。悲歌言人如薤上露。易晞滅也。亦謂人死魂歸蒿里。故有二章。至李延年乃分爲二曲。薤露送王公貴人。蒿里送士大夫庶人。使執紼者相和歌之。薤露曲曰。薤上朝露何易晞。露晞明朝更復結。人死一去何時歸。蒿里曲曰。蒿里誰家地。聚歛魂魄無營鬼。鬼伯一何相催促。人

生不得少踟躕。

鬼燄

晉陸機挽歌。重阜何崔巍。玄廬窳其間。磅礴云四極。穹崇效蒼天。側聽陰溝涌。卧觀天井懸。壙甯何遼廓。大暮安可晨。人往有返歲。我行無歸年。昔居四人宅。今與萬鬼隣。昔爲七尺體。今成灰與塵。金玉昔所佩。鴻毛今不振。豐肌享螻蟻。形骸永夷泯。壽堂延魍魅。虛無自相賔。螻蟻爾何怒。魍魅我何親。拊心痛荼毒。永嘆莫爲陳。古墟墓詩。去者日已疏。生者日已親。出郭門直視。但見丘與墳。古墓犁爲田。松柏摧爲薪。白楊多悲風。蕭蕭愁殺人。思還故閭里。欲歸道無因。

川閱水以成川。水滔滔而日度。世閱人而爲世人。冉冉而行暮。人何世而弗新。世何人之能故。亮造化之若茲。吾安取夫久長。痛靈根之夙殞。怨具爾之多喪。悼堂構之隕瘁。愍城闕之丘荒。親彌懿其已逝。交何戚而不忘。彌年時之詎幾。夫何往而不殘。或冥邈而旣盡。或寥廓而僅半。信松茂而栢悅。嗟芝焚而蕙嘆。苟性命之弗殊。豈同波而異瀾。年彌往而念廣。塗薄暮而迫迫。顧舊業于遺存。得十一于千百。

夫何天地之遼濶。而人生之不可久長。日引月而並隕。時惟歲而俱喪。徒假顛于瀆史。指夕景而爲誓。忽呼吸而不振。奄神徂而形弊。于是六親雲起。姻族如林。爭塗掩淚。望門舉音。敷幄席以悠想。陳備物而虞靈。仰寥廓而無見。俯寂寞而無聲。敬饌饌其不毀。酒湛湛而並盈。屯送客于山足。伏延道而哭之。扃幽戶以大畢。沂玄闕而長辭。歸無塗兮往不返。年彌去兮逝彌遠。彌遠今日隔。無塗兮曷因。庭樹兮葉落。墓草兮根陳。

粵以戊辰之年。建亥之月。大盜移國。金陵瓦解。某年始二毛。卽逢喪辭。狼狽流離。至于暮齒。燕歌遠別。悲不自勝。楚老相逢。泣將何及。鍾儀君子。入就南冠之囚。季孫行人。畱守西河之館。申包胥之頓地。碎之以首。蔡威公

之淚盡加之以血。孫策以天下爲三分。衆纔一旅。項羽用江東之子弟。人惟八千。遂乃分裂山河。宰割天下。豈有百萬義師。一朝卷甲。芟夷斬伐。如草木焉。江淮無涯岸之阻。亭壁無藩籬之固。將非江表王氣。應終三百年乎。嗚呼。山岳崩頽。旣履危亾之運。春秋迭代。必有去故之悲。天意人事。可以愴悽傷心者矣。

鼓衰兮力盡。矢竭兮弦絕。白刃交兮寶刀折。兩軍蹙兮生死决。降矣哉。終身夷狄戰矣哉。骨暴沙礫。鳥無聲。山寂寂。夜正長。今風淅淅。魂魄結。今天沉沉。鬼神聚。今雲黯黯。日光寒。今卓短。月色苦。今霜白。傷心慘目。有如是耶。蒼蒼蒸民。誰無父母。提携捧負。畏其不壽。誰無兄弟。如足如手。誰無夫婦。如賓如友。生也何恩。殺之何咎。其生其歿。家莫聞知。人或有言。將信將疑。悄悄心目。寢寐見之。布奠傾觴。哭望天涯。天地爲愁。草木妻悲。吊祭不至。精魂何依。必有凶年。人其流離。嗚呼噫嘻。時耶命耶。從古如斯。爲之奈何。守在四夷。

六朝餘韻八卷終



國家圖書館, NATIONAL CENTRAL LIBRARY, TAIWAN, R.O.C.